

Ex libris Recollectorum

OSTEOLOGIA

EX VETERVM ET RE-
CENTIORVM PRAECEPTIS

Conventus descripta. *Parisiensis*
In qua continentur.

Isagogica de Ossibus Tractatio, cum Osteologia
infantium vsque ad seipennium, per
IOANNEM RIOLANVM.

Claudij Galeni liber de Ossibus ad Tyrones.

Et in eundem librum,

Iacobi Syluij in Academia Parisiensi Professoris
Regij Commentarius.

Joannis Riolani in eadem Academia Anatomes & Phar-
maciae Professoris Regij Explanations Apologeticae, pro
Galeno aduersus nouitios & nouatores Anatomicos.

Simiae Osteologia, siue ossium Hominis &
Simiae comparatio.

Osteologia ex Hippocratis libris eruta, collecta, &
in ordinem digesta.



PARISIIS,
Ex Officina ADRIANI BÉRIER.

M. DC. XIII.

21846

Handwritten text at the top of the page, possibly a title or header.

Handwritten text on the left side of the page.




Handwritten text at the bottom center of the page.



CLARISSIMO

VIRO CAROLO DE
L'ORME, CHRISTIANISSIMI
Galliarum & Nauarræ Regis
Ludouici XIII. Confiliario, &
Medico Cubiculario dignissimo.

IOANNES RIOLANVS S.

 Felices artes Fabius existimabat, si de illis soli artifices iudicarent. Nec enim ad alios pertinere videtur in arte aliqua controuersie cognitio, quàm ad eos quos eruditio & peritia supra vulgus commendat. Ego vero summi Philosophi edicto more gerēs, α τὸν δ' εὐδιδόναι τὰς εὐθύνας ἐν ἰατρικῇ. Huius meae velitationis aduersus recētiōres Anatomicos suscepta, causas tibi Vlmæ doctissime, aperiam; ut de omnibus dissidijs Anatomicis tanquam alter Palæmon, Phœbo antè a-

Virgil.

lios delectus, cuique suas artes, sua muna-
nera lætus Apollo concessit, sentetiam feras
aquisissimam. Ad hanc igitur VLMVM veluti
Dodonaum Medicina oraculum conuersus, vt
ille apud Poëtam,

Virgil.

--pecorisque magistris,
Velocis iaculi certamina ponit in Vlmo.
Omnes Anatomicos licet vita functos, sed me-
liore sui parte libris suis aduc viuentes, &
tanquam presentes antestor, & ad tua doctri-
na ac veritatis tribunal sisto, vt me postulan-
te, atque perorante, nota critica in Galeni li-
bros Anatomicos eblaterata obliterentur, Ari-
starcorum virgule censoria, & obelisci aduer-
sus Galenum inconsideratè producti effrin-
gantur. Galenus vero omnibus calumnijs li-
beratus, vt vniuersæ Medicina, sic Anatomicæ
scientiæ parens fidusque præceptor habeatur,
atque prædicetur,

Lacret.

Ipse sapit solus, reliqui velut vmbra va-
gantur.

Hunc cum viderem ab Anatomicis, ob leuif-
simos errores iniquè flagellatum, ab illis gra-
uiores commissos fuisse, mei muneris esse duxi,
antipelagiam illam quam in discipulis requi-
rit Hippocrates, præceptor Galeno rependere:
vestigia secutus optimi Syluii mei antecesso-

ris, qui iam dudum hoc pietatis officium Gale-
no præstiterat. Verum enimvero cum in uni-
uerso orbe,

Nullus sit lucus, quo plus se iactet A. Virgil.
pollo,

*Quam Academia Parisiensis, in hac Galenus
semper inuenit, & habet adhuc suæ doctrinæ
fautores ac deffensores acerrimos, Medicos
Parisenses.*

Qui proprium decus, & partum indi-
gnantur honorem Virgil.

Ni teneat, Galenus vitamque volunt pro
laude pacisci.

Me quoque principibus permistū agnos-
cit Achiuis.

*Inter illos mediocrem rei Anatomica peri-
tiam improbo labore consecutus, quantum in
me fuit elaboravi, ut Galeni doctrina Anato-
mica sarta tecta conseruaretur: quod in ossibus,
hoc libro perfeci, idem in reliquis libris Ana-
tomicis adspirante Deo factururus. Cum autē ti-
bi, Vlmæ doctissime, sim multis nomini-
bus deuinctus, forsan apud alios ridiculus ero,
si gratias referre, & accepta beneficia compen-
sare velim, more illarum gentium, quæ in com-
mutationibus rerum, non alia moneta quàm
ossibus humanis vtuntur; dum sceletum homi-*

nis, osseum, & chartaceum tibi dono, & nuncu-
po. Munus me herculè, Medico non indignum,
neque sordidum. Fingit enim Hesiodus Pro-
metheum studio fallendi Iouem, bouis carnes
ab ossibus separasse, & unumquodque corio
dolosè contexisse, ut eligeret quod sibi iube-
ret. Iouem vero non ignaram doli, de indu-
stria opertum illud osseum, acceptasse, & ab
eo tempore ossa diis offerri solita.

In Theo-
gonia.

ἐκ τῆς δὲ ἀθανάτοισιν ἐπὶ χθονὶ φύλ' ἀν-
θρώπων
καί σ' ὅς' ἔα λευκὰ θυπέτωι τε φελαγερῆτα
Ζεὺς.

Non igitur sordere debet nostrum leuidentse
munusculum, si dijs placent ossa, si diuinus
Hippocrates, Apollini Medicinæ parenti cada-
ueris humani cratem osseam dicauit. Pyttacus
ex victima misit Aegyptiorum Regi linguam
veluti partem optimam, eamque pessimam,
Nos ex sacrificio Anatomico, quod Taurorum
Hecatombis Galenus præfert, decerpimus ossa,
reiectis carnibus, tibi consecranda, in augu-
rium tue felicitatis.

Viagil.

Quam Phœbo pater omnipotens, mihi
Phœbus Apollo prædixit.

*Vt enim in condenda Roma effosum caput
 osseum, imperium huic urbi portendit: Non
 dissimili euentu ossa quæ diutissimè incorrupta
 perennant, tui nominis eternitatem ominan-
 tur, & ego spondere ausim: non ea fiducia
 quâ olim Apion Grammaticus, publicæ famæ
 tympanum immortalitate donari à se scripsit,
 ad quos aliqua componebat. Sed certo vati-
 cinio fretus, quod ex tua singulari & eximia
 eruditione cōcepi. Cuius benigno adspēctū, ossa
 hæc inanima, vitalique spiritu priuata af-
 flari efflagito: ut genio tuo vitam inspirante
 reuiuiscant, formam splendorēque suum ob-
 tineant, quem ab ingenio authoris sperare ne-
 queunt. Equidem ut ingenuè fatear,
 Semiputata mihi frondosa vitis in V. L. *Virgil.*
 M O est.*

*Ta florentem & fecundam reddes, si tuæ ami-
 citiæ nexu roboraueris, tuæ doctrinæ fulgen-
 tibus radiis illustraueris. Hanc gratiam si abs
 te impetraro, omnibus hic liber probabitur, &
 edera crescentem ornabis Anatomicum, *Virgil.*
 inuidia rumpantur, ut ilia Codro. Atque
 in tanti beneficii gratiam recordationem,*

*- Si quis tamen, hæc quoque si quis,
 Captus amore leget, te nostra V. L. M. A. E. E.
 Theatra*

Señti hominis referent, Nec Phœbo gra-
tior vlla est,
Quam sibi quæ V L M A E I præscripsit pa-
gina nomen.

Virgil.

*Securus ergo contra vitiligatores. Non ego
quemquam iudice te metuam, si nun-
quam fallit imago, & inuidorum caninos
dentes, si arroserint hac ossa, non perhorrescam,
vel si ledere, aut elidere præsumpserint, forti-
ter eludam, modo mihi præsens adsit auxi-
lium & fomentum V L M V S, cuius virtute
benigna & suavi, fracta ossa conferuere atque
per sanari queunt: in hoc voto desino & con-
quiesco.*

Dioscorides.

OSTEOLOGIA:

EX VETERVM ET RE-

CENTIORVM PRÆCEPTIS

DESCRIPTA.

In qua continentur

Isagogica de Ossibus Tractatio; per
Ioannem Riolanum.

Claudij Galeni liber de Ossibus ad Ty-
rones.

Et in eundem Librum,

Iacobi Syluij in Academia Parisiensi
Professoris Regij Commentarius.

Ioannis Riolani in eadem Academia
Anatomes & Pharmaciae Professoris
Regij Explanationes Apologeticae,
pro Galeno aduersus nouitios & no-
uatores Anatomicos.

Osteologia ex Hippocratis libris eruta,
collecta, & in ordinem digesta.



PARISIIS,

Ex officina ADRIANI PERIER.

M. DC. XIII.

OSTROLOGIA

EX VENTURA DE RE-

STITUTIO ILLUSTRATA

AB A. G. L. A.

PER A. G. L. A.

PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.

PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.

PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.



PER A. G. L. A. PER A. G. L. A.
PER A. G. L. A. PER A. G. L. A.
PER A. G. L. A. PER A. G. L. A.



PHILIATRIS
LECTORIBVS ET
AUDITORIBVS SVIS,

Ioannes Riolanus.

VOBIS, quotquot estis præ-
sentes & futuri Medicina
studiosi, dicatus & inscriptus
est Galeni liber, meûsque Com-
mentarius : proinde mei instituti ratio-
nem accipite. Consueui quotannis reuer-
tente hyeme ad erudiendos Medicinæ
Tyrones, rudimenta vel potiùs funda-
menta nostræ artis Anatomica præcepta
exponere atque demonstrare, quorum

A ij

principium est Osteologia; quam superioribus annis modò ex stylo & ingenio meo dictavi, modò ex mente & doctrina Galeni sum interpretatus. Nunc pertasus toties recocta crambes, & iteratae scriptiois Galeni doctrinam de ossibus in publicum emitto, Syluij meisque commentarijs illustratam, ut vestra meaque commoditati consulerem. Sic enim onere scribendi subleuati, rem ipsam ob oculos positam, & viua voce explicatam auidius inspicietis, attentius auscultabitis, & fideliùs retinebitis. Ego verò dictandi labore liberatus, id solù deinceps agam ut accurata ossium demonstratione mentem & doctrinam Galeni aperiam, Syluij interpretationem, meumque sensum obseruaturus. Verùm ut nouam de ossibus doctrinam, quadantenus à vetere verâ quidem, sed innumeris difficultatibus obscuratâ discrepantem discernatis

Breuem & perspicuam Osteologiae isagogen ex praeceptis recentiorum Anatomicorum meisque observationibus conditam Et concinnatam praemisi, quae viam sternet ac praeparabit ad librum Galeni multis controuersijs intricatum, quas omnes in meo & Syluij commentario solutas enodatasque facilius intelligetis, iam ex isagoge rudem ossium cognitionem adepti: ita ut haec repetitio haud futura sit inutilis & infructuosa. Quem etiam ordinem deinceps in docendo sequar, ut prius demonstratus ossibus ex doctrina recentiorum, postea secundum expositionem Galeni eadem ossa sim repetiturus. Hunc authorem elegi tanquam antesignanum Et Anatomicorum Antistitem, atque ut ostenderem Galeni doctrinam de Ossibus hoc libro descriptam, falso & iniuste à junioribus Anatomicis Vesalio, Fallopio, Columbo re-

prehensam atque repudiatam fuisse. Illi enim *Anatomen Galeni* in nulla parte magis erroneâ & falsam esse iudicarunt, quam in ossibus & musculis: quam si veram & probabilem in ossibus proba- uero, quis non animaduertet & fatebi- tur, satius esse ex ipso Galeno artis Ana- tomicæ fonte uberrimo, doctrinam pu- rissimam haurire, quàm riuulos recētio- rum exquirere & consēctari. Verùm ad explanandas Galeni salebras, Syluij Commentarium retinui, meoque copu- laui; cùm nullus ex interpretibus men- tem Galeni rectiùs assequutus fuerit, si- deliùs & breuiùs exposuerit. Fallopij & Ingrassie commentarij proluxiores sunt, quàm ut queant etiam à patientis- simo lectore attentè perlustrari, nec ra- ram & exquisitam doctrinam continēt. Fallopius nihil simile suis obseruationi- bus Anatomicis eruditissimis unquam


parturiuit. Ingrasſias ingenti garrulitate parum facunda & ſæcunda, ſimulque rerum & textuum inutili repetitione lectorem obruit. Solus Syluij commentarius breuis & perſpicuus, ad Galeni mentem, illiúſque patrocinium ſcriptus atque ſuſceptus eruditis placet. Huic meos labores attexere & coniungere auſus fui, conditionis & profeſſionis quodã priuilegio, tãquã illius ſucceſſor in rebus Anatomicis. Nos etenim eadem voluntas publicandi Anatomen in Academia Pariſienſi, ſi non æqualis doctrina, (quæ maior eſt in Syluio) ad profeſſionem Regiam Anatomicam euexit. Quapropter Deum precor ut bene ſit Manibus mei Anteceſſoris Syluij, poſſimque illius virtutem & eruditionem ſi non aſſequi, ſaltem imitari.

Cum me Phœbus amet, Phœbo sua
semper apud me
Munera sunt ossa, & suauè rubens
hyacinthus,

ISAGOGICA
DE OSSIBVS
TRACTATIO,

Per Ioannem Riolanum.

SECTIO I.

 RATIONIS duplex esse genus, quod vsurpatur in explicatione alicuius rei, Galenus litteris prodidit Comment. ad part. 4. lib. 1. de fract. & cap. 1. lib. Synopf. de pulsib. Primū est Synopticum, cū res ipsa summatim profertur. Alterum Diexodicum, cū res vberrimè explicatur, nihil prættermittendo quod vti-

liter dici queat. Est autem plenè explicandi ratio ad perspicuitatem maximè accommodata; Compendiaria verò ad memoriam. Vnde Galenus suos libros diuisit in Isagogicos & Perfectos; illos Tyronibus, hos verò prouectis conuenire testatur lib. de lib. proprijs. Id etiam confirmatur Hippocratis authoritate lib. de veteri Medicina, vbi Medicū hortatur facilia & intelligibilia Tyronibus proponere. Accedit quòd omnes breuiter addiscere cupiunt, referente Aristotele lib. 2. Rhetoric: Semper enim grata est Tyronibus, atque consummatis viris Synoptica docendi methodus. Illis enim ostēdit & inculcat quæ sunt ediscenda; his verò in memoriam reuocat quæ iam diù intellecta, vel oblitterata, aut fermè oblita erant: authore Galeno lib. 4. de differ. pulsum. Qua-

propter Hippocratis & Galeni monitis instructus, breuem & claram de Ossibus tractationem Tyronibus & prouectis vtilem explicabo.

Osteologia diuisio.

CAPVT II.

OSTEOLOGIAE duæ sunt partes, Praxis, & Theoria. Theoriam voco scientiam ossium, quæ versatur in disquisitione conformationis & vsus ossium. Praxis, est ipsa encheirisis, quæ Ossilegium, & Ostocopiam sub se comprehendit. Ossilegium est ratio paradi & conficiendi Scheletum. Ostocopia singulorum ossium ex fractura & contusione abditas partes inuestigat.

De Compositione, & definitione ossis.

CAPVT III.

VT ossis natura perfectiùs intelligatur, quatuor in osse cõsideranda sunt; Materia, Efficiens, Forma, & Finis.

Materia ossis est Propria, vel Aliena.

Propria generatim, vel separatim consideratur.

Materia Propria generaliter sumpta duplex est. Vna generationis, altera nutritionis. Consensu omnium Medicorum generantur ossa ex semine. Semen autem humore, & spiritu constat. Humoris duæ sunt partes, vna tenuior, ex qua partes nobiles conformantur: altera crassior quæ generandis Ossibus destinatur.

Nutritionis verò materia duplex constituitur, Remota, vel Proxima.

Remota sanguis est, quo partes omnes nostri corporis peræque aluntur. Proxima verò, est medulla in cavitatibus Ossium contenta, vel medullaris succus in spógiosis ossibus.

Materia Propria separatim considerata, factú Os respicit, quod quidem varium est ratione substantiæ & qualitatis; sic vnus eiusdémque Ossis substantia diuersa est, ratione Epiphyseosque mollior est reliquo osse, vel ratione Apophyseos, quæ durior est quauis Ossis parte. Os verò totú si solidú, durius est ac veluti loricatú magis exteriùs, quàm interiùs: si excauatum duriozem habet superficiem interiorem.

Quod attinet ad qualitatem, & quidem ad colorem, Os quò solidius, eò candidius apparet. quod est cauum, pallet aut subrubet.

Aliena materia Ossis intelligitur

ea, quæ circundat os: éstque membrana, & cartilago. Membrana inuestiens Perioftios dicitur firmissimè cohærens, cuius beneficio obscure sentit. Extrema Ossis cartilagine incrustantur, quæ mouédi Ossis facilitatem adfert, & eiusdem attritionem impedit.

Efficiens causa Ossis, est spiritus genitor implantatus, vel potius calor qui materiam Ossis torret & exsiccat. Galenus lib. i. de natural. facult. facultatem Ossis formatricem agnoscit, quam vocat Ossificam, cui ministrant Calor, & Spiritus.

Forma Ossis duplex est, Essentialis, & Accidental. Essentialis dicitur, quæ dat esse Ossi, nempe anima vegetans. Facies, ait Aristoteles lib. 2. de Generat. animal. non est facies si careat anima, sicut caro & os. Apud Medicos partium similiarium

forma, nihil est aliud quàm Temperies. Ossis autem Temperies frigida est & sicca: itaque frigiditas & siccitas Ossis formam constituunt. Accidétalis forma est figura, quam vnumquodque Os sibi propriam ac peculiarem adeptum est.

Finis Ossium vsus est, quippe nulum seorsim vel cum alio actionem edit vel habet. Finis verò Generalis est, & Particularis. Generalis dicitur qui toti corpori inseruit. Hic autem triplex existit. Primus est ad stabiliendas & firmandas partes molles. Secúndus vt speciem ac figuram partibus præbeant. Tertius vt motum & progressum corporis iuvent. Particularis finis siue vsus, vnicuique Ossi proprius est.

Ex his Ossis definitio talis colligi & expromi potest. Pars similis frigidissima & siccissima, ex seminis

crassamento pingui per calorem concreta, ad stabilimen totius corporis.

*De qualitatibus, siue affectionibus
naturalibus Ossium.*

CAPVT III.

OSSIUM doctrina duplex esse debet. Vna quæ tractet de Ossibus infantium, quæ ab ortu usque ad septimum vitæ annum in multis discrepant ab Ossibus adultorum hominum. Altera quæ instituitur de Ossibus perfectiorum hominum, qualem nunc profitemur. Cùm autem omnis Ossium doctrina ad vsum medicum referatur, scire oportet Ossis benè ac naturaliter affecti conditiones seu affectiones, quæ sunt Cómunes omnibus,
vel

vel propriæ singulis.

Communes sunt nouem. Prima est durities ac soliditas, secunda humiditatis adiposæ ac splendescentis perfusio, proinde mollities atque ariditas ossis præter naturam existunt. Tertia quando ruboris cuiusdam particeps, quæ enim Ossa candicant ut dentes, non nutriuntur & sunt mortua, quæ penitus rubra sunt, inflammatione vexantur: quæ nigra apparêt corrupta sunt. Quarta sensus priuatio, alioquî si sentiant, dolore afficiuntur. Quinta ut extrinsecus foraminulis Os scateat potissimum versus extrema, ut pateat ingressus venulis atque arteriolaris ad nutritionem & vitam. Sexta extremorum cartilaginosa incrustatio. Septima, membranæ periostij velamen, quæ totum Os circumdat, exceptis extremitatibus

Ossium cartilaginosis. Octava est Ossis continuïtas & æquabilitas in tota sua substantia: quare calli quibus Ossa fracta cōglutinātur præter naturam sunt. Nona est apta & conueniens Ossis cū altero coniunctio.

Affectiões singulis Ossibus propriæ duplices sunt, vel quatenus Os seorsim spectatur, vel quatenus plura simul iuncta sunt. Primi modi affectiões quatuor numerantur, Cavitas, Prominentia, Asperitas, & Leuitas; quæ quidem affectiões in superficie Ossis extrema considerantur, quatenus ad mutuam coniunctionem Ossa referuntur, cū per se stare nequeant. Cauum est Omoplatæ caput, prominet humerus, cauum est Ischium, protuberat Os femur, aspera est caluaria in occipite ad insertionem muscutorum, alibi leuis & polita. Quæ omnes af-

fectiones si tales sunt, quales natura creauit, sunt secundum naturam; sin secus præter naturam existunt. Secundi modi affectiones sunt Ossium inter se articulationes, quæ in diuersis Ossibus differentes existunt, de quibus paulò post generatim agemus. Porro cavitatis profunda est, vel superficialis. Profunda Cotyle dicitur, superficialis Glene. Prominentia dicitur Apophysis: Est autem rotunda, vel longa. Si rotunda caput nominatur: quod si caput amplum & oblongum fuerit, absolute caput nominatur; sin humile & depressum, condylus appellatur. Longa apophysis, vel est acuminata, & corone dicitur, vel simpliciter longa, eaque pro ratione figuræ diuersis nominibus insignita. Styloides, Coracoides, Odontoides; vel capite terminatur, tum-

que Cervix vocatur.

Epiphyseon tractatio pertinet ad Osteologiam infantis, idcirco de his hoc loco non agetur.

De coniunctione Ossium.

C A P V T V.

QVVM non esset tutum neque decorum, hominem diuinum animal vermiculorum serpentiũve more repere natura firmis ac solidis Ossibus illi corpus erexit atque stabiliuit, quæ non triũ quatuorve numero creauit, sed pluribus, varijs, distinctisque corpus construxit, quò in omnem partem flecti mouerique posset. Vtque elegantiore artificio hoc opus constaret, ossa sic inter se juncta & continuata sunt, vt cuiusque extremitas

alterius finum & capacitatem subeat.

Hæc autem structura articulus dicitur ; cuius natura inter Anatomicos valde controuersa est : dum alij contendunt duorum ossium contactum constituere articulum, alij præter contactum motum addunt, vt sit articulus duorum ossium contactus mobilis : quamuis enim motus remoueatur à definitione articuli, non potest facilè defendi Galeni doctrina. Ipse articuli duas species Diathrosim cum motu manifesto, & Synarthrosim cum motu obscuro constituit : atque Synarthrosi differentias assignat prorsus immobiles, Sutura, Harmoniam & Gomphosim ; quas qui tollunt motum in definitione articuli, referunt ad tertiam articuli speciem, à Galeno positam, quam di-

cunt neutram esse, mediam inter Diarthrosim & Synarthrosim. Nónnulli ficto nomine Amphiarthrosim nominant: quando scilicet articuli structura adeo obscura est, motusque tam occultus, ut nescias an ad Diarthrosim pertineat. Sed locus Galeni malè intellectus, multos decepit Anatomicos. Probabilior videtur hæc doctrina. Ossa necantur inter se per articulum, & Symphism. Articulus est duorum ossium contiguitas mobilis, cuius differentia sunt Diarthrosis, & Synarthrosis: illa motum habet euidentem, altera obscurum; ac proinde utriusque pares & similes erunt differentia, sed altera dicetur Enarthrosis Diarthrodica cum motu manifesto; altera Enarthrosis Synarthrodica cum motu obscuro, & sic de cæteris. Recentiores his tribus articulis quar-

tum addunt Trochoidem, in quo conuerſionis motus apparet, qualis eſt primæ vertebræ cum ſecunda articulus.

Quod ſpectat ad Gynglimum, illius variæ ſunt differentiæ, quas omnes ſic methodicè diſtribuo. Gynglimos definitur Oſſiũ articulation per mutuã receptionem. Eſt autem ſimplex, vel compoſitus: Simplex dicitur qui fit ex duob⁹ Oſſibus, per vnicam & ſimplicem articulationẽ in eadem parte iunctis, vt in Cubiti & Brachij articulatione. Compoſitus Gynglymos duplici conſtat articulo, qui perficitur in iſdem extremis, vel in diſtantibus locis duorum vel trium Oſſium. Qui per duplicem articulationem in iſdem extremis factam abſoluitur, apparet in ceruicis vertebris; nam Apophyſes decliues ac Glenoides ſupe-

rioris vertebræ, Apophyses acilives, & condilosas subiectæ vertebræ excipiunt, vicissimque corpus vertebræ superioris ab excavato corpore inferioris vertebræ excipitur. Compositus Gynglimos per duplicem articulationem, in distantibus extremis duorum Ossium, cernitur in Cubito & Radio. In distantibus locis trium Ossium spectatur in omnibus vertebrais dorsi & lumborum.

Symphisis opposita articulo, est Ossium coniunctio immobilis, ac si vnita essent Ossa. Continet sub se Harmoniam, Suturam & Gomphosim, quibus addere licet quartam speciem innominatam, qualis apparet in Epiphyseos coalitu cum altero Osse ex opinione Volcheri Coiter. Harmonia est Ossium coniunctio per simplicem contactum superficierum sine mutuo ingressu:

quæ tantum designatur linea recta, vel obliqua, aut ambagiosa. Sutura est Ossium compages ferratim siue pectinatim facta, ac si duarum ferrarum, aut binipectinis dentes inter se alternatim committeres. Est autem vnica futura, non plures differentiæ. Gomphosis est duorum Ossium conclauatio. quando vnum os alteri Ossi inculcatur & infigitur.

Cæterum ne Ossa inter se coaptata sedibus suis exciderent, natura eorum structuram & coagmentationem diuersis vinculis colligauit: quæ sunt carnea vel neruea, vel cartilaginosa. Vnde tres Syndeseos differentiæ simplices emanant, Symparcosis, Syneurosis, & Synchronosis, vnica est mixta siue composita Syndesis, ex neruo & cartilagine, quæ Neurochódrodis à Galeno dicitur,

CAPVT VI.

COMPAGES Ossium inuicem coherentium, à Galeno Scheletos nominatur: vulgò diuiditur in Caput, Truncum & Artus. Hippocrates libr. de Natura Off. constituit sex partes Scheleti Caput, Colum, Spinam (quâ Thoracem designat) Lumbos, Manus, & Pedes: Galenus libr. de Off. Scheletum dirimere videtur in Caput, Spinam, Thoracem, Manus, & Pedes: vt ex doctrinæ serie & capitum distributione facile colligitur. Nos vulgatam & communem diuisionem sequemur; atque exemplo Galeni à capite exordiemur, quod primum est Os à natura constructum, tamquam reliquorum germen ac fun-

damentum, quia iuxta Capitis proportionem, reliqua suam molem & amplitudinem obtinent.

De Capite, prima Scheleti parte.

C A P V T VII.

C A P V T à Galeno definitur tota supra collum pars posita, Cerebri domicilium. Diuiditur in cranium, & faciem: quæ duas maxillas comprehendit. Cranium corpus est globosum & rotundum introrsus concavum. Sed rotunditas illa non est exactè sphærica, propter eminentias anticam & posticam, quæ cranium efficiunt oblongum, lateraliter versus tempora compressum. Oblonga debet esse naturalis figura Capitis, alioquin depravata erit si longitudo desit: deprava-

uata verò figura Caluariæ duplex existit. Prima cùm anterior proiectora deest. Secunda cùm postica deficit. Tertia cùm vtraque proiectora aboletur, tùmque caluaria exactè rotunda est. Quarta cùm longitudo in latitudinem mutatur, quæ figura dari non potest superstiti animali, quia cerebri constructio peruerteretur.

Figuram Cranij non vnũ simplèxque os efformat, sed multiplex. Quorum numerus apud Authores incertus est. Galenus septem ossa cranio tribuit, quem sequutus est Syluius. Alij Ossa cranij ad quatuordecim vsque auxerunt, vt Bauhinus, adiectis sex Ossiculis vtriùsque auris, quæ sunt partes Ossis petrosi, nec quidquam conferunt ad globum Cranij constituendum. Rectiùs Pareus quatuordecim ossa

Cranio adscribit, sed ea distinguit in continentia, & contenta. Continentia sunt octo: contenta sex auris ossicula. Hippocrates libro de Ossium natura ex ossibus octo Cranium construit; videtur tamen quædam ossa faciei comprehendere, cuius opinionem amplectuntur eruditiores Anatomici, Vesalius, Columbus, Fallopius, à quibus deflectere nefas est: cum hic numerus *absolutus* comprobetur. Intervalla autem ossium seu discrimina, futuræ dicuntur, quæ committunt & colligant ossa inter se.

Ex futuris quædam sunt propriæ, aliæ communes. Propriæ dicuntur quæ ossa Craniij inter se discernunt. Communes quæ ossa Craniij à maxilla superiore determinant. Propriæ verò diuiduntur in veras, & adulterinas. Veræ sunt ferratiles of-

fium coniunctiones, quasi dentibus pectinatim intextę. Tres numerantur ab Anatomicis: Coronalis in antica Cranij parte sita, quę ab vno tempore per transfuersum caput ad alterum progreditur. Huic opposita est Lambdoides in occipite collocata. Vtrámque connectit sagitalis ab apice Lambdoidis secundum longitudinem Cranij exposita, interdum excurrens ad sumas vsque nares. Sagittalis & Coronalis futurę concursus *βρέγμα* Græcis dicitur, vulgò Fontanella, cui Pyrotica solemus admouere. Supra aures duę sunt futurę alijs omnino dissimiles, ideóque Nothę, Adulterinę dicuntur, à squammarum specie squamosę, per quas ossa temporũ subditis ossibus verticis squammę vel imbricis more agglutinantur. Communes futurę

res constituuntur ab Anatomicis recentioribus. Prima Frontalis ab angulo externo oculi enata, per mediam orbitam progreditur vsque ad supercilium, & per alteram orbitam eandem viam seruans in minore cantho terminatur: Os Frontale à maxilla superiore determinat. Secunda Sphænoidea os Sphænoides circumscribit, incipiens à media parte coronæ occipitis in extremo dente maxillæ superioris finitur. Tertia Ethmoidea os Ethmoides vndique circumdat, videturque potius propria, quàm communis; atque magis harmoniam, quàm futuram æmulatur. Suturis probè cognitis, facile est ossa Cranii distinguere: quæ octo numerari debent: interdum tamen nouem reperiuntur, quando sagittalis sutura ad summas nares excurrentis os

frontale mediū interfecat, quod in aultorum cranijs frequenter occurrit. Omnia sunt, Propria, nulla communia. Primum os frontale sutura communi prima & coronali distinctum, nonnunquam à sagittali ad summas vsque nares protensa in duas partes secatur; in superciliorum sede eminenti geminas cauitates includit, in nares deriuatas. Secundum & tertium ossa Syncipitis dicuntur, parte superiore separantur ab inuicem per sagittalem, parte inferiore per suturam squammosam, anteriùs per coronalem, posteriùs per Lambdoidem. His subiacent ossa Temporum, quæ parte superna squammæ modo attenuata sunt, parte inferiore durissima & exasperata dicuntur Petrofa; idcirco communiter in partem Squammosam, & Lapidosam diuiduntur.

duntur. In parte petrosa notantur quatuor Apophyses, quarum tres sunt externæ, Mastoides, Styloides, & Zygomatica. Quarta in basi Cranij sita, est interna & auricularis dici potest. In puerulis Epiphysis est, quæ ab osse petroso faciliè diuelli-
tur. In hac apophyse interna tres auris cavitates continentur. Nam prima auris cavitatis exterior est, porus-
que auditorius nominatur. Secunda cavitatis Concha dicitur, aërem internum insitum, & tria ossicula nempe Malleum, Incudem, & Stapedem comprehendit: foramen quoque in capacitatem siue antrum Mastoidis peruium. Extremum huius cavitatis tympano directè oppositum duobus foraminibus pertusum est, quorum maius Fenestra oualis dicitur, vestibulum & ingressus est tertiæ cavitatis, quæ

labyrinthus vocatur, propter varios circulos anfractuosos ad vnum idémque compitum redeuntés. Alterum foramen, angustius quartæ cavitatis aditus est, quæ Cochlea nominatur ab aspera & tortili figura. Sextum os Cranij Lambdoides & occipitale nuncupatur, Sutura Lambdoide vndique secernitur: cuius futuræ extremitates Cornua dicuntur veteribus practicis, sed Galeno Lambdoidis additamenta: quibus Pyrotica nonnunquam affiguntur, dum Inio seu Cauo occipitis cauterium hæere non potest, vel dolorem acerbissimum infert. Septimú os est Sphæroides, in quo tabulam internam, & externam cónsiderabis. Interna tabula tribus Apophysibus extuberat, quæ Clinoïdes dicuntur, vna est postica, duæ anticæ usque ad neruorum opticorú

exortū extensæ. Clinoideis apophy-
sibus cavitās interiecta, Sella sphæ-
noidis vocatur. Externa tabulā qua-
tuor apophysibus donatur, quarum
duæ cauæ nauiculām referentes na-
uiculares dici possent, à Galeno Pte-
rigoides nominantur. Aliæ sub Zy-
gomate ad Tempora contendunt,
Temporales appellantur. Inter v-
trāque tabulām siue laminam, in-
anis cavitās concluditur. In nares
duplici foramine peruia, septoque
medio intūs discretā. Hæc semper
deest quādo cumque os frontis so-
lidum apparet. Octauum Os Eth-
moides dictum, vel ut placet Gale-
no Spongoides, septem differenti-
bus constat portionibus. Prima est
tabulā instar cribri perforatā, ex
qua intra Cranium exurgit Apo-
physis, quæ est secunda ossis portio;
à figura crista Galli nominatur. ex-

trà nares, ab eadem tabulâ cribrosâ dependet ossea lamina nares discriminans, Septum narium dicitur, & pro tertia ossis portione numeratur: Huic narium septo assident & accumbunt ossa duo spongiosa, quæ quartam & quintam partem Ethmoidis constituunt. Sexta & septima Ethmoidis portio est tenuis squamma plana & lævis, pollicis latitudini æqualis, internum latus cuiusque orbitæ iuxtâ magnum Canthum perficit; subtùs continet, vel potiùs contegit tres nonnunquam quatuor cellulas, à maiore Cantho usque ad intimam orbitam seriaticim exporrectas & dispositas. In Calvariæ basi externâ & internâ quædam cavitates observantur, quarum aliæ sunt Sinus, aliæ foramina, aliæ Fossæ nominantur. De quibus consulendus Syluius, qui primus

cauitates illas methodicè distinxit, nos verò doctrinæ gratia nominibus mutuatis à loco, vel rebus transuectis indigetauimus. Sinus sunt octo, duo maxillares in maxilla superiore ; totidem frontales in osse frontis , duo Sphænoidei in osse sphænoidis, duo mastoidei in ossibus mastoideis . Foramina sunt interna, vel externa : Interna sæpiùs viginti quinque , interdum viginti septem numerantur. vtrinque duodecim, vel tredecim, & vnum sine pari, quod spinali medullæ egressum præbet. Primùm est Ethmoideum. Secundum Sphænoideū. Tertium Opticum. Quartum Scissura orbitalia. Quintum Temporale ex nervo tertiæ coniugationis in Temporalem musculum abeunte. Sextum Gustatium. Septimum Gustatiuū secundum. Octauum Iugulare. No-

num Caroticum. Decimum Auditorium. Undecimum Rima sextæ coniugationis. Duodecimum Motuum linguæ seu linguosum. Decimum tertium Ceruicale. Vltimum impar siue occipitale. Externa foramina sunt vtriusque decem Syllio, undecimum addo nempe externum auris foramen. Præterea ad radicem Styloidis in extremitate Apophyseos auricularis parte externâ, foramen adest intus bipartitum & tenuissima squamma diuisum, quod, vestibulum ipsum intuentibus apparet. Externorum foraminum, primum est superciliare, secundum Lachrymale, tertium Orbitarium externum, quartum Orbitarium Ethmoideum, quintum supra palatum, sextum in extremo Palati, septimum scissura sub Zygomate, octauum & nonum su-

pra Pterigoides apophyses intrà
hiatum, decimum Mastoides, vnde-
cimum Auditorium Foramen ex-
ternum. Fossæ sunt internæ, & ex-
ternæ. Internæ sex notantur in
basi interioris Caluariæ. Frontales
duæ, Temporales duæ, Occipitales
duæ. Externæ sunt septem vtrin-
que, quibus octauam fossam addo
nempè narium cauitatem. Prima
est orbitaria siue ocularis, secunda
nasalis, tertia Zygomatica, quarta
supra palatum, quinta infrà pala-
tum, sexta Pterigoidea, septima ar-
ticulatoria maxillæ internæ, octaua
est in foramine sextæ cōiugationis.

De Maxilla superiore.

CAPVT VIII.

ALTERA pars capitis Facies di-
citur, comprehendit utrám-
que maxillam & à cranio separatur

per futuram communem primam. Maxilla superior multis ossibus cōstructa est, quorū uumerus est apud Anatomicos cōtrouersus, sed omiffis recentiorū opinionibus vanis & ineptis, vndecim tātū admitto reiectis illis portionibus Ethmoidis, quas quidā Anatomici pro decimo & duodecimo osse numerarunt. Nā sola hæc ossa propriè ad Maxillam pertinent, quæ ab ossibus Cranij discreta sunt, nec sunt eorum portiones: atqui ossa quædam orbitaria, quæ intra orbitam continentur, & cum alijs ossibus maxillæ orbitam efformant, sunt ossium capitis portiones, vt productio Sphænoidis, & portio lata Ethmoidis; quapropter ineptè ad maxillam referuntur. Si quis obijciat ea ratione pertinere ad maxillam, quod eiusmodi portiones sunt infra futuram commu-

nem frontalem, quæ separat Cranium à Maxilla, quare cum sint infra futuram illam positæ, poterunt ad Maxillam reuocari. Quod si Apophyses ossium Cranij extra globum & rotunditatem extuberantes ad faciem referuntur, pari iure Apophyses Pterigoides extrà globum & rotunditatem Cranijeductæ, & in eodem plano cum vomeræ positæ, quinetiam angulos maxillæ sustinentes, ad ipsam maxillam reducentur. Cùm autem Galeus os Sphænoides ossibus maxillæ adscribit, tanquam supernumerarium pro ultimo & vnico computat. Itaque in vndenario numero ossium maxillæ consistere oportet. Ex vtróque latere quinque collocantur ossa, & vnum sine pari, quod medium palatum sustinet. Primum os Zygomaticum dici potest, quia

maiores Zygomatis portionem, necnon minorem oculi angulum & magnam Orbitæ partem constituit. Zygo^{ma} autem nihil est aliud, quam semicirculus osseus ex duabus Apophysibus per obliquam futuram in medio iunctis extractus: Quarum una ab osse petroso procedit, altera ossis malæ portio est. Secundum os Unguis, vel ossiculum Lachrymale, Os *Ægilopis* dictum, in maiore Cantho consistit. Tertium os maximum, mediam dentium partem comprehendit. Quinetiam inferiorem orbitam, & nasi interiorem partem absoluit. Maxillare dici potest, os *μῆλον* vocat Galenus. Quartum os nasum efformat, itaque nasus ex quatuor ossibus constituitur, duo sunt propria postremò commemorata, duo communia quæ sunt por-

portiones ossis maxillaris. Recentiores Anatomici os addunt Sphenoidi & palato interiectum, Hippocrati cognitum, quod à figura cultri ferrei in aratro, vomer nuncupatur, ad intimas nares protensum, septum narium cui per futuram committitur, sustinet.

De Orbitarijs Ossibus.

CAPVT IX.

ORBITARIA ossa ex quibus oculi fossa siue orbita extructa est, primùm à Piccolomino proposita sunt quinario numero, sed inscien-ter ossis maxillaris portionem prætermisit, quæ cum alijs iuncta sex ossa efficit, à nostris Anatomicis recepta, ex quibus orbita coagmentatur. Verùm illa ossa non

sunt propria, excepto vngulari siue lachrymali osse, sed partim portiones sunt ossium caluariæ, partim portiones ossium maxillæ superioris. Primum est os frontale, quod huius cameræ fornicem constituit, secundum in profundo orbitæ situm, in latere externo ad minorem Canthum, Sphænoidis est portio, tertium est Zygomaticum, quod minorem Canthum & medium pavimentum orbitæ facit, quartum est maxillare, quintum lachrymale, sextum est squammosa tabula ossis Ethmoidis, quæ alterum latus orbitæ ad minorem Canthum efficit, isthæc ossa intrà orbitam futuris proprijs & communibus discernuntur.

De Maxilla inferiore.

CAPVT X.

MAXILLA inferior in adultis vnicum est os, in quo basis & extrema notantur. Basis media pars intùs sinuata, foris eminens Mentum dicitur. Basis extremitates anguli; vtrùmque extremum bicone, duas emittit Apophyses; quarum una acuminata Corone nominatur, excipitque tendonem musculi Temporalis. Altera Condylodis, articulatoria dici potest, quia inseruit articulationi & coniunctioni maxillæ: infrà istas Apophyses insigne foramen internè descriptum est, per quod venæ, arteriæ & nerui in dentes disseminantur, quorum portio per aliud foramen angustius

& externum iuxta mentum egreditur, in musculos labiorum dispersa.

De Osse Hyoide.

CAPVT XI.

AD ossa capitis referri potest os Hyoides, quia Styloideis Apophysibus annexum. Ex quinque ossiculis structum est, quorum grandius & Cavum basis nuncupatur, qui sextum & septimum ossiculum addunt ligamenta huius ossis suspensoria intelligunt, quæ plurimum nerveæ sunt, nonnunquam in quibusdam cartilaginosa observantur, ab extremis partibus maioris & fundamentalis ossis corniculum vnum cartilaginofum, rarò osseum expullulat utrinque apici Thyroidis cartilaginis affixum, quæ duo

cornicula pro octauo & nono Hyoidis ossiculis numerantur. Est autem os Hyodes fundamentum linguæ, suæque cavitare linguam excipit iudicio omnium Anatomicorum, sed *autem* demonstrat solam epiglotim eo sinu admitti, linguam superno lateri basis inniti.

De Dentibus.

CAPVT XII.

DENTES cibi comminuendi vocisque formandæ instrumenta, ossa sunt sui generis, licet naturam ab alijs ossibus differentem obtinuerint. Duabus constant partibus non secretis, sed continuatis, quarum vna extrà gingiuam prominens Basis appellatur. Pars altera intrà alucolum recondita Radix

nominatur. Radix autem in dentibus⁹ nō est solida, sed excavata ut nervulum venulam & arteriolam excipiat. Radicum numerus varius, & figura diuersa. Incisorum Dentium radix simplex & recta est, fissura tamen distincta ad firmiorem adhesionem. Similiter in caninis dentibus radix simplex existit, & in molaribus supernis triplex & incurua, quia penduli sunt. In molaribus infernis duplex, & interdum triplex. Numerus Dentium varius est pro ratione ætatum; in pueris à septimo mense vsque ad biennium viginti dentes sensim & alternatim prodeunt, qui numerus vsque ad septimū vitæ annum permanet. Postea verò vel octo vel duodecim alij emergūt, ita ut viginti octo vel triginta duo in ambabus⁹ maxillis numeretur. Numerus iste in tres ordines distribuitur,

buitur, ratione situs & magnitudinis. Primores dentes quatuor, nominantur incisores. Qui illis adiacent vtrinque vnus Canini, Reliqui dentes octo vel decem, molares dicuntur: siti sunt & reconditi in margine excauata vtriúsq; maxillæ, cauitas illa non est continua, sed cellulis discreta, quæ Alueoli & Præsepiola dicuntur. Coniunctio illa siue articulatio dentium, Gomphosis appellatur.

De Trunco, secunda Scheleti parte.

C A P V T XIII.

TRUNCVS comprehendit Spinam eique adhærentia ossa. Componitur ex Spina, & Thoracé. Spina siue Rachis canalis est osseus, Spinalis medullæ conceptaculum,

à capite usque ad Coccigem exporrectus, pluribus ossibus constat ad dispathiam, & securitatem, tum etiam ad necessitatem actionum, cum hominem flecti curuarique oporteret. Ossa verò Spinam constituentia Græcis *σπονδυλοι* Vertebrae Latinis dicuntur. In singulis vertebrae duas partes observabis; interna crassa & rotunda, Corpus nuncupatur, externa varijs Apophysibus extuberans nomine caret. Tres autem Apophyseon differentias nempe Rectas, Obliquas, & Transversas continet. Postica Apophysis acuminata, Spina propriè dicitur. Lateralis & Transversa duplex observatur: Obliqua quadruplex, per quas inuicem articulantur vertebrae per ginglymum compositum, in quo tria ossa requiruntur. Obliquarum Apophyseon duæ sunt

Accliues scilicet supernæ, totidem Declives seu infernæ: itaque omnes vertebræ septem Apophysibus extuberantes reperiuntur. Tota verò Rachis in quatuor partes dirimitur, Cervicem, Dorsum, Lumbos, & Os sacrum. Cervicem constituunt septem vertebræ superiores, Dorsum duodecim vertebris constat, Lumbus quinque vertebrae comprehendit, Os sacrum unicum est & continuum in adultis; At in puerulis in sex vel quinque partes secatur. Quare spina in adultis componitur ex viginti quatuor vertebris, quibus si addatur Os sacrum, pars infima Spinæ, vertebra scilicet magna, erunt viginti quinque. Spinæ figura ἰσχυράλιος admirabiliter ab Hippocrate libro 3. de articul. à particula 33. vsque ad 45. descripta, non potest in Scheleto quantum-

uis affabrè factò notari: sed in caduere detractis carnibus dorsi inspicienda est.

In Cervicis vertebris hoc peculiare notandum, quòd Apophyses omnes transuersæ sint perfossæ ut ascendentibus venis & arterijs Cervicalibus aditum præbeant, in extremis sinuatæ ut mollem adhuc neruum deducant. Apophyses posticæ seu spinæ sunt bifidæ seu bicornes, ad exortum & insertionem musculorum, sed supernæ duæ aliã structuram & cõformationem obtinent, propter motus capitis. Nam prima caret spinâ, & corpore crasso rotundo. Secunda Apophysim Odontoidem siue Pirenoidem emit; Omnium vertebrarum cervicis corpora imbricatim sunt coniuncta, ne in vehementioribus cervicis motibus dissiliant.

Dorsi duodecim vertebræ omnino similes sunt inter se. Harum Apophyses omnes solidæ sunt & continuæ, sine villo foramine & diuisione. Duodecima vel vndecima differentem habet articulationem ab alijs. Reliquæ enim vertebræ inuicem cohærent per gynglimum: Hæc duodecima siue vndecima proximis & finitimis vertebris per arthrodiam articulatur. Propterea totius spinæ motus, flexio nimirum, extensio, & obliquatio, super ea vertebra perficitur.

Dorso succedit Lumb⁹ quinque vertebris coagmentatus, quarum Apophyses differunt ab illis Thoracis: Posticæ enim Apophyses siue spinæ non descendunt, vt in dorso, sed sunt rectæ & latæ. Transuersæ verò Apophyses longiores sunt costularum vicem gerentes.

Lumbis Os sacrum subijcitur quod primo aspectu simplex atque continuum os apparet, sed longa ebullitione in oleo feruenti, in partes quinque modò sex diuiditur.

Offis sacri extremo aliud os cartilagosum trifidum rarò quadrifidum annectitur, quod Coccix appellatur.

De Thorace.

C A P V T XIII.

THORAX cum Spina Truncum Scheleti constituit. Est autem Thorax ambitus osseus partium vitalium conceptaculum, constituitur ex quadruplici ossium genere. Claudat Thoracem parte anteriore Sternum, Latera efformant Costæ, Thoracem terminant parte

superiore Claviculę, circulum complet & absoluit Dorsum, cui Costę adherent.

Sternum in adultis os vnum & continuum apparet, tribus transversis lineis distinctum, quę sunt antiquę diuisionis vestigia, lineę magis sunt conspicuę parte interiore quàm exteriori. Ab ossis huius extremo dependet cartilago Xiphoidis dicta ab ensis effigie, scuti formam refert in brutis.

Costę sunt viginti quatuor, in vtróque latere duodecim collocatę, quarum septem superiores Verę dicuntur, quia cum sterno committuntur. Reliquę inferiores quinque, Nothę, Adulterinę dicuntur, quia neutiquam ad os pectoris perueniunt, sed inchoatę & quasi mutilę in cartilaginem desinunt, vt viscerum nimirum hepatis & lienis

tumoribus facilè cedant & obsequantur.

Claviculæ duæ sunt, vtrinque vna, cuius figura litteram \int Italicam exprimit, Acromio & Sterno interiecta & articulata, scapulam in sua sede retinet, ne in pectus procidat.

De Artubus, ac in primis de Scapula.

CAPVT XV.

QUONIAM Scapula seu Omoplatea nihil ad constitutionem Thoracis confert, sed dorso innata & superiecta, à Thorace interuentu musculi immerfi siue subscapularis disiungitur. Illam à trunco separabo, & ab ea manus principiū repetam. In Scapula multæ partes notandæ veniunt ad exortum & insertionem musculorum valdè ne-

cessariæ. Pars Omoplatæ secundum
dorsi lógitudinem exporrecta, Ba-
sis appellatur; cuius termini siue
extremitates Anguli dicuntur; vnus
est superior, alter inferior. Basis la-
tera Costæ nominantur, quarum al-
tera breuior ac tenuior, Superior
Costa vocatur; Altera longior &
crassior, inferior Costa dicitur. To-
ta latitudo Omoplatæ Trapesiæ,
Mensa dicitur; cuius pars externa
gibba est, interna concaua, vt mus-
culum immersum excipiat. Proces-
sus siue Apophysis insignis, à basi
superne ascendens, Spina vocatur.
Cuius extremum latum, Acromiío
vocatur; quod authoribus Hippo-
crate & Galeno os est distinctum,
in puerulis cartilagineum, in adul-
tis durum & osseum, quod post vi-
gesimum annum & citiùs spinæ ag-
glutinatur in Apophysim com-

mutatum. Fossula ex vtrâque parte spinæ exporrecta, Interscapulum dicitur: Vna fossula superna est, altera inferna; Mediæ verò spinæ prominentia inflexa & incurua, Pterigium siue Crista vulgò nuncupatur. Alterum Scapulæ extremum grande & angustum acromio subiectum, & basi oppositum, Cervix appellatur. In ea notabis superiectâ & emicantem Apophysim Coracoidem, quæ ad securitatem & firmitatem articuli humeralis comparata fuit: Cervicis cavitatis Glenoides est.

De Humero.

CAPVT XVI.

EX Omoplata dependet Manus, quæ in tres partes secatur,

Humerum, Cubitum, & extremam Manum. In humero ad musculorum cognitionem extrema duo notabis. Superius extremum, Caput dicitur; quod cingit vndique membranofum ligamentum ab ora cavitatis Glenoidis enatum. præter aponeuroses quatuor musculorum quibus obuoluitur, paulò infra caput. Orbicularis fissura, Cervix dicitur. In capite rimula oblonga exsculpta est, per quam traducitur caput nerveum musculi Bicipitis. In altero extremo brachij Trochleam observabis, circa quam cubitus conuoluitur. Trochleæ superstant duæ cavitates, quarum externa amplior est internâ, in his recipiuntur cubiti Apophyses dictæ Coronæ. Trochleæ adiacent duæ Apophyses brachij, quæ Condyli nominantur. Vnus est inferior &

interior, Alter superior & exterior.

De Cubito Et Radio.

CAPVT XVII.

SECUNDA pars Manus, Cubitus vocatur, duobus ossibus constructus: quorum alterum superius & breuius, Radius appellatur: Alterum inferius & maius priori subiectum, totius nomen retinet, & Cubitus dicitur, à quibusdam Vlra. Duo erant in hac parte Manus necessaria ossa, propter duplices & contrarios motus, qui ab vno & eodem osse per gynglimum iuncto perfici non poterant. Gynglimus enim solum flexionem & extensionem patitur, nec inuersionem admittit, quam Radius per arthrodiam iunctus præstat. Obliuationem Radij

nōn potes inspicere & perfectè cōprehendere, nisi in recenti cadauere, detractis omnibus musculis incumbētib; tum enim summa cum admiratione videbis supra cubitum immobilem, Radium in prouum & supinum conuolui, & Radium Cubito iunctum simul cū eo moueri, dum flectitur & extenditur. In Cubiti extremis aliquid notatione dignum occurrit. Nā in extremo superiore cauitas Sigmoïdis obseruatur, quę Trochleam brachij amplexatur. Hanc circumstant proiēcturæ duæ, Coronæ dictæ: Posterior proiēctura Olecranon appellatur. Parte inferiore Cubitus Apophysim emittit quę Styloïdis appellatur. Bina hæc ossa suis extremis inter se iungantur, per eum Gynghlim qui fit à duobus ossibus sese mutuò subeū-

tibus in diuersis & distantibus locis.

De Manu.

CAPVT XVIII.

EXtrema Manus in tres partes dirimitur, Carpum, Metacarpium, & Phalangem digitorum.

Carpus octo constat ossibus in duos ordines distributis, quæ inter se iunguntur per Symphysim, eiúsque speciem quæ Harmonia dicitur; propterea ossa Carpi obscurè inter se mouentur. Sed primus ordo cum inferiore Cubito arthrodiā constituit diarthrēdim. Secundus ordo cū Metacarpio per arthrodiā Synarthrēdim iungitur: ideóque huius articulationis motus obscurus est & insensilis.

Carpo succedit Metacarpium ossibus quinque constructum, si primum os pollicis adiungamus, quod alij rejciunt, quia obliquè adijcitur Metacarpio, quia motu manifesto prædium est, contra naturam aliorum ossium Metacarpij, quæ cum Carpo constituunt arthrodia, cum digitis Enarthrosim. Quartum tamen os Metacarpij quod auricularem digitum sustinet, motum manifestum habet.

A singulis ossibus Metacarpij, singuli digiti directè porriguntur, vno pollice dempto. Ex tribus ossibus digiti constant, quæ inter se iunguntur per Gynglimum. Propterea solam flexionem & extensionem admittunt: obliquatio & motus lateralis digitorum, ab Enarthrosi primi ossis cum Metacarpio dependet.

De Ossibus Ilium.

CAPVT XIX.

Maxima & amplissima corporis ossa, quæ cum Osse sacro iuncta Trûcum corporis sustinent, Ossa Ilium dicuntur, à maiori parte. In adultis continua sunt, in pueris tripartita, retinéntque adhuc antiquas appellationes, licet oblitterata fuerint diuisionis vestigia. Posterior pars ossis totius latitudinem constituens, & ad medium Acetabuli exposita, Os Ilium dicitur. Alterius partis dimidiata portio & superior, Os Pubis nominatur: Inferior altera, os Ischion. Ex tribus istis portionibus prægrande acetabulum efformatur, quod antroorsùm versus foramen pueris abruptum

ruptum & intercisum est. In istis ossibus quædam particulæ notandæ sunt. Anatomici faciem externam Ossis Ilium, Dorsum appellât: Superiorem extremitatē Costam, cuius margines tam externæ quàm internæ, labra dicuntur, itaut vnum sit internum, alterum externum. Extremitas protuberans iuncta Ossis sacro, Spina Postica nominatur. Altera extremitas Costæ, spina Antica & superior. Huic subiecta est altera quæ antica & inferna dicitur. In osse pubis Spina observatur, iuxta Symphysim prope summam ipsius cum altero congenere commissuram. In osse Ischij Spina & Tuberculum notantur: Tuberculum Condylus appellatur.

De Osse Femoris.

CAPVT XX.

PEDES quemadmodum manus, in tres partes secantur; In Femur, Crus, & Extremum pedem. Femoris est singulare os, totius corporis maximum, huius extrema duo notanda sunt. In superiore extremo caput rotundum est, cui subiecta pars gracilior, ceruix dicitur. Ab ea ceruice duæ Apophyses producuntur, quibus musculi rotatores affiguntur: Propterea trochanteres dicuntur. Posterior minor trochanter appellatur. Alter lateralis & superior, maior Trochanter. Alterum Femoris extremum duobus Condylis discretum est, relictâ media cavitatē quæ apophysim cruris ad-

mittit, vicissimque Condylī Femoris à cavitatibus Tibiæ per Gynglimum laxum excipiuntur. Huius articulationis pars anterior vocatur genu, pars posterior dicitur poples. Hanc articulationem firmat & roborat Patella, Os paruum supernatans ac fluitans, nec ulli ossi adhærens.

De Crure.

CAPVT XXI.

CRŪS ex duobus componitur ossibus, grandius & internum Tibia dicitur, gracilius & externum Fibula. Tibia per gynglimum articulatur Femori. Fibula soli Tibiæ adhæret, nec femur attingit. Tibiæ & Suræ partes infimæ Malleoli dicuntur. Tibia Malleolum inter-

num constituit, Fibula Malleolum
externum.

De extremo Pede.

CAPUT XXII.

PEs extremus diuiditur in Tar-
sum, Metatarsum, & digitos.

Tarsus septem constat ossibus,
quæ Ruffus Ephesius Ostracodea
nominat. Primum os Tibiæ articu-
latum Astragalus, siue Talus dici-
tur. Astragalo subiectum os Pter-
na, Calcaneum. Tertium Astragalo
iunctum Scaphoides, Naviculare.
Quartum cui committitur inferna
& antica portio Calcanei, Cuboi-
des vocatur. Reliqua tria sunt inno-
minata, vel Calchoidea dicuntur à
Galeno.

Tarsum sequitur Metatarsus of-

sibus quinque constructus. Respondet Manus Metacarpio.

Metatarso succedunt digiti tribus ossibus constantes, excepto maiore Digito siue Halluco, qui duo tantum obtinuit ossa.

Internodia digitorum pedis & manus præsertim in adultis, opplent & roborant ossicula quædam incerto numero, quæ Sesamoidea dicuntur. In secunda articulatione Halluci duo sunt ossicula notatione digna, & satis magna, quæ semper in omnibus cadaueribus reperiuntur, & in fabricandis & extruendis scheletis adiungi & apponi debent. Sunt præterea duo ad originem gemellorum muscutorum pedis à Vesalio commemorata, quæ tamen raro reperiuntur, ad Sesamoidea referri debent.

De numero Ossium totius Corporis.

CAPVT XXIII.

S Vbductis ac diligenter enumeratis ossibus, ducenta & sexaginta sex inuenio in adultis. Octo sunt in capite, vndecim in maxilla superiore, vnum maxillæ infernæ, dentes triginta duo sunt, interdum pauciores, nempe viginti octo. Sed priorem numerum retinebo, spina viginti quatuor ossibus constat, Os sacrum frequentius quinque quàm sex ossa recipit. Costæ sunt viginti quatuor, Sternum frequenter ex tribus ossibus conflatur, duæ sunt Omoplatæ, bina quoque Ilium ossa. In manibus sunt sexaginta ossa, in pedibus sexaginta quatuor, coniungendo duo magna Sesamoidea

cuiusque Halluci. Addo os Hyoides pro tribus insignioribus, & sex auris ossicula. Prætermitto minora Sesamoidea, quorum incertus est numerus. Veruntamen si cum quibusdam Anatomicis certum numerum Sesamoiden constituas & adiungas, nempe viginti quatuor in manibus, totidem in utroque pede, (sed quatuor pollicis utriusque addere oportet.) Prætereà si duo ossicula in poplite, ossiculum inter os Metacarpij & Carpi octauum, osseam partem in senibus Cuboidi appositam; adijcias, Cuncta hæc simul iuncta efficient quadraginta octo, quæ si coniungas ducentis sexaginta sex; inuenies ter centum & quatuor ossa in corpore humano.

Sed ad Scheletum parandum, ducenta & quinquaginta vnum requiruntur; quia Sternum pro vni-

co osse numeratur, vt Os sacrum, & Coccix; quia in ebullitione & mundatione ossium non separantur. Omitto sex auris ossicula, os Hyoides, & Laryngem, quia cum alijs ossibus per articulum non copulantur.

In quibus differant Ossa viri, ab Ossibus mulieris.

CAPVT XXIIII.

OSSA viri & mulieris in quibusdam partibus inter se discrepare primus animaduertit Platerus, quem sequutus est Bauhinus. Sed eorum pace dixerim, multa proposuere discrimina quæ non reperiuntur, quædam etiam omiserunt quæ notanda erant: vtrûmque sigillatim exponam. Verum est ossa

omnia mulieris absolute minora esse ossibus viri, tam in pondere & crassitie, quàm longitudine: addit Galenus minus esse dura, sicut in omni animalium genere, fœminarum ossa molliora sunt ossibus marium; quod ante Galenum ab Aristotele propositum fuerat. Capitis ossa sunt omnino similia, neque pluribus aut paucioribus futuris discreta; quamvis Aristoteles secus scripserit, nempe mares plures habere futuras, quàm fœminas; quibus vnica est in orbem: Maribus verò tres futuræ ad summum verticem in trianguli speciem conueniunt, capit. 7. libr. 1. de hist. animal. & capit. 7. libr. 3. eiusdem operis, atque cap. 7. libri 2. de part. animal. frequentius tamen in mulieribus futura sagittalis occurrit, ad summas vsque nares delapsa, os fron-

tis medium interfecans. Falsum est quod retulit Aristoteles, dentes maribus plures quàm fœminis inesse, ut in genere hominum, ouium, suum, caprarum patet. Larynx (si ossibus annumerari debeat) in muliere minor est, minúsque Tyroides cartilago extuberat. Thorax mulieribus anteriore parte nonnihil depressus, nec ita elatus ut in viris, quæ conformatio ad commodiorem māmārū sedem facta fuit. Claviculæ mulieribus minùs incuruatę apparent, ad colli & pectoris venustatem. Sternum ijsdem parte inferiore latius est quàm viris, eaque parte sæpe manifesto foramine pertusum existit; quinetiam os infernum cui dependet cartilago xyphoidis, in modum lunæ crescentis fissum est, & cum ipsa cartilagine xyphoide foramen amplum efformat, ad

egressum mammariæ internæ. Falsum est Costarum cartilagineæ quæ viris ad extremum vsque senium cartilaginosa manent, puellis vbi mamillæ primùm excreuerunt osseas in ambitu quodammodo fieri. Neque dorsi pars elatior supra lumbos posita, retrorsum in mulieribus magis inflexa quàm in viris cernitur. Os sacrum in mulieribus magis ad externa curuatum, breuius est, sed latius quàm in viris. Coccix non Galeni, sed recentiorum, mobilior est, nexuque laxiore adstricta, atque retrorsum magis incuruata. Ossa Ilium rarò sunt ampliora; sed amplitudo extrorsum magis educitur, quo fit vt ossa Ilium extrinsecus magis excavata sint. Hisce ossium latitudinibus tanquam fulcris vterus foetu grauidus innititur, & tanquam in

epiphio residet. Foramen ouale angustius est, vt portio ossis pubis iuxta Symphism latior sit. Ossis verò pubis spina iuxta Symphism cum altero congenerè, in muliere productior est, & extrorsum vergit. Ischij infernæ partes siue tuberositates longiore interuallo distant. Ossium pubis commissura cartilagine duplò crassiore & molliore oppleta est, atque hæc commissura breuiore linea perficitur, vt instante partu emollitâ & laxatâ cartilagine intermediâ, ossa pubis dehiscant. Spatium quod ab osse sacro cum ossibus Ilium iuncto, & ossibus pubis inter se copulatis conclusum est, mulieribus amplius est quàm viris; ne egressus angustia & arctitudo, fœtus per hanc viam prodeuntis exclusionem impediret. Reliquorum ossium in Artubus consimi-

lis structura obseruatur.

Ostocopia, sine Osteotome.

CAPVT XXV.

DOctrina Ossium suam habet praxim, quæ consistit in Ostocopia, & Ossilegio. Ostocopia ossiū inter se reuinctorum cōpagem dissoluit, & singula quæque conterit ac effringit; vt interiorē ossis structuram inquirat. Huius cognitionis fructus euidentis est, in luxationibus & fracturis: nam inde colligitur quæ laxata restitui possint, quo temporis interuallo os fractum conferuere queat. Scripsit Celsus libr. 7. ex Hippocrate intra quartū decimum & vigesimum diem sanescere maxillam, malas, iugulum, pectus, os latum, Scapularum, co-

stas, spinam, coxarum os, talum & calcaneum, manum & plantam; intra vigesimum & trigesimum diem crura brachiâque: intra vigesimum septimum & quadragesimum humeros & femora. Cuius loci sensus intelligi non potest, nisi ex triplici ossium Cavitare, & Medulla. Nam in ossibus triplicem medullam diversis cavitatibus inclusam inuenio. Grandiorum ossium ut brachij & femoris, medulla rubicunda est, mediocrium ossium quæ mediocrè cavitatem habent ut radij cubiti, tibiæ fibulæ, medulla candida est. Reliqua ossa spongiosa seu cavernosa succo medullari, non medulla rubicunda referta sunt. Maxilla tamen inferior in basi excavata est, in mento saxeâ, medullam rubicundam continet, quæ ab vno extremo maxillæ ad aliud extremum non

fluitat, propter duritiem & soliditatem maxillæ in mento: Inde bisoffem esse maxillam facile demonstratur. Clavicula quam Galenus fistulosam esse scripsit, vndique spongiosa est. Costæ, Vertebrae, Omoplate, Coxarum os, Tarfi, & Metatarsi ossa, Carpi quoque & Metacarpij spongiola sunt, ac veluti pumicosa. Digitorum manus ossa caua sunt, medullamque conseruant albicantem. In pede solus Hallucus fistulosus est. Ossa cranij duabus laminis compacta sunt, quibus interiacet succus medullaris rubicundus qui *δυπλὸν* à quibusdam nominatur, ad ossis nutritionem. Interim notabis medullam intra cavitatem ossium nulla membrana succingi, neque sensilem reddi, ex neruulis ossium substantiam penetrantibus; vt Pareus imaginatur. In Capite

multæ sunt cavitates, inanes & vacuæ, nisi aëre plenæ fuerint, membrana tenui obductæ: cuiusmodi sunt sinus maxillæ supernæ, ossis frontalis, ossis sphænoideis; sinus seu cavitas Mastoïdes caua est inanis sine vlla membrana, sed in octo cellulas distincta. Ingressus sinus maxillaris intra cavitatem narium à latere ossis spongiosi apparet. Introitus frontalis sinus in summis & externis naribus deprehenditur. Ingressus sinus sphænoidei intra nares profundè continetur, detractis ossibus spongiosis. Ingressus sinus maxillaris evidens est sine ossium incisione. Ingressus sinus frontalis manifestè conspicitur osse frontali supra supercilia discisso. Ingressus sphænoidei sinus euulsâ sellâ seu tabulâ interiore oculis innotescit. Ingressus sinus Mastoïdei in latere sinistro

nistro Conchæ continetur prope Mastoidéapophysim, nec apparet nisi rupto & lacerato Conchæ fornice siue poro auditorio diuulso.

In recenti cadauere cuiusque dentis aliquem odontagogo radicitus euelles, vt radices & ligamenta dentium formamque alueoli possis intueri, effractas radices mucosæ & filamentis, (quæ vasa sunt) fartas deprehendes. Cavitates sunt euidentiores in dentibus aridis & exsiccatis, utrosque dentes inter se conferre & contemplari oportet. Sed vt vasorum, id est, venularum, arteriolarum & neruulorum distributionem in dentes inspicias, alijsque ostendas: hoc modo procedes. Bouinam aut arietinam maxillam inferiorem (in quibus hæc euidentiora sunt) interno latere secabis & aperies, donec medulla neruusque

compareat: Medulla ablata, nervi-
que membrana lacerata, nervus
apparet, ex pluribus funiculis con-
flatus, à quibus filamenta quædam,
& alia venas & arterias referentia si-
mul intertexta, cavitates radicum
dentium subeunt, caninis & inciso-
rib⁹ neruulus crassior offertur, mo-
laribus pro ratione radicum triplex
& quadruplex exilis ac tenuissimus
distribuitur, deinde molarem aut
incisorem è proprio alucolo sen-
sim extrahens, gracillimas fibras in-
spicies, radiculis dentium insertas,
quas pro nervis accipies. Dentibus
penitus euulsis, in extrema radicum
parte conspicitur materia partim fi-
brofa ex vasis enata, partim mucco-
sa, quæ veluti glutine dentem al-
ucolo alligat, medio scisso dente
bouis aut arietis, interna eius
substantia muccosa vasis manifestè

intexta est. Hæc omnia in bouinæ & arietinæ maxillæ dentibus euidenter demonstrari possunt: in homine non ita perspicuè notantur: Tamen eadem adesse credendum. Tria auris ossicula in caluaria recēs ebullita vel exsiccata, intra cócham discernes, si per meatum externum antè, & propè intuearis, in clara luce, vel admota candela, cuncta cum acicula poteris extrahere. Sed antra siue cavitates tres auris internæ non datur intueri, nisi rupto osse petroso; quod effringes hoc modo, detracta cerebri medulla & radicibus amputata auricula, carnibusque circumiectis remotis, totum os Lithoides quod auris ædificium complectitur ferrâ circuncides, & cultris incisorijs à caluaria vndique separabis suâ sede exemptum vnco ferreo tabulæ lignæ tenacissimè adstriktâ

cultris chalybeatis peritè difsecabis: sumpto ab exteriori ductu exordio. Cultros autem adiges ei parti quæ apposita est mammillari apophysi, & versus eam diriges sectionem. At in puerulis & infantulis interna conchæ structura (in qua tria officula tympanū, chorda tympano attensa, & musculus continentur) vno intuitu apparebit, euulsa cuspide cultelli auriculari apophysi, (quæ tum apophysis est) quod fieri debet intra caluariam. Spinalis medullæ admirabilem fabricam videlicet neruorum diremptum, ad huius extremitatem in formam caudæ equinæ desinentem, (propter myriades neruulorum inuicem contextorum, qui in aqua agitati & dispersi siue discapedinati caudæ equinæ figuram exprimunt) obseruabis: si corpore

resupino, & vncis ferreis ossibus spinæ semper appressis, & immobilibus, corpora vertebrarum cultris incidētibus vtrinque dissecueris ad radicem corporum; quæ vbi ex vtroque latere diuisa fuerint, intra cavitatem magni foraminis eiusdem spinæ adacto vnco ferreo incuruo manibus violenter extrahes, quod in singulis vertebris præstabis, ab infima ossis sacri parte, usque ad supremas ceruicis vertebrae. Reliqua ossa ad inspiciendum medullæ differentias, transuersim vel assulatim grandi cultro discabis.

Ossilegium.


CAPVT XXVI.

Ossilegij duæ sunt partes, Ossium Emundatio, & eorum-

dem apta concinnâque colligatio. Ossa per Osteotomen seiuncta, suisque carnibus spoliata, in lebetem amplissimum conijcies; exceptis Sterno Hyoide & Coccige. Lebetem implebis aqua, ut nulla pars ossis emineat. Aqua autem prius ferueat, quàm injciantur ossa: sic enim ocius incoquétur: dein igne supposito per quatuor aut quinque horas elixabis. Cauebis diligenter inter coquendum, ne os aliquod supereminens fumo inficiatur. Præterea subinde spumam & pinguedinem enatantem detrahes, ut ossa nitidiora fiant. Quod ut facilius assequare grandiora ossa medullâ referta, stylo in capite perforabis, ut omnis medullâ inutilis exudet & effluat. Exempta ossa cullo erades & expurgabis. Auferes autem ossa feruenti adhuc aquâ, a-

lioqui si frigida fuerit pinguia erunt. Quidam coctionis tempore libram calcis inspergunt, ut ossa candidiora fiant: Sed hæc erodit epiphyfes, & cartilagines ossium extrema incrustantes, quas inter radendum ossa euellere non oportet. Rursum ossa limpidissimæ aquæ iam bullienti imposita, per horam incoques, ut tota pinguedo & medulla secedat & exhauriatur. Deinde ab olla in aquam frigidam projicies, postea linteis asperioribus defricabis & absterges. Hoc modo præparata ossa, multi per duos aut tres menses exponunt aëri aperto, ut maiorem albedinem contrahât. Alij capsæ lineæ vnde quaque rebratæ inclusa, torrenti vel gurgitibus rapidi fluij obijciunt, ut transeuntis aquæ contactu albescant. Mallem aquæ molendinari

quæ supernè stillat subijcere, spatio decem vel duodecim dierum. Ossa accuratè terfa & exsiccata in arca conseruabis, vel inter se coaptata filo æneo colligabis, & in vrna siue ossuario recondes. Vtróque modo habere ossa necessum est. Atque vt verè notat Vesalius, compacta ossa ad ostentationem magis quàm ad disciplinam conferunt. Colligationis modus dependet ab industria artificis, vel ab exemplo alterius Scheleti affabrè facti quod imitandum proponitur. Plura leges de Ossilegio apud Vesalium, & Columbum. Quædam etiam non contemnenda Carolus Stephanus, supra istos authores annotauit.



OSTEOLOGIA

INFANTIS.

SECTIO SECVNDA.

CAPVT I.

CV M animaduерterem Infantis ossa ab ortu vsque ad septennium, plurimum discrepare ab ossibus adultorum; tam numero, quā figura, & potissimum epiphyseon multitudine, atque apophyseon defectu. Operæpretium duxi, adulti hominis ossibus Infantis ossa subiungere; vt discrimen illud euidentius innotesceret. Hæc enim comparatio multum lucis afferet, ad

componenda diffidia, litésque inter
Anatomicos exortas ; quin etiam
multùm conferet ad enodandas
difficultates, quas in Galeni Osteo-
logia passim offendes. Hanc Osteo-
logiam Galeno cognitam fuisse
manifestè patet, ex varijs apud eun-
dem locis, in quibus Infantis ossa
declarat, libro de formatione fœ-
tus caput Infantis describit, libro 1.
de semine de dentibus Infantis a-
git. Ipsemet Galenus montes adi-
bat, vt Infantes feris expositos per-
quireret. Sed ante Galenum Hip-
pocrates huius Osteologiæ diligens
ac studiosus obseruator fuit, vt te-
stantur diuina monumenta de na-
tura pueri, de dentitione. Huius au-
tem doctrinæ summa est vtilitas,
non tantùm in educatione Infan-
tium, verum etiam in praua par-
tium conformatione corrigenda,

quæ ex imprudentia obstetricis aut nutricis contracta fuerit. Videmus quotidie innumeros Infantes nasci Capitones, Gibbosos, Varos, Valgos, Scauros, Compernes: quæ vitia ac deformitates in ea ætate, quæ molliâ ac cerea habet ossa, emendari possunt. Ille verò peritè & rectè emendabit, qui naturam & constitutionem eiusmodi ossium notam & exploratam habuerit. Eleganter Galenus lib. de causis morb. capite septimo, deformitates ossium quæ pueris euenire solent describit. Figura, inquit, naturalis membrorum totiùsque corporis permutatur, vel in vtero, vel in egressu vteri, vel post partum. Deprauatur in vtero matris dum vitia- ta est fœtus formatio ob materiæ vbertatem, aut qualitatem minùs aptam. Deprauatur in egressu vte-

ri, dum ab obstetrice puellus non rectè excipitur; atque vteri latibulis emerfus, dum ab eadem obstetrice non rectè neque ritè fascijs inuoluitur. Postea cum à nutricibus sine modo attollitur, aut reponitur, aut gestatur, dum lactatur, & dum lauitur, aut fascijs alligatur. In hisce omnibus nisi quis Infantem commodè tractauerit, facile vniuscuiusque membri natura euertitur atque corrumpitur. Quod etiam accidit ex motibus perperam factis, dum ante tempus aut stare aut ambulare permittitur, aut vehementioribus motibus exponitur. Nam intempestiui atque vehementiores motus labefactant artus, ac inquam minimè decet partem circumagunt. Crura etenim ex ipsa innitentium corporum grauitate, aut ad exteriora aut ad interiora vertuntur. Qui-

bus autem rectiora sunt quàm naturæ conueniat, blæsa fiunt magis; quibus curuiora efficiuntur rhœba. vocatur blæsum quod ad exteriora conuertitur, rhœbum quod in contrariam partem. Thoracis partes plerúnque à nutricibus inuertuntur, dum ipsas in prima educatione nimium arctè vinciunt. Hoc apud nos quotidie fieri intuemur in virginibus, quibus dum student nutrices augere ea quæ sunt circa coxas ac ilia, vt hæc magnitudine thoracem exuperent: vittis quibusdam totum circumprehendunt, atque omnes scapularum ac thoracis partes vehementiùs stringunt ac comprimunt. Quò fit vt cum sæpe non æquè omnes intendantur, aut primum in partem anteriorem reddatur pectus, aut posteriores partes quæ ad spinam pertinent gibbæ ef-

ficiantur. Nonnunquam accidit ut veluti perfractum, atque ad latus adductum fiat dorsum; ita ut altera scapularum non aucta, sed parua ac valdè compressa appareat, altera verò prominens tumidaque ac omnino maior. Videtis ex Galeno quibus miserijs & deformitatibus Infantes sint obnoxij, ex prava ossium conformatione: quæ potest corrigi in ea ætate, quæ ossa habet cerea, flexilia, parata quam volueris formam suscipere. Infantis ossa grandiora, sunt excavata medullamque cruentam, siue succum medullarem continent: exactis sex mensibus albescit medulla. Perioostio velata sunt, & in extremis cartilagine incrustata. Extrema ossium fermè sunt epiphyses: Pauca tunc emergunt apophyses: atque magnus est epiphyseon numerus, ut accedat ad

ter centum & triginta vnam, authore Ingrassia. Sed illam supputationem inanem puto, nec adhuc multum anxius & sollicitus fui, in expendendis ac dinumerandis epiphyseis. Obseruaui nullum os extare grandiusculum, aliquatenus oblongum, quòd epiphyse non terminetur. Epiphyse autem omnes Infantibus sunt cartilaginosa, paulatim solidescunt, & in os durantur. Durities illa non incipit ab osse cui connectitur, sed à centro vbi primò osseam & spongiosam acquirit substantiam: quæ sensim incrementum sumit, ab interiore parte, ad exteriorem, siue à centro ad circumferentiam. Extrinsecus verò epiphyse siccescunt & durescunt, calore per motum & articulorum attritum, pueris ambulantibus excitato.

De Capite, ac primùm de Suturis.

CAPVT II.

S Vturæ Capitis sunt potiùs harmoniæ, quia simplici linea distinguuntur ossa cranij, sine mutuo dentium instar ferræ duplicis commissorum ingressu. Compages illa laxa est, vt crassam meningem sinat effluere ad formandum pericranium, cuius propagatio in puerulis perquirenda. Sagittalis Sutura semper excurrit vsque ad intercium narium; rarò per medium occipitis descendit ad spinalis medullæ foramen. Coronalis in vertice hiatu quodã mēbraneo & Rhomboide intercisa est, qua parte pulsatio cerebri visu & tactu percipitur. Hic locus vulgò Fontanella dicitur.

Os

Os Temporale cum duabus partibus contextum fit, Squammosa & Petrofa: partes illas linearis harmonia discriminat, quæ tamen non est exarata supra auris foramen; sed ultra prædictum foramen, inter mastoidem.

De Ossibus Cranij.

CAPVT III.

OSSA Cranij tenuissima sunt, nec duas tabulas siue laminas, interfusamque diploem observare licet, nisi anno elapso. Inter ossa disparilitas est, quippe ossa occipitis sunt omnium tenuissima, contrà quàm in adultis. Cæteris crassiora cernuntur ossa frontis: Ad concursum Sagittalis & Coronalis Suture hiatus Rhomboides inter-

cedit, qui membrana crassa & dura occluditur, quæ successu temporis ossea fit. Os frontale semper geminum existit, sine vlla cavitae sinuosa. Occipitis os in pueris nuper natis vt plurimum ex quatuor partibus conflatur vsque ad annum. Prima est tota & superior ossis amplitudo quæ cerebellum ambit & amplectitur. Hæc portio rarò bipartita est, attamen in apice scissura quædam notatur, ex sagittali eò vsque producta. Secunda & tertia portio, latera foraminis spinalis medullæ efformant & mediam coronæ occipitis partem. Quarta in extremitate huius ossis posita secundæ & tertiæ parti interiecta, portionem magni foraminis constituit. Hanc partem nondum obseruavi. Vnaquæque corone occipitis transversa lineâ intersecta est, quasi duplex

esset. Bregmatis ossa ad concursum sagittalis & coronalis futuræ hiulca & imperfecta sunt, ratione Fontanellæ. Ossa Temporum in duas partes Squammosam & Petrosam manifestè separantur. Ossis petrosi nōdum apparet Epiphysis Styloïdis, neque Apophysis Mastoidis, sola Zygomatica cernitur. Sed pars illa petrosi ossis quæ foramini auris subiecta, basim cranij constituit, sphænoidi proxima & finitima, Lithoides à nonnullis vocatur, auricularis dici potest: quia totam auris structuram comprehendit. In pueris epiphysis est, quæ facile secernitur; quod etiam in cranijs brutorum animantium etiam adultorum semper observavi: in quibus tamen aliter constructa est. In hac epiphysi auriculari multa veniunt observanda. Meatus auditorius to-

tus est cartilaginofus, circa quinquem aut sextum mensem osseam naturam acquirit, quamuis ad septimum vsque mensem separari queat, sed in basi hiulcum ac veluti fenestratum vsque ad tertium annum & ampliùs perstat intùs progrediendo in extremitate huius meatus, circulus adest osseus cui tympanũ orbiculatim affigitur, hñc etiã facile secernitur. Sed vbimeatus auditorius obduruit, tam arctè osseus circulus agglutinatur, vt postea sit inseparabilis. Auris cavitates sunt admodum angustæ, nec labyrinthi structura admirabilis, veluti in adultis inspicì potest: sed quod magis mirandum est, auris ossiculatoria, Malleolus, Incus, Stapes, ab ortu vsque ad extremum vitæ senium; sunt eiusdem substantiæ, magnitudinis; ac formæ. Sphænoides os in

quatuor partes sectum est, authore Fallopio, quarum duas constituunt Pterigoidei processus; Tertiam, sella glandulam pituitariam excipiens; quartam pars visorij nervi destinata, quæ non longè post natiuitatem coalescunt. Sed malè Fallopius diuisiones illas Sphænoidei descripsit. Nam tertia sellam equinam, & apophyses visorij nervi destinatas comprehendit. Quarta verò infra sellam equinam protenditur ad Coronas occipitis, eaque diuisio conspicua manet vsque ad duos & tres annos: in hoc osse nullæ sunt cavitates sinuosæ. Os Ethmoides totum est cartilagineum, septum narium primo fit osseum, & longè post reliquas partes induratur.

De Orbitarijs Ossibus.

CAPVT III.

IN Orbita aulorum sex ossa notantur, Zygomaticum, Sphenoidum, Frontale, Ethmoideum, Lachrymale, & Maxillare; cuius portio quæ ingreditur orbitam, illiusque pavimentum constituit, In pueris futura quadam vndique scernitur, quæ vsque ad biennium & triennium spectatur.

De Ossibus, Et Suturis Maxillæ superioris.

CAPVT V.

Maxillæ superioris lineæ siue harmoniæ, aulorum har-

monijs fimiles sunt: Sciffura quædam apparet ab ora infernæ orbitæ incipiens, quæ mox cessat in foramen subiectum. In principio palati transuersa linea cernitur, quæ ab vno incisore dente ad alterum porrigitur, quatuor incisores comprehendit. Quod spectat ad ossa, respondent adulatorum ossibus, in figura, numero, & situ. Maxillare os non est sinuosè excauatum, alucoli dentium sunt membrana tecti ac veluti occæcati.

De inferiore Maxilla.

C A P V T VI.

INferior Maxilla in medio vbi Mentum est, sciffura seu harmonia dirimitur, propterea duabus constat partibus, quæ biennio exa-

et in os vnum coalescunt.

De Dentibus.

CAPVT VII.

D'Entes in vtero cum reliquis partibus generantur, sed intra maxillarum alueolos gingivarum carne cooperti latitant, & minore numero continentur quàm in adultis. Sunt enim viginti, in vnaquæque maxilla decem, quorum quatuor sunt incisores, duo canini, & sex molares; omnes radicibus carerent, non incipiunt ex alueolis emergere perforatis gingivis nisi septimo mense, interdum ocyùs, si lac nutricis calidum fuerit. Pauci nascuntur exertis dentibus, vt Cn. Papyrius Carbo, & M. Curtius Dentatus cognominatus. Erumpunt

autem non simul omnes, sed alternatim biennij spatium: celerius superiores quam inferiores prodeunt, & primum incisores, dein molares duo, postea canini, quorum exortu pueri acerbissime vexantur. Cum viginti dentes obtinuerunt, tum omnes possidere perhibentur, nec plures emergunt nisi circa septimum annum. Verum cum Anatomici tantum viginti dentes in maxillis contineri memorant, ubi reliqui octo vel duodecim dentes resideant non explicant: neque verisimile est nova dentium seminaria formari & succrescere, quum omnes dentes formati inter alveolos deliteant. Obseruavi reliquos dentes quatuor vel sex maxillæ superioris, in extremis partibus eiusdem maxillæ sub Zygomate reconditos esse: dentes verò quatuor aut sex maxil-

læ inferioris in extremis partibus eiusdem maxillæ, prope apophyses coronas veluti puncta delitescere, quoniam vtriûsque maxillæ spatium angustius est, quàm vt queat viginti octo, aut triginta duos dentes comprehendere. Nec erumpunt illi octo vel duodecim dentes, nisi amplificatæ fuerint maxillæ, quod accidit exacto septennio: sed contra naturam aliorum dentium ad vltimum vitæ terminum subsistunt, nec euulsi, aut excussi renascuntur, vt alij viginti priùs commemorati. Quorum generatio duplex est, vna in vtero, altera extra vterum: nam in vtero, cum reliquis partibus formantur Dentes sed imperfecti. Intra singulos alueolos continetur mucosa & duriuscula substantia, folliculo albo membraneo conclusa, quæ paulatim siccescens cum of-

seam naturam adeptæ est, perforat acumine suo gingivam ad egres-
sum. Folliculus verò ipsi alveolo or-
biculatim agglutinatur, ut veluti
glutine dentem sistat atque reti-
neat. Altera verò Dentis portio ve-
luti radix intra alveolum latitans,
mollis adhuc & mucosa remanet,
ut in pennis avium & corallo cerni-
tur. Sed Dentibus magis ac magis
erumpentibus sensim obdurefcit,
& excavata in radices binas vel tres
finditur. His Dentibus intra singu-
los alveolos subiecta est ac veluti
substrata seminalis altera Dentium
materia, intercedente membrana
ab altero Dente secreta, quæ dum
robore formatricis facultatis agita-
tur ac veluti fermentatur, à novis ac
suppullulantibus Dentibus primo-
res expelluntur. Hæc secunda ma-
teria Dentium, mediano se pimen-

to disclusa, quosdam Anatomicos decipit, qui rati duabus partibus Dentes constare, illam Dentis partem exertam, epiphysim radici adnatam esse dixerunt: propterea Dentes in pueris radicitus ne utiquam euellendos, sed transuersim effringendos esse decreuerunt, Vesalius, & Columbus: quasi ex eadem radice nouus Dens succresceret, qui non potest amplius regenerari extirpata radice. Rectius meo iudicio Celsus scripsit, ex eadem radice in pueris nouum Dentem subire qui multò sæpius priorem expellit: interdum tamen supra infrave eum se ostendit.

De Osse Hyoide.

CAPVT VIII.

HYoidis media pars, totius ossis basis, est cartilaginosa: sed quamprimùm ossea euadit, latera aliquandiu manent cartilaginosa.

De Vertebri Spinæ.

CAPVT IX.

SPinæ viginti quatuor vertebri conflatur, dempto Osse sacro: Omnes vnius anni spatio tripartitæ sunt, exceptis duabus primis cervicis. Prima pars vertebræ corpus constituit, reliquæ duæ foraminis latera efformant, atque processus emittunt. Fallopius primam colli

vertebram vidit in pueris ex quinque partibus constructam, in alijs ex tribus tantum. Quando quinque partibus constabat: prima pars erat, quæ loco corporis cum dente Pyrenoidæ secundæ vertebræ colligatur. Secunda & tertia laterales erant, in quibus tam inferiores quàm superiores cavitates, articulatoriæ insculptæ sunt: quarta & quinta pars reliquum foramen perficiebant. Secunda colli vertebra præter tres partes reliquis communes, quartam adeptam est, nempe epiphysum eminentem & exertam, quæ dens, & pyrenoidis appellatur. In omnibus vertebriis postica pars acuta & spinosa omnino cartilaginosa existit, deinde ossea fit, & apud pedicis modo reliquis partibus agglutinatur. Processus quoque transversi sunt cartilaginosi, sed maturè osseam na-

uram acquirunt.

De Osse Sacro.

CAPVT X.

OS sacrum quinis vertebris ex-
structum est, quæ multa carti-
lagine interiecta, vt in omnium
vertebrarum coniunctione, ab in-
uicem secernuntur, postica acuties
spinosa, tota est cartilaginosa, qua
parte inter duas vertebrae magis v-
nitas intercidit. Singulae autem ver-
tebrae tribus constant partibus, vt
omnes spinæ vertebrae.

De Coccige.

CAPVT XI.

Coccigis os totum est cartila-
ginosum, & indiuisum, succe-

dente ætate in tres, vel quatuor partes secatur; quæ remanent cartilaginosa, vsque ad septennium.

De Costis.

CAPVT XII.

COstarum extremitates ad dorsum articulatæ, sunt cartilaginosa, maturè tamen solidescunt.

De Sterno.

CAPVT XIII.

INfantium Sternum prima generatione totum est cartilaginosum, ac prorsus continuum, nullaque linea distinctum. Vbi autem in os formari incipit, celerius ossium speciem superiores quàm inferiores,

feriores, & mediæ secundum latitudinem citiùs quàm extremæ partes assumunt. Vnde fit vt cartilagine vndequaue comprehensæ, eiusmodi osseæ partes quasi plurium in tabula nodorum speciem præ se ferant. Quando autem fœtus in lucem editur, inferiores sterni partes adhuc cartilagineæ sunt, & diuisionem nullam habent. Deinde eo modo quo exposui osseæ euadunt, ac tandem ad summum sex particulas transuersa linea à costarum cartilaginib⁹ protracta incisas sternum obtinet, quibus etiam annumerari debet illa quæ mucronatæ cartilagini præest. Fallopius in observationibus octo ossa puerulorum sterno tribuit, quæ mox ad septenarium numerum reducuntur, duobus vltimis in vnum coalescentibus: postea pauciora fiunt, vt

sex tantum appareant usque ad septennium: sed ultra hunc ætatis terminum rarò sex permanent, quamvis aliter sentiat Fallopius, pauciora semper observavi. Unionem ossium sic describit Fallopius; post septennium ossa sterni coniunguntur, & sensim pauciora fiunt, itaut sex tantum appareant, vno facto osse ex quarto & quinto, & alio ex sexto & septimo. Præterea hac unionem magis crescente, quatuor tantum reperiuntur ossa; facto coactu inter tertium, quartum, quintum, sextum & septimum ex quibus vnum ad extremum os resultat, &c. De sterni Infantium legendus Syluius Comment. ad cap. 12. libr. Galeni de ossibus.

De Omoplata.

CAPUT XIII.

IN Omoplata apophyses & epiphyfes sunt cartilaginofæ: Cervix quoque cum cartilagine Glenoide eiuſdem eſt naturæ. Coracoïdis eminentia, eſt epiphyſis: Acromium tanquam os ſeparatum non apparet, eſtque apophyſis multa cartilagine in cruſtata & terminata, quæ poſt tres aut quatuor annos exſiccata, in epiphyſim oſſeam commutatur dictam Acromium, quale deſcriptum eſt ab Hippocrate & Galeno: Tandem epiphyſis illa in apophyſim degenerat.

De Humero.

CAPVT XV.

Humeri appendices in utroque extremo sunt cartilaginosaë, paulatim indurantur & ossescunt. Similiter Trochlea inferioris humeri cartilaginosa existit, sed celerius quàm superiores partes in os vertitur.

De Cubito.

CAPVT XVI.

Cubiti pars superior Olecranon dicta epiphysis est, post annum durescere incipit, & ossi agglutinatur.

De Carpo.

CAPVT XVII.

CArpi ossa dum foetus nascitur, ex vna cartilagine conflantur; postea fiunt ossea, & à se mutuo diiunguntur. Sed primò spongiosa fiunt, vt reliquorum ossium quæ ex cartilaginibus ossa facta sunt. Octauum Carpi os vltimò fit osseum.

De Ossibus Metacarpij & Digitorum.

CAPVT XVIII.

Ossium Metacarpij & Digitorum extremitates sunt appendices cartilaginosaë, quæ ante annum indurantur.

De Ossibus Ilium.

CAPVT XIX.

Ilium ossa in pueris ad septennium tribus partibus compacta sunt, quibus veteres nomina propria indidêre. Prima pars comprehendit amplitudinem illam, quæ ad medium acetabulum exporrigitur. Reliqua pars anterior bifariam æqualiter secatur, traducta linea per fissuram illam acetabuli trans foramen ouale, vsque ad latus foraminis, quod cum osse congenere committitur, vt symphysim ossium pubis constituat. Huius diuisionis pars superior, os pubis dicitur. Inferior, os Ischium vocatur. Cavitatis cotyles labra sunt cartilaginosa.

De Femore.

CAPVT XX.

FEmur parte superiore tres emittit appendices, nempe Caput, & duos Trochanteres; quæ quidem epiphyfes aliquandiu manent cartilaginosa. Pars femoris inferior geminis tuberibus extumescens, appendix est cartilaginosa.

De Patella.

CAPVT XXI.

Patella in principio tota est cartilaginosa, diuque talis permanet, deinde ossea euadit.

De Tibia, & Fibula.

CAPVT XXII.

Tibiæ & Fibulæ ossa nihil variant ab ossibus adultorum, nisi in appendicibus tam supernis quàm infernis, quæ sunt cartilaginosa: deinde durescentes vsque ad decimum annum & ultra separatæ manent.

De Pedes.

CAPVT XXIII.

IN Pedes omnia Tarfi ossa ad plures mætes cartilaginosa sunt, excepto calcis osse, quod intus osseum, foris multa cartilagine obvoluitur.

De Ossibus Sesamoideis.

CAPVT XXIIII.

Sesamoidea permanent ad ætatem quasi consistentem cartilaginosa, duobus exceptis quæ in pede sub pollicis primum articulum reperiuntur. Hæc non longè ab ortu obdurescunt, sensimque osscam naturam acquirunt.

De Numero Ossium.

CAPVT XXV.

Numerum ossium in pueris & infantibus quadruplicè proponit Ingrassias. Primus continet ducenta septuaginta tria. Secundus trecéta quadraginta quinque. Ter-

tius complectitur ducenta quinquaginta novem. Quartus centum nonaginta duo : sed hunc postremum numerum puto commentitium, necdum assequor quid intellexerit Ingrassias. Istos autem numeros sic comprobat. In adultis reperiuntur ossa trecenta quinque: in capite septuaginta, videlicet octo Cranij, Maxillæ superioris duodecim, inferioris vnum, Aurium sex, Dentes triginta duo. Adde ossis Hyoidis vndecim ossicula ; quæ omnia simul iuncta efficiunt septuaginta. Truncus cōprehēdit sexaginta septem. Sunt Vertebre viginti quatuor. Ossis sacri sex. Coccigis quatuor. Costæ viginti quatuor. Scapulæ duæ. Iugula duo. Sterni ossa tria. Ilium ossa duo. Hæc simul copulata efficiūt sexaginta septem. Quod si os sacrum ex quinque &

Coccix ex tribus constent, ut sæpius accidit: tunc erunt duntaxat 66. In ambabus manibus numerantur 84. (additis 24. Sesamoideis.) In ambobus pedibus 84. (pariter adiectis 24. ossiculis Sesamoideis) ex quibus resultat numerus totalis ossium 305. Ex isto numero tolle 32. dentes, qui nondum apparent in infantibus; remanebunt 273. Quamvis enim dentes formati intra gingivas latitent, quia tamen nullus adhuc apparet, nondum ossibus accenseri debent. In examine secundi numeri ita procedit; Totius spinæ atque ossis sacri vertebræ, in infantibus in tres partes sectæ sunt, excepta secunda, quæ quadripartita est ratione dentis pyrenoidis. Ilium ossa tripartita sunt, Sternum in octo diuisum, maxilla inferior gemino constat osse, frontale os duplex.

His omnibus diligenter expensis & subductis inuenies 72. ossa, addenda ossibus 273. atque numerum habebis 345. Ex quo numero si demas ossa, quæ potius merentur nomen cartilaginis quàm ossis, cuiusmodi sunt Carpi ossa 16. Tarforum 8. Coccygis 4. Sesamoidea 48. utrâque patellam, Hyoidis 8. semper tribus ossiculis remanentibus, quæ omnia sunt numero 86. Remanebunt ergo 259. In istis numeris appendices non comprehenduntur 331. quas si addideris cum 345 ossibus: Infantis corpusculum 676. ossibus constabit.

CLAVDII
G A L E N I
 LIBER DE OSSIBVS
 AD TYRONES.

Iacobi Syluij Medicæ Rei apud Parrhisios Inter-
 pretis Regij COMMENTARIO illustratus,
 & ab eodem erroribus quamplurimis, tam
 Græcis quàm Latinis repurgatus.

In eundem Librum,

Ioannis Riolani Fil. D. Medici Anatomes &
 Pharmacîæ Professoris Regij, Explanations
 Apologeticæ pro Galeno aduersus nouitios &
 mouatores Anatomicos.




PARISIIS,
 Ex Officina ADRIANI PERIER, via Iacobæa.

M. DC. XIII.

Γ' ακώβυ Γυπύλγ ιατρῶ εἰς τὸν σοφώτατον
 καὶ ἐξοχώτατον ἱατρὸν Γ' ἀκώβον Σύλ-
 βιον τῷ αὐτῷ καθηγητῷ.

Θῆρας ἀλεξίκακας τετραπόδας ἕκτα νερίμφα
 τοῖς τε θεοσυφέας ὄβριμος Ἡρακλῆς·
 τῷ καὶ ὁ μυειόμοχθος ἐς ἔραν ἄλυσας ἦλθεν,
 αἶνοι ἔχων ἐπὶ γῆς εἶπεκεῖ ἰωορέης.
 αὐτὰρ ἀκεσότης ἱερὸς δόνος ὥλεσεν αἰκλῆ·
 σύλβιος ἠτοιόνης πάντας ἐλεῖχομένης
 ζωόοιον φύσιν, ἥδ' αὐτῆς μυσηῖα πάντα.
 τοίνυν ἐπαρετέος μᾶλλον ἀλεξικάκῃ.



SYLVIVS

AD LECTOREM

MEDICAE VERITATIS
studiosum.



*Q*UANTVS in omnibus Me-
dicinae partibus, quàmque
absolutus ubique fuerit Ga-
lenus, ingenio vir planè di-
vino: à me aliquando iusta oratione de-
monstrabitur, nunc mihi abundè suffe-
cerit confirmasse, libellum eius hunc de
Ossibus, esse hominis solius: ne quis ca-
lumnia studiosus, ansam quoque cap-
tet, loca quædam ad simiarum ossa
transferendi. Humanis quidem per-
quàm similia, sed tamen non eadem:
imò parte sui plurima etiam dissimilia.

Gæl. lib. 1.
admi. anat.

Lib. 1. ad-
mi. anat.

In initio
cōment. 1.
περὶ ἀρθρῶν

Cū igitur librorum de his ossibus scriptorū, sit titulus non modò περὶ ὀστέων, aut περὶ ὀστεολογίας: sed etiam περὶ σκελέτου. σκέλετον autem huius libelli initio, definit Galenus, esse ossium corporis humani syntaxin: hunc se librum scripsisse tantū de ossibus humanis tanquam omnium perfectissimis pronunciat: quamquam non pauca eorum quæ hīc docentur, ad simiæ & aliorum animalium (si horum quoque naturā noscendi cupiditas te cæperit) transferre possis. Quin & σκελέτου nomen, ad simiæ ossa interdum Galenus extendit: ut cū libros Hippocratis περὶ ἀσθμῶν καὶ περὶ ἀρθρῶν, seu de fractis & luxatis intellecturum, vult diligenter versatum esse in hac sua Osteologia, & quale est unumquodque os, spectasse diligenter, ὅτι αὐτῶν μὲν μέλαινα τῶν δὲ λευκῶν σκελέτων, εἴμη πᾶντος τῶν πηχυαίων. In primis enim omnia non modò ossa, sed membra etiam reliqua in hominis

hominis cadauere sunt exploranda : cuius potestas si non est, saltem in simiæ homini simillimæ sceletis ea explorabis. Ne putes tamen Galenū hoc loco suam Osteologiam de hominis pariter & simiæ ossibus cōmuniter scriptam voluisse fateri. Nam hoc modo, capiti humano ceruicem equinam iunxisset, *Et* mulier formosa supernè, in piscem atrum turpiter desineret. Cū simiæ ossa prope omnia, si non numero ab humanis dissideant : at figura & situ, & actione & usu non parum differunt, ut libris de usu partium passim docet Galenus. Postremò cū omnia quæ hoc libello Galenus de Ossibus docet, humanis adeò bellè conueniant, ut nos ex naturæ historia, & sceletis compluribus adhibitis, demonstrauimus nostris auditoribus circiter quadringentis : quorsum attinet ad lectionis veritatem simiæ ossa adhibere? Quin, si quis ingenio est calumniæ cupido, *Et* fi-

dem auribus abrogat, neque hîc audita ex Galeno, aut nostris in eum commentarijs recipit: accedat, sed posito sophistarum supercilio, accedat inquam Syluij ades, ut & videat & tangat quæ hîc docentur omnia. Vt cùm certior sit oculorum quàm aurium fides, & tactus homini sit certissimus, tandem intelligat, Galenum omnium nobis bonorum, post Hippocratem, esse authorem, & nihil à Galeno, uti nec ab Hippocrate, perperâ esse scriptum unquam. Cuius fidem omnino certissimam, nostris alijs in Anatomicos Galeni libros commentarijs, prope diem demonstrabimus. Interim tamen, te Lector candide hortor, ne momo cuidam vasano, litterarum rerûmque caterarum, præterquàm maledicendi, & impiè in præceptores inuehendi, imperitissimo, aures patefacias: sed eas veritati perdiscendæ integras seruaueris. Ossium verò picturam cum suis nomi-

nibus hic appressam nolui, quod maluerim ossa ipsa in naturæ historia omnibus hodie promptissima spectari, expendi, iudicari, probari: quam ex lineis, nescio quibus, nulla proportionem legitimam fictis, & umbra quoque (quam vocant) plurima obscuratis, ineptissime & laboriosissime condisci. Quod si superficies pingerent, esset fortasse cur a multis reciperentur, ut quæ corpora ipsa propius exprimerent, & eorum substantiam, magnitudinem, situm, connexionem, figuram, ob oculos magis ponerent. Vale Lector beneuole, & si veritati faueris, cætera nostra anatomica propediem expecta.



COMMENTARIUS
RIOLANI IN TITVLVM
Libri.

An Galenus author huius Libri.

QUONIAM multi libri veteribus falsò adscripti fuère, ab eo tempore quo Pergameni, Alexandrinique Reges, Attalus, & Ptolomæus magno pretio libros antiquos comparârunt. Officiûm Interpretis esse censet Galenus, diligenter inquirere; An liber sit Authoris illius, quem interpretari sùcipit: vt in optimis libris studium operâmq; suam collocet, sui que Autho-

ris sententiam, quantum rei veritas patitur, sustineat atque defendat. Nam antiquus Author amicè potius excusandus, quàm hostiliter insectandus est, capite v. libri secundi de Symptomatum causis. Atque veteres scripturas Galenus semper retinere maluit, licet difficiliùs explicarentur, quàm novas proferre vel excogitare, libr. 6. de epid. sect. 3. part. 31. Idcirco Galenus in explicatione alicuius libri Hippocratis curiosè inuestigat, an sit legitimus fœtus, ne spurius liber pro vero & germano supponatur, & introducatur. Quare nobis incumbit demonstrare hunc librum esse Galenì, ut illius verbis maior fides adhibeatur. Librum esse alicuius Authoris, ex styli genere, expositione simili, & Authoris testimonio comprobatur, ait Galenus

comment. ad aphor. 63. lib. 7. At scriptura Galeni in hoc libro & alijs prorsus confimilis existit, ossium expositio & demonstratio eadem ubique reperitur; sæpiùs nominat & adducit librum de ossibus ad Tyrones, qui etiam libello de ordine suorum librorum indicat qua ætate illum conscripserit, nempe circa 34. annum. Profitetur sectione secunda de artic. hunc librum ad lectionem doctrinæ Hippocraticæ viam parare, & libro primo admin. anat. ob exquisitam rerum indagationem, interpretationis facilitatem, & perspicuitatem, reliquis Anatomicorum libris anteponit. Veruntamen Fuchsius in institut. anat. hunc librum spurium esse scribit, multis in locis corruptum, & extremè fœdatum: quod etiam animaduersum fuit à Ioanne Caio Britan-

no suis castigat. in hunc librum. Quare fatentur Galenum similem librum conscripisse, sed hunc qui iactatur; & omnium manibus teritur, adulterinum & suppositium esse opinantur. Sed cùm Oribasius Galeni æmulus vel potius summa, hunc librum transcripserit, ipsaque verba alijs in libris anatomicis expressa legantur; Nemo inficiari vel dubitare potest aut debet, hunc librum esse Galeni.

De inscriptione Libri.

IRidet Plinius superbos titulos, quos Græci mira fœlicitate suis libris præfigebant; admirandas scilicet inscriptiones, propter quas vadamoniū deferri posset. Nam cùm intraueris nihil in medio inuenies. Galenus simplici titulo contentus

fuit *πρὸς ὅτι* vino vendibili non est opus suspensa hederæ. Imò Galenus affirmat libro de lib. prop. suos libros plerunque sine titulo edidisse, quemadmodum illi pingendi fingendique conditores, absoluta opera & quæ mirando non satiamur, pèdenti titulo scripserunt, vt Apelles faciebat, aut Polycletus, tanquã inchoata sèper arte & imperfecta, vt contrà iudiciorum varietates superesset artifici regressus ad veniã, velut emédaturò quidquid desideretur, si nõ esset interceptus. Certũ est inscriptionẽ libri à Galeno factã esse, cùm sæpius ab eo citatus & memoratus fuit cum tali titulo: vt sect. 2. de art. part. 1. & lib. 1. adm. anat. cap. 2. quo in loco notat veteres suos libros inscripsisse *ὀρεολογίας* Alios *σκελέτους*, nonnullos simpliciter de ossibus vt ipse fecit. Noster

Hippocrates librum suum de ossibus, inscripsit de natura ossium. Est autem hic liber Galeni Tyronibus artis Anatomicæ dicatus, vt præfert titulus, & extremo capite huius libri testatur. Consuevit enim suos libros distinguere in Isagogicos, & perfectos: Isagogicos Tyronibus, perfectos prouectis conuenire scribit, libro de lib. proprijs. Sic Hippocrates libro de Medic. Medicinam aliã facit Tyronum τῶν μαθητῶν, quæ manum opera administratur; qualia sunt Anatomica, & Chirurgica opera. Aliam Prouectorum in arte τῶν προγεγενημένων, qui eorum quæ fieri debent causas & occasiones norunt, tam in externis quàm internis affectibus. Cùm igitur in usum & gratiam Tyronum Galenus hunc librum euulgarit, omnia perspicuè & breuiter tradit & exponit.

*Quidquid præcipias esto brevis, ut
citò dicta*

*Percipiant animi dociles, teneant-
que fideles.*

Notauit Galenus comment ad part.
4. libri primi de Fracturis, orationis
& explicationis duplex esse genus,
Synopticum, & Diexodicum: utro-
que vsum fuisse Hippocratem,
quod etiam in Galeno obseruo. Est
autem huius libri explicatio synop-
tica, quæ ad memoriam valet, ut
Diexodica ad perspicuitatem, quã
in Cómentario adiungemus. Quòd
si Galenus in hoc libro plurima præ-
termiserit necessaria, quæ ex alijs li-
bris suppleri possunt: noluit Isago-
ges terminos excedere. In hoc imi-
tatus Hippocratem, qui in officina
(Liber est Isagogicus) non omnia
Chirurgicæ opera declarauit, quæ
in Medici officina aguntur: sed ea

tantum proposuit, quæ addiscere debent, qui primas institutiones aggrediuntur.

Quòd Galenus in rebus Anatomicis, cæteris preferendus est, & quid in eius lectione Anatomica sit observandum.

CV M mihi persuasissem diuinum Hippocratem, ac eius Interpretem Galenum, maxima post Apollinem & Æsculapium Medicinæ numina & lumina, vnde quaque absolutissimos esse: nihilque vnquam nec in Physiologia, nec in cæteris Medicinæ partibus scripsisse, quod non esset verum aut probabile, quia nec fallere rarò falli vnquam potuerunt. Ægrè & impatienter tuli Galenum à iunioribus Anatomicis miserè disceptum, &

iniquè flagellatum fuisse. Proinde
 mearum partium esse duxi antipe-
 largiam illam, summamque grati-
 tudinem quam in discipulis requi-
 rit Hippocrates, meis præceptori-
 bus referre. Omnem idcirco lapi-
 dem mōui quò possem calumnias
 in Galenum euomitas amoliri, &
 spicula quibus pungebant, in ipsos
 retorquere; quod feci non contra-
 dicendi studio, sed veritatis tuendæ
 gratia, quam vnice Galenus dilexit,
 & omnibus Medicinæ studiosis cō-
 mendauit: atque vt posteris inno-
 tesceret, Galenum peritissimum &
 perfectissimū fuisse Anatomicum,
 quem sequi & imitari omnes de-
 beant. Sunt enim optima exempla-
 ria quæ vetera sunt; quod Cicero
 de antiquis Romanis dixit, eos in
 Republica constituenda tanta fuis-
 se sapientia, vt satis superque sint sa-

pientes, qui illorum sapientiam non dico assequi, sed quanta fuerit perspicere possint. Idem de priscis Medicis Hippocrate & Galeno in rebus medicis verè dici posse iudico. Quare vt loquar cum Plauto,

*Qui vtuntur vino vetere sapientes
puto,*

*Et qui lubenter veteres spectant fa-
bular, libros:*

*Antiqua opera & verba cùm vo-
bis placent,*

*Æquum placere est ante veteres fa-
bular libros*

*Nam nunc nouæ quæ prodeunt co-
mædiæ anatomix,*

*Multò sunt nequiores, quam numi
nou.*

Quàm sancta sit Platoni priscorum authoritas Hippias declarat, qui semper præferre consuevit priscos homines recentioribus, vt & viuen-

142 COMMENT. RIOLANI
tium inuidiam, & defunctorum indignationem euitaret. Socrates in Philebo cenſet priſcos nobis præſtantiores; dijsque propinquioreſ, oracula nobis tradidiſſe: apertiùs Pláto Timæo priſcis viris credendũ eſt, quia Dijs geniti parentes ſuos optimè nouerant: Impoſſibile eſt Deorũ filijs fidem non habere, licet nec neceſſarijs nec veriſimilibus rationibus eorum oratio confirme-
tur. Itaque dicam cum Salomone quòd ſapiètiám omnium antiquorum exquirat ſapiens; ac proinde quærenti quo modo peritus & doctus Anatomicus euafurus ſit; cum Zenone reſpondebo, *εὐδυσχερότις οἷομαι* *ἔσθ' ἄνθρωπος*. Præſagit animus quamplures non defuturos prauis quorundam documentis imbutos, qui Galeni Anatomem imperfèctam eſſe obijciant, propter inopiam vel

raritatem cadauerum, quæ priscis sæculis quamprimùm rogo impo-
sita cremabantur: quinetiam cruci
vel patibulo suffixa, lex Mosis intra
biduum aut triduum inhumari vel
aduri iubebat, aut etiam eodem
die, vt habetur Deuteronomij ca-
pite vigesimo primo. Quæ consue-
tudo cremandi corpora illicò post
obitum, introducta fuit apud Ro-
manos temporibus Marij & Syllæ,
lata lege ob bella ciuilia, ne quis sæ-
uaret in mortuos. Propterea cùm
non licuerit habere cadauera hu-
mana: Veteribus Anatomicis ipsi-
que Galeno minùs exacta explora-
tæque fuit corporis humani stru-
ctura. Sit ita vt volunt; vnde quæso
Vesalius suos discursus Anatomicos
expiscatus est; nisi ex vberrimis Ga-
leni fontibus? nihil est à Vesalio
dictum, quod non priùs à Galeno.

dictum fuerit: nec immeritò possem illi obijcere, quod olim Alexander Ephestioni iactabundo exprobrasse fertur; quæ sunt tuæ opes, aut quod tuum facinus, si quis Alexandrum tibi demat. Similiter si quis ex libris Vesalij doctrinam Galeni exemerit; risum mouebit cornicula alienis ac furtiuis nudata coloribus, si vellem ingenium Galeni supra cæteros Anatomicos admirabile exprimere; deberem imitari Tymanthis industriam, qui Cyclopem in parua tabula cùm pingere eius magnitudinem designare cupiens, pinxit iuxta Satyros Thyrsopollicem eius metientes. Sic reliqui Anatomici Galeno comparati, infantes & nani videntur, qui docente & dictante Galeno loquuntur. Quapropter si quædam paulò aliter constructa in corporibus nostris

stris appareant, quàm fuerint à Galeno descripta. Verisimile est longam temporum atque æuorum seriem in humanis corporibus multa immutasse, quod Vesalius ipse confitetur atque agnoscit, atque à veteri typo veluti deflectentem atque lasciuientem naturam; in variando opificio, & hoc tanquam figlino vasculo variè dissimilitèrque compingendo, suam artem & potentiam demonstrare voluisse.

*Ludit in humanis diuina potentia
in rebus.*

Verùm vt omnis controuersiæ, & dubitationis occasio rescindatur; Tria sunt in Galeni lectione Anatomica consideranda. Tempus quo libros Anatomicos edidit, Doctrinæ modus, Personæ siue eorum cōditio quibus scripserit. Temporis nomine intelligo ætatem, & scri-

ptionis ordinem; nam cum ætate crescit ingenium, senescentes quotidie doctiores euadimus, dielque sequens præcedentis magister est. Itaque Galenus trigesimo ætatis anno scripsit de matricis dissectione, de pulmonis & thoracis motu: circa trigessimum quartum ætatis annum in lucem emisit libros de ossibus, de venarum, arteriarum & neruorum dissectione: deinde ad libros administrationum Anatomicarum se contulit. Libros autem de musculorum dissectione & motu antea scripserat, quia in libris administrationum Anatomicarum passim remittit suos lectores ad istos libros. *Hæc omnia, inquit Galenus, necesse habui commemorare, ut agnoscant illi qui sunt aliquando meos libros lecturi, quæ ætate quosque scripserim, & quam ob causam. Inde intelligere poterunt quæ sunt tanquam imperfe-*

ēta, ab ijs quę elaboratē absoluta sunt discernenda. Doctrinę modum diligenter obseruabis; quędam enim implicite & breuiter, alia explicitē & perspicuē tradit; quędam ex professo tractat, alia obiter & perfunctoriē. Idcirco Galeni textum clariorem & vberiozem obscuro & breui pręferes, atque eum qui ex professo institutus fuerit, alteri qui obiter & alieno loco expositus est, exemplis id clarum euadet. Galenus libro secundo de fracturis part. 8. notat à quibusdam pedis ossa viginti septem, ab alijs viginti sex numerari. At hoc libro de ossibus, viginti sex tantum enumerat: libro quinto de locis affectis capite sexto, dum recenset omnes musculos abdominis, rectos prius nominat, dein transuersos, postremò obliquos, contra ordinem positionis atque

dissectionis, quem libro quinto administrationis Anatomicæ retinuit. Nam primos constituit obliquos, dein rectos, postea transuersos collocat: libro decimo tertio Methodi, capite decimo septimo, scribit lienem nutritilimoso & melancholico sanguine ut libro quarto de usu part. vbi ex professo tractat de actione & usu partium ait lienem attrahere hunc suctum, sed longa morâ conficere immutare, & quidquid tenuissimum est sibi que familiarē in suos vsus conuèrttere, quidquid alienum est in ventriculum & aluum ablegare. *cod. A. lib. 1.*

Deinde considerabis personas quibuscum Galenus agit, nam si suos commentarios Tyronibus dicauerit, non erunt exactè elaborati: si peritos edoceat, omnia perfectè tradit. Eam ob rem suos libros diuis

sic in Isagogicis & perfectos, ut Ari-
 stoteles suos libros in Exotericos &
 Acroamaticos: sic Galenus in gra-
 tiam Tyronum librum de ossibus
 condidit, & librum de matricetad
 erudiendâ obissetricem composuit:
 Nec mirum si exquisitam doctri-
 nam non contineat: Sed non sem-
 per debent, neque fortè cū magno
 emolumento possunt, quasi ad nor-
 mam vniuersæ exigī, sicut in operi-
 bus fabricæ & officinæ facere homi-
 nes consueuerunt: Neque τὸ ἀκρι-
 βές, hoc est limatum accuratū-
 que, in omnibus disputationibus
 pariter requiritur, est vbi popularis
 doctrina qua res tractatur crassiore
 Minerua plus proficiat, captibus
 discipulorum magis accommodata:
 quàm docendi viam. Galenus in
 hoc libro sequutus est. Cū autem

Anatomen ex purissimis Galeni fontibus repetendam esse dixi. Non tamen recentiorum riuos sicco pede trāseundos esse, neque posteritatis ingenia contemnenda puro. Nam in omni genere scientiarum & summis admiratio veneratioque, & inferioribus merita laus contigit. Cum Alexandro persuaderent nonnulli ut Græcis sicut amicis, barbaris velut hostibus vteretur, prudenter respondit, hostes & amicos fidelitate & perfidia discernendos esse: Cum plures enim Græcos barbaris deteriores existere, vicissimque barbaros plures fidelitate Græcos superare: similiter quidquid à Græcis proditum est, velut ab oraculo profectum semper amplectendum esse neutiquam existimo. Imò non tam personæ, quàm rei delectum & rationem habendam es-

Ἰς, φιλεῖν ἀμφοτέρους, πείθεσθαι τοῖς ἀκρι-
 βέστεροις δεῖ, inquiebat Aristoteles,
 & apud Platonem in Charmide So-
 crates, monet vt non attendas
 quis dicat, sed quid dicatur. Ego
 verò Galeni defensionem suscepi
 quantum rei veritas patitur, &
 quandò manifestè falsa prodidit,
 liberè profiteor: Ne quis eodem er-
 rore decipiatur, quo ille antè fuit
 deceptus. Nunquam enim halluci-
 nari supra captum hominis est, sed
 quam minimè aberrare solius arti-
 ficis est, Authore Galeno. Inter cæ-
 tera mortalitatis incómoda & hoc
 est, caligo mentium, nec tantum
 necessitas errandi, sed errorum a-
 amor, ait Seneca. Quod si Fabius in-
 ter virtutes Grammatici numerat
 quædam nescire, quantò magis no-
 bis Medicis vt nō dicā necessarium,
 saltem cum maiore venia erit, in

rerum tam reconditarum indagine nonnulla ignorare. Siquidem vnus homo cuncta videre vel obseruare non potest. Neque natura suos thesauros eodem sæculo recludit, vniue homini patefacit. Quamuis enim ars Anatomica recentiorum diligentia & industria videatur cōsummata, sēper tamen in corpore humano, *Restabit, ventura quod ætas quærat, & vt studiose quondam exerceat, isto.* Quocirca si Galenus omnia spectare & inuestigare non potuit, si quædā ignorauit, aut aliter exposuit: Hæc illi condonare & pro laboribus immensis posteritati relictis pijs illius manibus bene precari oportet. Cū in recentiorum Anatomicorum scriptis Vesalij, Fallopij Libimali, Columbi, forsā plures errores vel potiùs hallucinationes offendātur, quā apud Ga-

lenum, quæ minus in illis tolerabiles, qui Galeni laboribus adiuti, in tanta cadauerum humanorum copia, peritiores & perfectiores esse debebant: sed in amicorum vitijs acutum cernimus, in proprijs cœcutamus. Porro quæcunque pro Galeni defensione produxi, non possunt spectari aut demonstrari in vno eodemque scheleto: plurima sunt inspicienda, in quibus diuersa quædam notabis, quæ verisimile est Galenum vidisse, dum hæc commentaretur, aut ossa diuersorum cadauerum habuisse. Deinde prisca nomina partibus indita retinenda sunt, nec temere pro arbitrio immutanda, & ad alias partes transferenda, cum non habeamus Anatomicos Hippocrate, Galeno, Ruffo Ephesio antiquiores, quorum opinionibus standum & acquiescen-

134 COMMENT. RIOLANI
dum est, quippe nominum commutatio magnas lites & obscuritates in re Anatomica excitauit, ut cum agitur de coccige, quam appellationem cartilagini ossis sacri adaptant, contra sensum & doctrinam veterum Anatomicorum.

De quibus Ossibus agit Galenus.

Galeni scopus est de hominis ossibus agere, ne quis confundat ossa si miæcum humanis; id apertè docet in proemio, cum dicit non posse ossium fracturas & luxationes rectè intelligi, ignorata ossium natura. Medicus autem luxata & fracta non in simijs aut id genus brutis restituit, sed in hominibus. Adde quod paulò post definit scheletum, ossium corporis humani syntaxim, alibi hunc librum condi-

disse tantum de hominis ossibus, tanquam omnium perfectissimis affirmat. Ridiculi sunt qui putant Galenum suam Osteologiam de hominis pariter & simiæ ossibus scriptam voluisse; & demonstrant ex libro tertio de artic. vbi monet ossa exploranda esse in scheleto hominis, vel illius defectu in simiæ ossibus. Nam hoc modo capiti humano ceruicem simiæ iungeret. Quæuis enim simia ossium numero, magnitudine, figura, situ nobiscum valde consentiat; sunt tamen quedam in singulis prope ossibus dissimilia, vt hominis scheletum simiæ scheleto comparantibus euidenter apparebit, quod etiam demonstrabo post hominis Osteologiam. Hippocrates librum de ossibus composuit, quorum numerum ex humanorum ossium inspectione col-

legisse asseuerat, atque ad perpetuam memoriam scheletum ære fabricatum, quasi primitias sapientiæ anatomicæ Apollini Delphico consecrauit. Galenus duorum hominum scheleta habuit, in quibus ossium figuras & positiones potuit obseruare, ergo non est dubitandum quin hic liber de hominis tantum ossibus sit compositus.

An ab Osteologia incipienda Anatome.

Quemadmodum in Grammatica prius litteras nosse conuenit, quam legere siue litteras coniunctas exprimere queas, & in Geometria prius scire oportet quid punctum, superficies, linea quam theoremata possis intelligere: sic in doctrina Anatomica prius ossa cognoscenda, quæ totius Anatomies

abecedarium seu elementale constituunt. Hæc nisi præcedant quidquid ediscimus & edificamus, caducis & infirmis superstruitur fundamentis. Vt ergo peritus architectus primum fundamenta domus firma & solida iacit, postea parietes, tabulata, ligna & reliqua quæ illis innituntur adiungit: sic in texenda & effingenda corporis humani structura ab ossibus auspiciandum est, authore Galeno. Etenim quod in tentorijs præstant pali, & in ædificijs parietes, id in animantibus ossum substantia efficit: quod etiam Hippocrates ijs verbis innuere voluit, capitis exemplo, Ossum naturam ex capite æstimare oportet, deinde nervorum, venarum, carnis & reliquorum, &c. Quocirca ossibus primum locum in disciplina Anatomica decernimus, cùm ab his

Galenus ordiendum esse censuerit, quamuis carnibus operta sint. Nam ut in magno mundo, terra pars illius infima, aliorum elementorum ambitu obuallata, prima patet sensibus; ita in microcosmo terræ analogæ ossa, licet carniū viscerūque incubatu obuoluta, statim se offerunt: cū ob soliditatem cum quia molem vniuersi corporis gubernant. Demū vt terra quoddam quasi fundamentum est magni illius mundi, ita ossa quæ telluri respondent sunt instar fundamenti iacti ad erigendam & suffulcendam totam corporis substantiam. Idcirco Poetæ qui fabularum inuolucris rerum naturalium arcana occultare solent, fingunt ex lapidibus à Deucalione sparsis renatos homines; id est ex ossibus quibus funda-

cul de l'homme, sur lesquels se réimprima

tur & conformatur vniuersa moles corporis humani, nec caret mysterio quod in sacra scriptura, vbi partes corporis humani recensentur, os semper primo loco ponitur. Obijciat aliquis Galenum anatomicam doctrinam tradidisse duobus voluminibus, nempe libris de vsu part. & administr. Anatom. in quibus non incepit ab ossibus; deinde videtur Anatome eo modo docenda quo administratur. Respondeo figuras partium externarum, & internarum adhaesiones cum alijs, sedes & progressus, cognosci non posse: nisi prius perspexeris & exploratis ossibus. Prætereà dicimus cum Piccolomino duplicem esse ordinem tradendarum cognoscendarumque rerum, alterum qui sequitur sensum ducem, alterum

qui sequitur perspicuitatem rerum explicandarum : priore res explicantur eo ordine quò sensui occurrunt, vt fit in administratione Anatomica. Secundo ordine res illæ prius explicantur per quas aliæ perspicue fiunt, & sine quibus nequeunt intelligi. Primo ordine musculi prius sunt exponendi, quàm ossa carnibus illis obuoluta. Secundo ossa prius sunt explicanda quàm musculi; quòd musculorum origo, progressio, terminatio, intelligi nequeant sine cognitione ossium. Adde quod duplex est docenda & cognoscenda Anatomies methodus, Synthetica, & Analytica: illa à simplicissimis partibus sensim ad compositiores progreditur, donec totum assecuta fuerit. Altera totum in suas partes resoluit vsque ad minutissimas.

nutissimas. Prima methodus aptior est ad docendam Anatomen, altera confirmat & demonstrat sensu, quæ prior theoricè docuit.

Osteologia diuisio.

Osteologia duplex est, vna ossium infantis recens editi vsque ad septennium; Altera ossium adulti perfectique hominis. Horum enim ossa inter se multum discrepant, vt seorsim in vnaquaque Osteologia demonstratum est. Vtraque Theoritica est & Practica. Theoriticam voco quæ versatur in disquisitione conformationis & vsum ossium, Practicam appello quæ manum adhibet ad secanda, munda & colliganda ossa, inde constituo duas illius partes, Osteoto-

L

men, & ossilegium. Osteotome ex fractura & contusione artificiali abditas partes singularium ossium inquirat; Ossilegium est ratio parandi & conficiendi scheleti.



LIBER

GALENI


DE OSSIBVS, AD

TYRONES MEDICOS.



Q^UIA singula per se qualia
sint, & quam inuicem syn-
taxin habeant, nouisse ar-
bitror medicum oportet,
si rectè ipsorum fracturas & luxa-
tiones curaturus est. In omnibus e-
nim quæ ad Medicinam pertinent,
perspicuum est quod secundum
naturam est, tanquam scopum ha-
bendum esse. Quam rem qui igno-
rat, minimè intelliget neque

L ij



partes affectæ à sua natura distra-
hantur, neque qua ratione ad id
quod secundum naturam est, redu-
ci debeant. Quapropter nec mor-
bos nouisse, nec rectè illos curare
poterit.

SYLVIVS.

VT præmion libri Hippocratis
Κατ' ἰσχύον totius artis com-
mune docet Galenus initio commentarij
in eundem librum: si hoc præmion non
est ossibus proprium, sed alijs omnibus
corporis partibus tum similaribus, tum
organicis commune, si modò ossium loco
partes illas inscribes & proprios illarum
morbos, pro fractura & luxatione pro-
prijs ossium morbis substitues. Sic quo-
que Hippocrates libro πρὸ ἀπὸ Severi
bet in primis cognoscendam esse naturam
ἰσχυῶς, quòd ad multos morbos ea co-

gnitione opus sit. Quanquã & de cõmunibus multarum partium morbis, vt intemperie, immoderatione, solutione continui, quatenus nunc has nunc illas partes, vel solas, vel etiam cum alijs ipsi occupent: verus sit sermo ex Hippocrate acceptus, scribente initio libri $\pi\epsilon\iota\alpha\lambda\omega\varsigma$: Medicum oportet quæ suo loco mota sunt & fracta, recto admodum habitu intendere. Quibus verbis Galeno interprete, indicat se de fracturis & luxatis tractaturum: Nam liber de articulis, siue de luxatis, proximè sequitur librum de fracturis. Cùm verò mota suo loco, seu luxata, fractis hîc præponat Hippocrates cùm librum de fracturis libro de luxatis idem præposuerit, docet ibidem Galenus. Nam ossium natura qualis per se sit, hoc est, quæ sit ipsorum temperatura commodratioque, & partium in ipsis unitio, si prius est noscenda, & fractura unitatis in osse solutio prior

Initio cõ-
mẽt. 1. in li.
 $\pi\epsilon\iota\alpha\lambda\omega\varsigma$

Initio lib.
3.4.6. Me-
thodi.

est tractanda. Deinde ut ossium mu-
tua syntaxis atque connexio secunda est
noscenda: ita *Ε* luxatio eius syntaxeos
morbis, siquidem *α*σπας, vel *α*σπα, vel
κατασπα, seu fractura, soluta unitatis
species morbus est ossium proprius, eaque
solutio in osse nomē id peculiarē sibi ven-
dicauit. Quanquam solutio continui
morbis similarium *Ε* organicarum
communis, illarum verò proprius intem-
peries, harum immoderatio in magnitu-
dine, numero, figura, situ est. In quibus e-
tiam omnibus, praterquam numero, lu-
xatio *Ε* fractura immoderatio est. Nā
pars luxata *Ε* fracta, breuior sit, mus-
culis *Ε* tendonibus articulum ambien-
tibus, *Ε* os dum mouent, motu sibi pro-
prio contrahentibus. Ob id luxata *Ε*
fracta à Medico intendi vult Hippo-
crates. Luxata quoque *Ε* fracta pars
figuram *Ε* positionem habere depraua-
tam *Ε* prater naturam manifeste appa-

Gal. initio
comment.
1. in lib.
πρὸς ἀντιστ.

ret. *Morbus igitur est ossis, aut veriùs articuli luxatio (unde & ἐξάρθρωσις dicitur) & ea sursum deorsum, intrò foras, antè retrò, (sex enim hæ sunt ossis à sua sede transponendi in articulo differentia Galeno) non quà os est pars similis (sic enim sanum est, si temperatum est & sibi unitum) sed quà partis organicæ portio est. Partis enim organicæ morbus proprius immoderatio, partibus similaribus per accidens tribuitur, & secundariò seu quatenus ipse partes similes sunt, totius organi partes tali magnitudine, numero, figura, situ, connexione in unum instrumentum coeuntes: quomodo contrà intemperies morbus partium similarium proprius, per accidens tribuitur organicæ parti, sic etiam utriùsque sanitas propria, ab uno per accidens ad alterum transfertur. Ossium autem, ut partium cæterarum, natura in duobus præcipuè consistit, singularum*

Commēt.
1. in lib.

πρὸς ἀρθρῶν.

Gal. lib. de
diff. morb.

lib. 1. vñs
partium.

substantia, & quæ necessariò substantiæ vel succedunt vel accidunt. Propriam verò partium substantiam temperamenta complent. Ossi enim esse os & reliquis partibus id esse quod sunt, adest propter talem calidi frigidi, humidi sicci temperaturam & mixturem. Temperamentum igitur partibus inest secundum substantiæ rationem. Quam necessariò sequuntur mollities, durities, sapes, odores: colores, accidunt verò eidem necessariò magnitudo, numerus, figura, situs, cōnexio. Substantiam cuiusque partis declarant maximè diffinitio & diuisio: ob id Galenus os nunc diffinit, hoc est, oratione succincta vniuersam eius substantiam circumscribit, deinde diuidit in differentias à necessariò accidentibus sumptas, præcipuè magnitudine, figura, & situ.

- 2 Quod secundum naturam est, hoc est, quod naturalem partium temperatu-

ram, commodationem, in magnitudine, numero, figura, situ, unionem, & ab his actionem inculpatam, vsumque peculiarem est sortitum, id tanquam scopum habeat semper Medicus oportet, siue sanitatem praesentem causis similibus & consuetis tuetur, siue morbum aliquem per remedia ipsi morbo & ipsius causae contraria profligat. Quae duo praecipua Medici officia sunt. Omnium enim quae in corpore habentur primum, & cuius maximè egemus, est ipsa partium non impedita functio. Hanc verò quia possidemus natura, idcirco publicè dicimus expetere nos secundum naturam, seu naturaliter agere vel habere. Ob id Medicis rectè usurpata vox est ista secundum naturam, de omnibus quae in corpore ex sententia nostra esse cupimus.

Initi. fa-
nit. tuédz.
lib. Meth.

14.

Cùm morbus omnis affectus sit, contra
seu praeter naturam, is & eius magnitu-

do ignoretur necesse est, nisi affectū priorem secundum naturam, hoc est, sanitatem eius pristinam cognoscas, ad quam pars ipsa medēdo tibi etiā omnino reducenda est, non autem ultra, ne contrarium priori morbum inuehas, neque citra, ne morbi prioris reliquiae quaedam in corpore morbum reciduum excitent. Vt igitur morbum, morbi magnitudinem, remediorum morbo idoneorū naturam, Et quatenus pars his remedijs tibi mutanda erit, quo in sanitatem pristinam perfectē vindicetur, intelligas, partium omnium sanitatem cognoscas oportet, quae in similaribus est temperatura, in organicis commoderatio, in ambabus unio. Qui verò morbum curat ignoratum, empiricè curat Et temerè: quem si sanat, fortuitum est non artificiosum. Propterea etiā egros felicius curamus, quos nouimus sanos, quàm ignotos.

RIOLANVS.

Summarium primi capitis.

Galenus cap. i. generalem doctrinam proponit, omnibus Medicinæ partibus accommodatam; quod scribendi genus veteres & recentiores Medicos obseruasse testatur ipse commentario in lib. Hippocratis de offic. quem librū quia totius artis commune principium in limine præ se fert, ea de causa cæteris præmittendum esse monet. Talem enim docendi viam continet, qualem in suis libris quos primas institutiones appellant, recentiores aliqui addiderunt. Exordiū autem illud Hippocratis loco citato, simile est ei quo utitur Galenus. Scribit ille naturales ossium affectiones & habitus cognoscendos esse, vt duplex eorum vitium cognoscatur. In primis consideranda ossium natura qualis per se sit, hoc est quænam ipsorum temperatura, conformatio, & partium inter se vnio: deinde ossium mutua syntaxis atque connexio obseruanda, prioris habitus vitium fractura dicitur, secundi morbus luxatio est. Hoc enim ordine naturales ossium affectiones explicatæ sunt, quo affectiones contra naturā declarantur ab Hippocrate: qui primū de fracturis, postea de luxationibus egit. Hæc autem duo in genere ossium absolutè prius examinanda sunt, nempe qualitas & syntaxis, quæ postea in

singulis ossibus ordine perquirentur. Itaque Galenus notat prius sciendum esse quid & quale sit os, quàm syntaxis exponatur.

De qualitatibus Ossium.

IN ossibus vt in omnibus corporis partibus tria considerari debent, authore Galeno libro primo de vsu part. capit. 9. Primò substantia, deinde quæ substantiæ succedunt, vel accidunt, propriam partium substantiam temperamenta complent, ossa enim id quod sunt, & reliquæ partes id quod sunt, habent à temperamento. Temperamentum igitur partibus inest secundum substantiæ rationem, quam sequuntur mollities, durities, sapores, odores, colores: accidunt verò eidem necessario magnitudo, numerus, figura, situs & connexio, hæc omnia qualitatem ossis constituunt.

An ad Medicum pertineat Osteologia.

IVre quæri potest, An Ossium doctrina pertineat ad Medicum? cùm ipse Galenus dixerit Osteologiam Medico vtilem ad fracturas & luxationes curandas. Soli hodie Chirurgici fracturas & luxationes tractant, & si quæ pars Medicinæ Chirurgica est, ea potissimum censetur à Celso, quæ in ossibus curandis occupatur, de qua li-

bros acuratissimos edidit Hippocrates. Accedit quòd non tantùm Osteologia, verùm etiam tota Anatome Chirurgis addicta ac veluti proprietaria videtur. Nam cùm Anatome absque corporum dissectione doceri neque disci queat; incisio verò sit operatio quæ manus operam requirit, non est dubium quin Anatome ad Chirurgiam referenda sit. Siquidem ex operationibus Chirurgiæ, aliæ morbos iam factos patefaciunt, aliæ venturos docent ex cognitione partium, cuiusmodi sunt Anatomicæ administrationes. Galenus libro secundo de Placitis capit. 4. thoracis incisionem Anatomicam, vocat Chirurgiam: similiter libro de vsu partium cap. 2. cordis viuentis sectionem Chirurgiam appellauit. Responde Galenum ijs in locis latiore significato vsurpare nomen Chirurgiæ, pro omni operatione quæ manu perficitur, vt ipse docet libro 1. de vsu part. capit. 7. Ac sanè olim quando cum materno lacte linguas imbibebant, statim à teneris medica opera nempe Anatomica, Chirurgica, & Pharmaceutica, quæ sub sensum visus & tactus cadunt, & non secus atque Mathematica sensatam apodixin habent, edocebantur. Testatur Galenus in veteri Asclepiadarum familia Anatomen pueris demonstrari solitam, & comment. in libr. 1. de officina. scribit quæ hoc libro continentur ad Tyrones & discipulos pertinere. Quòcirca merito conqueritur quòd à Medicis neglecta fuerit Chirurgia, comment. ad part. 23. libr. 1. de artic. *Hippocratis seculo Medici optimi artis præcepta discebant, atque ea præsertim quæ ad manus operationem pertinent; ea*

nunc à Medicis vel nullo modo discuntur, vel certè exiguo tempore. *spatio.* Idem Galenus libello quòd optimus Medicus sit Philosophus, inter plures causas ob quas nemo æqualis Hippocrati efficitur, tantique viri doctrinam assequitur, hanc esse præcipuam scribit artis Anatomicæ contemptum & ignorationem. *Iste naturam corporis quam totius Medicinæ ordinis principium statuit, optime cognoscendam esse præcepit; at isti in ea re ita studium ponunt, ut non modo nullus ex partibus corporis substantiam, aut formationem, aut magnitudinem, aut nexum siue cum propinquis communicationem, sed ne positurâ quidem noscant.* Cùm igitur olim tres Medicinæ partes ab vno eodémque homine exercerentur, non mirum si Galenus Osteologiam Medico conferre dixerit ad fracturas & luxationes curandas, exemplo Hippocratis, qui monet ossium doctrinam Medico necessariam esse ad eorum fracturas & luxationes cognoscendas atque restituendas lib. 2. de fracturis: & in epist. ad Thessalum filium. Porro nemo dubitat aut inficiatur Hippocratem in rebus Anatomicis & Chirurgicis apprime versatum fuisse, ut fidem faciunt diuina illius monumenta, Galenum Chirurgiam exercuisse omnibus notum est, & de se profitetur, in patria sua Pergamo curandis gladiatoribus à Pontifice præfectum fuisse; sæpissimè comment. in libros de articulis & de fracturis operandi modos quibus vteretur exponit.

*An ad Fracturas & Luxationes
curandas tantum necessaria
Osteologia.*

HOC dubium mouere posset aliquis ex verbis Galeni, sed non absolutè Osteologiæ utilitatem fracturis & luxationibus ossium circumscripsit: latiùs patet illius utilitas ad vulnera, vlcera, tumoresque curandos. Præterea cum omnes corporis partes ossibus adnascantur & stabiliantur, ex Galeno hoc capite, formam, habitumque naturalem ab illis acquirant: quis non animaduertit summè necessariam esse Osteologiam in curatione omnium morborum. Nam quo modo situm nexumque viscerum cognosces, ignoratis ossibus? quo modo musculorum cognitionem habebis absque exquisita ossium præcognitione? sed priusquam fracturas & luxationes curare incipias, ossium perfectam notitiam comparare oportet, quod Galenus præcipit comment. in lib. 3. de artic. *Nemo accedat ad lectionem librorum Hippocratis de fracturis & luxationibus, nisi prius in scheleto qualia sint ossa singula diligenter inspexerit.* Propterea iubet Hippocrates libro de officina statim initio vt Medicus primùm similia intueatur, diinde dissimilia; id est primum naturalem cuiusque partis constitutionem obseruet, vt si quid præter naturam acciderit, confestim agnoscat. Nam, vt inquit Aristoteles lib. 1. de anima. Rectum est index sui & obliqui, opus est aliquo ad

cuius normam & regulam deprauata corrigas: proinde si prauam ossium cōstitutionem cognoscere & emendare velis, eorum naturalis cōstitutio in primis cognoscenda. Idcirco voluit Hippocrates vitiatam corporis partem ad eam quæ integra est cōferri, vt quantū à naturali recesserit, intelligatur, & eodem libro monet illum prius racheos naturam nosse debere, qui huius partis morbos curādos suscipit. Necesse est, ait Galenus lib. 2. Meth. cap. 4. vt in omnibus quæ ad Medicinam pertinent id quod secundum naturam est primū cognoscatur. Nam cui id ignotum est, is neque vbi à sua natura partes affectæ distrahuntur, neque qua ratione ad id quod secundum naturam est adduci debeant intelliget.

- 1 Sunt autem ossa animantis partes durissimæ & aridissimæ, maximèque terrestres. Hæc tanquam
2 fundamenta quædam ad vniuersam corporis substantiam sustentandam subijciuntur, hisque omnia adnascuntur & stabiliuntur.

S Y L V I V S.

- 1 **A**D Ossis diffinitionem satis erat pars corporis nostri maximè ter-

rea. Nam mox necessario sequebatur eam quoque siccissimā esse, & si erat siccissima, omnino & durissima erat: cū terra elementaris (si qua in eius centro inuenitur) sit quouis adamante durior: quæ si durissima est, etiam est siccissima, cū dura omnia, si modicè caleant, ut omnia in nobis viuentibus & dura permaneant, sint sicca. Tamen ad maiorem orationis perspicuitatem tyronibus maxime necessariam, hæc duo, durissima & aridissima, addidit. Quod non omnes nouerint terreum omne siccum esse, nec siccum omne durum, nec contrā.

Galen. de Hippoc. de hominis natura.

Ossium vsus communes aliquot explicantur, quod & se mutuò, & partes alias omnes sustinent, & eas sibi adnatas affixasque firmant, fingunt, mutant ac muniunt: sed etiam ab alijs non modò ossibus sustententur ossa in varijs corporum motibus & figuris partium: verum etiam à musculis muniuntur contra fri-

gus, æstum, *Et* alia foris occursantia. Ab ijsdem musculis ossa etiam sæpè finguntur, quod linea in femore, tibia, perone, brachio, radio, cubito, cavitās una in temporibus, triplex in omoptata *Et* osse ilium comprobat. alia cuique ossi propria utilitas, in libros de usu partiū, consultò à Galeno reijcitur.

RIOŁANVS.

Ossium definitio.

OMnis à ratione suscepta de re aliqua institutio à definitione proficisci debet, vr intelligatur id de quo disputatur; propterea Galenus à definitione ossium incipit, sunt autem durissimæ & siccissimæ animantis partes (vel vno verbo) maximè terrestres, quā definitionem nonnulli abundare perperam existimant, & sufficere si dixisset, ossa corporis esse partes maximè terrestres. Indè sequitur aridissimas esse & si sint aridissimæ, erunt etiam durissimæ. Sed Galenus in gratiam Tyronum scripsit, quibus facilia & intelligibilia proponenda sunt, ex Hippocrate lib. de vet. medicina. Idcirco ossis naturam clariùs expressit, quando durum pronuntiavit os, quia siccum, sic-

cum verò quia terrenum. Si quis obijciat debuiffe Galenum præmittere ficcitatem duritiæ, quæ est effectus ficcitatis, vt mollities humiditatis, ex Arist. lib. 2. de generat. & corrupt. cap. 2. Responde duritiem nobis esse notiorẽ ficcitate. Deinde cum os sit vtile propter duritiem, idcirco primũ durissimum à Galeno dictum fuit, dein aridissimum. Cum, inquit Galenus libro primo de vsu partium, cap. 9. cuiusque particulæ vtilitatem inquiris, diligenter examinabis, an propter actionem sit vtilis, an propter ea quæ temperamentum consequuntur, vt os propter duritiem. Dicerem adhuc duritiem qualitatem esse ossi magis aptam & propriam, quàm sit ficcitas, quæ primò conuenit ex Galeno & Auenenna pilis, qui ficciores existunt ossibus: ideòque durum præmittere debuit ficcitati, quia ex veris partibus nostri corporis os est durissimum, authore Galeno libro secundo de temperamentis, capite primo. Adde quod Galenus voluit explicare qua ratione os esset durum, nam aliquid durum tribus modis fieri & existere scribit libro quinto de facultat. medicam. repletionẽ, concretionẽ, & ficcitate: Os autem durum est ficcitate.

Cur Ossa durissima.

Aristoteles libro secundo de generatione & corruptione capite secundo, naturam duræ & sicci his verbis declarat. Vt mollia, inquit, humidis subiiciuntur, sic dura siccis: quare vt humi.

da non sunt in mollibus, sed in humidis mollia: vicissim sicca non sunt in duris, sed dura in siccis. Discrimen autem ponit inter aridum & siccum, nam aridum est quod admodum siccum est, ut etiam concretum sit humoris penuria, quasi aridum: quid esset supra siccum, cuiusmodi sunt ossa siccissima. Præterea durum definit id, quod concretum est, & quod concretum est durum existit. Durescunt autem & coguntur corpora, inquit Aristoteles lib. 4. Meteorum, partim à calore, partim à frigore. Calor enim humorem exsiccat, frigus vero calorem extrahit. At ea quibus hoc evenit humoris inopia, humore liquari solent, nisi fortè ita cogantur ut introitus in eis minores quam qui aquam accipiant relinquantur, ut lateres: idcirco ossa liquari non possunt, sed aduri, fumumque emittunt, ut ipse docet Aristoteles libro 4. Meteorum cap. 9. Ex his præmissis. clarè intelligitur quanta sit ossis durities, quod nec aqua diluatur, ut terra quæ sit lutum, nec igne resolvatur: cum tamen multa vrent igne fiant molliora ut cornu. Causam assignat Aristoteles libro quarto de generat. animalium, quæ parum in se humoris & caloris habent, & dum hæc evaporant indurantur, igne molliuntur, quia calorem excipiunt qui humorem liquat induratum. At quæ à calore interiore dura fiunt, ut siccescente humore instar testæ excoquantur, ea nullo igne molliari aut liquari queunt. Prioris generis est cornu, posterioris os. Scribit Galenus libro primo de semine cap. 10. ut ossa fierent dura, materiam seminalem cras-

sam & terrestrem à calore torrefactam, ac prorsus arefactam fuisse: ob eam duritiem & terrenam consistentiam à Poëtis ossa comparantur lapidibus, ex quibus à Deucalione iactis renatos homines fingunt. Summam esse ossis duritiem satis ostendit comparatio illa quam adduxit Galenus libr. 1. administ. Anatom. cap. 2. quod in tentorijs præstant pali, quod in ædibus parietes, id in animalibus efficit ossium substantia. His enim, vt addit hoc libro, subiiciuntur ac veluti fundamenta quædam reliquæ corporis substantiæ subhærescunt: Quippe omnia ossibus adnascuntur, atque stabiliuntur. Durities autem non est in omnibus ossibus equalis, quædam enim sunt lapidosa, vt ossa temporum, alia pumicosa vt ossa spongiosa narium, alia molliora vt ossa sterni, alia cartilaginosa vt ossa coccigis.

Cur Ossa Siccissima.

D Vbitare posset aliquis, num ossa sint siccissima corporis partes, cum ipse Galenus libr. primo de temperamentis capite 9. pilos ossibus sicciores esse tradiderit, quod etiam Auicennas fen. 1. doctr. 3. cap. 2. asseuerat, tribusque rationibus confirmat, quæ viris doctis videntur inuvalidæ ad probandum id quod intendit. Nam Galenus de industria ossa partes animantis dixit, forsân vt ossa distingueret à pilis, qui sunt excrementa corporis: quippe Galenus naturam & temperiem partium, quatenus existunt in viuientibus

expendi voluit. Proinde ossa non corporis sed animalis partes esse prodidit. Deinde Galenus loco citato de temperamentis sibi non contradicit. nam eorum quæ cutis inuolucro teguntur os. siccissimum esse scribit, vt eorum quæ à cute expululant pilos esse siccissimos. De hac questione consulendi sunt Auicennæ interpretes, Gentilis, Baptista Montanus, & Ioannes Costeus.

Cur Ossa terrestria, & an sentiant.

O Somne, inquit Aristoteles capite secundo libri tertij de partib. anim. & quidquid ossis speciem gerit, Terrenum est, ob id ossa sunt graua. Negat tamen Piccolominus ossa grauissima esse ob elementum terreni abundantiam, quia cinis post ossium exustionem minus ponderat, quàm cinis reliquarum partium: quod argumento est terræ minus quàm cæterorum elementorum ossibus inesse, sed idcirco grauissima & terrena esse ossa, quod aër & aqua in illis sint maximè concreta & condensata, vt aqua concreuit & condensatur in gelu: At verò in marmoribus atque lapidibus plus terræ quàm cæterorum elementorum inest, quandoquidem post eorum combustionem plurimus remanet cinis. Verumtamen Aristoteles libro secundo de partibus animalium capite quarto, ossa maximè terrena esse prodidit, quod elementum terræ in eorum mixtione prædominatur & exuperat: quinetiam ex terrea & pingui portione seminis conuari scriptum est ab

Hippocrate. Galenus autem de industria ^{ad} terre-
stre in definitione adiunxit, vt tacitè significaret
ossa sensus omnis expertia esse, cùm à durissimis
& siccissimis, maximeque terrenis sensus abesse
soleat: quod eleganter declarauit Aristoteles sub
finem libri tertij de anima. Tactum non esse ter-
renum, sic probat: quod omnium tactilium ta-
ctus sit veluti mediocritas & susceptiuum senso-
rium omnium qualitatum, tam primarum quàm
secundarum: propterea ossibus & pilis & huius-
modi partibus non sentimus, quod terræ sicut, &
plantæ propter hoc nullum habent sensum, quod
terræ sint. Contrà pertinaciter inficiatur Colum-
bus ossa quia terrena non sentire: sic enim dentes
durissimi & terreni non sentirent, sed quia per
eorum substantiam nulli nerui disseminantur.
Alij ossa non sentire putant, quia per eorum sub-
stantiam membranæ tactus instrumēta non spar-
guntur: ossibus tantum circumiectæ sunt, ne
quid alienum & inimicum in ossa penetraret &
influeret sine sensu. Galenus varijs in locis de-
monstrauit ossa per se, naturæque suæ non sentire,
sed ratione membranæ circumfusæ, quæ *mediæ*
nuncupatur, id manifestè declarat libro secundo
de motu caput. 2. membranarum quæ ossibus
circūiectæ sunt dolores profundi sunt, & ossium
veluti dolentium imaginem inducunt. Hinc est
quod à plurimis *dymia* nominantur, ac si ipsa ossa
sentirent. De hac quæstione legendus Scaliger e-
xercit. 291. & Bartholomeus Eustachius libello
de dentibus, cap. 24.

De Ossis compositione.

Cum sint generationis nostræ duo principia, semen, & menstruus sanguis, ab utroque vel ab alterutro, os ipsum produci necessum est. Vtrumque ad compositionem ossis concurrat, diuerso tempore. Nam os cum alijs partibus spermaticis ex spermate conrescit, delineatum accrescit sanguinis affluxu: Quapropter materia ossis duplex esse potest, vna generationis, altera nutritionis. Materia ex qua generatur semen est, quod duabus constat partibus: alia est tenuior & aëria, altera crassior & terrestrior, ex qua generatur & conflagatur os durissimum & siccissimum. Empedocles ossis materiam longius repetit ab elementis: dum Ossa ex octo elementorum partibus conflagari prodidit, duabus terræ, vna fluidi, hoc est aquæ & vna luminis, id est, aëris, quatuorque Vulcani, hoc est, igne; & ideo esse alba & sicca, alba propter ignis vbertatem, sicca propter terram, hæc enim duo abundant elementa: Empedoclis opinionem tribus versibus expressam recitat Aristoteles libro primo de anima. Nec Plato in Timeo rectius Empedocle ossis materiam exposuit, dum ossa ex medulla & terra simul permixtis nasci scribit. Excusandus tamen verbis Macrobij, quod in rebus Anatomicis parum exercitatus fuerit. Diuinus Hippocrates supra ceteros materiam ossis melius expressit: quippe non tantum

duram & crassam seminis partem requirit, præterea vult esse pinguem, ne os concretum & formatum, temporis progressu exarescens friabile reddatur, quod animantium ossa declarant quæ friabilia sunt, quia pingui illo humore destituuntur.

Materia nutritionis ex qua ossa genita nutriuntur, alimentum est naturale, quod ex Aristotele duplex existit: alterum nutriendi; alterum augendi. Nutriendi quoque materia duplex existit, remota, & proxima. Remota est sanguinis pars crassior, terrestris seu melancholica, per venas in ossa influens, quæ in epiphysibus tanquam ventriculis excoquitur atque præparatur, probat hoc medullaris succus qui in principijs ossium cruentus apparet. Materia proxima est medulla in ossium cavitatibus contenta, quàm ossium alimentum esse statuit Galenus cum Hippocrate, quamvis enim omnes partes sanguine nutriantur, ad partem tamen appulsus alteratione quadam illius naturæ & colorem induit & acquirit, atque quò magis distat sanguis ad partem nutriendam, cò longior est illius præparatio, quæ fit in cavitatibus rectis, aut anfractuosis. Quare cum sanguis ab ossium natura multum dissideat, in ipsorum cavitates repositus sensim elaboratur excoquitur; ut in ossis substantiam conuertatur, propterea natura magnis ac durissimis ossibus maiores cavitates dedit, minoribus ossibus ac spongiosis caver-nulas; in quibus succus medullaris, siue sanguinea medulla continetur. Efficiens ossium causa auctore Polybo siue Hippocrate, libro de natu;

ra pueri spiritus est semini implantatus, quæ sequuntur absurda, arguunt librū non esse Hippocratis, nempe per inspirationem & expirationem sēsim ingreditur & egreditur, vt omnes animalis partes fiant. Rectius alibi Hippocrates libro de principijs scripsit calidū naturale & immortale, id est animam vegetantem, quā semen animatum est, ossa indurare: Aristoteles libro secundo de generatione animalium, capit. 4. tradit ossa calore interiore confici exarescente humore, quare ab igne resolui nequeunt. Galenus ad ossis procreationem caloris facultate opus esse scribit, quæ torreantur, ac propterea arefiant: sequutus in hoc Hippocratem, qui ossium generationē per exustionē fieri decernit, & quāvis talidum illud, sit moderatū, quia tamen in densiore materia diu moratur, vires eadem habet quas intensissimus calor, vt vrere videatur. Idem Galenus libro primo de naturalib. facultatib. cap. 6. causam ossis effectricem accuratiū exponit; dum ait naturam in prima partium generatione similes partes creare, vtendo facultate generatrice & alteratrice, quibus famulantur elementares qualitates, excalesciens, refrigerans, humectans & exsiccans; ex quarum permixtione nascitur & exurgit particularis quædam facultas, quæ partibus creandis seorsim destinatur, vt est ossifica, nervifica, venefica. Cæterum hæc omnia licet appareant diuersa, in idem tamen reſcunt, & tēque eandem significant. Certum est & indubitatum genitorem spiritum semini insitum ossa cum alijs

partibus delineare ; spiritus autem calidus cælesti igne perfusus est : ergo calidum naturale & immortale ex Hippocrate causa efficiens esse potest. Galenus libris de facultatib. natural, demonstrare voluit facultatum magisterio nostrum corpus gubernari, ac proinde spiritum & calorem seminis meliori formæ mancipari, nempe formatrici facultati, quibus etiam seminalis humoris qualitates elementares subseruiunt : & dum illa facultas formatrix in generatione huius vel illius partis similis occupatur, varijs nominibus indigetari potest, ad doctrinæ facilitatem, vt efficiens causa proxima delignetur. Vereres quandā Deam ossium formatricem constituerunt, quæ Ossilago dicebatur, vt legitur apud Arnobium.

Forma ossium duplex est, vna essentialis, altera accidentalis. Essentialis est, quæ dat esse ossibus, ex opinione Aristotelis dicunt esse animam, quæ facit vt os & caro sint id quod sunt. Archangelus Piccolominus in prælect. Anatomicis formam ossium essentialem statuit, propriam eorum animam vegetantem calido innato insidentem. Fallopius vult esse soliditatem, quæ in tota substantia sibi similis sit. Apud Galenum partium similium forma essentialis Temperamentum est; similiter ossis forma substantialis erit temperies frigida sicca : etsi Empedocli & Alberto magno ossa calida sint, de qua controuersia consulendus Laurentius in Anatomicis quæst. Quare siccitas & frigiditas formam ossis essentialem exprimunt atque constituunt.

Forma accidentalis ossium est varia, pro ratione figuræ cuiusque ossis.

Finis ossium vel communis est omnibus ossibus, vel particularis: hicque vel quibusdam ossibus simul, vel singulis seorsim. Communis ossium finis, quem Galenus usum appellat, duplex est, primus ut sint omnium partium fundamenta ad erigendum corpus vniuersum, Secundus ad motum, progressionem, & inflexionem totius corporis, vel alicuius partis, ne serpentum more diuinum animal reperet. Particularis usus ossium multorum simul, multiplex existit. Primus est partes principales ab iniurijs externis tueri, ut caluariæ octo ossa simul cerebrum ab externis incursionibus defendunt: sic costæ & ossa sterni salutis viscerum causa simul coniuncta sunt, Secundus est ut tutum transitum quibusdam partibus præbeant, ut vertebræ spinæ omnes simul, spinali medullæ transitum & munimentum largiuntur. Tertius usus est ut articulos laxos constringant, sistantque, ut patellæ duæ cum Sesamoideis ossiculis. Particularis cuiusque ossis usus seorsim dicetur suo loco & ordine.

Ossis diu-
sio.

Ex ossibus verò quædam grandia & ampliter concaua sunt, ac medulla plena, quædam parua ac solida, & sine medulla, neque caui quicquam, quod sensu dignosci queat, in se habent.

SYLVIVS.

Constituta diuidenda rei essentia
 ratio *Et* ossium substantia per
 diffinitionem, ex rei notione omnibus
 hominibus confessa procedentem, iam
 circumscripta est diuisionis principium:
 rectè ob id diffinitioni subdit diuisionē.
 Cùm enim os res non sit simplex, seu spe-
 cies infima, sed multas habeat ex diffe-
 rentijs species (alia enim sunt ossa cranij,
 alia spondylorum, alia partium cetera-
 rum) ordine optimo *Et* planè Hippocra-
 tico iam ossium differentias, non omnes
 quidem, sed precipuas, leuiter attingit:
 à magnitudine scilicet, ac figura, *Et* si-
 tu sumptas. Quibus addi possunt ab es-
 sentia dura, molli, crassa, tenui, densa, ra-
 ra, *Et* ab omnibus figurarum differen-
 tijs, ad quas etiam cauum, solidum, aspe-
 rum, leue, Galeno refertur. Nam me-
 dulla, apophyses, epiphyses, cùm ossium

t. & 9 me-
 tho. & ini-
 tio & fine
 lib. de nat.
 hominis.

lib. de diff.
 morborū.

sint illa alimentum, hæc portiones: differentias quoque faciunt ab essentia sumptas, uti & ossium coniunctio per *ἀρθρον* vel symphysin, differentias facit à situ & connexionē. Et hæc omnes differentie vel ossibus totis, vel ipsorum partibus quibusdam adsunt: & item vel semper, vel per quasdam ætates & temperamenta, ut ossa bregmatis & frontis ad concursum obelææ cum stephania à sutura in pueris sunt cartilaginosa uti epiphyses ipsæ: in adultis verò hæc in ossa durantur. Porro ossa grandia cavitates magnas medullæ ossa ipsa nutritura plenas sortita sunt os femoris, tibiæ, peronæ, brachium, radius, cubitus, gena inferior, gena superioris os maximum. Inter magna, quedam & cavitatis & medullæ sunt expertia, ut ossa cranij septem, omoplasa, spondyli lumborum, os sacrum, os ilium, mola, os calcis. Parua verò ossa solida & cavitare euidenti carentia, ob

id etiam medulla, sunt ossa faciei reliqua, hyoides, ossa carpi octo, spondyli alij, ossa coccygis, astragalus, cyboides, scaphoides, ossa tria innominata, dentes: seZamoidea digitorum maioribus articulis intus appressa, his tamen cauernulæ adsunt medulla seu succo albo medullam imitanti, etiam usu (ea enim ossa nutrit) plena, quæ quidem cauernulæ etiam prædictis maioribus insunt, non modò in ambitu medullæ passim, sed præcipuè in ipsorum ossium extremis in articulorum usum extuberantibus. Amborum media sunt quædam, nonnihil scilicet cauata, Et ut videri potest, ut cumque medullata ossa metacarpij, pedij, digitorum manus, Et pedis, de quibus loco suo audies. Has ossium differentias scrupulosius persequi, obscuritatem tyroni offundat magis, quàm lucem aliquam afferat. Ob id tacitas volui, præsertim quòd de harum

Hunc succum medullam vocat Gal. iu fine lib. 3. fac. nat.

plurimis, sermonis progressu dicetur: ut de foraminibus quorundam cranij ossium spondylorum differentias quasdam facientibus. Tunc enim facilius intelligentur & fidelius memorix hærebunt.

R I O L A N V S.

De Ossium Diuisione.

Galenus tres ossium differentias proponit, quarum prima est à magnitudine, ut alia sint parua, alia magna. Secunda sumitur à cavitatibus siue substantia caua & solida, ut alia sint ossa concaua alia solida. Tertia est differentia, quod alia medullam habeant, alia verò careant. Contra Fallopius comment. ad hunc locum existimat Galenum duntaxat ossium magnorum & paruorum definitionem tradidisse, ut demonstraret magnitudinem non esse metiendam secundum tres dimensiones. Os enim Galeno magnum dicitur quod non solum quantitate magnum est, sed ampliter concauum ac medulla plenum, qualia sunt ossa femorum, tibiae & humeri. Erit autem os paruum quod solidum est, & sine medulla, sic ossa scapularum & coxendicis licet videantur magna, erunt tamen parua: quæ verò quantitate parua sunt, si cavitatem & medullam habent, parua non erunt, sed mediocria: atque

atque hoc pacto Galenus deffendit potest à calumnijs Vesalij, qui obijcit parua ossa excauata esse, & medullam continere. Respondet Fallopius parua quidem esse, qua ntitate, sed cum cæteræ conditiones desint, absque medulla & cauitate, potius mediocria dici debere. Quamuis subtile hoc Fallopij commentum ad verba & mentem Galeni aliquatenus accedat, vt legenti textum apparebit: cumque Galenus adiungat grandioribus ossibus datas fuisse epiphyses, quæ cauitates occluderent, & medullam conseruarent: & alibi dixerit ossa parua omni cauitate & medulla destitui. Non est tamen recedendum à Syluij sententia, videlicet hoc loco ossium tres differentias proponi: quamuis continuata serie & coniunctim magnum cauum & medullosum describantur, quoniam parallelli modo tres illas differentias opposuit. Adde quod magnum id appellant Anatomici, quod triplici constat dimensione, authore Galeno, libro tertio administrat. Anatom. Quod atitnet ad obiectionem Vesalij, parua etiam ossa cauitatem & medullam habere, etsi secus scripserit Galenus, libro vndecimo de vsu part. cap. 18. Responde Galenum alibi contrarium ostendisse, libro tertio de naturalib. facult. capit. 15. qualis carnibus sanguis talis ossibus medulla, scilicet in his quæ parua sunt, sinúsque expertia, cauernulis eorum inspersa: In magnis vero & excauatis simul collecta. Vt igitur contradictio illa tollatur, notandum medullam genericè, vel specificè, siue metaphoricè, vel propriè v.

surpari. Metaphoricè medulla vocatur cerebrum, eiusque propago spinalis medulla, ut varijs in locis notauit Galenus, & potissimum libro octauo de vsu partium capit 4. propriè medulla sumitur, pro succo candido qui in cavitatibus ossium continetur. Rursum propria veràque medulla dupliciter sumitur, latè & strictè, latiore significato medulla dicitur succus omnis ossium siue albus, siue cruentus: sed strictè loquendo medulla nominatur succus candidus condensatus & in ampla cavitare conclusus: succus cruentus vel albicans, ossium cauernulis inspersus, dicitur medullaris. De hac quæstione legendus Rorarius contradictionum Galeni 112.

Cur ossa sint caua.

Naturæ Architectonicæ in condendis ossibus industriam & sapiëntiam licet admirari, quæ omnia fermè concaua esse voluit ad facilitatem & agilitatem mouendi; quamuis enim domui conueniat firmissimum & solidum fundamentum, sintque pauimenta tantò solidiora, quantum trabibus constant solidioribus: non sic tamen expediebat ossa produci. Nam si præter duritiem solida fuissent, pondere suo membrorum agilitatem retardassent, & affixissent humi diuinæ particulam auræ: nec tantum ad leuitatem corporis excauata sunt, sed ut intra se medullam recondant pro nutrimento, vel potius ut in ipsis cavitatibus sanguis elaboretur, & excoquatur.

Nec tamē omnia ossa caua medullam continent; quædam sunt vacua solo aëre plena, vt octo cavitates cranij quæ sinus dicuntur. Ossium medullarium 89. enumerat Ingrassias: At eorum quæ caua sunt absque medulla 39. constituit, dentes annuerando. Excavantur autem ossa, vi & impulsu genitoris spiritus, qui non aliter distendit ossæam materiam, quam vitrarius insufflando in materiam vitris conficiendis aptam & idoneam.

Cur Ossa sint medullosa.

Scribit Hippocrates, libro de natura pueti, ossa postquam cavitatem adepta sunt, ad se trahere è carne quicquid in sanguine pinguisimum est: quasi diceret ossa puro & sincero sanguine nutriri. Auicennas statuit sanguinem meiancholicum esse alimentum ossium, vt simile simili alatur. Hippocrates & Galenus medullam assignant nutriendis ossibus, quam tamen Aristoteles 2. de partibus animalium capit. 6. & Auctroes 2. collectaneorum capit. 8. nutrimenti ossium excrementum esse volunt, non quidem inutile, sed vtile; pingue quidem & calidum, quod in terream ossium substantiam conuerti & absumi non potuit: quam opinionem sequutus est Conciliator differentia 52. Nec ab ea recedit Galenus, comment. ad aphorism. 39. libr. 5. quia si medulla alimentum esset ossium, deberet esse frigidior siccior atque crassior ipso sanguine; quia

non datur transitus ab vno extremo ad aliud nisi per medium; ossa sunt frigidissima & siccissima, ergo sanguis ossa nutriturus quando in medullam conuersus est, oporteret ipsam medullam esse frigidam & siccam, quæ tamen omnium Medicorum consensu calida est, pinguis, & inflammabilis: Quare medulla in ossibus reposita videtur, ad humectationem ossium, ne continua corporis agitatione nimium exarescant, vel incalescant, vel potius crederem cum Hippocrate, purissimum sanguinem in ossa deriuari, vt in pinguem & oleosum humorem conuertatur, qui roris vel olei modo per densam & solidam ossium substantiam venulis carentem diffunditur, simulque calore suo languidum ossium calorem, siue natium temperamentum fouet & conseruat.

Grandibus plurimis in extremo adnascuntur aliorum ossium epiphyse, vt brachio supernæ, cubito infernæ: radio autem, cruri, tibiæ, peronæ, infrà supràque. Gena verò inferior medullosa quidem est, epiphysim autem non habet. Tamen extremæ eius partes, infernæ quidem symphyssi vniuntur, supernæ verò in duas apophyses *κροτάλην* vide-

licet, ac ceruicem tantum desinunt. Apophysis enim ab epiphysi differt, quod epiphysis est, quando os cum altero osse vnitur: apophysis verò ossis totius pars est.

SYLVIVS.

AΠόφυσις ἐστὶν ὁστέος ἐς τὸ ἐξόμερον: Hippo.lib.
 seu apophysis est, totius ossis pars ^{πρὸς ἐξόμερον.}
 productior, & tanquam exortus emi-
 nens, ac extuberans, quæ ἐκφυσις quo-
 que postea vocatur in utraque parte
 ζυγωματις. Ea est in quibusdam ossibus
 simplex, ut in radio utrinque una: in
 alijs multiplex, ut in utraque parte
 brachij, cubiti, femoris, tibiae, ingena in-
 ferna, occipite, sphenoide, osse frontis,
 temporum, in spondylis omnibus, omo-
 plata. Apophyseon harum magnitudo,
 numerus, figura, situs, connexio, in sce-
 leto clariùs & certius spectatur, quàm

verbis exprimi queat. *V*sus autem ad
 articulationes tutas & firmandum ca-
 pita musculorum & insertiones, in myo-
 tome diceretur melius, uti neruorum &
 vasorum ab his munimentum, in neruo-
 rum, venarum, & arteriarum anatome.
*V*bi autem genam infernam in cerui-
 cem desinere ait, κονδύλωδῃ videtur de-
 siderari, ut post in hac gena audies. *E*pi-
 physis est ossis cum osse altero unities,
 tanquam ossi innatum os alterum, velu-
 ti per ginglymon. In epiphysi enim mu-
 tuus est ossium ingressus ad unitionis se-
 curitatem, & fere ad finem ossis alterius
 epiphysi maioris hac ossis portio aggluti-
 natur, tanquam natura sui oblita os bre-
 uius fecerit, quod deinde epiphysi addi-
 ta, perficiat ac producat. Id tamen non
 temere, sed magna nature providentia
 in melius fieri mox audies. *A*rs verò li-
 gnaria, ferraria, figulina: lignum, ferrū
 lutum, breuius graciliusque, ceu ephi-

physi auget. Epiphysis in infantibus non os, sed cartilago adhuc est. Pueris autem tantum cartilagine cum osse altero glutinatur, quæ grandescuntibus in os dure scat: adeo ut tandem in iuuenibus & senibus, commissura non appareat, nisi eam interdum vis, aut putredo, aut multa coctio tandem detegat & separet. De quibus hîc Galenus agit, tanquam perfectis, non de his omnibus quæ in teneris adhuc ossibus apparent, quomodo quæ absolute alibi, & sine limitatione pronunciat, ad hominem temperatum, ceu medium aliquid, & absolutum vult referri: Et quos pulsus morbis plerisque proprios adscripsit, absolutis adscriptos pronunciauit. Epiphysis ossibus quibusdam est unica, ut costarum radicibus, dentibus puerorum, principio ossis ulmi digitorum, principio ossis calcis. Duplex alijs, in utroque scilicet fine una, in tibia, perona, brachio, cubito, radio, ossis

In pulsu lethargicorum.

metacarpij, pedij, prima & secunda digitorum phalange: sed in brachio inferior epiphysis, omnes eius apophyses, usque ad ipsas bathmidas complexa, est obscurior, & in cubito superior olecranon solum comprehendens, nec in omnibus apparet, uti nec aliae omnes post dicendae. Ob id Galeno eisagogen scribenti, iure aut negantur, cum sensui in adultis non appareant, aut tacentur. Triplex quibusdam, ut ossi ilium: una sursum, totam saepe costam eius superiorem efficiens: alia infra foramen ossis pubis, propè tota ossi ischij subhaeret: tertia portionem cotyles efficit maximam, praesertim ad eius supercilia attinentem. Quadruplex alijs, ut cruri: tres sursum, una eius caput, duo duos trochanteras efficiunt: quarta deorsum condylos ambos iam inde ab radice continet. Quadruplex etiam omoplatae inest: duae ad basis angulos, supernum & infernum: tertia in coracoide: quarta

in acromio propè toto, ceu in multas, lineis aliquot interdum diuulsa. Quintuplex in spondylis lumborum *Et* thoracis sæpè apparet: una in ipsorum spina: duæ in duabus transuersis apophysibus: duæ in ipso spondyli corpore, sursum una, deorsum altera: quæ tamen utraque coctione longa, aut putredine, disperire solet.

Uſus autem epiphyſeos Galeno non tantum eſt medullæ in magnis offibus *Et* raris operculum: ſed etiam ad tutam articulationem: quod epiphyſi os lateſcens, in magnas, sæpè etiam multas apophyſes, tutam magis diarthroſin efficiat, dum pluribus partibus os utrumque committitur. Quomodo columnarum baſes, ac epiphyſia amplificantiſſimæ ad ſuſtinendi ſecuritatē. Quod ſi anguſta *Et* acuta hiſ partibus eſſent oſſa, ac veluti puncto ſe tangentia: fallax omnino *Et* periculosa eſſet diarthroſis. Qualem partium am-

Lib. II. uſus partium.

pliationē Galenus ubique prædicat in li-
 gamentorū, musculorū, tendonū, & par-
 tiū aliarū productionibus, & insertioni-
 bus, ad actionis & usus securitatē. Ne
 verò parti os in epiphysi ob amplitudinē
 esset oneri, raritate & cauernulis am-
 plioribus & pluribus, succū illū medul-
 losum ad sui nutritionem continentibus,
 natura prouidit. Quamquam verò epi-
 physes omnes pueris, etiam annotinis &
 bimis cartilaginosa adhuc sint omnino,
 ossibus iam durioribus: durescunt ta-
 men, & citò & affatim siccescunt, calo-
 re per motum & articulorum attritum
 pueris iam ambulantibus excitato. Vt
 quæ massa luti amplior est, tardiùs quā
 minor siccat. Quòd si has epiphyses
 statim siccās effecisset natura, intempesti-
 uè & ante annos præsuccata, fragiles &
 friabiles redderentur. Ob id os in epi-
 physi quam partibus cæteris, & molliùs
 & variùs est tota vita. Quod ostendunt

canes, cultellus, putredo, tamen durum est adultis, adeo ut saltu ex alto valenter attritum non comminuat, nec dissiliat: tanquam natura iam ipsas epiphyses ob amplitudinem nonnihil tutas, durauit: nec ipsis ossium partibus assidue mouendis, & inter se atterendis, mollities & raritas incommodo esset. Harum deinde duritiem, pingui aliquo humore, & cartilagine superlita correxit. Vt enim ferramentorum partes in gladijs, malleis, vomere, & id genus alijs, chalybe, id est, ferro purgatiore & duriore, contra rerum durarum occursum & attritum mutuum munimus: sic multo ante nos natura ossibus, molles & raras epiphyses cum initio dedisset, quando scilicet paruus illarum usus erat futurus, postea quantum oportebat, durauit: quæ & medullam, si qua inesset, ut in magnis ossibus, opercularent, & articulum tutiorem efficerent. Non esse

verò vsum hunc epiphysibus perpetuū, satis hoc loco indicauit, cum genam inferiorem scribit medullam quidem habere, nullam verò epiphysin. Ad hæc ne ossa epiphysibus in extremo velut coronata, in motu violenta & casu crebro, pueris consueto, rumpantur aliquando prope fines, ob idque ægriū ferulis & splenijs contineantur: ad cartilaginosam epiphyseon commissuram nonnihil flectuntur, aut saltem cedunt motuum violentiæ, ne facile inibi rumpantur, aut si fortè rumpantur, facile à molli adhuc cartilagine glutinentur. Quem vsum attingisse videtur Hippocrates libr. πειρ. ἀγνῶσθαι. Luxantur tibia & perone, modò suprà, modò infrà, & tunc modò os alterum, modò epiphysis altera mouetur: modò os vtrumque, modò epiphysis vtraque. Item uti cranium, gena superior, rhachis tota, multis constant ossibus, ne vnius fractura in vicinum os etiam ex-

currat: sic epiphyses ossium finibus imposita, factas in longum ossium fissuras sistunt, ne in articulos procedant. Sic enim callus quiete partis ad curandam fracturam necessaria, in articulo auctus, motionem omnino impediat. Quin *Et* fractam in genu molam, claudum reliquisse ex calli amplitudine, nouimus. Ob id etiam ossibus magnos motus obituris, epiphyses sunt maximæ. Cubito autem infernè peronæ utrinque, spondylorum apophysibus, trochanteribus, *Et* alijs quibusdam ossibus, epiphyses datas, ut cedendo motuum violentiam eludant, saltem in prima ætate, in alijs innocentius ferant, cuius patere arbitror. Ad ligamentorum quoque articulos, munientium generationem ex materia, quàm sit os & cartilago, molliore faciendam, vtilis esse epiphyses, anatome ipsa clarissimè ostendit, ut etiam quæ in crure sursum ex epiphysi prodeunt, aliquantisper

collo cruris attensa, & affixa descendunt, donec ad ipsos trochanteras emergant ad cotylen. Hi sunt epiphyseon usus, quos Galeno omnia non scribenti, adijcere erat satiùs, quàm usum epiphyseon, ab illo scriptum temerè calumniari, & nullum alium adscribere: cum natura in finem bonum faciat omnia, frustra autem nihil. Apophysis quandoque æqualis epiphysi, ut in coracoiide, capite brachij & cruris, in trochanteribus: quandoque minor, ut in spondylis: quandoque maior, ut parte inferna cruris: tibiæ verò & perones utraque parte. Est tamen apophysis sine epiphysi, in occipite duplex in primum spondylum inserta, in gena inferiore utrinque etiam duplex, in osse temporum & sphenoide multiplex. Est contrà epiphysis sine apophysi in osse ilium suprà, & ischij infrà, & in basi omoplata suprà & infrà, in ipsis scilicet duobus angulis. κορυφήν αυ-

tem, seu κορώον, quid significet, paulò post audies.

RIOLANVS.

De Epiphysi.

Epiphysis vt verbum Græcum sonat, ab ἐπι & φύσας supernasci, est alterius ossis additamentum, siue ossiculum alteri superiectum, quasi natura sui oblita os breuius fecerit, quod deinde producit & adauget epiphysi addita. Definitur à Galeno alterius ossis ad alterum vnio. Hippocrates sæpissimè vocabulo Epiphyses vtitur, interdum ἐπιφύω appellat, vt notauit Galenus in Exegesi. Coniunctio Epiphyses cum osse maiore in pueris manifesta est, & perquirenda; licet adhuc in adultis vsque ad 20. annum & vltra, in duobus obseruauerim, qui corpus alacre habebant, quales erant fures & saltatores agilissimi. Hic autem coalitus perficitur in pueris interuētu cartilaginis per Symphysim: quaquidem cartilagine sensim exsiccata ossiculum tam firmiter alteri ossi cohæret, vt postea sit inseparabile: Tumque Symphysis illa fit sine medio. Præterea coniunctio Epiphyses cum altero osse non absoluitur per planam extremorum superficiem, sed per mutuum ingressum, qui gynglimoidis est. Porro differunt inter se infantium & adultorum epiphyses, quod in illis sint cartilagineæ, deinde du-

rescentes pumicosæ fiunt : osseam enim naturam acquirunt calore per motum & attritum articulorum excitato : quamuis autem in adultis sint omnes ossæ, intrinsecus tamen, quavis parte ossis molliores remanent. Vel alius & Columbus obijciunt, Galenum dixisse appendices ossibus duriores esse, libro duodécimo de vsu partium. Responde cum Capisacio in methodo Anatom. non totam epiphysem intelligendam esse, sed tantum partem extimã & supremam, quæ alteri os cõtingit. Hæc enim pars frequenti assiduoque articulorum motu non atteritur propter densitatem, inquit Galenus, quod alij tribuunt cartilaginis incrustationi, vel dic cum Picolomino, Galenum habere *πυκνὰ καὶ σκληρὰ* densas ac solidas esse epiphyses : densum autem longè differt à duro. Densum dicitur quod meatus habet paruos : durum quod est coñcretum & aridissimum ex Aristotele libri secundi de generat. cap. 2. Vsus epiphyseos alius in adultis, alius in infantibus constituendus est. In adultis quintuplex obseruatur: primus vt sit ossium cauorum & medullam continentium operculum : alter est ad firmandam articulationem. Firmatur autem duobus modis, dum ossa quæ sunt assiduè mouenda epiphyse coronantur, ne mutuo attritu deterantur & minuantur; vel per epiphysem ossa dilatantur, vt tutior efficiatur articulatio, dum pluribus partibus os vtrumque committitur. Tertius vsus est vt tendinum capita custodiat, veluti in tendonibus interioris manus obseruatur. Sed hic vsus

quamuis

quamuis à Galeno traditus fuerit, competit tamē appendici, non quatenus appendix est, sed quatenus eminet, quod etiam apophysi conuenit: Quartus vsus est vt ossium fissuras in longū factas sistat, ne in articulos procedant, vel ne fractura in epiphysi facta, subiecto ossi communicetur: Neue ex attritu mutuo ossium medulla conclusa exarescat, aut incalescat. Quintus vsus est vt ex conjunctione epiphyseos per Synchondrosim facta, articulum amplectentia ligamenta producantur: Vsus epiphyseon in infantibus duplex assignatur. Primus vt infans in utero conglobatus melius conuolui & inflecti queat sine luxatione; idcirco epiphyse extremis ossis duobus simul iunctæ essent, partem ossis duram longitudine superarent. Alter est ne in crebro lapsu puerorum aliquando ossa prope fines frangantur, quorum fractura ferulis aut splenijs commodè tractari non potest.

His de natura epiphyseon prælibatis, quosdam scrupulos ab Ingrassia propositos enucleabo. Scripsit Galenus grandium ossium plurimis appendices in extremis partibus appositas esse, vt tacite refellat quorumdam opinionem qui artuum capita omnia epiphyse nuncuparunt: quod ipse notauit libro II. de vsu partium, cap. 8. quamuis autem Galenus dixerit grandiorum ossium plurimis in extremo agglutinatas esse epiphyse, non inficiatur alijs partibus affigi posse, quia trochanteres extremitatibus ossium femoris non adnascuntur: licet extremum rectè sumi queat pro eo

quod est extra medium, vel quod parum distat ab extremo. Fateor Galenum duodecim duntaxat ossa grandia epiphyseibus donata enumerasse in exemplum: nec licet inde inferre ex illius opinione minora carere epiphyseibus, nec plura quàm duodecim ossa epiphyseibus terminari. Nam videmus minora ossa etiam medullæ expertia epiphyseas habere, atque multò plura quàm duodecim ossa epiphyseibus abundare. Itaque respondet Sylvius Galenum hîc verissimas epiphyseas eâque in exemplum adduxisse, vel dic Galenum de perfectis tantum agere, quæ in adultis reperiuntur, non autem de epiphyseibus puerorum. Quocirca Galenus meritò duodecim tantum enumerat ossa quibus appendices in extremis adnascuntur, hæcque grandia & medullosa, cuiusmodi sunt Humerus, Cubitus, Radius, Femur, Tibia & Fibula, quæ sunt sex: totidem in altero latere consistunt. Cuncta simul iuncta efficiunt duodecim: in quibus appendices duntaxat viginti repetiuntur. Vna est in superiore humero: secunda in cubito inferno: tertia & quarta in radio superiore & inferiore: quinta & sexta Femori inest: septima & octaua Tibiæ: nona & decima Fibulæ superne & inferne, quæ omnes simul collectæ decem sunt epiphyseas: Totidem sunt in altero latere, ergo viginti tantum epiphyseas Galenus agnoscit & admittit. Ingrassias aduersus Galenum multo plures esse appendices demonstrat, & ea ossa à Galeno commemorata pluribus abundare epiphyseibus. Quare præter duodecim ossa à Gale-

nō nominata, scribit alia esse, videlicet centum triginta duo, quæ iuncta cum duodecim ossibus Galeni, erunt centū quadraginta quatuor, quibus si addas dentium viginti octo appendices, vt falsò existimat Ingrassias, erunt 172. Non vacat scrupulosius inquirere de numero ossium, quæ duas habent epiphyses (si fidimus examini Ingrassiae) sunt 91. Neque quot ossa tres emittunt epiphyses, quæ sunt quinque. Neque quot ossa quatuor habent epiphyses, quæ sunt sex. Neque quot quinque epiphyses recipiunt, quæ sunt septemdecim. Ista perquisitio inutilis est: Contentus ero examen ab Ingrassia factum proposuisse. Sceletum diuidit in quatuor partes, in Caput, Dorsum siue Truncum, Manus & pedes. Prima pars sex appendices obtinet: Secunda centum sexaginta & vnā: Tertia octuaginta duas continet: Quarta octuaginta duas, quibus omnibus epiphysibus simul collectis, inuenies 331. quas tamen in pueris, non in adultis perquires.

De Apophysi.

Apophysis siue processus definitur à Galeno ossis totius pars, non addita vt epiphysis, sed ab ipso osse prognata, ac veluti protuberans. Differt à corpore ipsius ossis, quod si angustior, & ab eo expullulet vt stolones ex arbore: differentiae autem apophyseæ plures sunt. Aliæ sunt styloideis, Mastoideis, & Coracoides; Aliæ rotundæ vel longæ. Si rotunda fuerit Apophysis, Capus

nominatur; si longa & capite siue tuberculo terminata ceruix. Caput verò vel est elatum & excelsum, quod absolutè caput dicitur. Vel humile & depressum quod condylus vocatur: quod si caput absque ceruice fuerit, non propriè caput, sed Tuberculum aut Apophysis nominatur. Cæterum Apophyseus appellatio propria est, vel impropria. Propria dicitur vbi ipsius ossis pars, est à primo ortu protuberans vt in infantibus.

Impropria vbi ossiculum adnatum fit continuum, quod apophysis dicitur, vt cum in adultis epiphyses degenerant in Apophyses. Vera igitur proprietas Apophyseus in ossibus infantium perquirenda. Quod ad vsum Apophyseus pertinet, Rotunda ad ossis articulationem comparata fuit. Reliquæ Apophyses acuminatæ aut variæ figuræ ad originem & insertionem musculorum, necnon vasorum securiorem transitum.

Fortassè autem & de nominibus alijs quibus in hoc opere vsuri sumus, iam rectè disseruerimus, ne dum his in media narratione vtemur, vel obscurius fiat quod dicitur, vel doctrinæ còtinuitas abrum-patur, si quoties inciderint, semper ea explicare conemur. Meo autem

judicio hinc optimè initium fume-
mus. Ossium humani corporis om-
nium inuicem commissorum, vni-
uersa syntaxis nominatur σκελετός.

Quare nonnulli libros suos, in qui-
bus de ossibus disseruerunt, iam sic
inscripserunt περὶ σκελετῶν. Modus

autem quo ossa coniunguntur, ge-
nere quidem duplex est. Alia enim

per ἄρθρον, id est articulum, alia per Libro περὶ
ἀγμῶν &
περὶ ἄρθρων. symphysin coniunguntur. Ἀρθρον

est naturalis ossium syntaxis : ab
Hippocrate tamen ἄρθρον frequen-
ter nuncupatur alterius cohæren-
tium ossium finis rotundus, in ossis
propinqua cavitatem insertus. Sym-
physis est naturalis ossium vnio.

Vtriusque autē diffinitioni, dictio
naturalis, indita est, quòd parum,
vel omnino luxata, inter se cohæ-
reant, fractaque inducto callo vniā-
tur, sed non secundum naturam.

N Omina quibus est *vsurus* similiter distinguit Galenus, paulò pòst & initio libri secundi *vsus partium*, & libri primi de motu musculorum, & alibi passim, ne lectori adhuc parum exercito, sit in mora ipsorum vel homonymia, vel obscura significatio. Quam utramque si semper explicare volet, quoties ea nomina erunt *vsurpanda*, toties orationis continuitatem interrumpat oportet, sicque lectorem interturbet: ob id semel de horum nominum significato nobis utendo, agendum est. Particulam, quæ articuli & symphyseos plures esse species ac differentias asserit, quia huc irrepsisse scribarum negligentia videbatur, in sedem magis idoneam transtulimus. Galeno enim consuetudo est familiaris, ex Hippocrate & Platone accepta, ut ante rem quãvis diffiniat, quã diuidat ut an -

tea quoque monuimus. Non rectè igitur
 articuli & symphyew plures esse species
 & differentia dicentur, antequàm vox
 utraque sit diffinita. Et ἀρθρον signifi-
 catum Hippocrat. consuetum, ipsius dif-
 finitioni mox subiunximus. Potest ta-
 men qui volet, loco priori utrumque
 restituere. ἀρθρον caput est, seu os quod Gal. com-
mēt. in lib.
 in cauum inseritur: cauitas κατύλη, πρὸς ἀγρῶν,
& πρὸς ἀρ- vel
 ἑλὴν Hippocrati dicitur. Extremorum τῶν.
 verò ossiū tota commissura διαρθρωσις.
 Luxatis & fractis iam callo unitis, li-
 cet colligatio quædam & continuïtas
 maneat, non tamen naturalis. In luxa-
 tis enim, articulorum ligamenta, alia
 grauiter premuntur, in quæ scilicet os
 erumpit, alia immodicè tenduntur, à qui-
 bus os longissimè recessit. Ad hæc in lu-
 xatione (ut dixi) figura, situs, & ma-
 gnitudo vitiantur. Quamuis item calli
 generatio, ut carnis & cutis in ulcere
 cauo, naturæ sit opus, seu partis ulcera-

tae temperamenti, non tamen naturalis
 haec unio est, qualis à prima conforma-
 tione. Ossa enim post fracturam callo u-
 nita, foris tantum uniuntur, intus ad-
 huc separata manent. Luxata parum,
 ὧς ὁ ἰσχυρὸς: omnino, ὥς ὁ ἀσθενὴς
 vertimus. Luxata enim non medio-
 criter inter se differunt, quatenus ma-
 gis & minus à sede naturali recedunt.
 Nonnulla enim multum, nonnulla pa-
 rum absunt, & utrumque magis & mi-
 nus. Quae res in alijs articulis ut cubito,
 manu, tibia, pede, digitis, clara est: sed
 brachij & cruris caput non potest pau-
 lulum à suo loco excedere (quod vi-
 tium ὁ ἰσχυρὸς vocant) cum rotun-
 dum sit, & in cauitatem inseratur, oras
 habentem in circuitu, in quibus consiste-
 re caput nequeat, sed necessario, vel pro-
 tinus in cauitatem reconditur, vel ex
 toto excidit, quod ὁ ἀσθενὴς dicitur
 Paulo Aeginetæ.

Gal. com-
 ment. in li.
 πρὸς ἀσθενῆ

Gal. ibidē.
 initio.

RIOLANVS.

Quid σκελετός, eiúsque diuifio.

IN cadauere detractis carnibus, vniuerfa offium coagmentatio siue syntaxis, sceletus dicitur, vt in viuente homine omnium partium vnio & compages: *σύνταξις* vocatur à Galeno, libro primo de vsu partium. Bis autem definit sceletum, initio huius libri, & sub finem, vt indicaret se dumtaxat agere de ossibus, quæ sceletum, componunt: *σκαυιδε* autem dicitur, à verbo *σκάλλω* quod est attenuo, exsicco, ideóque sceletos est propriè cadauer exsiccatum, exemptis carnibus. Tertullianus cadaueris cratem appellat: veteres Medici eiusmodi sceleta, siue ossa inter se coherrentia & coaptata habuisse, & Tyronibus ostendisse patet ex Galeno, libr. 1. administ. Anatom. capite secūdo, dum ait se cadaueris arefacti sceletum inuenisse, ossibus adhuc inter se strictim coherentibus, quale Medicus ipsum, ad adolescentis disciplinam de industria præparasset. Communiter sceletus diuitur ab Anatomicis Ingrassia, Volchero, & Laurentio, in Caput, Truncum, & Artus. Capitis nomine caluam & faciem comprehendunt: facies duas continet maxillas, superiorem & inferiorem. Per Truncum intelligitur tota spina, eique adhaerentia ossa, costæ sternum, scapulæ, ossa ilium, & clauiculæ. Artus sunt

manus, & pedes. Quæ diuifio ex Aristotele de-
 fumpta videtur, qui corpus diuidit in Caput,
 Truncum, & Artus. Hanc ſceleti partitionem ſe-
 cutus eſt Galenus, quamuis diſertè non expreſ-
 ſerit, ſed ex capitum ſerie manifèſtè colligitur.
 Attamen ſcapulas à trunco ſeiunxit, atque etiam
 clauiculas, quia ſpinæ non cohærent, & propter
 manus actiones videntur comparatæ. Similiter
 oſſa ilium à trunco ſeparauit, & ad pedes reuoca-
 uit, quibus autem titulis inſcripſerint veteres
 Medicilibros ſuos de oſſibus declarat Galenus,
 libro primo adminiſt. Anatom. cap. 2.

Quid Articulus.

Galenus varijs in locis decet articuli nomine
 ab Hippocrate appellari, aut ipſam oſſium
 coniunctionem, aut ex oſſibus quæ inter ſe com-
 mittuntur, non cauum proximi oſſis caput, vel
 extremum recipiens, ſed os alterum ſubiens. Ve-
 rumtamen Erotianus in Onomaſtico notauit v-
 trumque os ex quo articulus extruitur *τὸ ἀρθρῶν*
 nominari ab Hippocrate, cùm ait in coxendici-
 bus *ἀρθρῶν* duæ ſunt, quæ *κοτύλα* appellantur, pro-
 pterea Galenus prudenter ex Hippocratis do-
 ctrina, adiunxit hoc libro *ἀρθρῶν* frequenter *πολ-
 λῶς* ab Hippocrate nuncupari, alterius cohæ-
 rentium oſſium finem rotundum, in oſſis pro-
 pinqui cavitatem inſertum: non abſolutè negans
 quod alibi fecit, nomen articuli nullo modo con-
 uenire cavitati oſſis quod alterum admittit, ad

articulum constituendum. Bartholomæus Eustachius, insignis ille Anatomicus, scholijs in Onomasticum Erotiani, ex infinitis Hippocratis locis demonstrat, articuli nomen, etiam cavitatibus ossium attributum fuisse.

Doctrina Galeni de Articulis.

Galeni doctrina de articulis multis difficultatibus intricata est, quæ peritos Anatomicos valde torquent & exercent. Dum alij Galeni partes tueri nituntur, alij impugnare. Fuschius in hac causa clypeum mutat, Danaûmque insignia sibi adaptat, & ad excusationem profert spurium esse Galeni librum de ossibus, multisque in locis deprauatum. Posset aliquis cum Galeno dicere, curiosum vocabulorum studium non fuisse apud veteres in explicandis articulis, atque lites & controuersias illas de nominibus esse. Verumtamen demonstrabo verissimam esse Galeni doctrinam, & in omnibus locis sibi consentaneam, Scribit ille coniunctionis ossium modum genere duplicem esse: alium per articulum, alium per symphysim: vt ostenderet articulum à symphysi diffetere, seorsimque existere. Nempe articulum esse sine symphysi, & vicissim symphysim dari absque articulo. Definitur autem articulus naturalis ossium syntaxis: symphysis verò naturalis ossium vnio, vtrique adiunxit dictionem, naturalis, vt doceret in articulo requiri solum contactum extremorum, & in symphysi medium na-

turale, quale in prima conformatione duobus ossibus interiectū est, idcirco licet ossa luxata, vel subluxata inter se cohaereāt, fractāque callo inducto vniantur, id tamen non est secundum naturam: quia ossa duo inter se distant nec se contingunt, & ossium fractorum callus non prima naturae intentione, sed secunda generatur: & quamuis post fracturam ossa callo vnita appareant, intus adhuc separata manent. Articulus duas sub se cōprehendit species, Diarthrosim, & Synarthrosim. Diarthrosis est cum motu manifesto & euidenti: Synarthrosis cum motu obscuro aut nullo. Sed motus manifestus & obscurus hoc loco, pro magno & paruo sumitur. Alibi nempe libro de motu musculorum, Galenus motum manifestum appellat, qui causam manifestam habet vt musculum, motum obscurum qui dubiam vel obscuram. Diarthroses tres sunt differētiæ, Enarthrosis, Arthrodia, & Gynglimos. Synarthrosis verò, quia pro motus quantitate, differt à diarthrosi: Præter illas tres enarratas differentias adhuc sub se recipit Suturam, Harmoniam, & Gomphosim: sic enim interpretandus Galeni locus, capite 13. huius libri, cum scribit costarum partem cartilagineam & condylosam, cavitatibus glenoideis sterni committi, quia motus adeò exiguus est, vt Synarthrosis appellari queat, subiungit in multis siquidem alijs corporis partibus destructura ossiū ambigitur, incertūque an ea per synarthrosim vel diarthrosim copulentur; quia modus coniunctionis factus cum cavitare &

capitulo articulationem diarthrosi adjudicat: sed motus obscuritas ad Synarthrosim reuocat; inde colligitur in articulationibus considerandum esse motum & figuram articuli. Nam multi sunt articuli, qui ratione figuræ sunt diarthroseis, sed ratione motus obscuri & inaspectabilis pertinere videntur ad Synarthrosim. Præterea ossium commissuræ per Enarthrosim & Arthrodiam factæ, si motu careant, quidni gomphosi similes erunt, quales reperire licet in Carpo, Metacarpio, Tarso & Pedio. Hanc synarthroseos significationē illustrat locus notabilis apud Galenum comment. ad partic. 34. lib. 2. de articulis, qui repetitur comment. ad partic. 9. eiusdem libri. Quæret aliquis an futura & harmonia motum aliquem habeant, Galenus comment. vlt. sect. 3. de officina suturas capitis naturaliter disiungi & coarctari demonstrat, idque probat ex Hippocrate, quod etiam euenire scribit in ossibus per harmoniam iunctis.

Hæc autem ambo species & differentias plures habent. Articuli enim differentię sunt duæ, diarthrosis & synarthrosis, eæque inuicem pro motus quantitate discrimen recipiunt. Diarthrosis namque, est syntaxis ossium, inter se motum euidentem habentium. Synarthrosis

est etiam ossium synthesis, non tamen validum, neque manifestum, sed obscurum & difficillem habens. Quòd autem nullum sit discrimen, si ossium συντάξις, vel σύθεσις, vel ὁμιλία, id est, constructionem, vel compositionem, vel cohærentiam dixeris, omnino perspicuum est. Diarthrῶscos verò tres sunt species: enarthrῶσις, arthrῶdia, ginglymos. Sic enim à recentioribus medicis appellantur, priscis autem non fuere admodum consueta hæc nomina: sed τὸ ἐνarthρῶσαι, καὶ τὸ ἀρθρῶδῶς, καὶ τὸ γιγλυμοειδῶς ἀλλήλοις συμβάλλειν. Præter hæc etiam has voces τὸ ἀρθρῶδες, καὶ τὸ γιγλυμοειδές, in illorum scriptis deprehendimus. Quamobrem minimè forsitan absurdum, si ad euidentem doctrinam nomina confingamus, ea ipsa videlicet à subiectis rebus deriuan-

tes. Est ergo enarthrosis, cum excipiens cavitās admodum profunda est, caputque quod in eam inseritur oblongum est. Arthrodia verò cum cavitās est superficiaria, & caput humile ac depressum. Oblongum autem & depressum caput voco, vtrumque referens ad ceruices, quibus id adnascitur. Ceruices autem sunt tenues ossium apophyses, quarum extremum quod crassius & rotundum est, caput nominatur. Quum verò apophysis in finem acutum definit, non ceruix, sed κορώμη, aut κορώον appellatur. Ex cavitatibus verò capita suscipiētibus quæ est profundior, κοτύλη dicitur, nomen Medicis omnibus consuetum: quæ verò superficiaria, ἑλὺμη à quibusdam appellatur. Tertia diarthroseos species quam ginglymon appellari diximus, ea est, qua ossa

Vt in ichio & crure.

Vt in brachio & omoplatā.

Gal. comment. 2.

in libro πρὸ ἀγγύων.

fefe inuicem ingredientia coniunguntur, vt in ſpondylis habet & diarthroſi cubiti cum brachio. Quãquam in his quẽdam fit differentia: Nam in ſpondylis medius in vtrunque ſuprà & infrà appoſitum ſubit: cubiti verò & brachij, mutuus eſt ingreſſus.

SYLVIVS.

Diarthroſis nonnunquam ſumitur generatim pro omni oſſium compositione ad motum voluntarium comparata, vt paulò antè docui ex Galeno. Ad hæc ſepè in libris de uſu partium, & commentarijs in libr. Hippocratis *πρὸς ἀνθρώπου*, & *πρὸς ἀπ' ὁρίων*, vt cum ſcribit: Diarthroſis omnis oſſibus duobus conſtat, vno cavitatem habente, altero caput in cavitatem recipiendum. Diarthroſis quæ in genu eſt, ſola iu-

ſtans

nam ad unguem habet naturam.

Diarthrosis nonnumquam speciatim ^{Hip. ibid.} sumitur, ut hoc loco. Motus manifestus & obscurus, pro magno & paruo hic sumitur: libris autem de usu partium, Et Administrationibus Anatomicis, Et de motibus manifestis, & de dubijs, motus manifestus qui causam habet euidentem, ut musculum vel aliud: dubius autem, qui dubiam vel ignotam. Diarthrosis autem, interdum cum Hippocrate *ἡ ἀρθρώσις*, est ossium apertè motorum commissura naturalis: & synarthrosis commissura quoque naturalis ossium, interdum vix, interdum nullo modo motorum. Diffinitur Galeno commentario 2. in libr. *περὶ ἀρθρώων*, ad denti utrobique naturalis, ut in arthro & symphysi. Præterea synarthrosi motum nunc difficilem & obscurum, ut in quibusdam harmonijs, & puerorum suturis: nunc omnino nullum, ut in gom-

phosi & portione plurima harmonia & futura, praesertim aetate iam edita. Gena

Gal. com-
ment. 2.

πρὸς ἀρθρ.

quoque superior multis ossibus motu ca-
rentibus iuncta Κατὰ συνάρθρῳσι di-
cuntur, vel cū Hippocrate κατὰ σὺμφυσι.

Gal. ibidē.

Horum enim vocabulorum studium,
veteribus curiosum non fuit. Συναρthesis,
συνθεσις, ὁμιλία, de re eadē, ossium scilicet
inter se commissura, nomina sunt. Quo-
rum ὁμιλία, & verbum ὁμιλεῖν apud ve-
teres mutuam inter se consuetudinem,
& simul versari, quasi ὁμιλῆς εἰλεῖσθαι si-
gnificabat: non uti nunc, colloquium &
colloqui Hic autem latius pro commis-
sura, & iunctura usurpatur.

Exempla enarthroseos pauca fuerint,
ut cruris cum ischio: ginglymi paulo plu-
rainuenias, ut in cubito cum brachio,
crure cum tibia, in tibia cum astragalo,
in astragalo cum pterna, in spondylis, in
secundo & tertio digitorum articulo.
Arthrodia quàm plurima, ut in occi-

pite cum primo spondylo, in gena infer-
na cum osse lithoide, in radio cum carpo,
in astragalo cum scaphoide, in digitis pe-
dum cum pedio, in digitis manuum cum
metacarpio, in costis cum spondylis. &
spondylorum apophysibus transuersis, in
clavi cum sterno. Cuius motus quāuis sit
exiguus (vnde μικρος κλυκδιοςμος clavis
ad sternum, id est, parvus motus Hip-
pocrati dicitur) tamen ad diarthrosim
est referendus, non ad synarthrosim,
cū non sit sutura, nec harmonia, nec
gomphosis, sed potius arthrodia. Quam-
uis enim motus diarthroseos sit euident,
& validus, tamen in ea est maioris &
minoris ratio. Caput autem ossis finis
levis & rotundus dicitur: & quæ an-
gustior illi pars præponitur, ceruix, seu
collum, sumpta à nostris partibus meta-
phora. Oblongū autē caput in enarthro-
si, & depressum in arthrodia: quamuis
à collo illud longo, hoc breui cum Galeno

dicatur: tamen etiam ab ipsorum magnitudine sic vocare, non fuerit absurdum. Caput enim femoris amplum est, ac longum; brachij breue. Sunt autem ἀνθρώποις, id est, ceruices ossium partes capita precedentes, postea tamen in omoplate & radij sine superno, *Et* ἀνθρώποις pars contractior & κεφαλὴ pars prominentior illi succedens: non tamen rotunda & capitis modo eminens, sed cavitateglenoide depressa; modo capitis semiputati; quale in publicis sectionibus cerebrum ostensuri, ferra diuisum, exhibemus. Κορώνα autem genere fœminino, vel neutro κορώνα, sunt acuta, ossium apophyses, κορώνες, id est, coronicis rostro similes. Qualis duplex in imo occipite, *Et* in summo cubito, in gena quoque inferna utrinque una. Quamquam huius genæ apophyses ambas Hippocrates nunc κέφαλος, nunc ἀκρεα, seu summitates vocet: tamen etiam paulo post

Gal. comment. 2.
αἰ. ἀπὸ τοῦ

acutam genæ huius apophysim appellat
 κοτύλη. Κοτύλη cauum est ossis ischi, in
 quod cruris caput inseritur. κοτύλη etiã
 vocat Hippocrates. cavitatem à brachij
 capite factam in carne, quæ luxatobra-
 chio conijcitur in articulum, & Rufus Libro πει-
ἀρετ.
 cavitatem omoplate brachij caput exci-
 pientem. Diarthroseos species enarthro-
 sim: arthrodiam ginglymum appellat
 Galenus, fictis à se nominibus, aut ve- πει ἀγμυ-
πει ἀρετ.
 riùs detoris ex verbis, aduerbijs, nomi-
 nibus adiectiuis apud veteres receptis.
 Ginglymos in fenestris & hostijs hodie
 passim visitur, in quibus ferramentum
 utrumque, & quod vehit & quod cir-
 cumagit, mutuum habet ingressum. In
 quibus verò hostijs clauus crassior pa-
 rieti infixus, verticillum hostij subit,
 σμφωσις est veriùs, unde & Galli gori
 vocant eum clauum ferreum, hostia ve-
 hentem. Spondyli omnes præter deci-
 mum metaphreni, ginglymo connectun-

tur : non tamen secundum eam obliquam apophysim. Nam omnes ceruicis spondyli, primo excepto, & omnes metaphreni ad decimum usque apophysii obliqua ascendente, tantum subeunt cavitatem parvam in apophysii obliqua. Descendente spondyli superioris, & sua apophysii obliqua descendente, cavitatem offerunt paruo condylo apophysios obliquè ascendentis. sub decimo spondylo contrà. Decimus autem utraque apophysii obliqua ascendente, & descendente condylosa, apophysim obliquam ascendentem undecimi spondyli, & descendentem noni ingreditur. Ob id rectè Hippocrates dicebat: spondyli parte posteriore *πρὸς τὸν ὀπίσθιον*, hoc est, per ginglymon iuncti sunt: seu ut ibidē inquit Galenus, structuram habent ginglymo quodam modo similem, ut ostendat in spondylis verum non esse ginglymon, quia non fit in eodem mutuus ossium

duorum ingressus: ut etiam hîc admonuit. Quòd si ginglymon recipias in spondylis: quidni in ossibus metacarpj, & prima digitorum phalange, & similibus alijs ginglymon esse dicemus? quum illa parte superiore ossa carpi recipiant, inferiore recipiantur à prima digitorum phalange. Hoc autem loco videtur desiderari commissura utrinque duplex, reliquorum spondylorum supra & infra decimum. De qua post in spondylis, ubi quod nunc est obscurius, fiet manifestius. Decimum autem spondylon metaphreni, seu dorsi medium, vocat nomine rhacheos, pro dorso & lumbis (& osse sacro) hîc usurpato, ut Hippocratem accepisse scribit Galenus. Sic enim spondylos nouem supra se decimus habet & totidē infra, duos scilicet dorsi, lumborum quinque, & unum ossis sacri, & unum ossis coccygis, ut horum utrumque etiam ex multis compositum, unius

Gal com-
ment. 3.
in libr.
πεί ἀπὸ πέντε.

*nomine veniat. ut post cū de osse sacro
& de osse coccygis titulum præponit.*

RIOLANVS.

Species Diarthroseos, & Synarthroseos.

PRudenter Galenus in definiendo articulo motum prætermisit, ut hæc definitio speciebus articuli, nempe Diarthrosi, & Synarthrosi conueniret. Quippe Synarthrosis ex Galenio lib. 2. de artic. part. 8. est cum motu obscuro, vel nullo. At hoc loco in definienda Synarthrosi motus priuationem obmisit; ob eam causam corruptum esse locum censet Ingrassias. Alij pro *ἰσὺν*, legunt *δυσὺν* qui vix oculis, aut nullo modo deprehendi potest, ut hic locus alteri prædicto consentiat. Adde quod Galenus cap. duodecimo introductionis, Synarthrosim propter quietem & stabilitatem factam esse prodidit; quod de aliqua non omni Synarthrosi est intelligendum. Ridiculus enim fuisset Galenus, si definiens Synarthrosim cum motu, differentias assignasset planè immobiles, Suturam, Harmoniā, & Gomphosim. In quibus ossa inter se connexa sunt, non propter motum, sed quietis causa, propterea Hippocrates Synarthrosim etiam Symphosim appellauit, ut demonstraret immobilitatem

ossium, per Synarthrosim iunctorum.

Diarthroseos tres species Galenus constituit, Enarthrosim, Arthrodiam & Ginglymon, quas quidem appellationes veteribus Medicis parum vsitatas, à recentioribus introductas fuisse memorat. Verumtamen apud Hippocratem nomen Ginglymi extat, libr. de locis in homine, & apud Aristotelem libr. 3. de anima, vbi Ginglysmum appellat, & alio sensu quàm Galenus accipit. Alibi Aristoteles duobus tantum modis ossa connecti tradit, primus est cùm vnum os cauum, alterius rotundum caput excipit: aut vtrumque cauum, medio veluti clauo continetur. Nam Enarthrosis & Arthrodia consimiles sunt articulationes, quæ tantùm inter se differunt, secundum magis & minus. Vtraque perficitur cavitatè ossis, & capite rotundo alterius ossis. In Enarthrosi cavitas est superficialia, caput depressum: Vel si differunt, dicendum est Arthrodiam esse quando caput amplius est cavitatè, vt exemplo Arthrodia humerum cum omoplata comprobatur, quod Galenus adduxit; alioquin si totum caput cavitatè comprehendatur, vt in articulatione femoris & cotyles ischij, Enarthrosis erit.

Ingrassias existimat in textu Græco omissam esse particulam Synarthroseos, quàm suo loco restituit, *ἐν τῇ ὁμοιότητι τῆς πρὸς διαρθρώσεως, καὶ συνάρθρωσεως*, vt tres illæ Diarthroseos species commemoratæ videlicet Enarthrosis, Arthrodia, & Ginglymus, referantur ad Synarthrosim. Nam si Diarthrosis & Synarthrosis dumtaxat pro motus

quantitate inter se differunt, easdem species obtinebunt: vt exemplis ex hoc libro de promptis probari potest, nimirum plurima ossa quæ exiguum & obscurum habent motum, per Synarthrosim connecti, quæ tamen ratione structuræ sunt Enarthrosis, Arthrodia, & Ginglymos. Costæ cū ster-
no per Arthrodiam articulantur, sed quia motus huius articulationis exiguus est, ad Synarthrosim pertinet capite duodecimo. Carpi octo ossa inter se per Synarthrosim copulantur capit. 17. quæ tamen articulationes, partim sunt Enarthroses, partim Arthrodia. Metacarpi ossa cum carpi ossibus per Synarthrosim iunguntur, capite 17. quamuis sint Arthrodia. Sura tibiæ iuncta est per Synarthrosim cap. 21. quæ est Arthrodia. Ginglymi bina exempla proponit Galenus, quorum vnum cum motu manifesto, vt ginglymus cubiti cum inferno humero pertinet ad Diarthrosim. Alterum exemplum cum motu obscuro, refertur ad Synarthrosim, vt ginglymos vertebrarum, vbi Syluij interpretationem emendabis, qui *αὐτὰρ ἀπὸ* Latinè reddidit, *suprà & infrà* appositionem, cū propriè significet mutuum ingressum retributionem; quare vbi legit Syluius. *Nam in spondylis medius in utrumque supra & infrà appositum subit,* quia illi nullus est ginglymos, cū desit mutua receptio & intextura, sic leges; *nam in spondylis medius mutuum ingressum cum utroque circūstante habet.*

*Particularis explicatio Capitis, Cer-
uicis & Cavitatis.*

CVM in his tribus articulationibus ossa duo coniungantur, quorum vnum cauum est, alterum orbiculatum & capitatum. Quid capitis & cavitatis nomine intelligendum veniat Galenus explicat. Caput, inquit, est prominens, vel depressum κεφαλή προεμύνη, vel ταπεινή. Vtrumque caput ad ceruices referens, quasi diceret prominens erit caput si ceruix oblonga fuerit, depressum caput dicetur si ceruix brevis adfuerit. Caput verò sine ceruice non propriè caput, sed tuberculum apud Anatomicos recentiores vocatur. Galenus κεφαλὴν appellat libro primo de motu musculorum capit. 9. Capita ossium quæ non committuntur profundæ cavitati, sed leui & glenoidi κεφαλὴν appellarem cum Galeno, qui hoc libro capita gemina inferioris humeri & inferni femoris ita nominavit: similiter Hippocrates extremitates digitorum κεφαλὴν nodos appellauit. Vesalius Galenum reprehendit, quod tres illas voces, Caput, Condylum & Epiphysim confundat, dum lib. 11. de usu partium capit. 18. Artuum capita, epiphyses ac condylos vocari tradit. Respondet Fallopius Galenū loquutum fuisse tantū de magnorū ossium capitibus, quæ artus magnos constituunt, in quibus epiphysis & caput idē sunt, ut in femore, humero & tibia, quod significasse videtur Galenus dum scribit, Ceruices esse tenues

ossium apophyses, quæ terminantur in crassum orbiculatum extremum, quod caput nominatur. Terminatio illa quæ fit extremo orbiculato denotat caput non esse portionem huius apophyseos, sed quid appositum instar clausuræ. Inde colligitur Cervices esse ossium apophyses, capita verò epiphyses.

Cervices autem sunt tenues ossium apophyses capite terminatæ, quæ referuntur ad capita, ut capitis eminentia, & depressio reuocatur ad cervices. Quando verò apophysis in acutam extremitatem desinit, non amplius cervix, sed *κεφαλή* apex dicitur; deducta similitudine à rostro cornicis vel cornu, aut à similitudine extremorū arcus quæ *κεφαλὴ* nominantur. Reprehenditur Galenus à Vesalio, quod contra proprietatem coronæ, occipitalis ossis tubercula, quæ primæ vertebræ dearticulantur, coronas appellavit, cum sint capita, dic capita esse orbiculata: At hæc tubercula sunt oblonga, & in mucronem desinunt, *κεφαλή* illa non est erecta, sed transverso situ occipiti appressa.

Pro capitum varietate, cavitates quoque diuersæ sunt, cum illis proportionem respondeant. Alia est profunda, quæ *κεράτιον* dicitur, acetabulum siue acceptaculum, vulgò pixis. Alia cavitās parum sinuosa & superficialia, quæ *γλήνη καὶ γλῆνη* nominatur. Cotyle mēsurā est cava liquidorū, Latinis hemina: *κεράτιον* etiam apud Hippocratem significat poculi genus concavum, ut docet Fœsius in æconomia Hippocrat. Veteres hoc no-

minè quamlibet cavitare alterius ossis caput excipientem designarunt. Nam Galenus hoc libro, & Ruffus Ephesus, cavitatem omoplatæ *νοτίλω* appellarunt, *νωή* dicitur à figura sinus seu cavitatis quæ circa oculos palpebris clausis formatur à supercilijs & superiore maxilla.

Cavitates quædam dicuntur *παθμίδις*, cuiusmodi sunt cavitates quæ trochleæ inferioris brachij accumbunt, in quas cubiti processus, seu cornices ingrediuntur ex Galeno libr. 3. de usu part. cap. 15. sæpius apud Hippocratem *παθμι*; significat quamlibet cavitatem, ut videre est in æconomia Fœsi.

Porro cavitatum circumferentiæ eminentijs circularibus & cartilaginosis adaugentur, quæ quoniam instar labiorum prominent *χείλη* appellantur. Cum autem cavitates sint magis vel minus profundæ, Profundioris labrum siue supercilium magnum & altum erit, quod *ἀμβυτ* *καὶ* *ἀμβυ* dicitur: ab ollæ seu patinæ supercilio, ut in cavitare ischij habetur. Varias huius nominis significaciones profert Fœsius in æconomia Hippocratis, dicitur etiam *ὄφρυς*, quod oculorum supercilijs assimilatur. Cavitatis parum sinuosæ & superficiariæ supercilium *ἴσως* nominatur; siquidem *ἴσως* partem extremam scuti significat, quæ levis est vmbō, cuius supercilium leue & depressum est, quale existit supercilium cavitatis in omoplate. Cæterum non omnes cavitates seu sinus ossium articulationis gratia, constructi sunt. sed ut tendones musculorum, vel nervi per eos traducerentur, vel

inde orta ligamenta tenacius hærent. Nec omnia capita ossium articulationis gratia parata sunt; quædam absque articulatione musculorum exortibus & insertionibus destinata sunt. Cervices quoque insertionibus musculorum & articulationibus inseruiunt, vt in maxilla inferna & cubiti superiore videre est.

Synarthroseos quoque tres sunt species, Sutura, Gomphosis, Harmonia. Sutura est compositio quædam, consutis rebus similis, vt in capitibus ossibus habetur. Quam explicare volentes nonnulli ferratâ syntaxin, alij in vnguem factam compagem diffiniunt: ambo opinor ad rei claritatem nos commonefaciētes, illi quidemerrarum contrario occurſu se mutuò ingredientium, cum scilicet dentatæ vnius partes in alterius crenas inseruntur. Hi verò, rerum quæ in vnguem committi dicuntur: cùm scilicet gibbæ partes ad vnguium figuram structæ, sinus

Gal. initio
lib. 9. vsus
partium.

sibi idoneos subeunt. Harmonia verò est Synarthrosis per simplicem lineam: ad quem modum quædam genæ superioris, quædam etiam capitis ossa inter se iunguntur: Gomphosis est, cùm os ossi clavi modo infigitur. Verùm id iam quodammodo ambigitur, & propè ad symphyfin accedit: cùm scilicet quidpiam exquisitè infixum est, vt ne tantillum quidem dimoueatur, vt in dentibus habet. Quòd autem dentes suis alueolis haudquaquam adnascantur, planè indicant cùm vel eruuntur, vel sponte sua decidunt.

SYLVIVS.

VT in pannorum sutura præcipuè rara panni portio à filo transacta intra alteram attrahitur, altera e-

minentior manet: sic in capitis suturis os
 ossi ingressu mutuo immittitur quomodo
 in ginglymo: sed hic diarthroseos, sutu-
 ra synarthroseos species est. Talis quoque
 iunctura vnguibus & digitis, & pecti-
 num dentibus inuicem implexis appa-
 ret. Talem etiam fabri lignarij omnium
 firmissimam ac tutissimam quotidiene
 bis representant, & in caudam hirundi-
 num factam, lignorum commissuram di-
 cunt, quod ligni tuberculum, paulatim
 latefcens, hirundinis volantis caudæ
 modo in idoneam & æqualem sibi cavi-
 tatem etiam paulatim latefcentem, ar-
 ctissime & firmissimè inseritur. Harmo-
 nia autem secundum lineam simplicem
 & rectā, non vt in sutura ambagiosam
 & anfractuofam, ossa iungit, omnia ge-
 næ superioris (quam tamen synarthro-
 seos speciem symphysin vocat Hippocra-
 tes) & partem occipitis infimam, &
 crassissimam, & sphenoides propè to-
 tum,

rum, & ossa sterni nondum symphysi unita, & ossa carpi, tarsi, pedij multa, quotquot scilicet rectis lateribus & planis & rectilincis constant. Non enim lineam geometricam intelligas: sed velut rimam quandam lineæ rectæ, aut etiam superficiei planæ amulam.

Ad gomphosin quoque referri possunt quedam in carpo, metacarpio, tarso, pedio, & alijs quibusdam partibus, synarthroses enarthrosi, & arthrodia similes, sola motuum magnitudine ab ea differentes.

RIOLANVS.

Synarthroses species sigillatim enarrantur.

Synarthrosis præter tres illas species, Diarthrosi communes, habet tres alias peculi- res, Sutura, Gomphosin & Harmoniam. Idcirco Ingrassias putat mendū irrepsisse in textum Galeni, aut omissam fuisse particulam, atque ita legendum existimat, οὗς ἡ συνάρθρῳς ἔσονται αὐτὰ καὶ ἡ ἀρμονία

συνάρθρωσις τῶν Synarthroseos autem, tum hæ, tum alia quoque tres sunt species, quod exemplis demonstrari potest. Suprà probatum ex Galeno quasdam Enarthroses, Arthrodias, & Ginglymos, ratione motus obscuri pertinere ad Synarthrosim. Idem Galenus libr. 2. secundis locis cap. 1. Suturam capitis Synarthrosim vocat: & lib. 9. de usu part. cap. 1. scribit caput Suturis coarticulatum *συνάρθρωτον*, ossa sterni inter se per harmoniam iuncta esse, notat libr. 8. administ. anatom. cap. 1. hoc libro simpliciter per Synarthrosim dixit, suppressa Synarthroseos specie.

Sutura est compositio confutis rebus similis qualis in ossibus cranij conspicitur. Solam hanc Galenus agnoscit, sed ad eius clariorem & faciliorem explicationem varias similitudines adduxit, ut videre est in hoc textu, & libro 9. de usu part. cap. 1. quas similitudines nostri Anatomici pro differentijs suturarum perperam acceperunt. Huic errori occasionem dederunt Fallopius & Columbus, qui triplicem futuræ differentiam constituunt, vel potius cōminiscuntur. Quarum prima est confutis rebus similis *τῶν ἐξ ὁμοίωνων*, secunda serratilis, *ὡς τοξίης*. Tertia ad vnguem structa, *ὡς ὀνύχα*, quando gibbæ partes ad vnguam figuram structæ, sinus rotundos sibi idoneos subeunt. Celsus more veterum, suturas capitis in vnguem committi scripsit libr. 8. capit. 1. Hunc futuræ modum Columbus excludit, & rarissimum esse fatetur.

Harmonia nomen apud Galenum latè sumi-

tur pro quavis commissura ossium, siue sit futura, siue gomphosis, vt expressit sub finem libri tertij de officina, à verbo Græco ἁρμογας. *Dehiscent, inquit, in capite suturae quæ p̄quæ dicuntur, cum ubi ossa capitis se tangunt, propriè dicuntur ἀρμωιας, sed translato vocabulo p̄quæ calvaria enim ossa ad unguem inter se ἁρμογας committuntur, atque idcirco ipsorum contactus uab' ἀρμωιας committi merito dicitur; & à similitudine eorum quæ sumentur p̄quæ. Hac autem faciliè interdum hiant, & interdum dolorem mouent. Idem passim futuras vocat harmonias, rationem reddit capite tertio huius libri: syntaxim dentium harmoniam vocat libr. 11. de usu partium capit. 8. & libr. 5. secundum locos, capit. 8. Numquid autem Gomphosis ea sola ossium syntaxis, in qua alterum clauo simile est iudicanda sit: An hoc nomen illi etiam compositioni congruat, quæ ad firmitatē, quā ad figuram clauī propius accedit, (vt in carpo & tarso) temerè definire non audet Eustachius, librò de dentibus. Vix tamen adduci potest, vt credat veteres Anatomicos hanc ancipitem articuli speciem dentium tantum causa excogitasse, augetque illius suspicionem, verbum γυμψισ, quod coniungere & conglutinare significat, quamuis ab eo γυμψος clauus & cuneus deriuentur: Gomphosis autem ex Galeno, non absolutè ad Synarthrosim pertinet, sed etiam ad symphyfim reuocari potest, quod verbum illud ἰσαμψωσις? vsurpatum à Galeno indicat, nec alia ratione ad symphyfim reduci potest, nisi quod fiat cum medio interi ecto, quo*

carent sutura, & harmonia, quæ per solum contactum absque symphyfi perficiuntur.

Sed quoniam species, differentiæque omnium ad articulum pertinentium declarauimus, de symphyfi deinceps dicendum est. Huius autem primæ differentiæ sunt duæ. Aliqua enim ossa sibi inuicem connascuntur, alia materiæ alterius interuentu. Quæ enim fungosiora & molliora sunt, mutuò inter se coalescunt: ficciora verò & duriora, aliorum interuentu: horumque per alia coalescentium tres sunt differentiæ, priscis nominibus carentes: at qui recentioribus uti volet, eas appellare poterit ab intermedia substantia cartilagine quidem synchondrosin, neruo autem syneurosfin, carne denique syssarcosfin.

SYLVIVS.

Mollia per se coalescere, dura autem alterius mollioris materie & glutinantis interuentu, declarant opera cerariorum & figulorum, & fabrorum ferrariorum, & latomorum: præter has, Galenus in vulneris simplicis curatione & fracturæ, sic ossa puero-^{lib. 3. 4. 5.}rum mollia adhuc, & velut cerea, in om-^{6. method.}nemque partem sequacia, in quam velis formam fingi formarique possunt, Et fracta promptè ob mollitiẽ glutinantur, paulò diutiùs nondum concreta manent ossa bregmatis. Epiphyses deinde omnes, & ossa sterni in prima etate interuentu cartilaginis uniuntur, quæ postea in os ferè durescit. Nervi autem veri interuentu, nulla, opinor, ossa coalescunt, quamquam nervi articulos nõ rarò præteruehantur, Et tendones nervi etiam

nomine comprehensi, sæpe ad articulos dilatati, ipsos firmant, ligamenta quoque neruosa, tibiam cruri, & crus ischio firmissimè alligant, vt interim ligamenta alia externa, partim membranosa omnium articulorum communia, partim dura, crassa, rotunda, quorundam articulorum, vt dentis, genu, humeri taceam. Caro gingiuarum, dura & firma, & dentibus firmiter appressa, ipsos suis ossibus, velut colligat, adeò vt dentes ob gingiuarum laxitatem mobiles, gingiuis astrictis, stabiles ac immoti reddantur.

R I O L A N V S.

De Symphysi.

Galenus Symphysem opponit articulo, definitque naturalem ossium vnionem, per ^{vnio} non oportet intelligere continuitatem, sed contiguitatem strictam & immobilem quo sensu ^{vnio} vsurpatur in definitione Epiphyseos, quã

fatentur omnes esse ossiculum alteri adnatum & separabile, adde quod vnio sub se comprehendit continuitatem & contiguitatem, vt demonstra- uit Galenus libr. de differentijs morborum, nam morbus communis est vnionis solutio. Vnio au- tem conuenit partibus similaribus, organicis & quæ sunt contiguæ: vnde nascitur *συνσπασμα* mor- bus contiguitatis. Ergo in Symphyssi est tantum contiguitas ossium, non continuitas, quispiam existimaret Symphyssim quandam dari sine arri- culo, vt in ossis hyoidis & omoplatæ suspensiuæ colligatione spectatur, aliam reperiri cum articu- lo quando ossa inter se mutuo coaptata, triplici vinculorum genere in sua sede continentur: at- que Symphyssim Galenum articulo adiunxisse, vt duplicem ossium morbum indicaret, quem pas- sim Hippocrates libro de artic. annotauit; videli- cet ossa luxari sine symphyssi soluta, & Symphy- ssim dirimi vel extendi sine articuli luxatione. Ar- ticationis morbi sunt, *παράρρησμα* & *ὑπερρρησμα*, Symphyseus morbus *σφρηγμα*, vt explicat Galenus comment. ult. in libr. de offic. & comment. ad part. 14. libr. 2. de artic. Præterea scribit Hippo- crates sub finem libr. de articulis, ossa non posse restitui in pristinam sedem, vbi Symphyssis soluta fuerit. Ex his manifestè colligitur Symphyssim oppositam esse articulo, vnūque ab altero dis- crepare & seorsim existere. Sed eiusmodi Sym- physsis mobilis est; contra demonstrabo apud Galenum hoc libro Symphyssim aliter accipi, vi- delicet pro contiguitate adeò stricta vt sit immo-

bilis: quod intelligitur ex his verbis, Gomphosis est cum os ossi clauī modo infigitur. Verum id quodammodo ambigitur, & propè ad Symphysim accedit, cū scilicet quippiam exquisitè infixum est, vt ne tantillum quidem dimoueatur. Scribit Galenus gomphosim propè ad Symphysim accedere, non tam ob immobilitatem, quàm quod fiat cum medio; quod quidem medium debet debet esse vnum, vtrique ossi commune atque interiectum. Reliquorum ossium extrema cartilagine incrustantur: sed vnumquodque propriam habet cartilaginem, ipsaque ossa sunt mobilia. Deinde Symphyses triplex medium, quod omnes Anatomici demonstrant, est ossibus circumiectum. Quærimus cum Galeno medium duobus ossibus interiectum. Symphysis autem sit absque medio, vel cum medio; quæ sine medio obscuro inaspectabili perficitur, apparet in coalitu Epiphyses in qua est *istius*. Cernitur quoque in coniunctione maxillæ inferioris ad mentum, quam per Symphysim vniri dixit Galenus, quin etiam tria ossa ilium sunt sine medio iuncta, & tamen per Symphysim vnita apud Galenum, ossa occipitis & sphænoidis inter se coaluerunt sine medio. Symphysis cum medio (nimirum manifesto) spectatur in commissura ossium pubis ex Galeno. Si quis obijciat nullum os alteri iunctum sine medio reperiri, propterea Symphysim absque medio non dari. Responde Galenum de ossibus aduultorum agere, in quibus ossa quæ in pueritia erant diuisa, coaluerunt non apparente

medio vel obliterato, quod imaginari tamen oportet. Symphyseos cum medio triplex est differentia pro diuersitate medij interiecti, nimirum Syssarcosis quæ fit mediante carne, Syneurosis interuentu ligamenti, Synchronrosis intercedente cartilagine, cuiusque exempla in ossibus demonstranda sunt. Syssarcoseos exemplum apparet in coniunctione dentium, videlicet gomphosi, quæ inter articulum & Symphysim media & ambigua est ex Galeno. Syneuroseos exemplum cernitur in iuncturis ossium Tarsi, Metatarsi, Carpi, & Metacarpij. Synchronroseos exemplum videre est in variis commissuris ossium vt pubis inter se, atque vertebrarum ossis sacri. Cæterum vt per Symphysim vniantur ossa, debet illud medium extremitatibus ossium interiectum esse Synonymum, id est, consimilis naturæ, & ab ipsis ossibus prognatum. Nam ex Aristotele lib. 3. Physic. omne quod continuum est, eam vim haber, vt interiectum sit eius extremitatibus aliquid eiusdem generis. Atque hoc modo iuxta Mathematicorum axioma quæ vniuntur vni tertio, ea sunt inter se continua. Galenus appellationes triplicis Symphyseos à recentioribus introductas fuisse notat; etiamsi veteribus cognitæ fuerint tres istæ Symphyseos vt cumulatè docet libr. 2. administ. Anatom. capit. vltim. vbi tradit ossa inter se vniri triplici modo instar glutinis per cartilaginem, instar luti per carnem, instar funis per ligamentum.

Cùm verò de neruorum nominibus mentio à nobis facta sit, rectè quidem fiet, si hos distinguamus. Tria itaque (vt diximus) neruorum genera censentur, quæ species aut differentias vocare, nihil impedit. Sunt autem nerui aut volũtarij, & hi ex cerebro, dorsali que medulla exorti: alij ligamẽtales ex ossibus orti: alij ab his differunt & ex musculis orti, tendones vocantur. Ne vero æquiuoca nomina obscuritatis aliquid afferant, qui ex cerebro & dorsali medulla oriuntur, volũtarij nerui appellentur, qui ex musculis, tendones, qui ex ossibus, ligamenta dicantur. Quibus explicatis nominibus, iam tempus exigit, vt de singulis per se ossibus verba faciamus, à cranio scilicet (sic enim os capitis vocant) incipientes.

SYLVIVS.

Nervus generatim dictus, nervum
 speciatim dictum ex cerebro aut
 dorsali medulla ortum, & tendonem
 præcipuè rotundum, ligamentum quo-
 que etiam rotundum comprehendere, ali-
 bi Galeno scribitur, quòd figura & co-
 lore nervum mentiantur. Aponeurosis
 autem, id est, nervosas tenuitates, ten-
 dones, latos magis appellamus: ut liga-
 menta articulorum communia, membra-
 nosa etiam appellantur.

lib. 15. de v.
 su partiū.
 lib. de mo-
 tu muscul.

DE CAPITIS OSSIBVS

CAPVT I.

Capitis os cranion appellari, &
 in eo futuras quasdam esse, antè di-
 ximus. Sed quot, qualésque sint: &
 quæ cuique sit forma, cùm antea nō
 exposuerimus, nunc explicabimus.

τὸ κρανίον
 galca est

In primis pro capitis figura, futurarū numerus & positus variat. Naturalis enim capitis figura, ad oblongæ sphæræ potissimū similitudinē cōstructa est. Altera vero figura est acuminata. * Naturalis priorem ac posteriorem partem habet prominentem, & in ea tres omnino futuræ sunt. Duæ quidem transversæ, vna in occipite, altera in bregmate; tertia autem à medio posterioris per capitis longitudinem ad mediam vsque anteriorem extenditur. Anteriorē *ἐπὶ ἀνωτέρῳ*, id est, coronalem vocant, quod in ea potissimū capitis parte οἱ *ἐπὶ ἀνωτέρῳ*, id est, coronæ ponantur, posteriorem à litteræ Λ similitudine lambdæ de nominant. Harum futurarum figura, H litteræ præcipuè similis est. Naturalis cranij figura futuras, quales diximus, habet: acuminata vero ad hūc

modum dispositas. Vbi posterior eminētiā perit, futura lambdoides aboletur: vbi anterior non adest: coronalis etiam futura deperditur, fitque vtraque remanentium futurarum figura T, litteræ similis. Hac autem vtraque eminentia deperdita, geminæ, quæ seruantur futuræ, ad rectos seinuicem angulos, ad X litteræ similitudinem interfecant: quarum altera per medium maximè caput transuersa extenditur, altera à parte posteriore per longitudinem tendit in priorem, vt in cæteris omnibus cranijs. Hæc enim semper seruator, reliquæ cum totius capitis figura variantes, interciunt. Duæ quoque ab hac æquidistantes lineæ, per capitis longitudinem à posteriore parte in priorem super aures feruntur. Hæ autē sunt duobus inter se cohærentibus ossi-

bus, non per futuram quidem, sicut antè diximus, sed paulatimincipitis os, squammæ modo attenuatum descendit, & in os ab auri-
bus ascendens subintrat. Propterea-
que eas nonnulli non futuras simpliciter, sed vel futuras lepidoeideis;
vel προσκολλήματα λεπιδοειδῆ: à nobis
autè euidentioris doctrinæ studio,
futuræ iuxta aures hæ λεπιδοειδῆς
vocentur. Sunt igitur quinque capiti
peculiares futuræ, lambdoeides,
coronalis, & quæ rectà per longitudinem fertur, & duæ ab hac æquidistantes in ossibus squammosis.
Sunt & aliæ duæ communes genæ
superiori, & ossi sphenoeidi, quod à
nonnullis inter capitis, ab alijs inter
genæ superioris ossa numeratur:
quia inter vtrumque est medium.
Id autem cuius formæ sit, & quantæ
magnitudinis, quémque locū præ-

ἡ λεπίς.
squamma.

caput occupet, iam tibi recensebimus.

SYLVIVS.

Capitis figura secundum naturam
 ac propria, est similis sphaerae ce- Gal. lib. ar-
tis medicæ,
cap. II.
 ree omnino rotundae, sed quae manibus
 sit utrinque paulatim depressa. Seu ca-
 put est velut sphaera quaedam praelonga.
 In hac enim partem posteriorem & prio- lib. 9. v. p.
 rem magis quam sphaerae conuenit, gib-
 bam fieri, & latera magis recta, necesse
 est, ut idem de basi quoque intelligas à
 digitis aliquot compressa. Suturarum
 numerus & positus, quare figurarum
 capitis varietatem sequantur, abundè
 docet Galenus, in usu suturarum: quae lib. 9. vsus
partium, ad
finem.
 quidem quò rariores sunt, & minùs ar-
 etè cohaerentes, eò caput est iniurijs ex-
 ternis, aestui, frigori, frangentibus magis
 obnoxium: ab internis verò, quas ex-

cremētorum non trāspirantium copia excitare solet, tutissimum. Quò autem sunt eadem magis dense & firmius compactæ, adeò vt sæpè sensum commissura lateat, contrà, internis iniurijs patent magis, externis verò vehementius resistunt.

Hip. initio
lib. de ca-
pitis vul-
nerib.

Hominum capita nullis partibus inter se sunt omnino similia, vt aliorum animalium, sed in singulis partibus multum plerumque variant. Nec suturæ cranij omnibus eodem sunt loco sitæ, sed quibus eminētia quæ ad frontem est, perit, deest quoque eius partis sutura: vt quibus perit eminentia ad occiput, deest lambdoeides sutura, tūcque T litteræ formam habent relictæ capitis suturæ: vt H cūm utraque eminentia seruatur: X verò cūm utraque perit. Harum porrò & figurarum & suturarum vitia Galeno scripta, in nostris cranij haud ita crebrò apparent, præterquam quòd coronalis situ in his maximè variat. Extre-

mis enim finibus nunc in suturam sphenoidi *Et* ossi petroso communem incidit, nunc antèrius, nunc posterius, & summa parte sua nunc fronti propinquat magis, nunc vertici. Obelæa quoque, rectæve sutura, non rarò ad nasum usque per os frontis medium descendit. Domi Lambdoeides denique mihi est duplex, etiam trium digitorum intervallo dissita, *Et* utraque alijs duabus suturis æquidistantibus coniuncta. In eo autem cranio, pars postica erat amplissima, & longius ultra spinalis medullæ foramen exprorecta. Multa quoque alia in cæteris sæpius variant, sed quæ sunt naturæ consuetiora, scribimus: quæ autem rarò eueniunt, unicuique obseruanda reliquimus.

*De figura naturali, & deprauata
Capitis.*

Particularem ossium historiam Galenus à Capite exorditur, forsan edoctus ab Hippocrate, 6. Epid. Caput esse fundamentum & exemplar reliquorum ossium, quæ magnitudinem aut paruitatem capitis sequuntur. Est autem Caput illud totum quod collo superimpositum prima vertebra terminatur : diuiditur in Cranium, & Faciem, quæ duas maxillas comprehendit. Cranium corpus est osseum globosum & concuum cerebri conceptaculum, à quo duæ maxillæ dependent, orbiculari forma tornatum est pluribus de causis, imprimis quia homo ad vniuersi orbis habitum & formam constructus est, idcirco oportebat sublimem hanc partem cælo respondere. Secundò cū animæ domiciliū sit in cerebro, quod cranio continetur: anima autem de cælo defluat continens & contentum rotundū esse debebat. Deinde membro nobilissimo figura conueniebat nobilissima : At nulla nobilior orbiculari, quia capacissima est, minus iniurijs obnoxia, & facile volubilis. Quapropter cerebrum hominis amplissimum non aptiore conclaui quam rotundo coerceri poterat : nec melius externas iniurias declinare & amoliri, neque celerius in omnes partes circumagi, quam in hac figura rotunda. Quæ tamen non est ad amissim orbicularis & spherica, sed quadamtenus oblōga, antrorsum & retrorsum protuberans, vt cerebrum & cerebel-

lū containeret, & nerui secundum cerebri longitudinem seriatim enascerentur. Quamquidē longitudinē effingit lateralis compressio ad tempora; Itaque naturalis figura capitis ex Galeno ad oblongæ spheræ similitudinem constructa est, vel vt latius exponit libro de arte parua, veluti si excogitares spheram exquisitè rotundam ex cera fabrefactam, paulūm vtrinque compressam. In hac necesse est vt partes anteriores & posteriores magis promineant, quam spheræ conueniat. Deprauada capitis figura *q̄f̄r* dicitur à Galeno, quæ dictio pro capite supernè acuminato sumitur: genetaliter tamen vsurpatur à Galeno pro quauis figura vitiatī capitis, est autem hoc vitium duplex, vnum magnitudinis, quando dicitur magnum, mediocre, & paruum caput. Alterum conformationis, quando caput absolutè *q̄f̄r* existit. Huius prauæ conformationis quatuor sunt figuræ. Prima est quam ambæ proiectiones frontis scilicet, & occipitis abolentur, caputque exquisitam spheræ rotunditatem æmulatur, quali capite depingitur Therfites ab Homero Iliados 2. quem omnium qui ad Troiam venerunt stolidissimum esse scripsit. Secūda figura capitis est, in qua deest antica proiectura seruatā posticā. Tertia est quādo postica eminentia perennte seruetur antica. Quarta figura capitis profertur, cūm ad vtramque aurē caput magis protuberat quam in fronte & occipite, id est, latius ad aures, quam oblōgius efficitur, quæ figura dari quidem potest, sed nunquā superstitē animali: quia cerebri fabrica peni-

rus euerteretur, & tanquam monstrum viuere non posset. Quinta capitis figura addi potest ex Hippocrate *ἐξὸς τοῦ κεφαλῆς ἀναστῆναι* similis pani saccharato, quando caput in acutum superius assurgit, quales erant *μακρομήρη* descripti ab Hippocrate lib. de aere, aquis & locis. Alterum vitium deprauati capitis est in magnitudine, quando magnum, aut paruum existit. Scribit Galenus libro artis parvæ, paruum caput semper vitiosum esse, magnum non semper laudabile; quod si propter facultatis propriæ robur magnum effectum fuerit, melius erit quàm si à materiæ vbertate. Veruntamen Aristoteles sect. 30. problem. hominē capite paruo præditum prudentissimū esse prodidit. Responde vtrumque caput, tam paruum quàm magnum, si reliquis membris proportionatum, id est membra in magnitudine aut paruitate capiti respondeat, non esse vituperandum. Id autem cognosces ex concinna & naturali figura capitis & cervicis æqualitate, quia si magno capiti crassa ceruix subiiciatur, illud caput erit laudabile, sin parua malum & e contra.

An pro varietate figurarum capitis, suturarū numerus & situs immutetur.

Questio hæc difficilis admodum existit ab Anatomicis magna contentione disceptata. Primus Hippocrates huius controuersię author extitit, qui initio libri de vulneribus capitis, suturarum sedem & numerum mutari scripsit,

quandocunque proiecturæ capitis deficiunt. Itaut si antica vel postica defit, duæ tantum appareant futuræ in modum litteræ T, exsculptæ. Quod si caput exactè rotundum fuerit, duæ illæ futuræ decussatim in modum X sint intersectæ. Sin verò caput antrorsum vel retrorsum promineat, tres futuræ reperiuntur in modum H inuersæ, Galenus hoc lib. & 9. de ysu partium, Hippocratis doctrinam approbavit, quæ tamen nullo probabili aut verisimili nittur fundamento, neque in nostris cranijs expressa deprehenditur: quia licet antica aut postica proiectura deficiant semper tres futuræ remanent. Sic quædam dantur capita fronte prominente absque futura coronali, quædam occipite protuberante sine lambdoide futura. Quod si proiecturæ essent causæ suturarum, cum deficiunt proiecturæ, tum futuræ non extarent, quod nunquam observatum fuit. Quod si futuratum situs & numerus pereuntibus proiectu ris immutaretur, ossium capitis numerus maior vel minor foret, eorumque figura differens. Atqui ex Hippocrate & Galeno cranium ossibus octo compactum est in omnibus hominibus: ergo nunquam suturarum numerus & situs immutatur. Cum autem Hippocrates in ossium doctrina egregiè versatus fuerit, ut sceletum eneum Apollini Delphico consecratum, ipsiusque testimonium de suo studio in ossibus examinandis manifestè declarant. Estne verisimile tam excellentem Anatomicum adeo turpiter errasse, qui nec fallere nec falli unquam potuit iudicio Ma-

crobij. Quid igitur ad defensionem aut excusationem Hippocratis proferemus, quem Galenus peritissimus Anatomicus etiam hac in re secutus est. Cum videret Hippocrates hominum capita nulla inter se similia ratione figuræ, quæ vel est exactè rotunda, aut prælonga, eamque longitudinem capitis, non ex vno vel duobus ossibus naturaliter conflare posse, sed ex tribus; quæ varijs in locis expressit atque nominavit libro de vulneribus, nimirum os frontale, ossa duo sincipitis, os occipitis, existimavit in prælongo capite plura reperiri ossa nimirum tria: in rotundo pauciora videlicet duo, atque cum suturæ sint intervalla seu discrimina ossium, quò plura erunt ossa plures erunt suturæ, quò pauciora ossa, pauciores erunt suturæ. Ergo si antica aut postica desit proiectura capitis, longitudo erit breuior, sicque duæ suturæ sufficient in modum T descriptæ, exempli gratia, si deficiat antica proiectura, ossa bregmatis procedent vsque ad nares osque frontale constituent. Fieri etiam potest ut in formatione capitis ex abundanti materia quæ propter imbecillitatem formatricis non fuit extensa caput malè formatum euadat, deficiente alterutra proiectura; quâ in parte crassius erit, citius sutura siue coronalis aut lambdoides obliterabitur. Nam sagittalis rarò deperditur, & vltima remanet: quare probabile est Hippocratem eiusmodi capita senum observasse. Quod si caput exactè rotundum fuerit, coronalis sutura in medium caput incidet, mediâque sagittalem secabit, sicque remanebunt duæ suturæ ad angulos rectos se-

se interfecantes : hanc opinionem confirmauit Syluius, qui coronalem futuram summa sui parte nunc fronti, nunc vertici magis propinquare, scribit. Vidit etiam Fœsius cranium preacuminatum & prealtum, in quo plures erant futuræ in fine occipitis, & in toto cranio erat vna futura ab aure vna ad alteram delata. Ceterum Hippocrates pro figurarum varietate futuras eo modo proposuit libro de vulneribus capitis, ne in fracturis cranij deciperemur, vt ipse fuit in Autonomo, qui cum fuisset percussus in sincipite ad futuram. Decepit Hippocratem futuræ asperitas similis fracturæ: vt igitur certiores simus de præsentia & absentia futuræ coronalis & lambdoidis, proiecturas obseruabimus, quæ si de sint ictus cadēs in locum proprium futuræ minus erit periculosus, quia vel decunt futuræ, vel strictè agglutinatæ erunt. Posset aliquis ad deffensionē Hippocratis, principiū libri de vulneribus, tanquā spurium reipere, cū Galenus ipse fateatur multa adulterina in libros Hipp. irrepsisse, nec ab ea labe immunem fuisse librū de vulneribus capitis. Huic suspitioni & cōiecturæ locus esset, nisi Galenus eadē doctrinam bis retinuisset, & ex professo monuisset eos qui libris Hippocratis aliquid inseruerunt, vt in hoc lib. de vulneribus capitis, non principijs sed vltimis libri adfuisse & adscripsisse, nec tam facile adplumbatura detegeretur.

De Suturis Capitis.

DE Suturis capitis cum Galeno acturi, prius explicandum quid futuræ nomine intelligi

debeat, & an plures illius sint differentiae vt opinantur recentiores Anatomici. Cùm ex pluribus ossibus cranium compactum & coagmentatum sit, eorum connexiones quia dentatae ferrae more suis eminentijs quasi dentibus pectinatim sunt intextae, vel pannorum consutorum similitudinem referunt ob id Suturae nominantur. Definitur Sutura à Galeno praecedenti capite, compositio quaedam consutis rebus similis & affert exemplum vt in capitis ossibus habetur. Subiungit, quàm explicare volentes nonnulli serratam syntaxim alij in vnguem factam compagem definiunt, quod ab antiquis dictum fuit maioris perspicuitatis gratia: ex hoc loco malè intellecto, recentiores Anatomaci res suturas ratione texturae differentes imperitè constituunt, dum vnam faciunt consutis rebus similem, alteram serratilem, tertiam ad vnguem structam, nam similitudines pro specificis differentijs perperam usurpant, vt supra dictum est. Quinimò Galenus commissuras ossium capitis potius esse harmonias dixit his verbis, sub finem lib. 3. de officina Hippocratis. Cùm ossa capitis se tangunt propriè dicuntur harmoniae, sed translato vocabulo suturae; calvariae ossa ad vnguem inter se committuntur, atque idcirco eorum contactus per harmoniam fieri merito dicitur, & à similitudine eorum quae sunt suturae. Cur autem connexiones ossium capitis dicantur harmoniae subtiliter explicat Galenus capit. 3. Recentiores, inquit, factas per harmoniam syntheses futuras quoque

appellare consueuerunt, idque meritò non enim
 craniorum omnium futuras omnes serratis ex-
 actè compagibus similiter structas deprehendes:
 sed aliquando in ipsa ossium syntaxi cernere est,
 alteri quidem cranio futuras inesse, alteri harmo-
 nias, sunt autem futuræ cranij Propriæ vel Com-
 munes. Propriæ dicuntur quæ ossa cranij à se in-
 uicem discernunt. Communes quæ ossa cranij &
 ossa maxillæ superioris determinant. Propriæ
 sunt Veræ & Spuriæ: Veræ dicuntur quæ panno-
 rum confutorum figuram æmulantur, quod est
 futuræ proprium & adæquatum signum. Tres
 sunt propriæ, Coronalis in anteriore parte sita
 transversum caput secans, coronalis dicitur quod
 in ea parte coronas gestarent veteres, non quales
 Regum sunt, sed huic loco mulieres criniū stro-
 phia in modum coronæ contorta, ad fouendam
 fontanellam mollem & delicatam imponere so-
 lebant. Altera in occipite posita lambdoidis dici-
 tur à figura Λ Tertia per capitis longitudinem ex-
 porrecta ab apice lambdoidis vsque ad mediam
 coronalem, & nonnunquam ad summas vsque
 nates excurrens, sagittalis appellatur. Spuriæ fu-
 turæ quoniam aliter constructæ sunt imbricum
 aut squammarum modo agglutinatae, Tempora-
 les dicuntur, quia prope tempora collocatae.
 Nemo veterum futuras vocauit, teste Galeno, sed
 λεγόμεναι περιστελλόμεναι. Squammosæ agglutinationes,
 à media futura, id est, sagittali æquedistant, ex
 Gal. Cōmunes futuræ quæ cranij ossa ab ossibus
 maxillæ determināt iudicio Galeni sunt duæ, Re-

centiores tertiã addunt. Prima Sphenoidea vocari potest, incipiens à media parte coronæ occipitis, osque totũ sphenoides circumscribit, quod à nōnullis inter ossa cranij numeratur, ab alijs ad ossa genæ supernæ reuocatur, & hæc ratione cōmunis futura dicitur. Secūda futura nominatur Frontalis, os frontale à superna maxilla secernit, eā viam tenet quam Galenus in textu designauit. Tertia futura recentiorũ Ethmoidea vocatur, quia circumdat os ethmoides, propriæ futuræ nomen potius meretur quam communis, quoniam ossibus proprijs capitis incuneatum & vndique cinctum est.

Lambdoidis futuræ laterum fines inferiores, ad basin vsque capitis protenduntur, per mediũque lapidosorum ossium, & diarthroseos, quã caput primo spondylo adnectitur, deorsum feruntur, ibique exigua quadam linea transversa iunguntur. Hanc ipsam primum capitis, & eius ossis quod explicare proposui, communem puta. Sursum enim vtrinque ad caua temporum tendit, quo etiam futuræ coronalis extrema perueniunt. In-

Spheno-
dis.

de etiam rursus deorsum verſa & ad
poſtremos dentes delata, ad palato
vicinas partes uſque procedit, com-
prehédens intra ſe os antedicta fu-
tura vndique terminatum, quod
veluti $\sigma\phi\eta$, id eſt, cuneus, inter ca-
pitis & genæ ſuperioris oſſa immit-
titur. Vnde ſphenoides, doctrinæ
clarioris gratia, vocatur. Huius ita-
que futuræ quicquid ſurſum ad co-
ronalis fines fertur, cum capitis oſſe
eſt commune. Quod verò ex utro-
que latere ad palatum tendit, ſupe-
riorem genam ab oſſe ſphenoide
diſcernit. Id os apophyſes habet v-
trinque $\pi\tau\epsilon\pi\omega\delta\epsilon\iota\varsigma$ & eas cauas. Alia
autem capitis futura, quæ ipſum à
gena ſuperna diuidit, ex cauis tem-
porum principium ſumit, qua ſci-
licet futura capiti & oſſi ſphenoidi
communis cum futuræ coronalis fi-
nibus, in idem (vt diximus) conue-

nit. Inde ad oculorū sedes procedit,
pérque eos medios tédēs, iuxta me-
dium superciliarū sibi ipsi iungitur.

S Y L V I V S.

PEr medium lapidorum ossium &
diarthroseos, &c. Ne intellige
hanc lineam ferri per ossa lapidosa &
per diarthrosim illam: sed per medium
inter hæc duo spacium, & ista duo etiā
longiūs à se dissita separare, quod etiam
in fine huius sermonis per medium su-
perciliarū, hoc est, per locum inter duo
supercilia medium, non per ipsa media
supercilia. Ad palato vicinas partes
vertimus, πρὸς τὰ τῆς ὑπέρωας quod ta-
men paulò post πρὸς τὴν ὑπέρωαν dixit.
Hæc enim sutura non ad palatum fer-
tur, sed ipsum ab apophysibus pterigodi-
bus separat, quas tamen πτερυγοειδῆς
vocat Galenus comment. 2. in libr. περὶ
ἀνθρώπου, quòd πτερία, id est, alam
representent. Cum capitis osse commune

scilicet lapidoso, & parte ossium bregmatis & frontis. Os sphenoides ἀπὸ τῆς σφηνός, hoc est, cunei forma, vel potius usu dictum, quod omnibus suis partibus, cunei modo se insinuet, inter ossa capitis omnia, & propè omnia genae supernae. Nam os occipitis tangit, in linea communi dicta. Vbi os utrumque omnium capitis ossium est crassissimum, deinde longo tractu attingit ossa temporalia, & supra hac angulum bregmatis, nisi cum sutura coronalis, suturam sphenoidis & ossis temporalis mediam, aut posterius incidit. Os frontis deinde tangit in cavitate temporum, & in oculorum: utriusque enim cavitatis partem efficit sphenoides, illius maximā, huius circiter sextam. Tangit praeterea genae superioris os maximum, caput tangentium, & medium situ ac magnitudine, qua parte sui cavitatem oculi adiuuat, os verò omnium in genae hac maximum tangit, quā

tendit ad palatum, & per suas apophyses pterygodeis ossa palati parua attingit. Ossa autem nasi & quæ his vicina sunt, & minima caput tangentium, & quæ duos dentes incisorios continet, non tangit. Huius ossis circumscriptio tam pulchrè à Galeno absoluitur, ut nihil addendum putem, nisi quòd id os habet apophyses extra cranium quidem duas pterygodeis, intra verò κλινοειδῆς tres, vnā posticam, quæ superiorem. Duas anticās ad nervorum opticorum exortum, quæ inferiorem lecti partem representent. Inter quas loco ossis profundiore, & omnium tenuissimo vel vnum est foramen medium, capiti aciculæ par, aut multa exigua visu & tactu perceptibilia, ceu in coronam sita, per quæ pituita ex cerebri ventribus in choanam recepta, trāsmittitur in duos specus maximos his foraminibus subiectos, & inde in nares & palatum. Quæ foramina

Lutetia habuerunt omnia crania, quotquot mihi videre contingit, tum recentia tum siccata. Ne quis aures patefaciat homini indoctissimo & arrogantissimo, neganti omnia quæ sua visione aut imbecilla, aut per ignorantiam, ingratitude, impudentiam, impietatem fascinata non deprehendit.

RIOLANVS.

De Ossibus cranij.

Galenus expositis cranij futuris ossa suis limitibus circumscribit, sed figuram cuiusque simul confundit, deinde substantiam singulorum seorsim explicat. In primis numerum ossium cranij senarium esse conijcitur ex verbis: *Sex sunt*, inquit, *sphenoide excepto, capiti totius ossa*: quasi dubitaret de sphenoide, quod paulo ante dixerat à nonnullis inter capitis, ab alijs inter genæ superioris ossa numerari, postea sex tantum ossa suis terminis describit, & eorum substantiam definit. Hunc numerum Aristoteles lib. 3. de hist. animal. cap. 5. ante proposuerat. Hippocrates lib. de vulneribus capitis, sex tantum ossa capitis enumerat, omissis sphenoide & ethmoide. Verūtamē Galenus alibi libro 11. de vsu partium, capit. 20. & Isagoges capit. 12. septem ossa cranij constituit, adiungens os sphenoides. Recentiores Anato-

romici octo adscribunt cranio, adiecto ethmoide. Cuiusque ossis substantia diuersa est: sed cuncta id habent commune, quod duplici tabula siue lamina constent, inter quas substantia quædam ossea & fungosa continetur, vt sanguinem effusum absorbeat ad nutritionem ossium. Hippocrates venas sanguine plenas inter vtrumque tabulatum disseminari scripsit lib. de vulneribus capitis. Gemina hæc squamma cum meditullio fungoso & rubro, in resecto cranio hominis nuperrimè mortui manifestè conspicitur, & spatium duabus tabulis interiectum euidentius apparet in fronte. Idem Galenus lib. 9. de vsu partium Capitis osseam substantiam non valde densam & tenuem à natura factam fuisse scribit, ne tam facile finderetur, neque crassam & densam ne nimis ponderaret, sed crassam simul raram & cauernosam constructam fuisse. Crassa est ad securitatem & robur. Rara ne sit oneri, Cauernosa ob transpirationem. Attamen Hippocrates annotauit lib. citato caluariam duplicem esse à fronte vsque ad verticem, eiusque densissimum & durissimum os esse, tam infernè quam supernè. Idem præceptor vniuersi capitis tenuissimum & infirmissimum id os esse statuit, quod est in anteriore parte capitis, & quod sub temporibus conditur, reliquis ossibus infirmius, maiorem esse duritiem in occipite, ac secundum aures, quam in sincipite. Contra Galenus hoc capite os frontis firmitus & densius scribit osse sincipitis; quinetiam verba Hippocratis contradictionem implicare videntur

tur vt legenti textum apparebit. Substantia ossium temporalium multiformis est, vt annotauit Galenus: Vna est tenuis & squammosa, Altera inferior petrosa. Aristoteles 1. de hist. animal. aduersus Hippocratis & Galeni opinionem, os occipitis tenuissimum esse annotauit, quod est verissimum in pueris, & adultis si os frontale non fuerit excauatum, tum frontale reliquis crassius apparet, deficientibus cavitatibus. Quod attinet ad figuram ossium capitis, Galenus duorum tantum ossium temporalis & bregmatis figuras profert. Os temporale trilaterum, os bregmatis quadrilaterum facit, sed os frontale circulare iudicatur ab Anatomicis, os occipitale triangulare esse ex Galeno colligitur ratione futuræ lambdoidis quæ circumscribitur os sphenoides, ab authore introductorij dicitur *κεκλεισμένη*. Præter substantiam & figuram atque limites à Galeno rectè constitutos rursum in singulis ossibus quædam particulæ veniunt obseruandæ Nullæ sunt in ossibus frontis & bregmatis notatu dignæ, sed tantum in temporali, sphenoides, & ethmoide plurimæ notantur. Temporales os in duas partes diuiditur quammosam superiorem, & Petrosam inferiorem. Petrosa quatuor apophysibus extuberat. Prima zygomaticam partem constituit: altera est styloide, quæ naturam epiphyseos etiam retinet in adultis, tertia mastoide vocatur ab effigie vberis vaccini. Quarta apophysis interna est & auricularis nominari potest, quia tres auris cavitates completur, in pueris epiphysis est, quæ cuspidē cul-

telli eximi potest vt in brutis animantibus. Galenus tres ossis temporalis partes describit, prima & infima *αδιδας* vocatur, quia rupi præruptæ similis. In ea Styloidis est epiphysis, & altera epiphysis meatum auditorium continens, quæ vel est circulus osseus cui appensum est tympanum, vel auricularis apophysis interna, quam haud dubiè Galenus intellexit, quia osseum circulum ignorauit. Secunda pars & media ossis temporalis comprehendit apophysim mastoideam & zygomaticam. Tertia suprema est versus tempora squammæ modo attenuata. Galenus pauca de sphænoide dixit, eaque dispersa varijs in locis quæ in fasciculum colligam. Sphenoides os futura prima communi vndique terminatur, & veluti cuneus inter capitis & genæ superioris ossa insinuat, vnde sphenoides dicitur, apophyses habet vtrimque pterigoides & cauas. Alibi libro 11. de vsu partium capit. 19. palati os appellat capiti & maxillæ supernæ interiectum, continens in sese meatuum cerebrû purgantium foramina, quod recentioribus Anatomicis occasionẽ præbuit reprehendendi Galenum, quasi voluerit ossis sphenoidis superficiem planam apophysibus sphenoidis interiectam, esse pertusam foraminulis ad expurgationem excrementorum cerebri. Probabilius est Galenum intellexisse os vulgo dictum ethmoides, quod putauit esse portionem sphenoidis. Nam hoc libro nullam mentionem facit huius ossis, atque nullibi inter capitis & genæ supernæ ossa numeratur à Galeno: quin etiam libr.

9. de vsu partium capit. 5. ossa narium appellat ethmoidea, quæ intellexit capit. vlt. huius libri, quum scribit superfluum esse commemorare ossa quæ sunt in naso quæ melius spongiosa cum Hippocrate, quam *ethmoidea* nominari sæpius annotauit; quod cumulatius libr. 8. de vsu partium, cap. 7. explicat. Adde quod in cranijs adultorum ossis sphenoidis antica pars cum tabula cribrosa ossis ethmoidis adeò strictè coalescit, vt nullum diuisionis vestigium appareat. Interea notandum Galenum hoc libro os sphenoides etiam ad genam supernam reuocasse, vt patet ex capit. 3. huius libri, itant sit ambiguum cranio & maxillæ commune. Animaduersione dignum in quibusdam cranijs portiones osseas, proprijs suturis omnino separatas ab ossibus cranij iam commemoratis reperiri, circa fines future lambdoidis inter os petrosum & occipitale, quæ tamen portiones osseæ, nec debent nec possunt augere numerum ossium cranij octonarium à nobis constitutum.

Quæ cum ita se habeant, sex sunt, sphenoides excepto, capitis totius ossa: duo bregmatis: duo infra hæc ad vtramque aurem. Post hæc quintum os occipitis: sextum frontis. Bregmatis ossa terminantur parte quidem posteriore, lateribus future

lambdoidis: anteriore verò futura coronali: inferiore autem futuris lepidoidibus: superiore denique, ea amborum cōmuni futura, quæ per capitis longitudinem recta procedit. Post hæc deinceps quæ ad utrâque aurem sita sunt, discernuntur parte superiore futuris lepidoidibus: posteriore, laterum lambdoidis additamenti: anteriore, futura quæ capiti cū osse sphenoides est cōmunis. Ea autem ossa trilatera sunt. Bregmatis verò quadrilatera. Quintum capitis os occiput, terminatur lambdoide futura, cum suis additamenti, & linea qua hæc ipsa additamenta (vt diximus) iunguntur. Id os foramen habet omnium quæ sunt in capite maximum, propè primum spondylum. Reliquum est os frōtis, quod distinguitur futura coronali, & ea quæ capiti cum gena

superna communis est. Horum autem sex, quæ diximus bregmatis ossa, sunt rarissima & infirmissima: occipitis os densissimū, firmissimūque mediū inter hæc ipsa os frontis habetur. Reliqua vtrinque ad aures posita sunt multiformia. Nam horū pars lithoides & vocatur & est, ea pro tēsis futura labdoïdis finibus terminatur. In eaque styloïdes apophysis inest (quam & βελογοειδὴ & γραφοειδὴ voco) & apophýsis meatum auditorium continens. Altera deinceps eius pars est prope ἑκφυσι, tum mastoει de dictam, tum zygomatis: pars præter has tertia est ad tempora. De capitis autem foraminibus in nervorum vasorūque dissectionibus (quorum causa sunt facta) dicemus. Per singula enim aut nervus, aut arteria, aut vena, aut ex his quædam, aut omnia transeunt.

SYLVIVS.

POSTquam ossa capitis septem nominavit, geometrarum & agrimenso-
rum modo, suis limitibus circumscribit,
ac diffinit omnia. Nam paulò antè sphenoides terminavit. Os autem frontis est,
quando etiam petrosum tangit, semper
tamen os sphenoides: sed nunc magis nunc
minùs pro vario contactu ipsius, & finium suturae coronalis. Septem verò capitis ossa concludit. Os verò ethmoides apophysi cristae gallinae aemula, in cerebri secerniculum emicans, & lithoides propriè Galeno vocatum. quamvis interdum, præcipuè in pueris, facile separantur, tamen alijs prædictis accensentur, illud fronti vel sphenoidi, hoc temporali. Consistentiam & habitum huiusmodi ossium leuiter attingit, fusiùs libro undecimo usus partium, usu etiam v-

triusque adscripto, explicat. Habitum autem voco raritatem, densitatem, consistentiam, crassitiem, tenuitatem, molli-
tatem, duritiem, læuorem, asperitatem. Ossa enim omnia cranij, excepto sphe-
noidis, & occipitis infima, externaque parte, utrinque læuia sunt, & propè om-
nia squammis duabus constant, quas δι-
πλοας vocat Galenus: inter quas sunt fi-
stulosa, & rara, præcipuè ossa bregmatis,
quæ tamen ad temporalium contactum
sunt solida, & ad os frontis tenuiora,
quàm ad os occipitis. Os item frontis in
superna oculorum regione, quam totam
constituit, tenuissimum tamen squammis
duabus coagmentatum: ad supercilia &
nares, cauum, aëre plenum: ad tempora-
lia, tenue, solidum: in fronte crassius, den-
sius ossibus bregmatis, prope quæ te-
nuius, & ob raritatem infirmius, quàm
in fronte. Ad concursum autem obelææ
sutura cum coronali, molliissimum, rarif-

Lib. 6. met.

simum, ceu corporis totius in fumibulū, ut etiam pueris mandentibus, & respirantibus, diu mobile appareat. ut proxima bregmatum portio concretu tardissima. Os temporale, totum id quod ad aures est, sæpè dicitur: quia ea ipsius portio maior est, ut omoplata, os ilium: totum sæpè significat, quamuis utrumque nomen propriè partem ossis illius maximā significet, ut in illis dicitur. Occipitis os admodum crassum postica parte: sed inferna, qua musculos excipit aut emittit, asperum, tenue, solidum (quæ pars ferè linea extuberante, & interdum etiam apophysi insigniore separatur) apophyses duas acutas ad foramen dorsalis medullæ habet (quæ etiam epiphyses sunt in pueris) inserendas in cauitates duas primi spondyli. In ijsdem pueris id os tres sæpè habet et suturas: unam obelæ continuā adusque foramen dictum, alias duas ab eodē, ad additamēta futura lambdoidis.

Os temporale apophyses habet μα-
 ρειδὴ papillæ māmaram, præsertim vac-
 cinnarum similes, musculis seruientes, &
 auditui per aërem ampla & anfractu-
 sa eius cavitare comprehensum. Habet
 & βελονειδὴ, γραφιοειδὴ similem, &
 acui, & graphio scriptorio (unde illa ip-
 si nomina Galenus attribuit) musculis e-
 tiam destinatam. Habet præterea eam
 quæ meatui auditorio dedicata est. De
 ossis sphenoidis apophysibus tum infer-
 nis, pterygoidibus ad musculos firmandos
 comparatis, tum supernis, & intra cra-
 nium sitis clinoidibus, antea nobis abun-
 de dictum est, uti de osse cristato. De os-
 sium cranij reliqua natura, his verbis
 Hippocrates apertè scripsit: Ossa cranij
 duplicia, & foris & intus læuia, duris-
 sima, densissima, paulatim mollescunt,
 rarefcunt, itaut in medio quæ inter se cō-
 nectuntur, mollissima sint, & rarissima,
 maximeque caua, & spongia similia,

Lib. de ca-
 pitis vuln.

venulis plena, & materia madente, ac sanguinea. Ossium cranij tenuissimum, & infirmum, & paucissima, ac tenuissima carne coniectum, quod est inter frontis & bregmatis ossa. Ex cæteris os temporum est infirmissimum, quia tenuissimum, quia pertusum meatu auditorio & cauatum, partim ad genæ superne diarthrosim, partim ad venæ iugularis ramos, intus & foris excipientos: post aures autem, & post ossa bregmatis, cranium est robustius, & carne largiore tectum.

Cum nervus, vena, arteria, nondum tyroni sint cognita: foraminum quibus nervi cranio excidunt, vena & arteria in cranium penetrant, non sunt hoc loco pluribus inculcanda.

RIOLANVS.

Quid in Ossibus capitis Galenus omiserit, vel ignorauerit.

Galenus tres cavitates quæ in apophysi interna siue auriculari ossis petrosi continentur, & tria ossicula auris ignoravit, varias etiam ossis sphenoidis & ethmoidis particulas prætermisit, quæ omnia facile suppleri possunt ex alijs Anatomicis. Imprimis libro 8. de usu partium, capit. 6. & libr. 9. capit. 2. & libello de venæ sectione cap. 6. reprehendit veteres Anatomicos & Philosophos, qui nullum esse meatum ad cerebrum ab aure opinabantur, deceptos fuisse scribit, quod cum setam porcinam aut filum in aurem introduxissent, non penetraret, nec per alterum foramen exiliret; quod evenit propter amfiactus obliquos & labyrinthæos huius foraminis. Vnde licet agnoscere Galenum istas cavitates aurium subolfecisse, & leuiter adumbrasse. Supra Galenum gloriari potest Aristoteles de quodam meatu qui ab aure in palatum tendit, ex opinione Alcmeonis capite 11. libri primi de historia animal. cuius beneficio surdi, aperto aure audiunt. Præterea Galenus, sinus seu cavitates frontis, sphenoidis & maxillæ superioris subtrixit forsan, quod non repetiantur in omnibus cranijs.

*De cavitatibus & ossiculis Auris
internæ.*

NEfas est ossis temporum cavitates, & quæ in ipsis continentur ossicula silentio inuoluerè, ingrediamur & lustremus antrum illud auris internæ, veteribus inaccessum, in quo magnum naturæ artificium elucet. Huius admirabilis structura Galeno & veteribus Anatomicis indicta & ignota fuit, forsan quod aures simiarum inspexerint, aliter extructas & conformatas, in quibus etiam desunt hæc ossicula testante Casserio, quod est falsissimum. Nam in auribus Cercopitheci, tria ossicula, malleum, incudem, & stapedem humanis figura non mole simillima deprehendi, cur enim simia careret his auditus instrumentis, quæ etiam piscibus data fuere auctore Rodolietio. Lapidosum os temporum quatuor Cameris discernitur: quarum prima foris obuia semperque patens, ~~aperturæ~~ dicta tympano terminatur. Huius cavitatis osseus ambitus in puerulis vsque ad septimum mensem coctione facile secedit, & in recens natis media parte & exteriori cartilagineus, interiori osseus, annulum refert non omnino absolutum, cui tympanum affigitur. Altera cavitatis propter amplitudinem Vesalio Peluis dicitur, Fallopio Concha, à conchyliorum similitudine, continet aërem insitum, vernaculum, ambienti consocialem, & tria ossicula,

de quibus paulò post agemus. Intus autem iuxta tympanum verius occiput, foramen angustum apparet, quod sensim dilatatur in cavitatem asperam & spongiosam, quæ communicare videtur cum mammillaris processus interno specu. Vesalius in examine obseruat Fallopij, hoc antrum affimillabat fidinæ amplæ, à qua plures cuniculi & viæ principium habent, & in eandem circulatim huc illuc incedentes regrediuntur. In cavitatis extremo quod directè opponitur tympano, duo foramina seu fenestellæ occurrunt, quarum maior & oualis basi stapedis occlusa, aditus est ad tertiam cameram. Altera minor & rotunda (angustior in homine quàm in brutis) quartæ cameræ principium existit. Ambitus huius foraminis non nihil extuberans, in cliuulum quendâ editum assurgit, propter dictum qui in labyrinthum sub cliuo furtim agitur. Fenestellarum usus existimatur species audibiles ad sequentes cavitates trajicere, & excrementis cerebri viam præbere.

Tertia cavitās labyrinthus vocatur, propter varios anfractus in eandem cavitatem, idemque compitum redeuntes, ab alijs fodina, quia pluribus cuniculis scatet eo fine constructis, vt ær internus per angusta loca transiens acutior magisque sonorus euadat. Vel vt placet alijs, sonus in concha, velut ingeminatus, sensim in istis Mæandris & circulationibus elanguescat & commoriatur. Tres autem ductus siue semicirculi in labyrintho reperiuntur, qui ita feruntur, vt duo ad

angulos quasi rectos se interfecent ex opinione Anatomicorum: ego vero sex inuenio, intra labyrinthum. Iuxta fenestram oualem foramen est, in quartam cauitatem peruium, etiam si hæc cauitas alium habeat ingressum, quæ fenestra minor dicitur. Quarta cauitas Cochlea nominatur, à flexuosa meatus obliquitate. Est enim anfractuosa & quibusdam foueis excauata. Eam cauitatem quidam cæcam esse putant, nullumque exitum habere. Alij in medio ea nimirum parte cui spiræ innittuntur, peruiam esse dicunt. Caslerius cochleam asseuerat interposita ossa lamina præteui in meatum nervi auditorij desinere, nullum autem alium egressum reperiri. Galenus lib. 8. de usu partium reprehendit cæteros Anatomicos, qui auris foramen cæcum esse dixerant, quasi nullum egressum haberet. Sed Ruffus Ephesius respondet veteres cæca dixisse foramina, quæ non erant in rectum excauata. Idcirco quia flexuosus est auris meatus, propterea cæcus dictus fuit. Inuenio intra cochleæ spiras, rimulam per quam sonus ad cerebrum traicitur, & biliosum cerebri excrementum in aurem defluit. Porro in concha tria ossicula continentur quæ ex figuris rerum artificialium elegantissima nomina sortiuntur. Primum ossiculum longiusculum Malleus nuncupatur, in quo plures particule notari debent, Cauda, Capitulum, & duo Processuli: cauda seu pedunculo myringæ attenditur, suo tuberculo leuiter excauato per ginglymon incudis mediante cartilagine inarticulatur, ex apophy-

fibus longior tympano incumbit, Altera exilior musculum & chordam excipit. Cauda vero non-nihil reflexa & incurua tendinem musculi admittit. Alterum ossiculum Incus siue dens molaris dicitur, non tantum à figura, verum etiam ab usu, quod incudis, modo malleoli permoti ac percussi ictus excipiat. Parte superiore lata & sinuata malleoli capitulo committitur, inferiore desinit in duos processus, crassitie & longitudine inæquales; Processus crassior & breuior tympano affirmatur, alter longior & tenuior ad extremum leuiter inflexus stapedis apici obligatur. Est autem Stapes tertium ossiculum triangulare, in medio pertusum ne aëri & sono aditum ad labyrinthū præcluderet, intus in ambitu striatum, sua basi latiuscula oualem fenestram occludit. Cur huic operi solidum os præficitur? An quia sonus in molli substantia exceptus oblitescit, per solidam & osseam substantiam delatus robur & puritatem acquirit? Varolius hoc ossiculum auditus pupillam appellat, ut enim per pupillam visibiles species admittuntur, ita per foramen stapedis sonoræ species traducuntur. Paræus dubitatum stapes membranæ cæci foraminis appositus fuerit, ut illam sustineat ad perfectiorem audiendi facultatē. Admiratione dignum est ista ossicula in recēs natis & adultis æquali magnitudine prædicta esse: sed in illis molliora & in medio cartilaginosa esse dixerūt, (quod non est verum) quo fit ut infantes obtusius audiant: solidiora verò per ætatem facta, non omnino medulla & cavitare desti-

tuūtur vt notauit Columbus, quod est falſiſſimū. Cū autem horum offiſculorum ſubſtātiadura ſit ac denſa, à cæteris offiſibus planè diſtincta, tres proferūtur rationes. Prima eſt quod perioſtio nō cingātur, ne ad ſoni receptionem forent inepta. Deinde quod intecens natis iam ſint perfectæ, & eandem quam in adultis magnitudinem retineāt. Tertia eſt quod ſuſpenſa & librata tenentur à ligamento, vt percuſſa ab aëre interno, externi violentia commoto ſonum acutiorem edant.

Cæterum hæc offiſcula in concha collocauit Natura ad ſtabiliendum & firmandum tympanum quod alioquin aër externus vel internus lacerare & diſrumpere potuiſſet. Propterea malleolus cum altero incudis crure tympano innittitur; & quoniam huic officio ſolus malleolus non ſuffeciſſet, alia duo oſſa in auxilium adiuncta ſunt ob cavitatis inæqualitatem, quibus enim animalibus auris cavitæ recta eſt, vt anſeri, vnicum offiſculum Natura coſceſſit. Volcherus alios duos uſus aſſignat, vt ſonum per tympani agitationem illis communicatum, ad neruum auditorium deferrent: atque vt ex illorum commotione neruus ſiue chorda pulſata aërem implantatum ciceret atque excitaret ad ſonum percipiendum. Si quidem à membrana non ita vehementer agitari poterat neruus atque ab offiſibus. Columbus facta eſſe aſſerit vt ex mutua collifione ſtrepitum edant, & ſonorum modulationi inſeruiant, quod ſi ita eſſet, vt doctè animaduertit Varolius, ſonus ille internus externum impediret & confunderet,

vt in tinnitu aurium obseruare licet. Alijs placet hæc ossicula cum chorda externi aëris appulsu vibrata, & ad membranam allisa, perinde ad distinctionem sonorum conferre, atque dentes ad vocis explanationem. Præterea in auris structura obseruari debet Fallopij Aquæductus, Canalis scilicet osseus neruo quinti patis deducendo paratus, cuius principium est intra concham extremitas ad radices apophyseon, pterigoeidon. Est alius ductus per quem etiam nerulus plane distinctus ab auditorio traducitur, oritur ab interna & anteriori caluarie parte satis angusto foramine, tenuissimæque osseæ squamma à subditis antrixi seiungitur, & secundum anteriora labyrinthi procedens statim eius cavitatis initio in eam adaperitur, sed ubi ad cōcham peruenit deorsum reflectitur per os petrosum delatus, egrediturque caluaria iuxta auriculæ radicem inter styloidem & mastoidem,

De Cavitatibus Cranij, Fossis Foraminibus, Sinubus.

Cavitates Cranij diuiduntur à Syluio in Fossas, Foramina, & Sinus.

Fossa est cauitas veluti vallis quædam ossibus ceu collibus vndique conclusa, excipiendo firmandoque cerebro præparata. Fossæ autem sunt Internæ & Externæ. Internæ sex, Duæ ad narès & oculos, in parte ossis frontalis inferna, ethi-

moidis crista eminente discretæ, sunt omnium minimæ. Totidem in occipite omnium maximæ, Duæ ad aures situ & magnitudine mediæ. Externæ sexdecim numerantur, Duæ iuxta aures, maxillæ inferioris capita excipientes: Duæ in apophysi pterygoide, Duæ ad sextæ coniugationis foramen, Duæ supra, totidem infra palatum: Duæ sub zygomate in remporum cauitate, Duæ postremo in oculorum orbita, Duæ intra nares.

Altera cauitatis differentia Foramen dicitur, ductus vtraque parte peruius. Foramina vt fossæ diuiduntur in interna, quæ cranij capacitatem subeunt, & Externa quæ caluariam non penetrant, sed in eius ambitu, & maxilla superiore consistunt. Interna sunt tredecim coniugata, & vnum azygon: Cuncta ferme in osse sphenoide aut illius circuitu continentur, paucis exceptis, nempe Ethmoideo Carotico & Acoustico, quæ in apophysi interna ossis temporalis consistunt, & duobus alijs ossis occipitalis: Primum in osse cribroso cernitur, quod licet sit multiplex pro vnico tamẽ habetur. Secundum in sella sphænoidis consistit, quæ opinionione Syluij foraminulis quibusdam pertusa est, & pro duobus numerantur, vtrimque vno, sed in craniis aduultorum nulla sunt foramina, aut rara reperiuntur: Tertium optico nervo exitum præber. Quartum scissura est oblonga initio angusta, in basi latior & rotunda, nervos oculum mouentes, arterias & venulas transmittit, quæ per vicinam rimam in basi orbita exsculptam cranio excidunt sub zygomate. Quintum exiguum

& rotundum priori subditum portionem quinti paris in temporalem musculum emittit. Sextum amplius & latius tertio pari præparatum est, septimum vnicum, interdum duplex contiguum, quarto pari dicatum est. Octauum prægrande & lacerum venam iugularem admittit. Nonum ac veluti fornicatum, aut canalis modo excauatum, arteriam carotidem excipit. Decimum quintam neruorum coniugationem ad aures traducit. Vndecimum inæquale & veluti geminum sextam neruorum coniugationē educit, & iugularis ac carotidis portionem excipit. Duodecimum septimo neruo traijciendo destinatur, obliquum est ac decline quo citiùs septimi paris neruus sexto pari committeretur, vt ambo simul cohærentes deorsum tutò descenderent ex Vesalio. Decimum tertium exile sæpius vnicum, pari & opposito deficiente posterius in radice processus occipitis latet ceruicalis venæ & arteriæ reliquias admittit: interdum vtrumque deficit, tum ab vndecimo foramine solito latiore suscipiuntur. Obseruaui illis deficientibus, foraminula duo, vtrumque vnum in parte media & laterali ossis occipitalis, quæ perforato cranio foris desinebāt pone mastoidem apophysim. Postremum foramen amplissimum sine coniuge. spinali medullæ exitum præbet. Præterea notanda veniunt pone mastoidem in futuræ lambdoidis additamentis duo foramina vtrumque vnum, interdū ex vtraque parte duo sunt, quæ foras separata intus eandem cavitatem efformant: venulas iugulares ex-

ternas ad sinus duræ meningis transmittunt, nonnunquam in vertice secundum lambdoidem duo etiam foramina reperiuntur, quæ falsò Paræus putat futurarum defectum supplere, quia sæpius futuræ comitantur.

Externa foramina sunt decem. Primum in oculorum supercilio. Secundum infernæ oculi orbitæ subiectum est. Tertium in magno cantho, glandula obduratum, in nares atque palatum peruium: Hoc ut probaret Galenus profert plurimos ocularia medicamēta non multo post inunctionem expuisse, alios emunxisse, quod falsum asseuerat Columbus. Sed Galeni testimonium confirmabit Plinius libr. 7. cap. 6. cū scribit ex Aristotele, fecunditatis in fœminis prærogatiuā accepimus, inunctis medicamine oculis saluam infici. Authoritas verò Hippocratis hanc litem terminabit, Galeni fide & assertionē corroborata. Consult lib. 6. epid. patt. 32. sect. 2. in epiphora humores in fauces euocare. Notat Galen. in comment. Lycum longa oratione demonstrasse, ab oculis in palatum vsque meatum quendam pertinere, illorum excrementa per hanc regionem euacuantem, Hunc meatum prope maiorem angulum situm esse. Præterea ex parte Galeni stat grauissimorum Medicorum experientia, Thadeus Dunus ut ipse refert libro 4. de venesectione, cum suis oculis laborantibus collyrium album Rasis adhibuisset, post horæ quadrantem non sine fastidio sarcocollæ amaritudinem in palato sensit. Sed omnem admirationem superat

quod narrat Ringius in suis disputationibus, de visus symptomatis, & Smetius in Miscellan. Huius foraminis beneficio quemdam *plurimum* erosus glandulis ex male curato oculorum ulcere per patientes narium meatus vidisse, ita ut proxima quæque obiecta dignosceret. Supra istud foramen in intima oculi orbita quartum occurrit, in os ethmoides & frontis cavitates peruium. Quintum in palati initio cernitur infernè simplex, supernè duplex. Sextum ad finem palati prope apophyses pterygoideis inscriptum est. Septimum paruum & cæcum, inter apophysim mastoideam & styloideam latitat. Octauum est scissura longa sub zygomate. In rima hiatus antico latere sub zygomate duo foramina continentur à Syluio descripta, quorum vnum superius, alterum inferius, quæ diligenter scissuram intuentibus apparent à tergo apophyseon pterygoidæon, per inferius foramen pituita ab oculis in palatum defluit. Hæc duo pro Nono numerantur à Syluio. Cum autem foramen auris internum, & illud externum auris non sint directè opposita, sed cavitatum interiectarum intervallo quodam ambagioso disiuncta. Meo iudicio foraminibus externis foramen externum auris addi posset.

Tertia cavitatis species Sinus appellatur, quando cavitatis ab ore angusto in amplitudinem late-
scit. Octo sunt sinus, Duo in osse frontis ad super-
cilia, Duo in osse Sphenoide, Duo in apophyse
mastoide, Duo postremo in superiore maxilla.

DE ZYGΩMATE.

CAPVT II.

Temporalis musculo præpositum est os quod obliquam in medio futuram habet, eiusque posterior pars omnis cum capitis osse quod iuxta aurem est: anterior, cum fine ad paruum oculi angulum continuatur, id os totum *Ζυγωμα* appellatur.

SYLVIVS.

Zygoma ex duabus apophysibus (quas *ἐκφυσεις* vocat sine capitibus præcedentis, & initio sequentis) constat: una ossis temporalis, altera ossis paruum oculi angulum constituentis, quod prius genæ supernæ, maximum eorum quæ caput tangunt, vocauit. Has apophyses sutura in

medio obliqua iungit. Ob id Ζύγωμα, alijs ο Ζυγάδες quasi coniugale & ex duobus coniugatum vocatur. Ex his autem apophysibus quæ à gena superna procedit, exortum habet latissimum, iam inde à paruo oculi angulo, vsque ad suturam partim obliquam partim rectam, os genæ superne maximum, à maximo eorum, quæ caput tangunt (à quo hæc apophysis oritur) dirimentem, ob id eam cum sine supercilij continuat.

R I O L A N V S.

Quamuis os Zygoma ex duabus diuersorum ossium portionibus contextū sit; quia tamē cranio continuū est vna parte, ob id ossibus cranij subnectitur. Ex duabus apophylibus cōponitur, vna ossis tēporalis, altera ossis maxillæ minorem oculi angulum constituentis: quas in medio obliqua sutura connectit, ob id totum os Zygoma dicitur, vulgus nostrū os Paris vocat, quia ex duobus paribus ossibus cōiugatum. Quæ quidē durissima sunt & solida, non caua vt voluit Columbus. Totū os figura sua fornicis instar foris cōue xum est, intus cauū: Vt utrimque radicibus crassis p̄ odieris

in medio gracilefcit. Cōstructum fuit ad tutelā & securitatē musculi temporalis, cuius plagæ sunt lethales; & exortum musculi massetæris, idēo parte inferiore crenis exasperatum cernitur, ab eo etiam caluaria illic tenuis protegitur, & os malærum protuberans tanquam à repagulo quodam fulcitur.

DE OSSIBVS GENÆ supernæ.

CAPVT III.

De futuris quæ genam supernam à capite & sphenoide osse discernūt, antea diximus, nunc autem quæ in ea gena futuræ continentur, recensendæ sunt. Sed satius fortassè est explicare prius futuræ vocabulum, quo modo à recentioribus anatomicis vsurpatum sit. Illi enim factas per harmoniam syntheses, futuras quoque appellare consueuerūt, idque merito. Non enim craniorum omnium futuras omnes, ferratis exactè compagibus similiter cōstru-

Etas deprehendes, sed aliquando in ipsa ossiū syntaxi cernere est, alteri quidem cranio futuram inesse, alteri harmoniam. Cū autem ossa eiusmodi nonnulla perp̄p̄ à nobis frangerentur, in imo ita sese mutuo ingredientia inuenimus, vt illorum compositio futuræ potiùs similis esset, quàm harmoniæ. Ob idque eas omnes futuras appellare, nemini verendum est. Prima autem est sub zygōmatis exortu, cuius pars posterius tendens, sub eiusdem ossis cōcauo definit, ibique cum cōmuni sphenoidis futura committitur, portio altera partim rectè, partim obliquè sursum ad oculorum sedes procedens, per medium illorum ambitum infernuū fertur. Mox ibi tripartito scinditur. Vna enim pars prope angulum maiorem exteriorē in parte, ad medium su-

irrv.

perciliorum ascendit. Quæ deinceps huic succedit per concauum sub eodem angulo, ad communem capitis futuram pertinet, eadēque angulum ipsum comprehendit, ac etiam naturale foramen ei subiectum, quod omnium quę sunt eo in loco foraminum est maximū. Sub dictis duabus futuris, tertia pars antè dictę scissurę, inferiorem in sede oculi * ambitum inscendens, interius ad imum tendit, ibique cōmuni capitis futurę iungitur. Quo fit vt terna genę supernę ossa ab utraque parte censeantur, quibus capiti ipsi committitur. Horum maximum habetur quod iuxta σύσσωμα fitum est. Nam non nihil temporis supercilijque & sedis oculorum, totūque paruum canthum in se comprehendit, & ad eam vique partem quę μήλας appellatur, proce-

dit. Secundum situ, ac magnitudine os illud in oculo ipso habetur, quod neruos ad superiorem genam tendētes continet. Minimum omnium iuxta magnum oculi canthū locatum est. Nonnulli autem Anatomici, qui tria hæc ossa ad oculorum radicem subeuntia, vnum esse tradunt, geminas quibus distinguuntur futuras, vel omnino non vident, vel tanquam exiguas dedita opera prætermittunt. His omnibus quæ tria esse diximus, ab vtroque latere, os vnum in signe magnitudine subiacet: cuius os *μῆλον* appellatum, dentiumque omnium, exceptis incisorijs, alueoli partes sunt. Hæc futuris quatuor discernuntur, supra quidem ea quàm paulo antè diximus à zygōmate ad medium superciliorum ascendere: infrà verò, ea quæ per medium palatum recta

procedit : quas reliquæ duæ copulant, ea videlicet quæ à medio superciliorum incipiens, ac iuxta nares procedens, inter caninum & incisivos dentes defertur : & ea cuius pars, quantum scilicet extremum ambit dentem, cum communi ossis sphenoidis futura conuenit : reliquum est proprium, quoad cum recta palati futura coniungitur.

SYLVIVS.

V T Hippocrates τὴν ἑνὴν, genam superiorem, τὴν ὑπὸν vero inferiorem vocat (licet ibidem etiam ἑνὴν mentum vocet, ἑνὴν Galeno dictum) sic nos genam pro superiore, ὑπὸν pro inferiore possumus dicere : aut cum Galeno hoc loco *ἔ* post, illam τὴν ἀνω ἑνὴν, hanc verò τὴν κάτω ἑνὴν appellante. Sutura huius primæ initium est sub osse mali, qua

eius parte inferior portio latissima exoritur. Huic verò sutura hæc posterius ascendens quantum digiti est aut pollicis latitudo, excipitur cavitare, & velut scissura ossis longa, & sutura separante supernam genam ad osse sphenoide, de qua prius dictum est. Portio altera ex prioris initio prope mala, partim recta, partim obliqua, & inæqualiter ascendit ad oculi ambitum inferiorem, ubi tripartitò scinditur, ut apertè Galenus explicat, & rei natura commonstrat.

Primum os genæ supernæ maximum eorum trium, quæ os frontis tangunt, sua apophysi dimidium zygomaticis cōstituit: & sub ipsa apophysi, squamma una oculi ambitum, altera temporis partem conficit: parte opposita, mali partem sæpe comprehendit. Secundum os situ & magnitudine illi proximum, ad tertiam scissuræ partem in basi ambitus oculi est, inter cuius squammas nervus à tertia cere-

bri coniugatione descendit, in supèrnæ genæ partes per foramen insigne sub oculi ambitu in osse omnium in genâ supernâ maximo, pòst dicendo. Minimum, ungui pollicis æquale, aut eo non multo latius, tangit supernè os frontis. Spectanda melius in cranioparua coctione aut cultris excarnato. Hæc suturis quatuor, &c. id est, hoc os genæ supernæ maximum, quod quia os malum dictum, & dentium omnium superiorum, exceptis incisoriis, alueolos continet, tanquam multa sint ossa, numero multitudinis usus est.

- 3 Os omnium genæ superioris ossium maximum dentes omnes comprehendit, exceptis incisorijs, quos ossiculum longissimum complecti postea statuit. De quo & eius sutura humano cranio familiari, pòst dicemus.

- 4 Has duas suturas prædictas, duæ aliæ copulant, quarum prior incipit ubi om-

nium prima desinebat, in medio scilicet inter^o supercilia spacio, quæ inter caninum & incisores progressa obliquè, in mediam palati suturam finitur. Sed hæc in humanis cranijs Galeno frequentissimè observata, nobis in quatuor hodie cranijs integra est & perfecta: in plurimis imperfecta, sed tantum deducta ad curriculum sui dimidium: sæpè in foramen nervi nuper dictum, desinens: foris quidem, sed sæpè intus perfecta. Ad hæc eius portio à canini & incisorum medio, ad rectam in palato suturam obliqua sæpè ferri apparet. Contrà autem quæ hoc ossiculum ab altero congeneri separat, sutura in nostris cranijs est frequentissima. Σὺμφορῶς autem horum, Galeno identidem observata, nostris cranijs est rarior: quam huius rei differentiam, cui causæ adscribas, aliquando dicemus. Et ea cuius pars, &c. Inter apophyses pterygoïdes totas, & dentem postremum sutura

quæ hîc sphenoides dirimit fertur, & in hac parte in capacitatem foraminum palati vanescit. Suprà autem in aperto crânio manifesta cernitur : reliquum est proprium genæ superioris, reliqua enim sutura hæc, maximum hoc os à minimo palati foramina tangente secernit. Hoc autem palati futuram tægit, sed omnium primam non videtur attingere, ob id neque copulari, nisi velut additamenta iungas, scilicet vsque ad finem primæ suturæ, sub Zygomate procedit.

RIOLANVS.

GAleni doctrina de futuris & ossibus maxillæ supernæ ab Anatomicis reprehenditur, cum tamen ipsi inter se non consentiant, iñ numero ossiũ maxillæ superioris, Columbus & Valuerda tredecim enumerant, Fallopius vndecim: quæ quidẽ dissensio pendet ex partibus ossis Ethmoidis, plurib⁹ vel paucioribus cognitis, vel perperâ assignatis. Qui partes ossis ethmoidis quinque externas siue infernas ad capitis ossa reuocant, velut apophyses huius ossis, vndecim ossa maxillæ cõstituunt, vt Fallopius, qui addit os Vomerem

merem dictum; quod alij septinarium continuationem esse dicunt, vt Platerus & Vesalius, quod quidem septum est apophysis ossis ethmoidis non lamina seu os adnatum & agglutinatum vt multi opinantur. Vesalius prætermisso osse vomere duodecim ossa maxillæ describit, quia duas ossis ethmoidis tabulas intra orbitam oculorum collocatas iuxta os vngulare maioris canthi adiecit. Columbus his duabus tabulis ossis ethmoidis os vomerem adiecit, sicque tredecim ossa maxillæ tribuit. Cùm igitur recentiores Anatomici inter se discordes sint, non mirum si Galenus incertum esse numerum ossium maxillæ prodiderit. Nam hoc libro monet ab alijs quindecim ossa constitui, ab alijs octo, sed libro 11. de vsu partium capit. 20. nouem enumerat. Huius contrarietatis causam esse statuit futurarum multitudinem aut paucitatem; quæ numerum ossium minuit vel adauget, quippe libro 11. de vsu partium capit. 19. de futuris supernæ maxillæ & palati dubitasse veteres notauit, quam controuersiam composuit in libris dissensionum Anatomicarum. Sunt autem genæ supernæ quatuordecim futurae propriæ, ex utroque latere sex coniugatae, & duæ mediæ inconiugatae. Prima est in maiore cantho sub zygomaticis exortu, cuius pars posterius procedens sub zygomaticis concauo communi futurae sphenoidæ committitur. Altera portio sub eodem osse zygomatico à capite fissuræ enata, antrosum ad medium orbitæ ambitum dirigitur, vbi tripartito scinditur: vna enim pars quæ est secunda futura,

prope angulum maiorem interiore in parte ad medium superciliorum ascendit : Altera sutura quæ est tertia angulum ipsum & subiectum foramen comprehendens, ad communem capitis suturam nimirum frontalem pertingit. Tertia diuisionis portio quæ est quarta sutura interius ad intimam orbitam procedit, communi capitis suturæ coniuncta. Quinta sutura à recentioribus Canina dicta, est ea quæ à medio superciliorum incipiens, ac iuxta nares incedens, inter caninum & incisorem dentem defertur, principium huius suturæ in nostris cranijs apparet, sed progressus iste falsus est, etiam si Syluius in quibusdam cranijs obseruauerit. Intelligit Galenus eas suturas quando paulò post scribit : *Nasi duo ossa futuris à medio superciliorum descendantibus discerni.* Sexta sutura parua duo ossa in extremo palato sita determinat, suturæ duæ carentes coniuge sunt, ea quæ ossa nasi propria secernit, & altera quæ à columna nasi per medios incisores delapsa palatum medium secat.

- I His ossibus quæ maxima esse proposui, duo alia exigua adiacent, quæ scilicet narium foramenta ad palatum tendunt, quæ propria antè dictæ suturæ parte, atque ea etiam sutura quæ transfuersa à sphenoide os-

se inter extremos dentes procedit, terminantur. His quidem futuris ab ambientibus ossibus secernuntur: ipsa verò à sese recta palati futura diuiduntur. Nasi quoque ossa duo sunt, quæ futuris à medio superciliorum descendentibus discernuntur. Has duas esse in maximorum ossium enarratione diximus. Præter eas tertia quædam in naribus ipsis futura est ossium ipsius priorum communis, quæ à medio inter supercilia spacio incipiens, recta à summis ad imas nares procedit. His ossibus inferiore in fine epiphyyses corporum cartilagineorum quæ *πτερύγια*, seu alas vocant, ab utroque latere adnascuntur.

Supereſt in genæ superioris extremo, os vnum, in quo dentium incisorum radices, & alueoli continentur: id ipsum plerumque simplex

esse videtur, propterea quòd ossa ipsum componentia exquisita harmonia committuntur: interdum verò futura in cadaueribus admodum siccatis, manifestè apparet: illi quidem directà, quæ per totum palatum porrigitur. Quo fit vt perspicuum sit, iure de numero ossium genæ superioris, dissentionem esse. A nonnullis non sex, sed duo prima omnium censentur, paruulis videlicet, quæ intus in oculis insunt, prætermisiss. Alij ea quæ sūt ad foramina, magnis ossibus adscribunt: sunt qui hæc separēt & vtraque os vnum faciant. Os etiam in genæ superioris extremitate, nonnulli (vt ante dixi) simplex: nonnulli ex duplici osse constitutum esse affirmant. ante autem hæc omnia sphenoides inter genæ superioris ossa adnumerant. Quòd si ea ad quamplurimum nu-

merum ab aliquo redigenda sunt, erunt quidem in tota gena superiore quindecim: si vero ad quam minimum, non plura erunt quàm octo, quæ sanè omnia deinceps commemorabo. Incipiámque à priori diuisione qua esse quindecim dicebantur, sex itaque erunt, quæ prius retulimus, quæque à communi capitis futura, itémque ab ea, quæ à temporibus sub zygomate, & inferioribus oculorum * palpebris ad *βλίσφου.* medium superciliorum ascendit, continetur. Duo deinde grandia in quibus mala dentésque ferè omnes (vti recensuimus) insunt. Alia item duo iuxta narium foramenta. Adde etiam ipsarum narium duo: mox in genæ ipsius extremitate duo, quibus incisoriij dentes infixi sunt: atque etiam præ cunctis sphenoides, quod ex omnibus nulli alteri con-

iugatum est. Totius autem genæ superioris ossa, ad hunc modum in octo diuiduntur: sex quidem prima duo numerantur, quod verò in parte genæ extrema habetur, vnum: itidem quod iuxta narium foramina situm est, vnum: narium peculiaria duo, omnium item maxima in quibus mala dentesque ferè omnes (sicut diximus) sedem habent, duo cèssentur. superest sphenoides quod ex omnibus est coniugationis expers.

SYLVIVS.

Ossa duo parua in toto sine palati
 I *latus anticum foraminum palati*
constituentia, separantur: ab osse qui-
dem maximo parte antica per suturam
in palato ultimo transuersam, ossium ge-
næ huius propriam: à sphenoides autem
posterius, per partem suturæ sphenoidis
inter dentes extremos & apophysin pte-

rygoide altius circumductam, his duabus futuris parua hæc duo ossa ab alijs ossibus, maximo scilicet ac sphenoides, separantur: à se inuicem verò separantur sutura palati media, quæ nobis sæpe à medio dentium incisorum ad medium foraminum palati diaphragma, ossibus geminis, sed tenuibus, conflatu rectà excurrit.

Propria ossa nasi duo parua, quorum latera canthum maiorem spectantia, separantur sutura paulò antè dicta, quæ prior erat, ex duabus alias duas copulantibus, quæ in nostris cranijs frequens satis est, uti os ipsum hac circumscriptum, quod angustum, & prælongum est. Ergo illius loco latera hæc ossium nasi priorum, terminantur sutura à Zygomate ad medium superciliarum ascendente, quæ sub his duobus ossiculis separant ossa duo gena maiora.

Tertia autem ossiculorum nasi sutura inter hæc duo descendit, medià à spacio

inter supercilia medio ad imas nares osseas ac etiam cartilagineas. Imo enim fini horum ossiculorum dependent cartilaginee duae, & ab his duae aliae latae, & molles aliarum emulae, ob id pterygia dictae, à musculis intrò & foras mobiles, ut in myotome audies.

- 3 Ob id utrimque unum angustum longissimum, ut quod à dentibus incisoriis ad usque mediũ inter supercilia spaciũ, ascendat, & ibi ossicula nasi & os minimum: deinde & maximũ caput tangentium: infernè autem omnium maximum, uno latere tangit, altero os sibi cõiugale: id os supernè, & in palato separatum frequenter in nostris cranijs spectauimus. Quà verò os maximũ tangit, etiam si intus quoque secretum saepe appareat: foris verò non ita frequenter. Nos uno die in quatuor cranijs omnino secreta spectauimus: quin & uno, parte sinistra duplex erat, tum os tũ hæc sutura: nostris tamen

cranijs ossicula hæc omnium maximo, sæpius symphysi iunguntur. Contrà verò, quâ interdum in medium connasci hæc ossicula scribit Galenus, in nostris cranijs sæpe interhiât, ut sutura sit quæ genâ superiorẽ dextram à sinistra, & ossa utriusque etiam interna omnia, in duas partes æquales diuidat. A nonnullis enim non sex, utrimque scilicet tria caput seu os frontis tangentia, sed duo, utrimque videlicet vnum, paruulis utrimque duobus, vno omnium minimo ad magnum canthum, altero situ & magnitudine medio prætermisissis, seu sub illo comprehensis. Alij ea quæ sunt ad narium foramina, Τὰς κατὰ συντησεις τῆς ῥινὸς τοῖς μεγάλοις προσέμεσιν. sed videtur mendum esse. Priùs enim dixit, δύο ἑτέρα τῶν δέκεται μικρὰ καὶ ἂ καὶ συνιέθηται πρὸς ὑπερώαν ἢ ῥίς. Et mox addet καὶ δύο ἄλλα τὰ κατὰ τὰς τῆς ῥινὸς συντησεις. Et lineis sex post addet καὶ τὸ κα.

τὰ τὰς συντρίσεις τῆς ῥιῆος. Nusquam ta-
 men ipsa narium foramina pro ipsis ossi-
 bus appellauit. Legēdū igitur hīc cenſeo,
 καὶ τὰ κατὰ τὰς συντρίσεις τῆς ῥιῆος Hæc
 autem parua duo, dextrum ac sinistrum
 ossicula, in vltimo palato ad narium fo-
 ratus sita, nonnulli adiungunt magnis of-
 sibus genæ superioris, dentes omnes, ex-
 ceptis incisorijs, continentibus, & ex his
 ambobus tanquam symphysi vnitis (id
 quod in multis vsu venire comperies) v-
 nicum os efficiunt. Alij ossicula hæc à
 magnis ossibus dictis separant: sed ipsa
 tamen ossicula ambo vnicum efficiunt,
 ceu symphysi in medio palato vnita sint,
 neque ea amplius separet sutura, per me-
 dium palatum & medium diaphragma
 ossium foraminis nasi, tendere consueta.
 Ethmoidea autem & his coniuncta o-
 mittit. Sphenoides hīc dicitur ἄζυγος, hoc
 est, inconiugatum, quia vnicum est non
 geminum, dextrum scilicet, ac sinistrum,

ut in cæteris non modò ossibus sed cartilaginibus & musculis & partibus propè reliquis. Quas verò partes natura fecit singulares, ut cerebellum, conariũ, choanam, cor, os frontis & occipitis, sphenoides ferè medias collocavit.

RIOLANVS.

HIs positis futuris, ossa maxillæ faciliè est percensere; Tria sunt in orbita oculi quibus capiti maxilla committitur, quorum maximum est zygomaticum; secundum situ & magnitudine medium portio est Ethmoidis, nervos ad superiorem genam tendentes transmittit, & continet ut scribit Galenus, quod non conuenit huic ossi, sed portioni ossis malarum, quod inferiorem partem orbitæ effingit. Tertium omnium minimum iuxta magnum oculi canthum locatum est. Quartum omnium maximum medietatem dentium comprehendit, cuius portio ossi zygomatico commissa, os Malum appellatur. Fatetur Galenus dentes excipere, exceptis incisorijs, quod est falsum. Quintum os in extremo palato consistit. Sextum est os nasi proprium. Septimum in genæ superioris extremo dentes incisorios comprehendit. Animaduertit tamè id os quorumdam iudicio simplex esse, aliorum opinione duplex. Ipsemet Hip-

pocrates istud os agnouisse videtur libro 6. Epid. sect. 1. partic. 4. quibus os à palato decidit, id est Vomer, his medius nasus subsidet: quibus autem id vnde dentes nascuntur, extremus nasus concidit. In brutis os istud manifestè patet, nihilominus in cranijs puerulorum notatur, futura ab vno dente canino ad alterum per medium palatum protensa; In adultis adhuc manifesta: quà forsan deceptus fuit Galenus. O&auū os *σφηνοειδές* est sphenoides quod modò cranio, modò maxillæ tribuitur. Quod si pauciora velis ossa constituere, erunt tantum octo, vtriusque tria coniugata, & duo sine pari. Primum est zygomaticum, prætermis- sis duobus quæ sunt intra orbitam. Secundum est os nasi proprium. Tertium os maxillare: Duo quæ carent coniuge, sunt illud os dentes incisores comprehendens, quod antea geminum esse diximus, & alterum os in extremo palato situm, quod ante duplicatum esse proposuimus, quibus addere licet os sphenoides, sicque erunt nouem. Quo sensu octonarius numerus huius libri, cum nouenario libri vndecimi de vsu partium componi potest.

DE DENTIBVS.

CAPVT III.

Dentes in ossium numero habendi sunt, etsi secus nonnulli so-

phistæ arbitrantur. Quòd si eos à nobis ossa appellari non sinunt: æquum sanè erat eos alio nomine donare: non enim cartilagines, non arteriæ, non nervi (vti peripicuò patet) nuncupandi sunt: multóque etiam minùs, nec adipis, nec capilli, nec carnis, nec glandulæ, neque vilius simpliciter particulæ nomen illis accómodari potest. Quòd si neque in venarum, arteriarum, neruorum, musculorúmve, aut viscerum, neque in ea quam modo tractamus ossium anatome, de dentibus agemus: nusquam omnino de his mentio habenda est. Quare his longè valere iussis, dentes sexdecim vtraque gena habet: priores quatuor *γόμενοι* appellatos, omnes singulis radicibus nixos. Post hos canini vtrinque hærent, singulas etiam radices sortiti: ultra hos *γόμενοι* seu

clauales quini ab utroque latere:
 sed qui genæ superiori infixi sunt,
 ternis: qui inferiori, binis radicibus
 adherescunt. nonnullis tamen exce-
 ptis, qui suprâ sæpe cum quaternis
 infrâ, verò cum ternis radicibus de-
 prehendantur. Præsertim duo om-
 nium primi interiores. Tertius per-
 rarò eiusmodi esse inuenitur. Non-
 nullis autem non utrinque quini
 γόμφιοι, sed interdum quaterni, se-
 nive oriuntur: Eos non solùm γόμ-
 φίδες, sed μύλας fœminino genere,
 hoc est, molares appellant, ex meta-
 phora (vti arbitror) nomine sum-
 pto, quòd his veluti μύλαις, id est,
 molis cereales fruges tenuantur &
 atteruntur. Caninis verò nomen in-
 ditum est, quòd canum dentibus
 quàm simillimi sint. Τομῆς autem
 vocant, ἀπὸ τῆς τέμνειν, hoc est, quod
 * cultri modo incidere ipsi possint,

cibos molles scilicet, vti ad duros non secandos sed admodum confringendos, Canini constituti sunt.

Omnes vero * *ἰνφίγγονται ἐν τοῖς τῶν γυνίμηνων φατρίων βοτρίοις.* *Φάτρια* sunt ossa ipsos continentia. *Βότρια* vero cavitates quas subeunt. Ossium aliorum solides nervorum ex cerebro mollium participes sunt, ob id soli manifestè sentiunt.

SYLVIVS.

DEntes ossibus duriores cum scribit Celsus, manifestè ab ossibus ⁱ *initio li. 8.* separavit, nisi quis ossibus alijs intelligi velit, quibus re vera sunt non paulò duriores, ne occursum mutuo in rerum duriorum mandendarum aut frangendarum, attenuentur etiam magis quam ipsa ossa, propterea quòd nec cartilagine, nec adipe superlinuntur, attritum pro-

Aphor. 18.
lib. 5.

hibente, ut in articulis omnibus. Hippocrates verò in aph. cùm dicit frigidum ossibus, dentibus inimicum, ad maiorem rei perspicuitatem ossibus dentes adiecit. Cur verò dentes tota vita sunt utiles, in libris de usu partium dicetur. Dentes sexdecim utraque gena habet in perfectis, nam in quibusdam plures, in alijs pauciores sæpe deprehendes, ut post audies: dentes verò plures sunt facti, qua ratione & ossa cranij & genæ superioris facta sũt plura, ne scilicet uno aut vi aut vitio pereunte, aut etiam dolente, affectus alijs fiat communis. cui vitio fuit opportunior Prusias ille Bithynus qui unicum habuisse dentem gena una fertur, nec specie deformen, nec usu incommodum. Τομής vel cùm Celso ῥήμνοι, id est, incisores primi, utrinque quatuor gladiatorum in modum acie sunt pretenui ad cibos molles incidendos, ut melius in ore moli, & in ventriculo per-

Valecius in
miraculis
lib. 1.

coqui

coqui queant. Sua præterea figura & situ incisores linguae motum non ledunt, & pronunciationem mirè iuuant, ut in libris de usu partium. Quibusdam autem pro quatuor incisioribus, vel supernis, vel infernis duo tantùm adsunt: ferè autem tam lati ut quatuor locum & usum sustineant. Alijs pro quatuor incisioribus sex, octo, ac etiam plures, nullo sæpe ordine collocati, sed partim recti, partim foras exerti, partim intrò in oris capacitatem erumpentes, & mansionem sæpe, sæpe pronunciationem impediētes: ut frequenter eos, vel euellere, vel vrere, vel lima tenui minuere cogaris. Molares huius ætatis adolescentibus plerumque tantùm tres sunt, ut perfecti etiam tantùm quatuor habeant, accrescente alijs genuino: fortè quòd huius tempestatis corpora sunt imbecilliora, vel quia nondum prolifica immatura Veneri traduntur, vel quia Venere immodica ac crebra effœta,

semen excernunt parcius ac imperfe-
ctius. Dentium autem genæ inferioris
quàm superioris radices, & pauciores
sunt, & minores: quia illius substantia
durior, & densiore compressi, firmiùs
retinentur, & in radices gravitate sua
incumbunt. Huius autem rara, & molli
substantia, dentes infirmiùs continentur,
& velut in casum ob suam gravitatem
proclives inclinant: uti arbores in dura
& lapidosa terra, paucis & parvis radi-
cibus recte, firmiùs stant, quàm æquales
arbores, velut eversa, & pendula à ter-
ra molli, & rara, multis & magnis ra-
dicibus. Adde quòd incisores duo me-
dij, ferè ut corpore, sic radice sunt maio-
res, & his ipsis caninis proximi duo mo-
lares genuini radice minima. Τομφιοι
clauales potiùs dicendi videntur, quòd
τομφος, id est clavi modo genis infigatur,
unde & τομφωσις species synarthro-
seos, dentium ferè propria, uti priùs di-

ximus : *μύλαι θηρυκῶς* etiam appellantur hîc, *Et* libro nono *usus partium*. Tamen οἱ *μύλοι* quoque dicuntur *Ruso* & *Aristoteli*. *Molis* autem non solum *usu* sunt *similes*, sed *figura* quâdam *aspera* & *inequali*, præsertim qua parte *sibi* *occurrunt* & *cibos* *comminuunt*, quæ *asperitas* *retinendi* *grani* ut *confringatur*, si *molis* *deest*, *attritu* *nimio* iam *laugatis*, denuò *ferreis* *malleis* *efficienda* est. *Genuini* *molaribus* *accensendi*, *omnium* *ultimi*, sæpe *quatuor* ab *anno* *decimo* *octauo* ad *vigesimum* *sextum* nasci solent, quibusdam *indolenter*, alijs cum *magno* *cruciatu*, quos σοφρονῆρες *Hippocrates* & *Rufus* *vocari* aiunt: quia dum nascuntur, homo σοφρονίζων, id est, sapere incipit. *Canum* *dentes* *plurimi* *utrimque* à *basi* *rotunda* in *acutissimum* *mucronem* *fastigiati* *desinunt*, ad *ossa* *frangenda* & *dura* *alia*. *Homini* *verò* & *simie* *sunt* *canini* *tantum* qua-

In partium
hominis o-
nomasia.
lib. 2. hist.
animal. 10.
cap. P.

tuor, forma & usu similes.

Dentes omnes in pueris epiphysim habent, quæ ipsis sæpe excidit sponte, interdum tamen vitiatō dente deturbanda: sed relicta dentis radice, cui frequenter tandem connasçitur epiphysis, ut ea etiā sola cuidam quadragenario à molaribus omnibus putredine quadam sponte exciderit, integra aspectu, sed friabilis.

Ossium soli dentes sentiunt Galeno hoc loco, & alibi passim. Propterea & dentes ossium soli dolent eidem: quia nihil dolere potest quod sensu tactus præditum non sit: quicquid autem sensum tactus habet, à solutione continui aut alteratione subdita, dolere potest, si illius aut solutionis, aut alterationis fiat apprehensio. Quòd si dentes sentiunt, omnino neruum aliquem in dentes vim sentiendi deferre, est necesse, quòd nulla pars eam habeat insitam. Is autem in vtriusque genæ dentes à tertia cerebri

lib. 9. vsus
parium.
lib. 5. cōp.
phar. par.

coniugatione inseritur per foramen superioris quidē (sub oculo, inferioris verò ad musculū in ore latentē: secū verò nervus hic venā ad dentiū nutritionē, & arteriā ad caloris natini custodiā, cū meningē tenui in dētes attulit. Vnde & dentes cauati, duorū contactu sanguine fluunt: & dolorem in dente pulsatorium sensisse Galenus se fatetur. Videri autem possint dentes sensu tactus carere, quòd limantur, secantur, vruntur, punguntur, cibos duros, frigidum, calidum tangunt nullo sensu, nulloque suo & proprio dolore: contiguīs enim partibus dolet vis dentibus illata: uti hepar, lien, renes, sensu tactus destitutæ partes, tamen dolent partibus quibus sunt contiguæ, vel etiam continuæ. Foris & superficie integros dentes non sentire, verum est: quòd in eam dentis partem densissimam nervi fibræ non permeant: totus autem interior quàm sit tactui & dolori

*opportunus , apertè docent qui cauos
dentes asperiùs tractant , aut frigidi , ca-
lidivè contactu irritant. Dentes igitur
sentiunt & dolent.*

R I O L A N V S .

Galenus lib. 6. de vsu partium , Sophistas
vocat qui distinguunt separantque dentes ab
ossibus , cum enim ad nullum genus partium si-
milariũ commodius quàm ad ossa referri queant;
Prudenter enumeratione partium similitium de-
monstrat dentes esse ossa , sed in sua specie. Nam
quoad materiæ qualitates nimirum duritiem , so-
lilitatem , læuorem , & candorem cum alijs ossi-
bus conueniunt , in quibusdam tamen discrepant ,
quia soli inter ossa exquisitè sentiunt , vt notauit
sub finem capitis. Soli ad extremum vitæ tempus
augentur & renascuntur , quin etiam nudi sunt ,
nullo perioestio velati , ne mutua collisione & cõ-
tritione dolor excitaretur. Quate sapienter Ari-
stoteles lib. 1. de generat. animal. capit. 4. scripsit
dentes & ossa secundum genus & materiam con-
sentite , differre secundum speciem & nomen:
nam *ὀδὸν* dicitur ab *ὀδω* , quod est comedo , Latinis
dens quasi edens. Galenus triginta duos dentes
enumerat , sexdecim vnique maxillæ tribuit ,
qui numerus naturalis est & consuetus , interdum
tamen pauciores aut plures dentes reperiuntur ,

quod accidit ex varietate molarium dumtaxat, vt hoc cap. animaduertit Galenus. Cōmuniter quini vtrinque oriūtur, in quibusdam quaterni, in alijs seni prodeūt (vtrinque scilicet). Numerus iste dē-
tium vtriusque maxillæ in tres ordines seu differ-
entias distribuitur, ratione triplicis officij in ci-
borum diuisione, vt patet ex hoc capite. Quidam
cibos molles incidunt, alij duros effringunt, alij
cibos omnes comminuunt & atterunt: primores
quaterni in anteriore maxillæ parte siti incisores
dicuntur, quia sunt acuti, & cultri modo cibos se-
cant. His succedunt & assident canini duo vtrim-
que vnus à figura & officio, sic dictus, quia cani-
nis dentibus simillimus, durissimos cibos effrin-
git: vltra caninos ab vtroque latere molares qui-
ni assistunt, ijs cibi veluti molis cereales fruges
conteruntur. Infixi sunt dentes cauernulis siue
locellis in ambitu vtriusque maxillæ exaratis tan-
quam clauus ligno impactus per eam articuli spe-
ciem gomphosim dictam, quæ non absoluitur
absque medio, vt reliquæ species synarthrosim
sed cum medio carneo per sylvarticosim, qua ratio-
ne inter synarthrosim & symphysim ambigua est
authore Galeno. Dentes enim colligantur, suis-
que alueolis adhærescunt interuentu carnis gin-
giuarum, sed cū ea non sit intrusa & inculcata
alueolo, solāque partem prominentem den-
tis strictè complectatur, sylvarticosim à vera e-
xemplum nullum dari posse putant Anatomici,
idcirco volunt etiam à neruis & membranulis li-
gamentosis dentes retineri & agglutinari. Mouet

Galenus maxillæ superioris dentes quia pendulī sunt pluribus radicibus adhærere, quod de molaribus tantū intelligendum : nā incisores & canini vtriusque maxillæ vnica constant radice, dentes verò supernæ maxillæ tres emittunt radices, inferioris maxillæ dentes duas habent. Quod si supernæ maxillæ dentes quaternas radices obtineant, similiter inferni dentes tres radices consequentur. Radix autem intra alueolum recondita est, dentis altera pars exerta & lata Basis appellatur, quæ non est epiphysis à mediâ dentis parte seiuncta, sed ipsius dentis continuata productio. Idem Galenus vt demonstraret dentes aliquatenus ab ossibus discrepare, his verbis caput concludit inter ossa soli dentes nervos molles excipiunt, ob id soli manifestè sentiunt. Sensus ille dentium in parte interna exquisitus est, in parte externa obscurus, propterea dentes limari & atteri possunt absque dolore, quia nulla qualitas in nervum transfunditur. Frigida verò & calida sentiunt, quia sunt penetrabiles qualitates.

Cæterum dentes molares *γέφυραι* dicuntur, quod pluribus quasi *γέφυραι* id est cuneis, seu clavis, radicibus nempe suis in præsepia sua siue loculamenta infigantur, quid autem propriè significet *γέφυραι*, explicat Gesnerus in historia quadrupedū, capite de ceruo, in littera G. Scribit Galenus dentes molares supernis tribus radicibus constare, molares infernos binis. Inde colligit Ingrassias Galenum credidisse nullos molares vnicam radicem habere; cū tamen secundus superior

molaris, & inferior sæpius vnica radice nitantur, in vltimo dentitionis tempore, sed inepta est coniectura & consequentia. Nam præcepta traduntur de his quæ sæpè fiunt: atqui rariùs accidit vt dentes molares vnicam radicem emittant. In iustè quoque reprehendit Galenum, quod capit. 8. libr. 11. de vsu partium, paruis molaribus vnicâ, maioribus duas infernas, quatuor que maximis dentibus inesse dixerit, nulla facta distinctione maxillæ, quod si verum esset, sequeretur molares superioris maxillæ pares obtinere radices, cum tamen vna radice superent molares inferioris maxillæ. Sed Galenus discrimen illud non expressit, quod alibi putà lib. de ossibus exposuisset: porro quando Galenus scribit præsertim duos omnium primos interiores tres vel quatuor habere radices, numerare oportet ab extremitatibus maxillæ, non à dente canino.

DE OSSIBVS GENÆ superioris.

CAPVT V.

Genæ inferioris os, non est (vt quispiam putauerit) simplex: id enim coctum in summa menti extremitate dissoluitur, ob idque ipsum coaluisse manifestè apparet. E-

ius verò pars quæ sursum ad caput
vergit, in duos fines terminatur:
quorum acutus tendonem à tem-
porali musculo descendente re-
cipit: alter verò condyli modo ro-
undus, in cauitatem ossis capitis
Ἰανθοειδῆ, id est, supinam, diarthrosi
recipitur, prope apophysim μα-
στοειδῆ.

SYLVIVS.

Gena inferior (ut priùs docuit)
cava & medullosa ante, Et ma-
gis lateribus, ob dentium molarium natu-
ram, ut videri possit ad horum quoque
nutritionem medulla hîc colligi, quomo-
do in superioris genæ cavo insigni mola-
ribus incumbente, medullosum quid col-
ligitur. Duobus constat ossibus, etiam
Hippocrati, quæ in mento sutura iun-
guntur, in pueris manifesta, & homini-
bus cynocephalis, in ætatibus verò conse-

quentibus, symphysis ita uniuntur, ut vi, coctione, putredine, separari nequeant. Tamen etiam tum unionis vestigia utrimque apparent, tuberosa musculis excipiendis accommodata, abutente natura in melius his quæ necessario sequebantur. Simplex igitur os non est cum Celso, nisi omnia quæ symphysis tandem uniuntur ossa in cranium, sternum, unum dicere velis, uti os sacrum plerique unum simplexque dicunt.

Pars eius quæ ad caput vergit, duas habet apophyses, acutam quæ & corone, & coronam prius dicta est, à κορώνη, id est, Coronici rostri similitudine: & rotundam, quæ prius caput dicta est, nunc κονδυλώδης seu condylo similis vocatur. Κέρατα, quàm πέρατα quidam hoc loco legere malunt, ut hæ apophyses geminae cornuum modo sursum emicent, sed hoc sententiam nihil immutat. Cavitas porro hæc sita est in osse temporali,

sub meatu auditorio, ante apophysim
 μαστοειδῆ. unde hoc loco ὑπὸ Attice pro,
 significare videtur, ut Latinis sub ho-
 ram tertiam, & similia, id est ante. Fo-
 ramen intus unum utrimque sub suis
 apophysibus habet gena hæc viam por-
 tionis nerui à tertia cerebri coniugatio-
 ne, & vena & arteria: foris alterum ad
 dentes caninos sæpe: non rarò posterius
 ad ipsos etiam tertios molares, quo nerui
 reliquia ad musculos labij inferioris
 exeunt.

Gal. lib. de
 anatome
 nervorum,

Hyoëides os, seu cum Oribasio ὕψυ-
 λοειδὲς & λαμβδοειδὲς omittit hoc libro
 Galenus, quòd in sceletò non appareat.
 Est autem ita vocatum à figura upsilø
 vel inuerso lambda simili, firmamentum
 est musculorum linguæ & laryngis, of-
 ficultis nunc tribus, nunc quatuor utrin-
 que adnexis, ascendit vsque ad apophy-
 sim styloide, loco quorum in mulieribus
 sæpe tantum est ligamentum ab hyoeide

*ad styloide ascendens : quadrupedibus
diuersum est ab humano.*

RIOLANVS.

Maxillam inferiorem bissoſſem eſſe, binis
oſſibus in mento per harmoniam iunctis
conſtare ſcribit Galeus. Contradicunt recentio-
res Anatomici, vnum ſimplèxque os eſſe ſuſti-
nentes, quia diuiſionis nulla nota conſpicitur,
nec longa ebullitione in duo oſſa dirimitur. Ne-
mo tamen poteſt inficiari in pueris ex duobus oſ-
ſibus compactam eſſe. Quærendum ſuper eſt an
oſſa duo ſimul cohæteant vt fiat vnum, & quo
tempore coalitus abſoluatur. Galenus admittit
maxillam infernam in adultis, os vnum ſenſibus
apparere, quia extremæ illius partes circa men-
tum per ſymphymiſm' abſque medio coaluerunt, v-
ti docet præſatione huius libri, ſed oſſa per ſym-
phymiſm vnita, longa ebullitione diſſolui queunt;
propterea ſcribit os genæ infernæ non eſſe ſim-
plex vt quiſpiam putauerit, quod adiecit vt quo-
rundam obiectioni occurreret, quia maxilla præ-
fertim in puerulis longa coctione diſſoluitur in
mento, ob idque ipſam ex duobus oſſibus coa-
luiſſe manifeſtè apparet. Galeni opinionem plu-
ribus argumentis demonſtrare & corroborare li-
cet. Debit eſſe duplex os in maxilla inferiori, vt
corpus eſſet geminum : commiſſuræ fidem ali-
quam facit eminentia circa mentum inſignis,

deinde medullosa cavitās, quæ non est ab vno extremo, ad alterum continuata, sed in medio, & sæpius ante medium sistitur. Adde quod lima si genæ eminentia interior abradatur, mox apparet veluti cuiusdam lineæ rudimentum, idque in medio quod naturalem quādam diuisionem ostendit. Præterea si genam è terra effossam & iusto tempore putrefactam frangere manibus volueris, in medio dehiscet & frangetur. Ad hæc cum in feris fermè omnibus bisos sit maxilla, cut in homine eadem diuisionis ratio non recipietur. Quia verò genam infernam ad mandendum etiam recens nati firmam requirunt, idcirco post annum elapsum tanquam vnica esset strictè conglutinatur, itaut nullum remaneat pristinæ diuisionis vestigium. Quod si aduersarij dicant Galenum delusum fuisse à simijs, in quibus conspicua est duplicis ossis in mento commissura, quod tamen est falsum; sed in homine vnico osse constare, vt validissimos & continuos motus in mandendo & loquendo sustineat. Opponam canes qui duriora quam homines mandunt, ossa dentibus atterentes, & tamen maxillam habent duobus ossibus extructam. Totam hanc controuersiam Galeni locus insignis componet libr. 4. administ. capit. 4. Hippocrates, inquit, maxillam inferiorem duobus ossibus in mebro iunctis constare dixit, quod fecerunt alij omnes qui accuratè ossium naturam explicuerunt; non tamen in simijs omnibus manifestè poteris ostendere maxillæ commissuram, verum in canibus euidenter satis apparet. Porro in hac maxilla

quædam partes notandæ sunt ad muscutorum doctrinam valdè necessariæ. Inferior ambitus maxillæ dicitur Basis; cuius media pars Mentum est, intus & foris tubere quodam exasperatum, ad commodiorem muscutorum insertionem & adhæSIONem. Extremitates basis anguli dicuntur. Ab his latera sursum exporrecta in duas apophyses desinunt, quarum Vna acuminata Corone nominatur, sub zygomate recondita musculum temporalem excipiens. Altera oblonga & capitulata Condylôdis vocatur, cavitati ossis petrosi inarticulata: verum cùm sit excavata hæc maxilla, prope angulos foramina habet, per quæ nervi, venæ, & arteriæ in maxillam traducuntur dentibus distribuendæ, quatum portio per externa foramina prope mentum erumpit in musculos labij inferioris expansa.

DE RHACHI.

CAPVT VI.

Rhachis tota spondylis quatuor & viginti constat: quibus plures aut pauciores, præter naturam sunt, vt capita acuminata: horum syntaxis omnis in cervicem, dorsum, lumbos, & sacrum os diuiditur. Cervix

capiti subnectitur, huic deinde dorsum subiicitur, longitudine thoraci equale: quod reliquum subest, lumbi appellantur, quorum imæ parti os sacrum vocatum, à quibusdam latum, subiacet. Spondyli sunt collo septem, dorso duodecim, lumbis quinque. Imprimis itaque de colli spondylis dicendum est. nihil enim refert ανίσραχιλος η αυχένα, seu ceruicem, vel collum appellemus.

SYLVIVS.

Gal. initio.
3. commēt.
in lib. Hip.
μεν ἀπ' αὐτῶν.

Pάχῃς omnium spondylorum compositio nominatur: dicta Rufo quòd parte posteriore spondyli sunt τέρραχυμοί. καὶ ἀκανθοειδῆς πάχῃς quoque dicitur nobis, quia nomen aptum Latinis non habet, nam spina & dorsum his aliquando dicta hæc pars, sed æquiuocè, cum ipsius racheos partibus, quarum hæc
spina,

spina, alia apophysis transversa & obliqua, alia dorsum proprie dicitur, ut post audies : vocatur etiam ὁ ῥάτος, καὶ τὸ ῥάτοι. unde & Galeno saepe ῥατιαίος simpliciter, aliquando addito substantiuo μυελός : medulla Latinis, ineptè spinalis & dorsalis appellatur, nisi à parte insigniore totum sic vocari posse contendas, quod in alijs quoque partibus fieri observamus, ob id interdum sic vocabimus: tamen & ῥάτοι pro metaphreno seu dorso mox usurpabit, ob id rhachin ipsam partem totam, & ραχίτιν ipsius medullam, & ραχίτας ipsius musculos cum Galeno appellabimus, Latinis nomibus neglectis, quamquam ράχις interdum Hippocrati metaphrenon & lumbos tantum comprehendat : rhachis etiam omoplate spina post vocabitur. Pars autem huius rhacheos summa, ut Græcis πᾶχος καὶ αὐχὴν dicitur, sic Latinis cervix & collum. Nec mireris quod sa-

lib. vii. c. 1.
 1. par.
 Gal. initio
 commet. 3.

crum os alijs partibus rhacheos, capitis huius initio omissum, hic accenseat, cum spondylos non habeat solutos scilicet, quales viginti quatuor tantum numerantur in ceruice, dorso, lumbis hoc enim loco totam rhachin in suas partes diuidit, prius paulò spondylos à se discretos recensebat, qui etiam in osse sacro coctione multa laxari, & dissolui possunt, præcipuè in corporibus iuuenilib⁹ & adhuc mollibus. Quòd autem nomine ossis sacri etiam coccygem, hic *Et* alibi sæpe contineat, postea perspicuum faciemus. Ex quo lumbis spondylos quinque tantum tribuit hic, & paulo post, aperte ostendit hunc librum de ossibus hominis, non simie esse scriptum. Simie enim, ut aliorum quadrupedum lumbi, spondylos sex habent, ut docet Galenus commentario 3. in librum πειρὰ τῆς ἀνθρώπου, & naturæ historia. Spinæ autem totius figuram Hippocrates ibidem pulchrè depingit. Ut ca-

pita acuminata. licet morbus organicus sit in vitio numeri, magnitudinis, figura, situs, & hoc loco vitium in figura capitis, cum vitio in numero spondylorum conferri videatur. Tamen etiam in capite acuminato vitium est in numero cranij ossium.

RIOLANVS.

Galenus absoluta prima parte Sceleti ad secundam progreditur, quæ Truncus appellatur ab Anatomicis recentioribus, quo nomine intelligunt quicquid demptis artubus & auulso capite remanet. Vulgo diuiditur in partem anteriorem, scilicet Thoracem, & partem posteriorem siue *ρῆχλω*, Galenus Truncum corporis intellexit nomine *Racheos*, quia basis & fundamentum aliorum ossium existit, atque respondet carinæ naui, vt alibi docet. Rachim autem longius porrigit Galenus, quàm fecit Hippocrates. Nam ille libr. 3. de articulis, vt animaduertit Galenus comment. ad partic. 1. & 4. libri citati, nomine *ρῆχλω* dumtaxat comprehendit os sacrum, lumbos & dorsum, reiecta ceruice. Galenus vero *ρῆχλω* metitur ab occipite vsque ad coccygem, itaut Spina definiri queat fistula ossea, spinalis medullæ vasculum siue conceptaculum, ab occipite vs-

que ad coccygem exprorecta. Figura spinæ admirabiliter expressa fuit ab Hippocrate libr. 3. de articulis, à particula 41. vsque ad particulam 46. quæ diligenter notanda, ne in *λίσσασσι* & *κύρσι* spinæ dijudicanda decipiamur: est enim *ρᾶχη* *ἰσχυρὰ* recta & incurta, in posteriorem & anteriorem partē inclinans: Nam ab osse sacro vsque ad lumbos est *κύρσι* incurua, inde ad septum transversum *ἰσχυρὰ* ex rectitudine protuberans, ab ea parte vsque ad summam humeri partem est *ἰσχυρὰ*. Ipsa cervicem commissura in interiorem partem repanda *λίσσασσι* est.

DE SPONDYLIS COLLI.

C A P V T VII.

Inter colli spondylos duo primi per diarthrosin omnino articulantur, reliquorum verò quinque: anterior pars ligamento forti constricta coalescit, non autem per cartilaginem connascuntur, ut quidam putant: sed ea membrana quæ geminas dorsalis medullæ meninges foris ambit, sese in mediam horum

spondylorum sedem insinuans, commune vtrique vinculum præbet. Similiter autem in spondylis cæteris res habet, duobus primis exceptis, ut dicemus. Cum autem motus capitis sit duplex, vnus annuendo & renuendo factus, alter in vtrumque latus, circumagendo: priorem spondyli secundi pyrenoides apophysis potissimum præstat. Alterum primi spondyli cum * capitis coronis diarthrosis, quam primi ipsius spondyli, & capitis partes laterales efficiunt. Pyrenoides autem apophysis ab interioribus secundi spondyli partibus profecta, sursumque spectans: valido quodam & rotundo ligamento * capiti alligatur, ei que locum cui aptè ac tutò affirmetur & stabiliatur præbet spondylus primus, ipse quoque ligamentum quoddam transversum producens, quod

2
δ' π' ρ' ν' ν' u-
clens oliuæ
cui dēs iste
est similis.

occipitis.

occipiti.

era hunc
cum.

lib.2. epid.
incynāche.

3
ἐπιπελαίησι
λέγεται.

occipiti.

eius par-
uos duos
condylos.

4

pyreno^{ει}di * intus iniicitur. Eandem
pyreno^{ει}de apophysim, nonnulli e-
tiam odonto^{ει}de vocant. Quin & ab
hac Hippocrates spondylon secun-
dum totum ὀδοντα, id est, dentem,
appellauit. In inferiore quoque pri-
mi spondyli parte, * sinus alij duo,
parum caui & gleno^{ει}des superiori-
bus similes: sed sinus superiores,
cum * capiti per diarthrōsin articu-
lentur, non abs re sunt maiores: in-
ferni verò minores * spondylum se-
cundum recipientes. Ad hæc spon-
dylus primus & latissimus, & tenuis-
simus est: secundus angustior qui-
dem, sed tamen validior, ac omnes
reliqui deinceps eodem se modo
habent. Quantò enim rhachitis
medulla in gignendis nervis con-
sumitur, attenuatúrque magis: tan-
tò inferiorum spondylorum fora-
mina magis minuuntur. Vnum

quodque enim medullæ quam cō-
 plectitur, *amplitudine est æqua- τοῦ πλάτους,
 Locns æ-
 quai & lo-
 cato.
 le: atque id spondylis omnibus cō-
 mune est, quemadmodum etiam
 communes omnibus transversæ a-
 pophyses. Et præter has, illæ quæ
 sursum & deorsum spectant, per 5
 quas spondyli mutuò sibi per diar-
 throsum articulantur. Quod ad cæ-
 tera attinet, in pluribus quidem
 conueniunt spondyli, in paucis dif-
 ferunt, de * quibus postea dicemus. conueniē-
 tibus &
 differenti-
 bus.
 Posteriores apophysim, quam *ἀ-
 καθάρ*, id est, spinam vocant, omnes
 habent spondyli, excepto primo,
 qui solus antica parte, apophysim
 habet exiguam. Inter cæteros om-
 nes spondylos, eorum tantum quos 6
 cervicis esse diximus, transversæ a-
 pophyses semper sunt perforatæ,
 septimo eodémque ultimo excep-
 to, cui interdum etiam, sed rarò, fo-

7. ramina hæc insunt. Easdem apo-
 2. phyfes soli ceruicis spondyli leuiter
 quasi bipertitas gerunt, præterquã
 duo primi, quibus hæ simplices
 sunt, * sexto autẽ duplices manife-
 stæ, & cæterarũ omniũ maximæ, si-
 cuti & is ipse spódylus maximus est,
 quarum interna portio est lata ad-
 modum. Pars item anterior om-
 nium spondylorum, quã inter se *
 coalescunt, præcipue illorum qui in
 ceruice sunt, primo excepto, oblon-
 ga est. Neruis denique ex rhachiti-
 de medulla orientibus, & secun-
 dum spondylorum compages pro-
 deuntibus, vterque spondylus in
 collo * meatui æqualiter confert.
 In cæteris spondylis superior, aut
 magna ex parte, aut omnino cum
 meatum præstat.

ιστῶ.
8

συμφύονται.

lege πόντος.
 nam τρύμα
 habet Gal.
 lib. 13. vsus
 partium.

SYLVIVS.

Diarthrosis articulus motum edens
validum ^{on} Et manifestu, est ca-
pitis in duobus primis spondylis ubique.
Nusquam enim corpore suo (quam ip-
sorum partem anteriorem vocat Gale-
nus) committuntur, vel sibi, vel capiti,
quomodo inferiores omnes sibi iungun-
tur, sed primus coronas occipitis duas
cavitatibus duabus excipit, & secundi
dentem transmittit: secundus condylo
duplici, sed minus extante, primi cavitates
duas glenoides excipit, & suo dente
occipiti inter coronas anteriùs forti li-
gamento affirmatur. Inferiores spondyli
omnes sibi articulantur, & corpore suo,
& apophysibus obliquis ascendentibus,
& descendentibus: ita ut horum singu-
lorum spondylorum articulationes sint
sex, suprà quidem tres, Et infra toti-
dem, undique autem foris parte antica

valentique iunguntur, & qua parte dorsalis medulla intus partem hanc anteriorem tangit. Sed qua se spondyli facie tangit, ^{III} ligamenta sunt cartilaginosa, & ^{III} cartilagine unius in cartilagine alterius immissa, tam crebra ut his plenum sit totum inter duorum spondylo-
rum cartilagines, quibus utrimque sublinuntur, interuallum. Genera motuum capitis, ut partium quoque aliarum non paucarum, duo sunt, rectus, flexione & extentione constans, & obliquus in dextrum & sinistrum. An verò priorem dens potissimum præstet, alterum diarthrosis primi spondyli cum occipite, vel contrà, iure ambigi potest. Sed controversia hæc libro de usu partium 12. feliciter componetur. ubi suam Galenus sententiam argumentis euidentibus confirmat. Quibus cum pugnancia argumenta composueris, veritas ipsa magis erit perspicua. In eum igitur librum res ea mihi

*differenda fuit. Et quod de spondylo-
rum ligamento ex tertia interiore mem-
brana, duas meninges ambiente, & alia
externa spondylos vestiente, controuer-
sum est, eodem opere decidetur. Sinus a-
lij duo. Nam primus spondylus duas ha-
bet cavitates supernis lateribus, quibus
duos occipitis condylos seu coronas exci-
pit, ut paulò antè scripsit, infra quoque
sub prædictis etiam duas, quibus secundi
spondyli ascendentes apophyses parum,
in condyli parui modum tumentes exci-
pit. Primi spondyli latitudinem & se-
cundi ac reliquorum sequentium angu-
stiam, ad ipsorum foramen per quod dor-
salis medulla descendit, non ad ipsorum
corpus referendam esse, sequentia satis
inducant. Quanto enim, &c. Quanquam
primus spondylus sit secundo latior, imò
& infimum lumborum spondylum am-
plitudine apophyseon trāsversarum au-
ctior superat. Tenuitas autem primi, &*

3

4

reliquorum robur, ad ipsorum corpus spectant. Primum autem gracile admodum, *¶* Ob id imbecillum facit foramen amplum, tam rhachitidi hîc amplissima, quàm denti destinatum, cæteris quia solam rhachitin recipiunt, & eam sensim ad inferna semper gracilescentem, semperque foramen ob id habent minutius, & corpulenti sunt magis, propter usum quendam alium superiores sustinendi, in libris de usu partium audiendum. Apophyses manifestæ spondylis omnibus communes, parte quidem postica spina una prælonga, & ferè acuta, soli primo spondylo negata, in lateribus vero binæ semper transversæ, & hæ etiam longæ. Inter has autem aliæ utrimque geminae, sed breues, una utrimque ascendens, altera utrimque descendens: per quas spondyli inuicem inarticulantur dupliciter superiori, & dupliciter inferiori, utraque scilicet parte dextra & sinistra.

*Haec verò apophyses articulatoriae (sic enim eas appellare libuit, ut à transuersis & spinis separètur) interdum transuersè interdum subobliquè sunt sitae. Ab osse enim sacro ascendendo, semper magis propinquant transuersis, donec in decimo metaphreni spondylo sint mediae inter ipsas transuersas, ut una linea cum transuersis collocata videri possint. Ad costas autem reliquas, intro magis vergunt quam transuersae, & tandem rursus foras vergunt, donec in summa ceruice, iterum subtransuersae fiant. Primus igitur spondylus suis cavitatibus laterali-
bus duabus, supernis quidem excipit duos occipitis condylos: infernis verò condylos secundi, qui etiam suo dente per anteriorem primi spondyli cavitatem emicante, inferno occipiti inter suas coronas alligatur. Ceteri spondyli sexies (ut dixi) articulantur, ter superne, & ter infernè, suo corpore scilicet, à geminis apo-*

- 6 physibus utrimque. Apophyses cervicis spondylorum transversæ, sunt perforatæ, & viam dent venæ & arteriæ cervicali, in caput ascendenti: septima autem rarò fuit perforata sceletis quos Galenus observavit. Omnibus autem sceletis, quos mihi plurimos spectare contigit, perforata semper est observata, ac etiam in duobus simiarum cynocephalorum
- 7 sceletis. Apophyses cervicis spondylorum quinque inferiorum transversæ, in medio superne, & decliviter excavatæ, ut viam dent nervis inde ad brachium & diaphragma descendentibus, propter hanc cavitatem caniculo similem, leviter velut bipertitæ videntur: sic tamen ut latus cavitatis eius internum, sit externo latius. Hæ autem apophyses transversæ & velut bipertitæ, sexto horum quinque spondylorum maximo sunt maximè. Spondylus enim colli tertius, quartus, quintus, longè minores sunt pri-

mis duobus, & præcipuè tertius, quar-
 tus. Nam tertio & quarto, maior est
 quintus: sextus autem non modò his tri-
 bus maior est, sed etiam septimo. *Septimus maior no-
stris scele-
tis ferè est.* A sex-
 to autem usque ad infimam rhachin, al-
 ter altero, pro ratione & portione, maior
 est, inferior scilicet superiore. *Initio cõ-
ment. 3.
ubi dicitur.* Magnum
 quoque spondylum in Hippocrate Ga-
 lenus interpretatur secundum, qui in
 fauces conuersus, eas angit. Non multò,
 pòst eodem libro, magnum spondylum
 appellat infimum lumborum, aut ei pro-
 ximum. Paulò pòst magnum videtur in-
 nuere sextum cervicis, aut septimum.
 Corpus spondylorum omnium est obli-
 quum, præcipuè cartilagine & epiphysi
 adhuc manente. Sed idem in spondylis
 cervicis omnibus, primo excepto, deor-
 sum prælongum in subiecti cauitatem,
 velut imbricatam excipitur ad articula-
 tionis securitatem, ne scilicet promptè in
 latera luxari queant. Quapropter etiam

flexio & extensio eorū magna fieri potest. Quæ ultima sequitur spondylorum affectio neruorum meatus, scilicet rhachis in sceleti alicuius spectanti, apertissima est. Spondyli igitur colli septem cum reliquis inferioribus communia hæc habent: foramen rachitheos, spinam soli primo negatam, apophyses transuersas, apophyses obliquas ascendentes & descendentes, vinculum membranosum in sceletis duas rhachiteos menyngas ambiens, præterquam in primis duobus spondylis, & foris alterum, spondylos undique colligans: articulationes sex, duas suo corpore, duas apophysis, ascendētibus, & duas descendētib. Propria vero quædam omnibus colli spondylis apophyses transuersæ in rectum perforatæ. Nā septima nostris sceletis etiam pertusa est. Propria quoque sex inferioribus colli spondylis spina apertè bifida. Propria quinque inferioribus apophyses transuersæ,

uerſa, leuiter velut bipertita, à canaliculo per quem neruus exilit & descendit. Propria primo ſpōdylo corporis latitudo & tenuitas, & foraminis amplitudo rachiti & denti deſtinata, cavitās quoque apophyſeon, tam aſcendentium, quā deſcendentium, quibus cum condylis articulantur diarthroſi illis quidem occipitis, his ſecundi ſpondyli. Propria ſecundo dens per quem cum primo ſpondylo, & cum occipitis cavitāte, inter ſuas coronas diarthroſi iungitur.

RIOLANVS.

Galenus hoc capite multa de articulatione & coniunctione ſpondylorum colli rectè & ſubtiliter ediſſerit. Imprimis docet primæ & ſecundæ ceruicis vertebræ articulationes ab alijs prorsus diſſerre, eas quippe laxas nullis ligamentis ſeu medijs interiectis conſtructas eſſe, ac proinde mobiles. Vocat illas articulationes diarthroſes per enarthroſim factas, inter primam & occipitis coronas: at verò per arthrodiam, inter primam & ſecundam vertebram. Cæteræ vertebræ per ſynarthroſim articulatæ ſunt ratione motus

obscuri, quamuis forma coniunctionis sit ginglymos ex tribus vertebrais compositus. Quinetiam vertebrarum corpora forti ligamento inter se reuincta sunt; quod quidem enatum ab ea membrana quæ geminas dorsalis medullæ membranas ambit, inter duarum vertebrarum corpora sese insinuat, officium vinculi præbens. Negat igitur Galenus duabus vertebrais cartilagineam interiectam esse. Cum tamen scripserit Hippocrates lib. 3. de articulis, comment. ad partic. 30. vertebrais inter se colligari muccoso ac neruoso ligamento, quod à cartilagine orsum vsque ad spinalem medullam progreditur. Responde lingamentum istud medium non esse purè cartilagineum, sed *νυγροειδές* neurocartilagineum. Galenus in cōmentario ad partic. 30. libr. 3. de articulis fatetur innatum esse vertebrais muccosum ac glutinosum ligamentum pituitæ plenum, vt vertebrae promptius moueantur, ipsūque vinculum minus lædatur : atque tertiam spinalem medullæ membranam durissimam esse & crassissimam, ne ossium duritie & contactu in motu spinæ offenderetur spinalem medulla.

De motu Capitis.

Galenus posito fundamento, quod duæ primæ vertebrae sint mobiles, alio modo quàm reliquæ articulatae : Id factum fuisse à natura docet propter motum capitis. Motus autem capitis duplex est, vnus sit annuendo & renuendo. Al-

ter obliquus, caput ad latera circumagendo. Priorem spondyli secundi apophysis pyrenoidis dirigit. Alterum primi spondyli cum occipitis coronis diarthrosis. Aduersus Galenū omnes Anatomici insurgunt, inter quos signifer Vesalius, cui ceteri committant & suffragantur. Rectum motum super prima vertebra edivolunt, Obliquum vero perfici prima vertebra supra secundā mota, & circa dētem pyrenoidem velut ad axem circumducta. Quod demonstrant ex articulatione primæ vertebrae cum secunda, quæ ab aliis diuersa est. Nam nisi prima vertebra supra secundam versatilis esset, natura apophyses obliquas & supernas secundæ vertebrae magnas & latas non efformasset, sed paruas & angustas ut in reliquis vertebriis. Quorsum dens pyrenoides eminet, nisi ut rotæ axem referat, circa quē motus obliquus perficitur: quippe non attingit occiput, ab eoque distat digiti intervallo, idēque caput sustentare nequit. Denique tam possibile est caput supra primam vertebra immotam circumagi, quam circinum duobus distantibus locis asseri infixum circumduci sine loci mutatione. At si in obliuatione capitis coronæ suæ dimouerentur sede, caput luxationibus valde foret obnoxium, nec ad illud retinendum tria ligamenta sufficerent. Accedit quod author introductorij siue Galenus aut Herophilus eorum opinioni fauet, dum scribit capitis coronas finibus primæ vertebrae iungi, & circa processum secundi spondyli velut super axē caput in latera moueri. Quod e-

tiam confirmari potest ex antiquis duarum primarum vertebrarum appellationibus. Nam prima ab illis, *ωριγρενη*, secunda *αφορ* dicta fuit. Verum ab illis iniuste ac temere datum fuisse Galenum, ex mente ipsius male intellecta facile est ostendere. Nam id ipsum quod contendunt Galenus aperte varijs in locis proposuit. Illius fuit institutum demonstrare omnes capitis motiones fieri per articulum capitis cum prima & secunda vertebra. Nam cum secunda caput rectos habet motus, quorum dux est ipse cum capite articulus: ita ut prima vertebra cum apophysi pyrenoidae non tantum caput sustineat ad annuendum & renuendum, sed etiam subleuata ac depressa moueatur. Similiter in obliquo motu capitis existimauit Galenus, caput non tantum super primam vertebra in utrumque latus conuerti ac si illa prorsus quiesceret. Voluit enim primi articuli beneficio caput cum prima vertebra ad latera moueri, obliquumque motum maximè fieri per utriusque lateris partes obliquas, cum primi spondyli, cum ipsius capitis ut habetur in textu. Id rationibus ex Galeno petitis, facile demonstrabitur, quia capitis articulus, neque simplex est, neque cum vno tantum osse fit, sed cum duobus. Idcirco ipsius quoque motus necessariò est multiplex. Cum autem is generatio sit duplex, Rectus & Obliquus, repugnetque securitati capitis ex duobus obliquis atque simplicibus vnum rectum, ut in manibus & carpis efficere: propterea obliquum à recto multum distare natura voluit, &

ex duobus articulis diuersis, cuiusmodi sunt vlnæ & radij in cubito vtrōsque obiri. Ergo si in cubito radius circumuertitur, & vlna extenditur, atque flectitur: cur non primam vertebra cum ipso capite obliquè moueri? Secundam vero recto motu agi non affirmabimus. Accedit quod Galenus duas primas vertebra liberè moueri scripsit: ideoque ligamento intermedio planè solutas esse, vt in textu annotatum est. Hinc fit vt connexio secundæ cum capite, inquit Galenus, à prima quāuis interiecta sit, nihil quicquā habeat negotij, neque itē primæ à secunda aliquid impedimenti vel moræ inferatur. Quod profectò accideret si cæterarum vertebrarū modo anteriore parte inter se colligatæ essent. Deinde motus iste secundæ vertebræ probatur adhuc à Galeno, quando magnani vertebra idcirco ab Hippocrate appellari suspicatur, quia magis potest in priora vrgeri, atque inde rursus magis repelli: propterea in vehementioribus capitis moribus luxari potest, id est dens pyrenoides extra septum primæ vertebræ exire, quod anginam lethalem infert ex Hippocrate lib. 2. Epid. sed non oportet ita accipere rectos capitis motus à secunda vertebra fieri, vt prima quæ interiecta est ante & retro non moueatur. Galenus enim fatetur rectos motus duos, potissimum secundæ commissos fuisse, non tamen negat duas primas vertebra cum ipso capite tum inter se moueri, primamque vertebra postica apophysi spinæ ideo destitutam esse, ne dum caput reuoluendo se-

cundam tangit, & cum ea stringitur, musculi ibi existentes, velut ab aculeo contundantur, atque vulserentur. Si rectum capitis motum secunda vertebra obit, sequitur obliquum ex Galeno à prima vertebra necessario fieri. Sed obliqui motus duæ sunt differentiae. Vnus est Transuersalis, quando caput ad latera supra humeros incuruatur. Alter verò Obliquus cum versùs humeros ducitur; quem motum facillè intelliges si transuersam lineam ducas & protrahas ab humero vno ad alterum, quam directè secabit altera, ante & retrò per frontem & occiput traducta: si inter has duas tertiam ducas, obliqua erit, & motum capitis obliquum designabit: qui *αἰσθητός* dicitur à Galeno, medius inter rectum & transuersum. Quos motus obliquos intelligere videtur Galenus, quando scribit paruos musculos qui ante & retrò positi sunt, & quosdam alios, caput cum parua inclinatione ad latera mouere. Vbi autem hæc obliqua flexio aut extensio efficitur; id est, transuersalis motus, tum alteram capitis coronarum cum subiecta cavitare stringi, alteram oppositam dehiscere & subleuari: sed in obliquo motu prima vertebra non manet immota. Nam simul cum capite circa pyrenoidem velut ad axem circumagitur, præsertim in maiore capitis obliuatione, quod manifestè docuit Galenus, dum ait naturam providam ex infernis partibus, aut ex transuersis apophysibus primæ vertebrae nullum neruum emittere, ne in vehementioribus motibus in quibus eadem vertebra positionem pluri-

num variat, neruus contunderetur vel diuelleretur. Adde quod musculos obliquos capiti adscribit. At maior obliquus à spina primæ vertebræ enatus in apophysim transversam primæ inseritur, vt eam obliquè ducat ex Galeno. Nec tantum obliquus motus paruus super prima vertebra editur. Verum etiam magnus, quando in alterum latus supra humeros caput rectum sine ulla inclinatione contorquetur. Nam motus ille à ceruice proficisci non poreſt, cùm ipsæ vertebræ per strictum ginglymum inrer se coniunctæ sint, & corpora imbricatim coagmentata. Quippe ceruicis motus obliquus cum inclinatione capitis, dum mentum rangit humeros, dependet ab articulatione septimæ vertebræ cum prima dorsi.

Reliqui capitis explicatio.

Galenus duo tantum ligamenta dentis pyrenoidis enumerat. Cùm tamen alibi lib. 11. de vsu partium capit. 4. caput primis duabus vertebris per tria ligamenta reuinctum & adstrictum esse tradiderit. Tertium illud maximum ac latum totam articulationem extrinsecus in orbem amplexatur; sed Galenus duorum tantum mentionem facit, quæ pyrenoidi apophysi firmandæ & capiti colligando inserviunt. Reliquum caput multa dubia & controuersa continet, in quibus iniuste damnatur Galenus à recetioribus. Imprimis quod scripserit vertebrarum cauitates inæquales esse, latiores supernas, angustiores in-

infernās. Secundo quod transuerſas apophyſes ſeptimæ vertebræ ſolidas, & imperforatas dixerit. Tertiò ſextam vertebram cervicis reliquis maiorem eſſe. Quartò quod foramen laterale ad emittendum nervum ab vtraque vertebra conflari propoſuerit. Quibus omnibus obiectionibus pro Galeno breuiter ſatisfaciam. Negat Fallopius vertebrarum cavitates inæquales eſſe, quoniam inferiores vertebræ eandem & æqualem habent cum ſuperioribus capacitatem. Nam ſuperiorum vertebrarum cavitates implent mēbranæ craſſiores, vt reddantur æquales inferioribus. Nec primæ vertebræ cavitās cæteris amplior eſt, quia dentis ingreſſu minuitur, & alijs adæquatur. Remitto Fallopiam eiùſque ſequaces ad *ἀντιφάσιαν*, vt diligenti vertebrarum inſpectione cognoscant, veriſſimum eſſe quod ſcripſit Galenus. Quinetiam *ἐκχέτω* medulla, quanto magis ingignendis nervis conſumitur, & attenuatur, tanto interiorum ſpondylorum foramina ſiue cavitates magis minuuntur. Nec ad mentem Galeni diſputat Fallopius: nam agit de cavitatibus vertebrarum cadaueris, non autem de vertebris ſceleti, de quibus agit Galenus. Affirmant Veſalius & omnes recentiores Anatomici ſeptimæ vertebræ apophyſes tranſuerſas eſſe perforatas, contra Galeni doctrinam. At ille non negavit, ſed rarò perforatas eſſe dixit. Syluius ſaretur temper in homine & ſceleris ſimiarum pertuſas eſſe. Ego verò in ſceleris ſæpius imperforatas obſervavi, vel vnicuique tantum apophyſim pettuſam. Plerique ſu-

specum habent hunc locum, quia nullibi Galenus hanc sententiam repetiit, imo omnes cervicis vertebrae perforatas esse scribit libr. 13. de usu partium. Quinetiam Oribasius Galeni simia in sua Osteologia quam ex hoc libro transcripsit, nullam huius rei mentionem facit. Scribit Galenus sextum spondylum cervicis maximum esse, quod explodit & irridet Vesalius. Responde Galenum sextum spondylum cum superioribus conferre, non cum septimo. Quod si quis obijciat Galenum libro 3. de articulis, ad particulam 48. expressè dixisse sextum septimo maiorem esse. Responde sexti magnitudinem cum Galeno ad processus transversos alijs latiores referendam esse. Sexto inquit spondylo duplices apophyses transversae manifestae sunt, & ceterarum omnium maximae, sicuti & ipse spondylus maximus est: quare interna portio latior est, intellige apophyse non transversarum, non corporis vertebrae. Negant recentiores Anatomici, Vesalius & Fallopius utrumque spondylum meatui aequaliter conferre, quod asserit Galenus & repetit libr. 13. de usu partium capit. 3. Inspiciant diligenter scelerum, ut suum errorem agnoscant. Nam in ceruice utraque vertebra ad meatum formandum aequaliter contribuit.

DE SPONDYLIS DORSI.

CAPVT VIII.

Quòd thoracis spondyli sint duo-

Cap. 7. de
rhachi.

decim, antea diximus, præterquam
quòd aliquando, tametsi rarò, ali-
quibus vnus, vel deest, vel superest.
1 sed superesse rariùs quàm deesse in-
uenies. Omnibus verò ipsis spina-
rum apophyses sunt maximæ vsque
2 ad decimum spòdylum. Per quam
magnæ etiam sunt transuersæ apo-
phyfes, quibus costæ inarticulan-
tur (& obliquæ, tum sursum, tum
deorsum spectâtes.) Corpus autem
ipsarum à primo spondylo ad deci-
mum leuiter ad inferiora proten-
sum, inter eas quæ sequuntur, sen-
sim definit. His item dorsi spon-
dylis ad vsque decimum spina spi-
næ colli persimilis est, supernè scili-
cet deorsum tendens. Contra au-
tem infra decimum spondylis, spi-
na infernè sursum vergit: duobus
quidem decimum sequentibus ob-
scure, reliquis manifestè. Idem quo-

que transfuersis apophyfis acci-
dit. Hæ enim spondylis supra deci-
mum, deorsum: infra eundem, sur-
sum spectant. solæ hæ quæ in deci-
mo sunt, in neutram partem incli-
nant. Solus quoque hic spondylus
apophyses, tum sursum, tum deor-
sum spectantes habet, in fine con-
dyloideis, vt primus ceruicis spon-
dylus, cauitates glenoides vtrunque
obtinet: in cæteris supra decimum
quidem, apophyses sursum vergen-
tes, sunt condyloideis: deorsum verò
spectantes, glenoides: infra verò
locatis contraria esse solet ratio.

SYLVIVS.

QUot metaphreni, seu dorsi, seu
thoracis sunt spondyli, tot etiam
vtrunque sunt costæ: vt quibus hi sunt
duodecim, costæ sunt viginti quatuor:
quibus undecim hæ 22. quibus 13. hæ 26.

nam si deest aut superest spondylus, consta utrinque una deest vel superest. Mihi sceletos est cum costis undecim, quarum summa latissima est, Et orta à spondylo partim primo dorsi, partim septimo cervicis, apophysim transversam habente, similem his quæ in dorso. Costas perfectas habuit septem, non has tantum quatuor, sed à summo lumborum spondylo dextra parte, pro apophysi transversa, est costæ mobilis rudimentum. Iam explicat, ut in spondylis cervicis prius, quid dorsi spondylis sit proprium, Et quid commune tum ipsis inter se, tum ipsis cum cervicis & lumborum spondylis. Primum commune, quod hi usque decimum, maximas habent apophyses omnes, hoc est, posticas, quæ spina vocantur, & transversas, & (quod interpres addit) obliquas, tum ascendentes tum descendentes. Quod autem de corpore scribit, Oribasio prætermissum, ad spinas potius

quàm ad spondylos & apophyses transversas, & obliquas referri potest. ob id autem Græcis, ambiguum ipsarum vertimus, & ἐν τοῖς paulò post legimus. Si quis tamen ad spondylos referri malit, & ipsorum & eos vertere, non magnoperè refragor, cum spondylorum thoracis corpus nonnihil ad inferiora protensum videatur. Vbi autem spinas dorsi ad decimum usque spondylum comparat spinis cervicis, non per omnia vult ambas esse similes: sed in hoc, quòd ambæ deorsum tendunt, licet id magis spinis thoracis accidat. Nam vehemèter sunt declives, & supernæ infernis incumbentes. Quæ verò spinæ sunt in ceruice, velut bicornes esse consueverunt, idque magis & minùs, cum in dorso sint simplices. Adiungit deinde tria decimo spondylo propria. Primum quod spinam habet ἀπὸ πέντε & in neutram partem, seu nec sursum nec deorsum repentem: qualis hominibus no-

stris frequenter est undecima, & hac crebrior duodecima, decima rara, similijs consuetior. Cùm enim rhachis tota sit itaquam arcus quidam, eius ipsius ceu clavis, ut vulgo vocatur, est decimus spondylus, qui velut lapis quidem motu recto delatus, nutantes sursum aut deorsum alios spondylos figit & firmat. Secundum quòd eadem rectitudo sit apophysibus eius transuersis : quamquam ceterorum apophyses transuersæ, minùs à rectitudine discedant, quam spinæ ipsæ. Tertium quod ipsius decimi spondyli apophyses obliquæ quatuor, ascendentes duæ, & descendentes totidem (in quarum finibus fit spondylorum articulatio) sunt condylodeis, hoc est, leuiter capitulatae seu parum extuberantes, & cavitatibus apophyseon descendantium spondyli noni & undecimi ascendentium immittuntur. Vidimus & hos fines apophyseon istarum decimi spondyli planis proximos, in

vetulis præsertim, tanquam attritu minutos. Quod verò alijs dorsi spondylorum duorum apophysibus est commune, non modò secum, sed cum lumborum apophysibus est, quod transuersam apophysim *Et* spinam sursum vergentem sortiti sunt. Id quod nos in sceletis propè omnibus certissimum vidimus, ne simiarum id esse, non hominum putes. Quartum quod spondyli qui ad costas sunt, interna parte simi paululum videntur ad thoracis capacitatem, posteriore gibbi multum ob rhacheos apophyses *Et* ad securitatem. Decimus igitur spondylus dorsi, ἀπὸ πένθ, Galeno sæpè visus est, nobis sæpe undecimus, frequentius duodecimus. Quin *Et* simia unius cynocephali decimus fuit ἀπὸ πένθ, alterius undecimus.

Gal. comment. 3. in lib. πεισ. 1. 1. 1.

RIOLANVS.

TRia sunt quæ in hoc capite reprehendunt Anatomi. Imprimis quod scripserit Gale-

nus in dorso duodenas vertebrae rariùs abundare, quam deficere. Secundo quod affirmarit decimam vertebrae esse *disposita*, in nullam partem inclinare, transuersis apophysibus carere, & alio structurae modo cum vicinis articulari. Tertiò quod tradiderit vertebrae dorso post decimam transuersas apophyses, & spinas supernè vergere. Quas omnes obiectiones facile est diluere. Naturalis numerus vertebrae dorso duodenarius est, quod non inficiatur Galenus; si vnica superabundat, vel deficit, contra naturam est. At saepius vnā deficere quam abundare scribit Galenus; quia numerus costarum sequitur numerum vertebrae. Atqui frequētius vndecim costae quam tredecim reperiuntur. Quod si decima tertia costa occurrat, saepissimè vnita & coniata est alteri, quàm separata, vt in sceletō grauidae mulieris in scholis anno 1612. dissectae obseruatum est, quae in dorso vertebrae 13. totidem ex vtroque latere costas habebat. Sed secunda cervicis cum tertia continuata erat: octo vertebrae collum componebant, tredecim dorsum, quibus affixae erant pari numero costae, lumbi quatuor vertebrae constabant. Alterius mulieris hoc anno 1613. dissectae, dorsum vndecim constabat vertebrae, nec plures habuit quam vndecim costas ex vtroque latere. Habeo sceletum grandioris hominis cui tredecim ex eodem latere sunt costae, & tamen spina 24. tantum vertebrae comprehendit, sed collum senis duntaxat vertebrae constar, ergo cum superabundant aut deficiunt vertebrae dorso, numerus vertebrae

vertebrarum totius rhacheos non semper immutatur. Existimo hanc particulam de vertebris dorsifcriptā, ad vniuersam *ρᾶχῶ* posse referri; quia frequentius tredecim vertebræ separatæ, quam viginti reperiuntur. Atque falsum est quod volunt Vesalius & Fallopius tredecim costis extantibus, vnam vertebam in rhachi superabundare, Fallopius tamen & Ingrassias existimant transposita esse verba Galeni, & legendum frequentius reperitur vt desit vna vertebra quam supersit. Quod Galenus tribuat decimæ vertebræ apophyses transversas, & spinas rectas, atque articulationem primæ vertebræ colli contrariam: Id in simijs & canibus Vesalius & Fallopius verum esse fatentur. Alij æquiores duodecimæ dorsifettebræ conuenire dicunt, nec ipse Syluius diffitetur & abnuat in commentario. Eustachius ita Galenum excusat. Posterior vertebrarum apophysis duplici linea superiore & inferiore circumscribitur; superior in homine brevis est vsque ad decimam, quæ vertebra supra cæteras spinam terminatam habet crasso & rotundo tuberculo; & hac nota vno intuitu ab alijs distinguitur. Infra decimam lineæ illæ sunt longiores, & ab infima parte spinæ supernè vergunt, vel Galenus respexit ad naturalem spinæ totius structuram, in qua spinæ duæ infernè dorsif, & aliæ lumborum supernè vergunt. At sursum & deorsum ferri situs sunt differentię, non figuræ. Sæpius obseruaui duodecimæ vertebræ apophyses transversas deesse, quamuis haberet spinam rectam: sed vndecima

vtrasque apophyses obliquas, tam supernas quam infernas condylosas obtinet. Galenus cū vidisset decimam vertebra[m] parte postica latiore[m] esse subiecta & precedenti vertebra, quinetiam apophyses transuersas supernè vergere, cum cæteræ superiores deorsum inclinent: spinam quoque decimæ vertebræ tubere crasso & rotundo terminatā, propterea ei tribuit, quod vndecimæ conuenit. Mendum accusarem in textu, nisi hæc lectio ex alijs locis similibus confirmaretur: Leuistamen error Galeni. Quod ad spinæ rectitudinem attinet si locus Galeni diligenter expendatur, nō exprimit decimam habere spinam rectam.

DE LUMBORVM spondylis.

CAPVT IX.

- i Delumborum spondylis omnia ferè priùs retulimus. Nam quod quinque sint, & iidem omnium crassissimi & maximi: quòdque angustū in singulis intus forame[n], gracilisque medulla infit: quòd item sūrsū illorum apophyses spectēt: quòd ab eo tantūm spondylo, qui

præpositus est, nervus exiliat: quòd denique fursum deorsúmque spectantium apophyseon (quibus inter se diarthrosi articulantur) quæ descendentes superpositæ sunt, finem habent condylode, quæ ascendentes suppositæ glenoide, antè diximus. In hoc autem capite, si quid his est proprium, & super alios eximium, explicabimus. Singuli ergo lumborum spondyli interna parte foramina * nullo ordine disposita, *statum.* sed multa tamen & manifesta habent, venis recipiendis destinata. In cæteris spondylis, vel nulla vsquam, vel exigua omnino cernuntur. Hi quoque spondyli quadam abundât apophysi prope nervi exortum sita, & ea deorsum vergente. Hæc verò interdum his omnibus spondylis adest: postremis aliquâdo vel pusilla admodum vel nulla inest. Eadē in

postremis spóndylis, vt in duobus
supra positis lúború, semper habet.

SYLVIVS.

I **A** Pophyses lumborum tum postica
seu spinæ, tum transuersæ sursum
spectant, in plurimis nostris sceletis, pra-
cipuè si rhachin situ naturali colloques,
qualem Hippocrates describit libr. πει
ἀρ. δε. transuersas autem sursum emi-
care, etiam quantum in cane & simia, id
nostris sceletis propè est perpetuum. In-
terdum tamen latere vno sursum, altero
deorsum vergunt. Interdum utrumque
latus decliue est, quod est rariùs in
transuersis, frèquentiùs in posticis &
spinis. Transuersæ summi lumborum
spóndyli & infimi ferè sunt breuiores:
illa opinor ne motum thoracis obliquum
hoc loco maximum impediunt: hæ ab osse
ilium impeditæ. mediæ harum longiores
& graciliores quàm pro spóndylorum

*mole, costarum æmula, & illarum modo
 partes internas munientes. Hæc forami-
 na nullo ordine disposita, nulloque certo
 numero, perspicua sunt in sceletis, qua
 parte spondyli intus venam cauam, &
 arteriam magnam attingunt. Venas au-
 tem ad ipsorum, ut pote maximorum &
 crassissimorum nutritionem, his forami-
 nibus recipiunt tot & tantas, quot &
 quanta sunt foramina. Æque enim per-
 spicua fuerit oratio, si hæc cum exem-
 plari Græco τρήματα σαφὴ τὸλλα tri-
 bueris foraminibus, dicendo multa &
 manifesta: aut venis cum interprete di-
 cendo, multas & manifestas inseri. locus
 enim locato æqualis. Apophysis mespi-
 lorum officulo similis, spondylis lumbo-
 rum quedam adest, interdum omnibus,
 interdum superioribus tantum: mihi vi-
 se tantum in vno sceleto ex his decem
 quos habui cum hæc scriberem. In horum
 autem multis similes propè his apophy-*

ses videntur, duæ in singulorum spondylorum thoracis ea parte, cui costarum radices inarticulantur, utrimque scilicet una. ut sit verum quod in fine dicit, suprapositos thoracis spondylos, has apophyses interdum pusillas habere, interdum nullas: uti & inferni duo lumborum spondyli. Has apophyses spondyli lumborum superni habent etiam interdum in simia, sæpius in vetulis canibus. Sunt autem acutæ in his ad basim apophyseos transversæ, & nervo ducendo non nihil cauata.

RIOLANVS.

Galenus lumbos vertebrae quinque constare scribit, quæ tamen numerum mutati notant recentiores Anatomici, prout dorsum undecim vel tredecim vertebrae comprehendit. Nam si ex ceruice vel lumbis una accedat thoraci; necessum est collum vel lumbos pauciores habere vertebrae. Inde fit ut collum sex vertebrae, vel lumbi quatuor constructi sint. Obseruaui tamen anno 1614. hominis spinam 25. vertebrae extructam, cuius lumbi quinque vertebrae constabant. Præterea occurrunt in hoc capite duæ particulæ quas comprehendunt Anatomici, in simijs & canibus veras,

neutiquam in homine. Quod dixerit Galenus omnes apophyses supernè spectare. Deinde præter septem apophyses omnibus vertebris communes, alias duas adiunxerit. Primæ reprehensionis satisfecit Syluius in côm. quamuis omnes transuersas lumborum apophyses supernè vergere sæpius obseruarim, ac potissimum tres inferiores. Secundam reprehensionem in gratiam Galeni Columbus diluit & euertit. Istas tamen apophyses non in omnibus apparere faterur. Testatur Syluius in comm. apophysim mespilorum officulo similem raram esse, sed in homine circa radices infernarum transuersarum apophyseon lumbarium quædam tubercula magnitudine, figuræque mespilorum nucleos referencia sæpe reperiri, quæ cum in canibus & simijs reperiantur, Galenus per apophyses duas, ea tubercula intellexit. Superest de foraminulis internis vertebrarum agere, quæ venis recipiendis destinata nullo ordine disposita esse scribit. In cæteris spondylis vel nulla esse, vel exigua spectari. Certum est duo vel tria foramina intra cavitatem cuiusque vertebræ apparere, sed maiora sunt & euidentiora in vertebris lumborum, minora & obscuriora in reliquis vertebris tam dorsi quam cervicalis.

DE OSSE SACRO.

CAPVT X.

Id os spondylis, quæ scilicet cum eo qui suprapositus est articulatur,

2

3

4

proportione respondet. Illius enim
 spondyli apophyses deorsum spe-
 ctantes, os sacrum excipit : sicuti
 spondylus ipse spondyli suprapositi
 apophyses descendentes. Ad hæc
 ossis sacri spina aliorum spondylo-
 rum spinæ similis est. Ipsius autem
 transfuersæ apophyses sunt grandes
 & patentes, quibus exteriore in
 parte cavitās glenoides inest, in quā
 ilium ossa ingrediuntur. Id os ex tri-
 bus particulis, tanquam ex proprijs
 quibusdam spondylis constructum
 est, in quorū extremo aliud quōd-
 dam os quartum, *κόκκυξ* appellatū,
 additū est. Hæc ossa omnia coquen-
 do dissoluta, syntaxin aliorum os-
 sium syntaxi similem habent. Nerui
 autē à dorsali medulla per sacri os-
 sis foramina iuxta suorum velut
 spondylorum compages, quemad-
 modum & in tota rhachi, non ta-

men ab utroque latere, sed intus atque foris. hi que omnes tria constituunt paria.

SYLVIVS.

O Si ἐρὸν, id est sacrum & magnum, hoc est, cæteris rhacheos ossibus maius (veteres enim ἐρὰ, μεγάλα vocauerunt, Rufus) vel πλατὺ, id est, latum: Galenus interdum latiùs extendit, ut etiam coccygem comprehendat, ut priùs cùm rhachin in omnes suas partes diuidebat, & libro duodecimo usus partium, quando os sacrum ossibus quatuor constare scribit, tribus scilicet proprijs, & quarto coccyge. ut hoc capite, & lib. tredecimo usus partium, cùm dicit os sacrum habere in fine epiphysim, cartilaginis in usum eundem in quem sternon, costæ nothæ, & alia similia habuerunt, est quando eius significatum contrahat ad

eam ipsius partem solam, qua cum osse
ilium per synarthrosim iungitur, qua so-
la reuera os est magnum & latum, uti
omoplata propriè dicitur, quantum eius
ossis latum est. Tuncque eius reliquum
gracilescens semper ac tenuatum, donec
in tres cartilagine acutissimas desinat,
coccygem appellat. Cuius tria sunt ossa
symphysi, ut in osse sacro unita: quam-
quam coccygis tertium, ut ossis sacri pri-
mum, persæpè synarthrosi iungitur: &
in his foramina intus ampliora, foris an-
gustiora, ut in osse sacro: nisi quod ad
coccygis ossis secundi cum tertio commis-
suram, pro foraminibus scissura sæpè
tantum est. Cetera in coccyge inuenies,
quæ hîc à Galeno illi tribuuntur. Porro
quæ coccygi subharent particule tres,
persæpè etiam in puero decenni adhuc
sunt cartilagine, in annosioribus tan-
dem osseæ fiunt: sed in ambitu & com-
missuris & fine, adhuc cartilaginose

permanēt, vti ossa coccygis tria, cartilaginofum aliquid in lateribus ſemper retinent. Sic & xiphoides, & epiphyſes omnes, primis annis cartilagines ſunt: per ætates autem in ossa degenerant, ſeruata tamen adhuc portione extima, aut extrema cartilaginofa. Has cartilagines, vel offeas cartilagines, vel ossa cartilaginofa tria, & præterea infimum os coccygis, iam deſcripti & mox repetendi, hodie coccygem perperam, & contra veterum authoritatem appellāt. Rectè igitur Galenus muſculum quartum femur mouentium, ab offe ſacro educit libro 15. uſus partium, qua ſcilicet parte cum ilium offe non unitur, & coccyx priuatim appellatur. Libro autem ſecundo adminiſtrationum anatomicarum, à coccyge eundem producit, quòd illic latiùs nomen offis ſacri extendebat, ſub eoque coccygem continebat, hîc verò contraxit. Huc pertinet quod offibus vtriſque hoc

capite commemoratis subscribit. Ossa
hæc sacrum scilicet ac coccyx dissoluta,
&c. Cum vulgaris coccygis ossa sint e-
tiam sine coctione mobilia & separabi-
lia, solis ligamentis, ut caudarum ossa, in-
uicem connexa. An tibi igitur videri
potest Galenus, hoc loco sacrum os, non
hominis, sed simiae, aut canis adscribere?
Quamquam enim id os, utrique anima-
li tribus tantum ossibus constat: illi tamen
adnatus coccyx in illis animalibus nervos
non emittit, ut neque cauda reliqua.
Coccygi autem suo Galenus tria neruo-
rum paria, & totidem ossi sacro tribuit,
id quod in hominis osse sacro & coccy-
ge, meridiana luce est clarius. Ad hæc
eos per foramina educit, non lateralia
sed antica & postica. Os primum ossis
sacri apophyses habet ascendentes, qui-
bus cum ultimi spondyli lumborum descen-
dentibus articulatur. Os sacrum postica
parte spinas habet duas, tres, quatuor e-

xiguas, similes spinis lumborum: in nostris sceletis ferè rectas, nisi quod in duobus tam sursum vergentes conspexi, quàm in simijs. Apophyses transuersæ ossis sacri, obsuræ, in cauitatem parum profundam, inaequalem, asperam, continuam desinunt, excipientem, ossa ilium foras vergentia, quòd ea cauitas sit externa ossis sacri laterum parte magis, unde & os sacrum intus quàm foris non paulò est latius. Interdum etiam os ilium cauitate aliqua, ossis sacri eminentias excipit, ut commissura sit quædam ginglymoïdes. Os sacrum tribus constat ossibus simul coagmentatis, in prima quidem ætate per cartilaginem, in edita verò per symphysim, quæ coctione multa, aut vetustate, in iunioribus præsertim separantur, interdum in medio inter foramina spacio tantum, non etiam in lateribus: interdum ubique, sicque separata, compositionem & formam aliorum spondylo-

rum quadamtenus habent. sed foramen medullæ, ut antea monuit, angustius sortita hæc ossa sacrum & coccyx, uti & medullam graciliorem. Habeo sacrum os duobus tantum ossibus conflatum. Primum autem eius os, uti sterni secundum, ferè aut interhiat aut solutu est facile. Si
 4 verò paris primi nervorum exortus est tribuendus spondylo inferiori, tanquam nervum sustinenti, ut certè tribuendus est, Anatomicorum omnium consensu, etiam si ipsorum foramen, aut totum, aut magna ex parte sit in superiore spondylo thoracis & lumborum, ut antè diximus. Primum per nervorum ossis sacri ex ultimi lumborum spondyli lateribus aliorum more prodit, quæ is ossi sacro committitur. Reliqua autem duo paria & coccygis tria, ex foraminibus anticis & posticis emergunt: ex illis quidem ad imi ventris partes & crura: ex his verò in partes posticas sibi vicinas, ut in

neruorum anatome fusiùs audies. Cùm enim latera ossis sacri os ilium occupet, non potuit per ea nervus prodire, ut autem nervorum medullarium paria alia statim ab exortu gemina fiunt, & portione minore retro conuersa in musculos rachitas & alios capita his proxima sortitos distribuuntur, maiore prorsum procedente in partes alias propinquas: sic per antica ossis sacri & coccygis foramina, maiores nervi in partes anticas, per postica minores in partes posticas distribuuntur. Ob id etiam antica quàm postica ipsorum foramina sunt maiora. Adde quòd in quamplurimis, præcipuè magnis ossibus sacris, prope partem qua tangunt os ilium, insignia foris sunt foramina, utrimque duo, tria ferè, ossiculis distincta: quibus emergunt etiam ligamenta in partes vicinas, & venæ illæ nutrituræ insinuantur. Mira, ut semel dicā, est in omnibus ossis sacri partibus

varietas: ut quædam ad spinas sint perpetua, dorsalem medullam nusquam ostendentia: alia magnis inter spinas ipsas hiatus, quomodo in lumbis, & inferiori thorace, eam medullam, ablati iam musculis, nudam ostendunt: alia vix ipsam dimidiam regunt.

R I O L A N V S.

IN hoc osse tria sunt inter Galenum & Anatomicos recentiores controuersa. Imprimis quod Galenus spinas ossis sacri spinis vertebrarum similes esse scripserit. Secundum quod apophyses transversas grandes & amplas assignauit. Tertium quod tribus ossibus os sacrum contextum & coagmentatum esse dixerit. Quæ omnia ossi sacro simiæ & canum conuenire Anatomici contendunt; nequaquam homini. Quod ad primum articulum attinet, Galenus initio capitis proposuit os sacrum spondylis duntaxat analogum esse. At quod est analogum supponit aliquod discrimen, quamuis postea dixerit ossis sacri spinam alijs consimilem, indicare voluit os sacrum spinis præditum esse, ut analogiam inter os istud & alias vertebrae demonstraret; idcirco subiungit ipsius transversæ apophyses sunt grandes & amplæ. Obijciunt tamen alibi libro 12. de
vfu

vsu partium tradidisse ossis sacri transversas apophyses esse tenues, Galenum excusat Fallopius, quod illic intelligat tenuitatem quæ opponitur crassitudini. Potest esse corpus latum, quod tamen erit tenue. Ergo per magnitudinem Galenus intelligit latitudinem, ut ipsemet exponit, *sunt apophyses grandes & amplæ*, vel utraque lectio defendi potest hoc modo. Id os grandes apophyses obtinet, si spectes earum amplitudinem, sed si magnitudinem referas ad altitudinem siue crassitiam, superiores apophyses quibus cavititas glenoides inest, crassiores erunt inferioribus vertebri. Cum autem videret Galenus in osse sacro tres tantum emicare spinas, tres quoque apophyses grandes & patentes; idcirco sacrum os ex tribus portionibus tanquam proprijs quibusdam spondylis constructum esse proposuit, quod fecit imitatione Hippocratis, qui superiorem partem ossis sacri Os Latum appellat, extremitatem verò Caudam. Nam diuinus præceptor libro 4. de victu in acut. part. 83. cum agit de musculis spinalibus, eos ad *ὑψῆς* vergere tradit Galenus in commentario notat appellari *ὑψῆς*, ossis sacri extremum. Præterea Galenus pro osse sacro accipit tria ossa superiora quæ committuntur ossibus ilium, quod ex textu facile probatur. Nam apophyses transversas grandes & amplas esse scribit, quibus cavititas glenoidis inest, in quam ossa ilium recipiuntur. Subiungit id os ex tribus particulis tanquam proprijs spondylis constructum est. Atqui cavitatis illius glenoidis tres tantum particule os sacrum

constituunt, & ijs solis ossa ilium coniunguntur. Accedit quod tria tantum neruorum paria ab osse sacro exilire scribit. Deinde Galenus musculum iliacum externum pyriformem libr. 15. de vsu partium, ab osse sacro prodire notat, & libro 2. administrat. emanare scribit à coccyge. Priori loco ossis sacri nomine comprehendit coccygem, posteriore loco per coccygem intelligit tres inferiores ossis sacri vertebrias. Si quis obijciat Galenum libr. 12. de vñ partium cap. 16. os sacrum ex quatuor ossibus componere, quod directe pugnat & aduersatur huic capiti. Responderem id verum esse, atque nonnumquā os sacrum tribus constare portionibus, interdum quatuor, quibus adhuc tria subiecta sunt ossicula, vt passim in sceleris obseruare licet, quando septem portionibus conflatum est os sacrum. Vel dicerem Galenum nomine quarti ossis intellexisse coccygem, cuius ibi nullam facit mentionem. Interea notandum os sacrum vtriusque ossibus ilium per arthrodia iunctum esse. Nam ossi sacro cavitas glenoides inest, in quam ilium ossa ingrediūtur, vicissimque tubercula ossis sacri à cāuitatibus ossis ilium excipiuntur, quare datur ginglymos sine motu.

DE COCCYGE.

CAPVT XI.

In imo sacri ossis aliud os subest, quod coccyx appellatur, idque ex

tribus proprijs partibus constat. Hæ plus cartilaginis, potissimum in extremo, quàm sacrum os habent, iuxta earum *σύνταξις*, id est, compages, nerui posteriore & anteriore ex parte prodeunt. Quorum prima coniugatio ex ea oritur parte, qua coccyx sacrum os attingit. Secunda inde ortum habet, vbi prima huius ossis pars cum secunda committitur. Tertia inde egreditur, quæ secunda eiusdem pars cum tertia coniungitur, iuxta tertiæ huius extremitatem: quod dorsalis medullæ reliquum est, simplex, nullique coniugatum est.

SYLVIVS.

QUæ ad huius partis declarationem pertinent, in osse sacro dicta sunt propè uniuersa, nisi quod nervos *ἐκ τοῦ ὀπίσσω μερὸς*, id est, posteriore

ex parte oriri scribit, cùm tamen etiam ex anteriore, ut in osse sacro, oriantur, ut hæc particula $\alpha\gamma\iota\ \tau\omega\ \epsilon\mu\pi\pi\omicron\alpha\delta\epsilon\iota$, à scribis & librarijs omiſſa, in exemplaribus deſideretur. Oribasius autem utrumque prætermiſit : quæ res planè conuincit, Galenum hîc canis aut ſimîa coccygem nō intelligere, quòd in horum brutiorum coccyge, nervi ex lateribus ab osse ilium non occupatis, enaſcantur, uti in lumbis. In hominis autem coccyge, parte antica Et poſtica, ut in osse sacro, ſemper oriuntur. quamquam brutis, & homini commune eſt, quòd reliquum dorſalis medulla ſimplex ſit, & inſociatum : niſi quòd in homine frequenter velut in tres ramos breues partitur. Hæ verò coccygis particula tres, rectè dicuntur habere plus cartilaginis, quàm os ſacrum. Nam id eam tantum habet ſumma parte, qua committitur inſimo lumborum ſpondylo, qua autem cum osse ilium vnitur, &

ligamentis plurimis firmissimè colligatur, cartilagine non incrustatur, nisi in quibusdam, neque ubique. Os autem coccygis, lateribus cartilaginosum est, & omnium maximè in extremo, quam partem solam hodie vulgus coccygem vocat, & ossiculis tribus aut quatuor multum cartilaginosus componitur, quæ ob id hoc loco à Galeno cartilaginis nomine habentur. Hæc siue ossa, siue cartilagines, ut in prima præcipuè ætate, siue ossa cartilaginosa censenda. Galeno hîc, ut os hyoides, ossa sesamoidea negliguntur: quòd in sceletis nisi manu nostra coagmententur, & colligètur, rarò reperiuntur. Quamquã verò simia quæ hominis faciẽ magis representat, & magis quàm cetera recta ambulat, cum in alijs tum in ossibus homini simillima sit, tamẽ in rachis habet aliquid aliorũ quadrupedum commune, quod in homine non reperiatur: nẽ pelumbos pro magnitudine reli.

Gal. comment. 3 in lib. 11. de anat. 11.

quarum corporis partiū longiores quam homo, cui ad lumbos tantum quinque sunt ſpondyli: ſimiae autem, ut alijs quadrupedibus, ſex. Ex quibus verbis clarè apparet, Galenum hīc non agere de ſimiae lumbis, uti nec de illarum oſſe ſacrò, Et coccyge. Cū præterea ſcribit Galenus principium neruorum à rhachitide ad crura maximum ferri, μετὰ ζυ

Comment.
3 in libr.
πρὸς ἀρθρ.

τῷ τε πλατέος ὀστέῳ καὶ τῷ καλεμένῳ κόκκυρος, prin. ipium intelligit ex 25. 26. 27. 28. paribus neruorum conflatum, quod excidit inter ſacri oſſis latus & os ilium, qua parte hæc à ſe abſcedunt & coccyx priuatim dictus incipit. Hoc autē os ita ſibi unitum parte ſuperna vocari ſacrum, inferna coccygem, ne mireris, cū humerus ipſe parte à nobis ſpectabili, ἐπ' ὤμῃς: parte ſpinæ ſuæ ſumma, ἀκρομῖον: parte lata, ὀμοπλάτα vocetur. ut in eo oſſe mox probabimus. Cū item os ſacri oſſis lateribus annexum, os λαγόν.

ἰλιον, id est, ilium vocetur: ad cotylem is-
 chion, antica parte os pubis. Cūque
 Hippocrati *ῥάχις*, nunc metaphrenum,
 & lumbos comprehendat: nunc etiam
 collum & os sacrum, ut Galenus com-
 ment. 3. libr. *πρὸς ἀρ. ὁρ.* initio, & Initio lib.
6 admin.
anatomic.
 non multò post interpretatur. Os verò
κοκκυγος nominati minutum habere si-
 mias homini similes: dissimiles verò &
 cynocephalis similes, coccygem habere
 magnum, adeò ut etiam cauda inter-
 dum cynocephalos nitentur, cū scribit
 Galenus: coccygem vulgarem attingere In fine
eiusdem.
 videtur. Vti etiam dū scribit membra-
 neorum corporum cum coccyge symphy-
 sim cuti mistam, sedis finem, quantum
 scilicet extra sphincterem cminet, eigne-
 re: & eundem sphincterem coccygos
 principium parte posteriore sibi subie-
 ctum habere, ut parte anteriore annecti-
 tur peni, interuentu alterius musculi.

RIOLANVS.

PRO Coccyge Galenus accipit os quartum ossis sacri tribus officulis compactum, quæ aliter conformata sunt, quippe spina carent, breues & exiles habent apophyses transversas; posteriori squamma medullæ spinali obtenfa carent, & simul iuncta in caudam desinunt, cui annexa est cartilago pendula, quæ vulgo coccyx dicitur. Id corpusculum cartilaginosum intellexit Galenus lib. 13. de usu partium, cum ait os sacrum in fine cartilaginosum habere epiphysim, eiusdem utilitatis gratia cuius pectus habuit, & totius dorsi spina, ac notharum costarum capita, & partes omnes corporis nudæ ac prominentes. Ergo si pro coccyge cum Galeno tria officula inferiora ossis sacri accipias; quis inficiatur tres nervorum coniugationes à coccyge prodire. Sed in textu legitur *ex posterioribus partibus non omnes profilire.* Si quis conferat ea quæ Galenus de foraminibus coccygis hoc loco scribit, cum ijs quæ leguntur libro de dissectione nervorum, non dubito quin subsit mendum in hoc textu, & alteram dictionem deesse. Nam libro citato de nervorum dissectione, ex internis, externisque ossis sacri foraminibus, singulis partibus ad extremum usque medullæ spinalis in os coccygem attenuatum nervos dispensari prodidit. Ac sanè si diligenter textum Galeni cum sceletis quibusdam comparem, solam primam coniugationem deprehen-

des antè & retrò produci, reliquas à posterioribus & lateralibus partibus emergere. Habeo scelerum cuius os sacrum cum coccyge, planè quadrat & respondet in omnibus Galeni doctrinæ; ne quis putet cum Vesalio & Fallopio similijs tantum conuenire.

DE THORACIS OSSIBVS.

CAPVT XII.

Sternon, costæ, & ex rhachi dorsales spondyli, thoracis sunt ossa. Costæ ab utroque latere sunt duodecim, quot etiam sunt spondyli. Singulæ enim singulis spondylis per diarthrosin articulantur. Sterni ossa inuicem per synarthrosim copulantur. Sunt autem numero septem, quot & costæ, cū eo diarthrosi committuntur. Fini autem imo, sterni cartilago triangula adnascitur. Talis autem est cum spondylis costarum singularum diarthrosis, ad apophyseos transversæ radicem, costæ principium, eminentia qua-

dam condylode super inferitur, ibique cavitae parua & superficiaria excipitur, ambóque tum cavitae scilicet, tum costae principium, ad superiora magis vergunt. Ab radice deinde per totam apophysin transversam, costa superuehitur, & in apophyseos huius extremo, aliam habet diarthrosim ad inferiora vergentem. Quò fit, ut costae cum ipso spondylo, diarthrosis sit duplex. Sed quae costarum cum sterno est diarthrosis obscurior, non tamen imperceptibilis, sed apparet ligamentis membranosis, quibus vndique contegitur, amotis. Nam ibi singularum pars cartilaginosa in caput condylodes desinens, singulis sterne ossibus cavitatem superficiariam sortitis, diarthrosi inarticulatur. Tam exiguus autem est earum motus, ut synarthrosis appellari queat:

in multis quoque alijs partibus corporis synthesis ossium ambigua est, adeò vt dubites an ea per diarthrosim vel synarthrosim inuicem iungi dicenda sint. Quia verò tota sterni figura *Ξίφος*, id est, gladio similis est, sternon ipsum Xiphoides à nonnullis appellatur: ab alijs verò non totum sternon, sed ea sola cartilago quæ in extremo eius est, sic appellatur. Costis autem non vna est simplèxque figura: nam post ipsarum cum spondylis diarthrosim* in anteriora simul, & inferiora feruntur: multùmque ita progressæ, rursusque sursum versæ, protinùs ad sternon recurvantur. Vnde iam quicquid earum cum sterno committitur, non os, sed cartilago est. quinque verò reliquæ costæ, *κότται* appellantur. Hæ in exquisitam cartilaginem finitæ, & secum & cum

4

5

*ἐὰν τὴν ἀρτή-
ρω.*

6

diaphragmate vniuntur. Postrema ab alijs in fine ipsarum sola secernitur, ac reuera notha est. Nec his, nec alijs omnibus costis par longitudo est, sed supernæ infernæque sunt breuiores: mediæ longiores.

SYLVIVS.

- i **O**ssa thoracis triplicia, Sternum in parte antica, spondyli in postica, in lateribus costæ, sternon spondylis committentes: & hæ, ut antè, docuit, semper utrimque duodecim, quot & spondyli, rarò undecim, rariùs tredecim.
- 2 Sterni ossa synarthrosi, non harmonia iunguntur, præcipuè in pueris: quamquam & secundum eius os cum tertio, etiam in adultis atque adeò senibus synarthrosi, adhuc iunctum spectetur, in quibus alia symphysis iuncta videntur, quomodo ossis sacri spondyli. Ossium autem sterni numerus, manifestè non ap-

paret idem in omnibus sceletis. Nam in quibusdam tantum duo sunt manifesta, in plurimis tria manifestam habent circumscriptionem, in alijs quatuor, in alijs quinque, & sex. Septem verò rariora sunt. Vidi *Et* Sterna in quibus nunc duo, nunc tria ossa inferiora, per medium erant omnino diuisa *Et* in horum quibusdam medium foramen erat, nunc penae scriptoria, nunc digiti parui amplitudine, vasis opinor transmittendis destinatum. Vidi *Et* unum cuius os quartum, quintum, sextum, in duo inaequaliter erant diuisa. Visorum autem Galeosceletorum Sterna, ossibus constabant septem, quot ipsis inarticulantur costae. Nam in sterni ossium commissuram, nempe cartilaginosa, costarum portio cartilaginosa inseritur. Ob id rationabile est, septem sterni ossium, sex esse commissuras, in quibus costae sex inarticulantur: septima autem in sterni finem

cartilaginosum, in quem etiam octauam
inarticulari sæpè obseruaui. Sterni nam-
que humani πλέυραι Hippocrati, & iu-
3 nioribus Medicis costæ vocantur. Diar-
throsis septem costarum triplex : una
cum Sterni ossibus, duæ aliæ cum spondy-
lorum corpore, & apophysi transuersa:
& hæ ambæ costis etiam nothis omnibus
communes, quanquam tribus infimis, a-
liquando duabus, tamen obscuriùs, &
paulò diuersiùs, fortè ob ipsarum & a-
pophyseon transuersarum breuitatem.
Cum corpore autem spondylorum inar-
tulantur magna ex parte inter mutuã
ipsorum commissuram, & foramen ner-
uis destinatum. Interdum tamen omnino
in ipsam spondylorum commissuram in-
cidit, fortassè vi quadam, & oneribus
intempestiuis, quando costarum princi-
pium vix ad supernas vergit. Sternon
totum cum cartilagine, gladij figuram
representat. Nam sternon manubrio,

cartilago gladio plerumque similis est. Non enim semper simplex est, & acuminata hæc cartilago: sed non rarò in fine lata, sæpè bifida: unde & vulgò furcella dicitur. Sæpè tota est latissima, & planè ossea, præsertim parte antica: nam postica diutius cartilaginosa est, & intima semper. Sternon infantis recens nati, ut ossium pars plurima, & Epiphyses omnes, nil aliud quàm cartilago est: àeinde anno iam secundo, in medio inter costarum articulationes, paulatim siccescit, ut inter primas, & secundas costas, os ducati aurci nummi, inter secundas, & tertias, & inter tertias & quartas lupini: inter quartas & quintas lentis amplitudine iam concreuerit, ubique tamè unum quodque rotundissimum est. Quod reliquum est, omne singula hæc ossicula ambiens, cartilago adhuc est, costarum cartilagini tam simile, ut idem videri possit. Quantum verò cartilaginis os il-

lud summum & amplissimum, supra tegit ad costarum primarum & clauium articulationem, postea in os duratur, relicta tamen inter id & os amplissimum, symphyseos significatione apertissima in pueris. Sed nec obscura in adultis plerisque: si non fissura cartilaginosa, saltem eminentia ossosa, quæ eminentia sola in adultis, uti ossa duo genæ inferioris, sic ossa sterni reliqua à se magna ex parte separant, præterquam quod secundum à tertio etiam in senibus adhuc frequenter cartilago intercedens & colligans, dirimit. Id os primum latum quidem & crassum, sed breue ad primarum costarum articulationem, glutinatum cum secundo, sursum etiam lato & crasso, sed paulatim contracto & tenuato, tamen omnium longissimo: quæ duo prima sterni ossa hodie unum malè constituunt quidam, uti & os genæ inferioris. Cùm tamen tam sit manifesta hæc symphysis,

quàm

quàm reliquorum sterni ossium, præter-
 quàm (uti dixi) quòd secundi & tertij
 quædam synarthrosis diu perseverat. V-
 ti igitur sterni ossa omnia fiunt ex carti-
 lagine paulatim siccando durata: sic &
 primum, id quod in pueris & adolescen-
 tibus adhuc apparet. Nam os secundum
 adhuc rotundum spectabis, & cartila-
 ginem illi quidem superpositam, in os
 primum iam duratam, lateribus verò e-
 ius accumbentem adhuc permanere, &
 ossis ipsius secundi latus utrumque mu-
 nire, usque ad suam cum osse tertio com-
 missuram. Quin & illa symphyseon in
 gena inferiore & sterno eminentia deli-
 mata, aut aliter blandè extrita, manife-
 stam in medio commissuram cernes, qua-
 lis ferè apparet in osse fracto, post exci-
 sum aut abrasum callum. Costarum fi-
 gura hîc ferè cum situ convenit, talem
 faciente figuram: ut in libris de motu
 musculorum, figura partium media &

Figura præ
 situ.

extrema. Ad hanc figuram addere potes costas principio angustiores, subrotundas, deinde paulatim latefcere, & ubi latiffimæ euaserunt, paulatim angustiores reddi: nisi quòd infernæ nonnunquam cartilagine inferuntur latiffima. Porrò sunt cartilaginofæ non solùm quæ sterno inarticulantur, sed præter id bona ipsarum portione, Et iam inde prope modum, ubi recuruari cæperunt quæ sunt molliores, ut ad radicem duriores. Eadem ubique leues, nisi quæ ex osserata ligamentorum & musculorum thoracorum, Et rhacitarum insertiorem, aut exortum recipiunt. Octo mediæ costæ inferna parte cauata, venam a Zygon, arteriam, nervum ex vicina medulla egressum, suscipiunt. Quæ cavitates, ut lauitas, asperitas, ad figuram quoque Galeno refertur. Παλιν, id est, rursus, sursum verti costæ dicuntur, quia cavitatem in spondylo, Et costæ principium

magis ad superiora vergere, priùs dixerat. ἀποδιδίχα τοῖς μετὰ καμῶν, hoc est, simultaneam quandam, & repentinam flexionem efficientes, seu protinùs recuruata, sine ullo tamen angulo. Costæ nothæ, seu spuria, & illegitimæ & imperfectæ sunt magna ex parte quinque (nam octaua sterno inarticulata non rarò nobis est visa) sic dictæ, quòd in sterno ut septem verè non articulantur, sed intùs diaphragmati suis cartilaginibus iūnguntr, & iisdem acuminatis inferiores superioribus applicatæ, ligamentis affirmantur. Costæ singulis spondylis singula per prostharsim committuntur, capitibus suis in partem interiorem magis quàm exteriorem vergentibus: maxime autem homini flexæ sunt, & modo eorum quæ πομπόειδα, seu curua sunt. Costarum capita vocat extrema per quæ spondylis per diarthrosim iunguntur, ad apophyseon transuersarum radices. Al-

6

Hippocra.
mei ἀπλ. γ.

Gal. ibid.

tera est earum ad fines harum apophyseon iunctura, Hippocrati neglecta. Costas autem maximè curuas inter omnia animalia homo habet, quia & pectus omnium latissimum habet. Post hunc simia, deinde alia animalia magis & minus acutum habent pectus: costæ autem foris gibbæ, intus simæ sunt.

RIOLANVS.

De Thoracis ossibus, Costis, & Sterno.

Thoracis nomen est homonymum & eius generis quod ab vno ad aliud dicitur. Medici vocant Thoracem cum Galeno, quidquid costis circumscribitur; parte anteriore habens sternum, posteriore Dorsum lib. 6. de vsu partiũ cap. 2. & libr. 8. administrat. anatom. Similiter hoc loco Thoracis ossa constituit Sternum, Costas & Spinæ Vertebrae quæ in dorso sunt: excludere videtur Clauiculas quas seorsim exposuit, quia defunt in pluribus animalibus, quæ tamen Thoracem habent. Propter vsum manuum multi opinantur datas fuisse; ideoque post omoplatam de Clauĩ egiť. Attamen libro 8. administr. anatom. monet in animalibus quæ clauiculas habent, su-

premiū Thoracis terminum clauiculas esse, vt infimus in omnibus animalibus est septum transversum. Nos igitur secuti mentem Galeni, tria Thoracis ossa constituimus, Sternum, Costas, & dorsi Vertebrae. Costæ sunt vtriusque duodecim, quot sunt dorsi spondyli quibus affixæ sunt. Rarissimè, ait Galenus libr. 8. administ. anatom. decima tertia costa visitur, atque adhuc rariùs vndecima. Atque hæc ita rara sunt, vt inter mille vix vnum tali numero costarum inuenias. Habeo tamen duo sceleta quæ vndecim ex vtroque latere costas habent, & vnius sceleti dorsum vndecim constat vertebrae, alterius dorsum duodecim vertebrae recipit. Singulæ autem costæ singulis spondylis per diarthrosim articulantur, sterni vero ossa inuicem per synarthrosim copulantur. Sunt autem numero septem, quot & costæ cum eo per diarthrosim committuntur. Hic textus tres difficultates continet de numero ossium Sterni, ipsorum articulatione mutua, & altera articulatione cum costis. Sterni ossa septem in omnibus sceletis Galenum obseruasse vel ex hoc apparet, quod non scripserit interdum plura eius ossa esse, interdum pauciora, vt in dorsi spondylis & costis numerum variare notauit hoc libro. Vel Galenus istum numerum in pueris obseruauerat, quorum sternum septem ossibus compactum est. Aut dicendum cum Eustachio, quod septem ossa tribuit sterno non ad transversas diuisiones respiciens, sed ad eos sinus in quos costarum fines cartilaginei cōdylodeis inseruntur. Sunt au-

tē numero septē, quot & costæ cum sternō diarthrosi cōmittuntur. Idcirco subiungit, *singularum costarum pars cartilaginosa in caput cōdyloides desinens, singulis sterni ossibus cauitatem superficiariam sortitis, diarthrosi inarticulatur.* Ac sanè numerus ossium Sterni varius est in adultis; Asseruo Sternū quod quatuor ossibus componitur. Aliud habeo quod tribus constat: Aliud quod quinque separata ostendit. Aliud in quo sex apparent, atque ossis latissimi ac superni in duo diuisi rudimentum extat. Nam os istud in duo interdum diremptū apparet, vt existit in pueris. Quare perperam os sterni supernum maximum esse scribit Vesalius, & extendit vsque ad costam secundā. Prima etenim costa ad os supernū firmatur ac terminatur, & secunda costa ad finem secundi ossis articulatur. Quod si neges os latissimum in duo diuisum esse quia coaluerunt; Pariter negabis maxillam inferiorem duobus ossibus constare, nec os ilium ex tribus portionibus extructum. Septem ossa sterni inter se per synarthrosim iungi Galenus scripsit. Synarthroseos speciem non expressit, quam alibi lib. 8. administrat. anat. designauit. *Sternum os vnum quidem apparet diὰ τὴν τῆς ἀπὸ τοῦ ἀντιβραχίου membranis autem derasitis septem ossa talia notantur, quot cum eo costæ articulantur; quarum anterior finis nonnihil attenuatus inferno fini singulorum sterni ossium inseritur, in modum scilicet harmoniæ receptus.* At verò ossa sterni cum ipsis costis articulantur per diarthrosim, quæ licet sit obscura non est tamen imperceptibilis. Cernitur enim & em-

ptis' ligamentis membranosis quibus vndique contegitur. Nam ibi singularum costarum extremitas cartilaginosa in caput condylodes definēs, singulis sterni ossibus cauitatem glenoidem sortitis per diarthrosim articulat. Sed tam exigua est costarum cum sterni motus, vt hæc articulatio synarthrosis appellari queat. Siquidem in multis alijs partibus corporis synthesis ossium ambigua est, adeò vt dubites an ea per diarthrosim, vel synarthrosim inuicem iungi dicenda sint. Inde cognoscitur easdem esse differentias diarthroseos & synarthroseos, vnam & eandem articulationem adscribi posse diarthrosi & synarthrosi, differenti tamen ratione. Diarthrosis erit ratione structuræ; synarthrosis ratione motus obscuri. Quamuis essentiam diarthroseos constituat structura laxa, quæ motum manifestum edit, vt essentiam synarthroseos compages stricta, quæ motum obscurum profert. Potest tamen quædam diarthrosis ratione structuræ referri ad synarthrosim, propter motum obscurum, ita ut ambigere videatur. Sed nulla synarthrosis referri potest ad diarthrosim. Nam tres sunt propriæ differentię synarthroseos ratione structuræ, & motus obscuri aut nullius, nempe futura, harmonia, & gomphosis. Aliæ tres differentię diarthroseos proprię synarthrosi conueniunt propter motum obscurum. Ex hoc loco prudenter intellecto licebit multas difficultates articulorum enodare, & Galenum ab infiniris recentiorum calumnijs vindicare. Quod attinet ad figuram sterni

Galenus notat gladio confimilem esse, ob idque sternum ipsum à nonnullis xyphoides appellatum fuisse; quamuis hoc nomen ab alijs tributum fuerit cartilagini quæ sterni extremo inferiori attexta & annexa est, intra spurias costas orificio ventriculi ostensa instar clypei, ut ab externis ictibus protegeretur. Figuram pugionis sternum exquisitè refert, demptis vtriusque cartilaginosi ramulis qui sunt partes costarum; pugionis manubrium erit in parte superiore, cuspis in cartilagine xyphoide. Septem tantum costas veras Galenus hîc constituit, quamuis alibi libr. 8. administ. anatom. octauam quæ interdum iungitur cartilagini xyphoidi dici posse veram scripserit, sed hæc reprehensio insulsa est. Nam vtrumque verum est, & à recentioribus anatomicis animaduersum, & à me pluries obseruatum, septem vel octo costas veras reperiri. Sed maior difficultas sequitur de duplici costarum articulatione cū vertebris, quam Galenus omnibus vertebris attribuerè videtur, quia nullum discrimen assignauit. Recentiores Anatomici, Vesalius, Fallopius, infra nonam costam, vndecimam & duodecimam, vnica simplici que articulatione copulari ad corpus vertebræ notarunt, decimam mutare ordinem ut aliquando duobus, aliquando vno simplici que articulo iungatur. Adde quod Galenus duas vltimas dorsii vertebrae transuersis apophysis carere supra dixit, quo modo igitur costæ his vertebris per duplicem articulationem conecterentur. Responde cum Eustachio Galenum

eiusmodi apophyses transuerſas non abſolutè, ſed quia breues ſunt, eas interdum nullas eſſe dixiſſe, nihilque inconstantia aut repugnantia habet, quæ ipſe de duplici coſtatum articulo ſcribit. Quamuis enim poſtremæ coſtæ tuberculum habeant, quod in proceſſus tranſuerſi extremū leuiter cauū conijcitur: hac enim ratione duplici articulo carere dici poſſunt. Nihilominus eæ perinde ac cæteræ aliæ duobus vinculis annexæ ſunt, altero cartilagineo circa radicem tranſuerſi proceſſus, altero quod exactum eſt ligamentum, ab eiſdem proceſſus extremo ad coſtam obliquè ſurſum aſcendente: & hanc ob cauſam Galenus lib. 3. de articulis comment. ad partic. 37. ſic ſcribit: *Ipfarum coſtarum commiſſuram quodammodo duplicem conſpeximus, quam rem Hippocrates prætermiſit, vel quod non ex toto vniuerſam naturam commiſſuræ fuerit intuitus, vel quod tam diligentem eius inqueſitionem ad propoſitum pertinere non exiſtimauit.* Quamuis Galenus ſcripſerit primam dearticulationem ad radicem tranſuerſarum apophyſeon fieri, nihilominus de ipſiſtranſuerſis apophyſibus id non eſt intelligendum, ſed vertebræ corpus iuxta radices apophyſeon accipere oportet. Cavitates autem illæ articulatoriæ in prima vertebra tribuſque vltimis vertebrarum ſingulis corporibus propriæ ſunt. In ſecunda verò ſeptemque alijs ſubſequentibus communes ſunt ſuperiori inferiorique vertebræ, vt de neruorum foraminibus dictum eſt, eleganter Syluius hunc locum interpretatur comment. in hoc cap.

DE OMOPLATIS.

CAPVT XIII.

1 Omoplatae post thoracem sitae
sunt, eademque cum osse occipitis,
spina rhacheos, thoracis costis, * os-
se laryngi praeposito, per musculos
copulantur. Inaequales sunt admo-
2 dum & omnibus suis partibus dissi-
miles. foris enim gibbae, intus simae
omoplatae. Item ima basi tenues ac
longae, superno fine crassae & paruae.
Eadem cartilagine magna ex parte
subiunguntur, sed vberius in basi, à
qua rhachis quaedam inchoatur, hu-
milis, paulatimque plenior effici-
tur, donec ad acromij locum ascen-
derit : ibique cum clauui per synar-
throsim articulatur. Hanc ipsam
3 syntaxin, nonnulli anatoemes periti,
acromion vocant. Alij praeter haec

amboquæ coniunguntur, tertium os esse inquit, in ipsis tantum hominibus deprehensum, quod κα-
 παλῆϊδα, & acromion apellant. In ea
 parte ipsi omoplatæ apophysis quæ-
 dam subest, quam omoplatæ αὐχέ-
 ρα, id est, ceruicem, nominant: cui in
 fine corylen quandam habenti bra-
 chij caput, diarthrῶσι articulatur.
 Est etiam huic ossi interna in parte
 apophysis altera exigua & acuta,
 quam ἀΐκυρῶειδῆ quidam vocant: alij
 καρᾶκοειδῆ, quòd eius finis vt cornicis
 rostrum foras inclinat.

4

SYLVIVS.

Ὠμοπλατῦν, hîc & libris de Vsu par-
 tium, Et alibi sæpè, latius patet Gale-
 no, quàm commentarijs in Hippocra-
 tem. ὦμος namque (inquit) appellatur,
 quicquid in articulo scapulæ cum bra-

1
 Comen-
 τὰ ἰατρικῆ

chio apparet sensibus. ἔπομος autem pars est ὠμὸς superior, quæ ad collum vergit. Quod autem sensui non est manifestum, parte postica, os est ὠμοπλατῆος dictum. Omoplata cum vicinis partibus connexio, per musculos quidem hîc explicatur, non tamen omnis, quam in myotomen differimus, per articulum verò postea dicetur. A qua rhachis quædam Codex Græcus hac parte corruptus est: αὐτὸς ἢς ἀρχιμὲν τῆς ραχέως &c. nam τῆς ράχης legendum est. Quamvis enim ράχης, propriè sit spondylorum omnium syntaxis, ut antè dixi, & in ea sint ἀκρόθαι apophyses posticæ, quarum etiam huius capitis initio meminit: tamē etiam quæ in dorso est omoplata spina, iam inde à basi incipiens, sed primum humilis & depressa, deinde sensim elatior facta, & amplior, donec desinat in acromion, ράχης vocatur Galeno, ut indicant adiectiua fæminina, ἀρχομένη, τα-

καὶ ῥαχίς, casus nominatiui, quibus
vel rhachis vel ῥαχίς erit iungenda.

Quæ autem causa sit cur τῆς ῥαχίς legen-
dum putem, est, quòd Galenus alibi scri-
psit, καὶ ῥαχίς ἰδίαν ἐκτὸς τῶν ὁμοπλα-

Lib. 13. v. fus
partium.

των ἀπέφυσεν. ubi non simpliciter ῥαχίς
utrique omoplatæ tribuit, sed propriam
adiicit, ut hîc non ῥαχίς tantum, sed τῆς
ῥαχίς. Secundo post fo. ibidem scribit,
οὐδεὶς δὲ αὐτὴν ἀντάθεται τῇ ῥαχί τῆς ὁμο-
πλάτης μικρὸν ὥστε χοιρῶδες ῥαχίς. etiã
omoplatæ aliquoties vocat Galenus,
commentar. 1 in libr. περὶ ἀρθρῶν. Huc
accedit quod Oribasius hunc locum mu-
tuatus scribit, ἀπὸ τῆς βάσεως ἀρχο-
μένῃ τῆς ῥαχίς, Et c. ubi tamen malè τῆς
per omnia legitur. Omoplatæ duobus of-

2
Lib. v. fus
partiu 13.

sibus inarticulatur, summa quidem sua
spina seu acromio clavi, cauitate autem
sue cervicis (de qua mox) ipsi brachio.

Ἀκρώμμιον autē, id est summus humerus,
varie diffinitur etiam Galeno: nam spi-

Comm. 1.
περὶ ἀρθρῶν.
Ibidem.

na in dorso omoplatae (quae ipsam omnium
 maxime facit inaequalē & gibbam) elata
 progressa, dilatata fit acromiō. Omoplate
 acronion vocatur, quae ipsa clauī cōmit-
 titur. ἀκρωμίων os est cartilagineū, clauem
 cum omoplata connectens, ligamentis
 membranosis à seipso exortis. Alia enim
 hac in parte hominis, ac aliorum anima-
 lium conformatio est, quo in loco eorum
 quos hīc citat, sententiam sequitur: hoc
 est, Hippocratis libr. πειρὶ ἀρ. ὀστέων. In
 commissura enim omoplatae cum clauī,
 saepe accumbit, saepius media intercedit
 cartilago, uti in ea quae clauī est cum
 sterno iunctura; Et ea quae genae infe-
 riori cum osse temporali, & cruris cum
 tibia. Hanc porro cartilaginem osseam,
 & os ob duritiem appellat: quamquam
 ob tenuitatem sit multum flexilis. Hanc
 praeterea homini propriam facit Hippo-
 crates. Apophyses omoplatae tres, una est
 3 spina desinens in acromion: altera est

Ibidem.

omoplate productio in cervicem admodum breuem, cui parum cavatè inseritur brachium. Cervix autem cum propriè os sit paulò angustius ante capita, hîc tamen etiam cervicem vocavit, quæ velut execto capite in cavitatem abiit, quam cotylem quamdam vocavit. Nam cotyle prius definita est profunda cavitas, uti humilis & superficialia glene qualis in hac cernice, ob id quædam adiunxit cotylen, id est, o lenen: nisi quod cartilagine labra eius cavitatis coronante, sed lubricata, interdum augetur hæc cavitas: uti in tibia ac genæ cavitatibus. Tertia apophysis interiori in parte reuera κορυμνός est, seu cornicis & corui rostro similis: unde & κορυμνοειδής vocatur & à cavitare & mucrone anchoræ, ἀγκυροειδής, & σιγμοειδής, quòd sigma littera Græcam curva figura representet. Quòd autem acromion κορυμνοειδής quoque dicitur in libr. de usu partium, partem hanc

4
Comment.
1. in libr.
αὐτὴ ἡ στήλη.

existimo luxatam & lineę sequenti red-
dendam, tametsi nihil prohibeat etiam
acromion ἀγκυροειδὲς vocari: nam suo
extremo acuminato, sed curuo & lato,
dentem illum anchorę tenacem non pa-
rum exprimit. Quomodo στυμοειδὲς, vel
στυμοειδὲς dicitur tum ꝑ̄ apophysis,
tum cartilago propè omnis asperę arte-
ris, tum epiphysis membranarum trium
in ore venę arteriosę, & totidem arteris
magne, tum penis hominis, & alia item
multa.

RIOLANVS.

Galenus omioplata[m] ab ossibus thoracis se-
iunxit. Nam præcedenti capite dum ea reci-
taret prætermisit omioplata[m], quod ad constitu-
tionem & perfectionem thoracis nil quidquam
conferat, costis innatans, & à nullo osse depen-
dens, sed musculis dumtaxat veluti vinculis astri-
cta suspendatur, quod genus syntheseos synde-
sis dicitur. In hoc capite vnica difficultas occurrit
de acromij significatione. An scapulę cum iugulo
articulationem, vel vtriusque colligationem, vel
officulum ambobus interiectum denoter. Gale-

nus duplicem opinionem profert, nihilque discernit. Hippocrates libr. 1. de articulis, os esse distinctum pronunciauit, & in hac parte hominem à brutis discrepare. Galenus in comment. modo cartilagosum ligamentum, modo ossiculum esse scribit, quod ipsi luxatum fuit, dum iuuenis in palestra luctaretur, Ruffus Ephesius Acromium clauis & omoplatæ Syndesum esse credidit, quamuis Eudemus ossiculum perexiguum esse dixerit. Vesalius magna impudentia Galeno insultans, inconstantiam & ignorantiam in eo accusat, atque os istud confinxisse affirmat, quod illi quatumuis diligenter secanti nunquam apparuit: Propterea credet Acromion esse commissuram omoplatæ cum clauæ, siue cartilaginem vtrique ossi interiectam, donec in homine tertium id os cartilagosum illi occurrat. Liceat mihi nunc exclamare & obijcere, ô cæcas hominum mentes, ô pectora cæca, qualibus in tenebris nunc viuitur. Possem si superstes esset, aut reuiuisceret Vesalius, illi demonstrare Acromion esse ossiculum omoplatæ spinæ adnatum, quod vnguis pollicaris latitudinē & longitudinē adæquat. Fateor in pueris cartilagosū esse, sed in adultis vsque ad vigesimū annum istud ossiculum seiunctum deprehendi, quo simiam priuatam esse verè prodidit Galenus, idque ex decreto Hippocratis libr. 1. de articulis part. 62. & si secus scripserit Vesalius. Propterea frustra laborat Comes Montanus lib. 5. de morbis vt ostendat Galenum non dissentire à Vesalio, mirorque Syluium in Vesalij

opinionem quodammodo inclinare. In de colligēs quadruplicem esse acromij significationem. Triplex fuit à veteribus producta, Prima vt sit articulatio scapulæ & clauiculæ. Secunda ligamentum cartilagineum duobus his ossibus interiectum. Tertia quod sit ossiculum distinctum. Nonnulli recentiores Anatomici extremitatem latam spinæ in Omoplatâ pro acromio accipiunt, quia est *ἀκροῦ ὄστυ*. Interea in textu Græco mendum est, dum post *ἀκροῦ ὄστυ* addit *ἀκροῦ ὄστυ*. Delenda hæc dictio *ἀκροῦ ὄστυ* nec legitur in Codice Oribasij, quamvis nonnulli nigrantur autoritate Galeni, qui lib. 3. administ. anarom. cap. 3. *ἀκροῦ ὄστυ* dixit, subintelligendo harmoniam. Propterea vbi legitur *ἀκροῦ ὄστυ* simpliciter, intelligi debere harmoniam siue *ἀκροῦ ὄστυ*, aut *ὄστυ*, aut *ὄστυ* notat Ingrassias. Vnde colligit Galenum per acromion semper intellexisse scapulæ & clauiculæ commissurâ. In hoc capite adhuc notandum cavitati glenoidi omoplatæ subiectam partem angustiorē, cervicem appellari, licet capere careat. Nam Cervix, vt in proemio notauit, est os paulò angustius ante caput, sed cavitates ad apophyses pertinent: nam ab eminentijs ossium fiunt, atque eiusmodi eminentiæ orbiculares, capitis formam æmulantur. Verè scripsit Fallopius coracoidem esse epiphysem, quæ in pueris euidentior est acromio, quod tum est cartilagineum, sed in adultis sensim progressu ætatis coracoides epiphysis degenerat in apophysim, crescente & amplificato acromio, quod vigesimo anno epiphyseos natu-

ram retinere vidi, cum tamen coracoides esset
vera apophysis.

DE CLAVI.

CAPVT XIII.

Clavis vtraque, summo sterni
diarthrosi articuletur, fistulosa est,
ac figura & crassitie inæquali. Nam
pars superior qua sterni articula-
tur, cæteris est crassior & rotundior:
Quæ huic succedit longè gracilior,
adhuc tamen rotunda: reliquum
est totum inæquabile, vsque ad syn-
taxim cum omoplata, vbi etiam
paulatim quodammodo dilatatur.
Totius autem clavis partes mediæ,
foris gibbæ sunt, præsertim quæ ad
omoplatam tendunt.

SYLVIVS.

Kλεις, & cum Hippocrate κλεις, id
est, clavis, quod clavis modo fir-

met cum sterno *Et* stabiliat omopla-
 tam, & per hanc brachium. Vnde et iam
 clauis in architectura nobis sæpè dicun-
 tur ligna, alijs firmitudinem præstan-
 tia. Pars superior clauis, summo sterno,
 seu sterni primo ossi incumbit. Quibus-
 2 dam tamen, quæ clauis pars reliqua a-
 cromio articulatur, est sublimior. Sed vi-
 de ne tibi imponat clauis situs, in sceletis
 sæpè vitiatus. Clauis est foris gibba, iam
 3 inde à sterno, vsque ad apophysim cora-
 coide, intus sima: à coracoide contra.
 Cuius figura S. Romanum imitantis,
 vsum hic audire, ne expecta, vt neque
 aliorum quæ ossibus insunt. Hæc enim li-
 bro de Vsu partium propria sunt.

RIOLANVS.

Clauem omoplatæ subiunxit Galenus, vt
 demonstraret illam à Thorace separatam
 esse, nec ad illius perfectionem quidquam con-
 ferre. Nam propter manus data fuit homini, vt
 repelleret omoplatam in posteriora, ne in pectus

incidens thoracem constringeret, manúsque actiones impediret, ideóque simia ridiculum hominis exemplar, quia manus habet, clauis obtinuit, quamuis vero acromio careat. Cauernosam esse clauiculam scribit Galenus, ex Hippocrate libr. 1. de fracturis, cui reclamatione Columbus solidam esse sustinens. Equidem fateor & agnosco, solidam esse in medio, sed in extremis fungosa est, ex duobus semicirculis veluti constructa, figuram litteræ *f* Italicæ refert. Nam prope sternum introrsum caua est, extrorsum conuexa, ut venis iugularibus neruisque sextæ coniugationis atque asperæ arteriæ locum præberet; versus scapulam introrsum conuexa extrorsum caua cernitur, ut axillaribus venis, arterijs, neruisque in brachium progressuris sedem accommodaret. Est autem clauicula ex duobus semicirculis constructa, ut esset firmior, minúsque fracturis obnoxia.

DE BRACHIO.

CAPVT XV.

Maximum est omnium os brachij, crure excepto & tibia. Idque utroque suo fine, superno scilicet ac inferno, diarthrosi articulatur. Pars eius ad omoplatam epiphysem ca-

pitis habet prægrandis, ceruici par-
 uæ adnatam. In huius capitis parte
 antica est cavitās ceu scissura quæ-
 dam lata, ipsum caput totū in duas
 portiones condylis similes, diuidēs.
 Finis autem inferior, in condylos
 definit inæquales, quorum externo
 radij caput diarthrosi articulatur:
 interno autem nullum os * toti cō-
 mittitur. Ob id etsi paulò is est ma-
 ior externo, longè tamen maior ap-
 paret. In hoc sine brachij inferno
 cavitās est, ei quæ trochleis inest si-
 milis, circa quam cubitus mouetur.
 Vbi autem cavitās hæc vtrimque
 definit, cavitās alia est, vtrimque v-
 na: quarum anterior, posteriore est
 minor. Hæ cavitates duæ, cubiti co-
 ronæ excipiunt, anterior scilicet
 anteriorem, cum cubitus omnino
 flectitur: posterior posteriorem,
 cū extēditur. Cæteræ brachij par-

*hæc est
 trochlea*

tes rotundæ, nec rectæ; tamen, nec omnino similes. Gibbæ enim sunt in anteriora & exteriora: in posteriora verò & interiora, simæ.

SYLVIVS.

Bραχιον pars media inter diarthron Gal. cōra. mei ἀρθρον. ses κατ' ἀσκήσια καὶ κατ' ὤμους. Id autē os etiam tibia maius habuerunt sceleti Galeno visi, vel hoc loco tibiam cum crure excepit, sed librariorum incuria pars hæc disparuit. Quanquam nec ab Oribasio in suis ex hoc lib. συγγραμμάτις, seu collectaneis adscribitur. Quid enim viro singulari, *Et Medico Et Philo-*sopho facilius fuit, quam brachij & tibie magnitudinem expendere, *Et* iudicare, utrum altero esset longius, latius, crassius? Scissura epiphyseos capitis brachij excipit ligamentum à cervice omoplate, tendens in musculum brachij bici-

pitern. Ea verò scissura longius excurrit à brachij capite, per eiusdem cervicem in brachij partem superiorem, & anteriorem. Cum verò scissura totum brachij caput diuidi scribit: ne puta scissuram extendi per totum caput, sed tantum per capitis principium, in quo rudimentum facit diuisionis totius capitis, in duos velut condylos, quales etiam sub ceruice apparent manifestiores. Magnum quoque est brachij caput infernum: late scit enim hac parte brachium, *ἔστι πλεῖστος λαμβάνει κεφαλὰς, ἀς ὀνομάζουσι κρηδύλας*, quorum minimus in medio est. Ex magnis verò duobus, qui internus, seu posterior, & idē maior cum nullo osse συναρρῆται: externus verò seu prior & minor, cum radio διαρρῆται. Inter hos condylos duos, cavitās trochleæ similis, medio paruo condylo leuata, per quam *ἔστι bathmidas* finis brachij inferior, rectē Hippocrati dicitur ginglymoides. Ex

πλεῖστος

Ibidem
initio.

quibus Hippocratis verbis, & naturæ historia, Galenus rectè scribit, interno condylo nullum os omnino seu toti commissum esse. Nam cubiti cauitas sigmoïdes hunc condylum non ambit totum, sed superiorem tantùm partem lambit. Has cauitates, tum trochleæ similes, tū bathmidas speciatim dictas Galeno, cū ea vox Hippocrati cauitatem omnem significet, fusiùs explicatas leges in libro de usu partium, & commentario primo πρὸς ἀνδρ. Adscribi possunt imo brachio apophyses duæ insignes, externa & interna neruorum descendentium tutela, & musculorum cubiti exortui potissimùm destinatae. Figura denique brachij, Hippocr. lib. de ossibus & πρὸς ἀνδρ. ut cruris, ad securitatem ante & foris est gibba: ad capacitatem verò, apprehensuram, intus & post sima: nisi fasciarum compressu per infantiam, aut errore alio, propter mollitiem sit vitata.

RIOLANVS.

TRiplex nodus in hoc capite euoluendus; qui locum daret Vesalio triumphandi de Galeno. Primus est, An humerus excepto femore, reliquis ossibus sit grádior. Secúndus si humeri condylus internus maior sit externo. Tertius an humeri figura foris sit gibba intus síma. Quod ad primum attinet, æquiores omnes Anatomici di-
 ctiones illas *καλὸν ἢ μικρὸν* redundare concedunt, quia non extant in Oribasij Osteologia, quæ tota ex hoc libro deprompta est, quod si deleueris istam particulam humeri os erit omnium prædictorum maximum. Adde quod nullibi à Galeno id repetitum fuit. Inepta est excusatio quam nonnulli proferunt, Galenū vetustā ossa humeri & tibiæ carie consumptis epiphysibus cōmensurasse, quæ longitudine æqualia sunt, vel dum hæc scriberet diuersorum cadauerum habuisse ossa, putà humerum grandioris hominis, & tibiā minoris hominis: quemadmodum in nostris cimeterijs disparata colliguntur. Validiores rationes adducit Eustachius ad deffensionem Galeni: Si manus & pedis analogia spectetur, humerum non modo tibiā, sed etiam ipso femore maiorem iudicabis: quo pertinet illud Hippocratis sect. 3. de fracturis part. 52. Ideo magnitudine tenuior est articulus femoris quam humeri. Præterea interdum ossa potiùs ab usu & officio, quàm à mole & pondere magna dicuntur. Proinde non erit ab-

furdum dicere humerum maiorem reliquis ossibus excepto femore; quoniam ad varias, magnasque actiones obeundas plurimum confert. Tradit Galenus finem inferiorem humeri in condylos desinere inæquales, quorum externo radij caput per diarthrosim articulatur, interno autem nullum os committitur. Ob id maior apparet tam naturali amplitudine, quam quod sit detectus. Imprimis notandum Galenum per condylos non intelligere eas partes quas vulgo vsurpamus, nempe apophyses illas à quibus omnes ferè musculi radij, carpi & digitorum emanant, harum interna & inferna apophysis latior est ac maior superna. Sed intelligit tuberosas extremitates trochleæ humeralis. Nam subdit condylis interiectam esse cavitatem, deinde radius tuberosam extremitatem huius trochleæ contegit, huic per arthrodiam articulatus. Horum condylorum internum maiorem esse scribit externo, quod est absolutè verum. Nam amplior est ac elatior, nec ab articulatione cubiti contegitur. Deinde si condylorum spatium & amplitudinem metiaris à media linea trochleæ, maius interuallum infra lineam quam supra comperies. Idem repetit Galenus libro 2. de vsu partium cap. 15. figuram humeri qualem scribit Galenus passim, in varijs sceleris obseruari. Sed conuexitas magis apparet ad inferiorem & interiorem humeri partem, quia ibi humerum incuruari oportuit, ad amplexus & apprehensionem, quemadmodum cubitus & radius paululum incuruantur, & reliqua manus os-

sa vt facilius apprehendat, quod est illius proprium officium. Nūquā etiam humerum vidi foris conuexum iuxta superius extremum: ita ut litteræ *f* italica figuram exprimeret. In pueris humeri sunt recti, sed vbi manus exercere incipiunt, paulatim incuruantur, vt sæpius deprehendi. Quare meritò Syluius suspicatur in nostris corporibus vitiatam esse figuram humeri fasciarum compressu per infantiam, dum nutrices & obstetrices brachia adhuc cerea arctioribus & durioribus fascijs angere & constringere solent; quod vitium factum fuit naturale, vt figura capitis acuminata in macrocephalis. Inscienter Columbus imponit Galeno, quod in parte inferiore humeri epiphyses non agnouerit, cum tamen Galenus libr. 2. de vsu partium cap. 15. vbi describit caput inferius humeri, apertè dicat epiphysin habere duplicem, à quibus oriuntur ligamenta quæ totam articulationem constringunt.

DE CVBITO.

CAPVT XVI.

Pars omnis inter brachium & carpum sita, & eiusdem partis os grandius, *πῦχος*, id est cubitus vocatur. Id alteri subest ossi, quod *κερκίδα*, id est, radium, appellant. Radij

huius finis superior leniter cauus, externum brachij condylum amplectitur, hácque diarthrosi manus tota, nunc in pronum, nunc in supinum adducitur. Cubitus verò duas apophyses habet acutas, coronas ob id dictas: quarum anterior est minor, altera maior, quibus cubiti cavitas *συνμειδής* comprehenditur, in quam brachij orbita trochleæ similis, inter duos eius condylos fixa, inseritur. Per eamque diarthrosim manus tota extenditur & flectitur. Cubiti verò finis vterque validis ligamentis radio colligatur, media amborum inter se omnino dehiscunt. Vtrumque autem os iuxta carpum, epiphysem foris gibbam, intus cauam habet: cubitus quidem minimo digito, radius autem maximo respondentem. In quam cauitatem carpus immititur, & diar-

throsi articulatur. Inest præterea cubito ex abundantia quâdam apophysis, dicta styloides, ipsa etiam carpo diarthrosi articulata: cuius est opus carpi in obliqua translatio, ut altera in rectum mouet, dum per eam manum extremam extendimus & flectimus.

SYLVIVS.

O Πῆχος, os maius & multò longius radio est, proindeque partem etiam significat totam inter brachium & carpum mediam. Dors in Sicilia utrumque κῶβρον vocant, authore Rufo.

Os eius alterum superius, sed minus & breuius, à figura rotarum paruarum radios imitante, κῶβρις & radius appellatur. πρῶνός, id est, pronum & ὑπῆριον, id est, supinum, habitus sunt nunc corporis totius: (prorum enim id

Commen-
tat. I. πῆ-
χυς.

dicitur, cum venter deorsum est, supinū
 cum sursum) nunc partis unius τῆς χε-
 ρος. Hæc enim prona statuitur, cum pal-
 ma subest: supina contrā. Sed cum hæc
 etiam cubitus habitum similem assequi-
 tur, & quadamtenus brachium. Ob id
 manum totam, nunc pronam, nunc supi-
 nam diarthrosi radij fieri scribit. Τὴν
 χεῖρα, nunc absolutè, nunc ἀκρὰν χεῖρα,
 ut in fine capitis huius, pro manu extre-
 ma quæ carpo, metacarpio, digitis con-
 stat, usurpant Medici: ut τὴν χεῖρα
 quoque & ὅλην τὴν χεῖρα, bis in medio
 huius capitis, totam manum brachio, cu-
 bito, & manu extrema constantem, ap-
 pellat. Quanquam inibi diarthrosis cu-
 biti cum brachio, cubitum per se & pro-
 priè flectit ac extendit solum: alia enim
 propria brachij carpi, digitorum flexio
 & extensio. Manus item extrema,
 cum cubiti parte inferna, nunc prona
 vnguibus supernis, nunc supina iisdem

Libro de
vfu partiũ.
6. 7. 13.

Galen. lib.
2. vſus par-
tium, &
comm. 4.
πικρὸν ἄρτον.

ſubiectis, collocatur diarthroſi radij cum
brachio, non etiam tota manus ipſa pro-
prie. Cavitās inter cubiti coronas cir-
cumſcripta ſigmoidis, vel ſigmatoidis,
ſeu cum Latinis C formis appellatur, uti
aſperæ arteriæ bronchia, & membrana
in ore arteriæ magnæ, & venæ arterioſæ
& coracoides. Epiphyſis inferna radij
precipue, cubiti minimum intus caua,
qua carpum excipit & fleſcit extendit-
que. Apophyſis cubiti, nunc, εὐλοιδὴς,
nunc εὐλοιδὴς, à ſtyli ſcilicet, vel colum-
næ figura Galeno dicta, motus carpi obli-
quos dirigit ac firmat, tum ligamenti,
tum etiam occuſu offis carpi ipſam par-
ua cavitāte excipientis. Alioqui lubrica
& errabunda, & parum firma fieret hæc
motio, ſi ſoli radij cavitati, quanquam
ſcaphoidi, committeretur. De his autem
motibus tum rectis duobus, tum obliquis
totidem, & alijs quatuor hos præceden-
tibus, non eſt quòd hîc audire expectes.

Satiùs fuerit adiungere cubitum & radium quàm distant membranoso ligamento coniuncta in exteriora & radium præterea sursum, cubitum deorsum abscedere ad apprehensionis capacitatem, & partium præcipuarum. Qua etiam ex causa carpus, metacarpium, digiti, intus caui sunt, foris gibbi: & ratione eadem tibia & perona abscedunt antè, & illa intrò, hæc foras: & pedium cum digitis infernè cauum, supernè gibbū est.

RIOLANVS.

IN Cubiti historia duo reprehendunt recentiores Anatomici, quod Galenus cubiti supernas apophyses coronas appellarit. Deinde quod apophysem styloidem dixerit carpo articulari, & motus obliquos dirigere. Primæ calumniæ author Columbus turpiter hallucinatur, dum cubiti apophyses triangulares obtuso potius quam acuto angulo tetminari affirmat, ac proinde perperâ à Galeno coronas appellari. Fateor apud Galenū apophyses acutas coronas dici, sed si diligenter inspexisset, apophyses illas in acumen desinere vidisset. Neque necessum est illud omne cui vox

ista accommodatur esse acutum. Nam à curuitate & à rotunditate quædam ossium partes coronæ appellantur. Maxillæ apophysis acuminata coronæ est, occipitis tubercula instar glandium depressa, cavitatibus primæ vertebræ articulata, coronæ dicuntur, vt à curuitate apophyses cubiti coronæ vocantur. Sunt autem apophyses illæ magnitudine inæquales. Posterior est maior, antica minor, quod à quibusdam imperitè & contra rei veritatem negatur. Altera calumnia quæ Vesalium auctorem habet, & Columbum fautorem, facile diluitur. Negant styloidem apophysim quidquam conferre ad motus obliquos manus, siue motus obliquus sumatur pro laterali vt in digitis, siue pro conuersione manus in pronum & supinum, vt semper Galenus eo sensu accepit, ita ut nunquā inconstans fuerit vt iniquè censuit Vesalius. Quinetiā addunt falso scripsisse Galenū sequenti capite primum carpi os sinuatum esse, vt styloidem apophysim exciperet, quia hæc apophysis lateralem morum qui fit inclinatione manus in vtrumque latus impediret: nec ipsam conuersionem manus in pronum & supinum regere potest, quia separatur à carpo interuentu cartilaginis. Adde quod os illud carpi caret cavitare ad excipiendam styloidem: inde concludit Vesalius, falsam esse Galeni doctrinam. Æquior fuit Ingrassias, quī styloidem apophysim fatetur auxiliari obliquis motibus, non per diarthrosim, sed potius per symphysim syneurodim, cum per ligamentum ipsi ossiculo connectatur: idem sentite

& scribere videtur Syluius in comment. Ego vero duplicem motum obscurum manus agnosco, Vnum quando manus pronatur & supinatur, Alterum quando manus pronata, siue quando palma superficiem tangens tursus versus pollicem resupinatur. Motus ille obliquus quodammodo circularis est, quamuis vterque motus fiat ope radij, plurimum tamen iuuat secundum motum obliquum siue circularem styloides apophysis, cui tota manus tum firmatur & innititur. Præterea in quibusdam sceletis obseruaui ossiculum tertium carpi leuiter exanatum, vt styloidem apophysim admitteret, sed hæc diarthrosis laxa est, & fortissimi ligamenti interuentu perficitur, quod innuisse & significasse Galenum euidenter apparet his verbis libr. 1. administ. anatom. cap. 10. Considerabis in hoc cubiti processum, quem recta ad paruum digitum porrectum graphoidem appellant; is docebit te, si totum articuli nodum in latera circumagas, quo modo obliquis motibus ministret, quos extremæ manus circumductum molimur. Quare Vesalius & Columbus immerito Galenum reprehendunt, quod tradiderit carpi portionem cubiti cavitæ glenoidæ excipi, quia totum carpum ad radium pertinere volunt, quod est falsum. Nam alibi Galenus capit. 11. lib. 2. de vsu partium agnoscit duplicem articulationem cubiti ad carpum, vnam ipsius cavitatis, alteram apophyseos styloidis, quod sequenti capite declarat.

DE CARPO.

CAPVT XVII.

- 1 Carpon ossa octo ordine digesta
constituunt, dura omnia & parua, &
sine medulla, & figuræ multiplicis.
Nam partim gibba, partim sima,
partim recta, partim rotunda cer-
nuntur. Omnia tamen ligamentis
nerueis, & cartilagine inter se per
synarthrosim constricta, non (vt
quidam putant) per symphysem
iuncta, externa superficie leuiter
2 gibba, interna caua. Pars carpi supe-
rior tribus constans ossibus, quo-
dammodo rotunda, cum cubito,
radio, styloide apophysi per diar-
throsim articulatur : præterquam
quod carpi os, minimum digitum
spectans, cauitate glenoide & breui
styloide cubiti apophysim ample-
ctitur. Inter hæc autem ossa mediū,

συνάρθρ-
σημύση.

ibi potissimum est situm, vbi cubitus & radius inter se copulantur. Tertium quod * duplicis naturæ est, à radio comprehenditur. Portio ³ *disposit.* carpi inferior, suis quatuor ossibus metacarpio per synarthrosim articulatur. Quintum vero os ei carpi parti insidet, quæ iuxta styloide apophysim maximè sita est.

SYLVIVS.

Figura singulorum capi ossium, multiplex ac varia. Partim namque gibba, partim sima ad totam ipsorum singulorum figuram referendum est, ut re-
cta & rotunda, uno scilicet latere, vel duobus, vel pluribus. Potest tamen ad commissuram eorum referri, in qua vnius gibbositas, alterius similitatem subit: quanquam in his ferè harmonia est. Nā paulo post scribit, de externa ossium

singulorum *Et* carpi totius gibbositate,
Et interna similitate, brachio, cubito, ra-
 dio, metacarpio, digitis figura communi,
 illa ad dyspathiam, hac ad capacitatem.

² Ordo prior ossium carpi, tribus con-
 stat ossibus parte superna nonnihil ro-
 tundatis, *Et* in condyli vnus longi for-
 mam coagmentatis, quæ radij præcipuè,
 sed etiam cubiti cavitates scaphoides, exci-
 pit ad manus extremæ flexionem *Et* ex-
 tensionem, *Et* motus eiusdem obliquos
 ab apophysi styloide iuuandos. Hac au-
 tem tria, radius, cubitus, *Et* ipsius apo-
 physis styloides, tribus primis carpi ossi-
 bus diarthrosi articulantur, non tamen
 secundum eandem carpi partem, sed
 diarthrosis radij *Et* cubiti est cum pri-
 ma *Et* plurima ipsius gibbositate: styloi-
 dis autem cum cavitare parua ossis illius,
 quod ex his tribus respondet minimo di-
 gito.

f Os prioris ordinis tertium, *Et* pollicis

respondens δ'iques, velut bifidum est insectumque: supra quidem à mucronato quodam labro radij, infra verò ab osse ordinis secundi medium digitum respiciente. Intrò præterea multum prominet cum osse ordinis secundi, pollicem respiciente, ut duo hæc ossa apophysi prælonga intrò nutent, quantum prope apophysis ossis paruum digitum respicientis, & ipsum os quintum, ad vinculi illius in carpo tam celebrati, constitutionē. Quintum vocat ordinis scilicet posterioris (est enim omnium octauum) posset etiam priori ordini accenseri cum inuehatur etiam osse, quod sua glenoide cavitare, styloide apophysim recipit, non solum quarto secundi ordinis ossi velut inclinatum incumbat. Quod quidem os quartum, uti & primum pollicis respondens, forma admodum multiplici constat. Ossa carpi τριβιλοειδεα vocat Rufus, quod pineæ coni τριβίλλας, & nucleos for-

ma oblonga inæquali imitentur.

RIOLANVS.

Carpus octo constat ossibus in duos ordines digestis ac distributis. Sunt autem inter se iuncta per synarthrosim, non ut quidam putant, per symphysim connata, atque ligamenti nervocartilagineis connectuntur. Hoc loco articulationis speciem designat. Synarthrosis est ratione motus obscuri, & sub finem capitis secundum ordinem carpi metacarpio iungi per synarthrosim scribit, propter motus obscuritatem; quemadmodum primus ordo cum cubito & radio articuletur per diarthrosim. Atqui ossium carpi inter se connexiones sunt partim arthrodia, partim enarthroses. Quare synarthrosis præter proprias tres differentias, alias adhuc sub se comprehendit ratione motus obscuri, non structuræ. Vel ossium carpi inter se synarthrosis harmonia erit ex Galeno libr. 2. de usu partim cap. 8. Columbus quoque animaduertit brachialis ossa inter se motu non carere, etiamsi nullos habeat musculos ad motum. Contra Fallopius primum ordinem cum secundo iungi asseuerat, laxo quodam articuli genere, in quo aliquis adest motus & satis manifestus, præcipuè ad posteriora, atque omnia ferme ossa inter se iuncta esse per diarthrosim, potius quam per synarthrosim. In ea opinione est Eustachius, qui pri-

nam aciem cum secunda per diarthrosim articu-
lari putat, eumque motum flexione & exten-
sione fieri, non minus quam prioris aciei euidentem
esse, & magnam partem ad eum obeundum con-
ferre. Obijciēt aliquis Galenum libr. 2. de vsu
partium cap. 8. ossa carpi per diarthrosim con-
iungi proposuisse, cum tamen hic contrarium
scribat. Responderem Galenum hoc libro ob-
scurum & latentem motum spectasse, alibi ad ne-
xum satis laxum respexisse. Galenum carpit Co-
lumbus quod ossa carpi solida & medullæ exper-
tia dixerit, imo cauernosa & medullosa sustiner.
Dicuntur à Galeno solida, quia pumicosa, cauer-
nulas non cauitates habent, abundant succo me-
dullari non medulla, quo sensu Galenus libr. 1.
de vsu partium, digitorum ossa cauitate & me-
dulla carere dixit, quod reprehendit Vesalius:
cū tamen Hippocrates propter duritiem & so-
liditatem ossa digitorum difficillimè frangi sta-
tuerit sect. 2. de fracturis, part. 9. Galenus hoc lib.
& alibi disertè octo tantum ossa carpi constituit
& enumerat, quæ in duos ordines disposita esse
scribit. Nec pudet recentiores Anatomicos ad-
huc accusare inconstantiam & dubietatem Gale-
ni, qui modo octo, modo nouem assignauerit.
Quod male collocauerit octauum siue quartum
os carpi, dum ordini secundo adscribit & attri-
buit. Quinetiam incertus est quodnam primum
vel secundum os appellari debeat, & quo nume-
ro illud os extra ordinem alijs insidens sit indige-
tandum. Quod ad primam objectionem attinet,

scio Galenum libr. 2. de vsu partium capit. 12. mentionem facere cuiusdam ossiculi sesamini positi ad primam aciem carpi iuxta magnum digitum: *nonum*, inquit aliquis poterit hoc carpi os numerare, sed non est numeratum ab Anatomicis. Nec ipse Galenus adstruit & adiungit, quia reperitur tantum in simijs, Fallopius istud os in homine nunquam deprehendere potuit, suspicaturque hunc locum corruptum esse: nec inferri potest ex hoc capite novem carpi ossa Galenum proposuisse, quando tertium primæ classis os *dixit* esse voluit. Nam ista vox non geminum sed bifidum significat, quale est os in medio angustum, in extremis tuberosum. De numero ossium cuiusque ordiais siue aciei controuertitur. Nam Galenus tria in primo ordine pōnit, quatuor in secundo, quibus adiungere videtur octauum. Sic Fallopius secundo ordini quinque tribuit ex mente Galeni, quantum in commentario sequentis capituli se retractet, & ad primum ordinem referat, quartumque nominet. Manifestè declarat Galenus, se id ossiculum ad os primi ordinis referre, portio carpi inferior suis quatuor ossibus metacarpio per synarthrosim articulatur, quintum verò os ei parti insidet, quæ iuxta styloidem apophysim maximè sita est, quare ossiculum illud erit quartum primi ordinis, non octauum secundi ordinis. Galenus quidem libr. 2. de vsu partium, cap. 12. hoc ossiculum octauum appellauit, sed ad nullum ordinem reuocauit: alijs superiectum esse scribit. Quapropter quælibet classis quatuor con-

Abbit ossibus, quamuis primæ classis tria tantum cubito & radio coniungantur, quartum illud extra ordinem primo superstat & incubat. Queritur adhuc vnde numerari debeant, vbi primum vel secundum assignare possis. Inutilis prorsus hæc quæstio, quam tamen mouit Fallopius, vt demonstraret Galeni contrarietatem, qui hoc capite incipit ab osse quod styloidem respicit, succedens os vocat secundum, tertium quod est *diquit* à radio comprehensum. Contra libr. 2. de vsu partium, primo loco ponit os quod subijcitur pollicis, vt tertium facit, quod styloidi subternitur. Vtrumque os tertium nominari potest, prout incœperis numerare vel describere ossa. Attamen Fallopius iudicat illud os quod Radio suppositum est, respicitque pollicem, quia maius & præstantius ratione pollicis, primum locum mereri. Falsissimum est quod Vesalius & Columbus Galeno imponunt, nempe prodidisse quartum carpi ossiculum excauatum esse vt styloidem exciperet. Galenus expressis verbis intelligit primum os primæ classis carpi, & ante me Fallopius hanc imposturam detexit in observationibus. Huic ossi quod dixit esse quartum, quidam Galeno adscribunt, quod ipse nūquam somniauit; in simijs quendam sinum adesse cui vlnæ processus styloides dictus aptatur. Verum in simijs non reperitur, neque Galenus vnquam id in dicto osse somniauit, verum tertio primi ordinis ossi assignauit, vti planè in simijs obseruatur. Ego verò non tantum in simijs, verum etiam

hominibus huius ossis cauitatem glenoidem obseruari, possumque in quibusdam sceletis demonstrare, quæ cauitas cartilaginei ligamenti interuentu in viuentibus augetur, & ab ea cauitate oritur ligamentum, quod styloidem apophysim huic ossi connectit & adstringit. Reptehendunt Galenum quod medium siue secundum os carpi cubito & radio interiectum esse dixerit, cum tamen totum excipiatur cauitate radij. Respondentem cubitum attingere extremitate sua.

DE METACARPIO & digitis.

CAPVT XVIII.

Inter carpon & digitos, metacarpion nominatur: idque carpo per synarthrosim: priori verò digitorum phalangi scytalidive (sic enim variè à nonnullis digitorum ossa nominantur) per diarthrosim alligatur. Pollicis autem solius prima phalanx, à lateribus ipsi carpo per diarthrosim annexa est. Quare singuli digiti ternis ossibus constant,

Ruso in o-
nomosis
partium
hominis.

priori semper phalange in cauitatem subeunte, sitam in principio sequentis phalangis. Iurèque dicendum est, pollicem ipsum ex triplici osse constructum esse, primamque eius phalangem cum metacarpio non numerandam, cum ipsa utrimque per diarthrosim connectatur, quæ diarthrosis primis digitorum, non metacarpij ossibus accidit. Quò fit, vt rectè dixerit quispiam, ex quatuor dumtaxat metacarpiū, ipsos autem digitos quinque, ex quindecim ossibus constitutos esse. Qui verò os pollicis tertium metacarpio adseribunt, metacarpium ex quinque, digitos verò ex quatuordecim ossibus constare affirmant.

Rufus in
onomasiis
partium
hominis.

SYLVIVS.

φάλαγξ cū sit militum agmen, hīc,
 & in lib. 1.2.3. Vsus partium, pro ossium

in digitis manuum & pedum ordine, velut in bellum constituto, vsurpatur: ita vt sint phalanges ossium tres in digitis huiusmodi, & præter has vna in metacarpio, & duæ in carpo constitui possunt. Hic tamen etiam pro osse unico pollicis vsurpat. Easdem scytalidas in manu & pede vocat Rufus, à σκυτάλη, id est, virgæ forma. Os pollicis carpo per diarthrosim articulatum est, tertium ab osse unguem sustinente, incipiendo. Primum idem potest numerari, si partes dicendas dictis proximas, licet primas dicere, vt semper hætenus obseruauit, vt spondylum decimum ab initio metaphreni vocauit. Rufus autem metacarpio dat ossa quinque, & pollicis tantum duo. Adde quod in textu μετακαρπίω malè προάρπω posuit. Carpo enim, non metacarpio per diarthrosim prima pollicis phalanx articulatur. & καρπὸς non metacarpio habet Oribasius.

RIOLANVS.

IN hoc capite duo notatione digna occurrunt: primum de numero ossium metacarpij, Alterum de articulatione digitorum. Prudenter & cum ratione Galenus ab ossibus metacarpij os primum pollicis seiunxit, quia cum carpo per diarthrosim articulatū, quæ non conuenitalijs ossibus metacarpij per synarthrosim cum carpo iunctis. Propterea pollex motū manifestum habet & *anulixip* nominatur: quam rationem deindustia Galenus adiunxit, ne quis cum Aristotele crederet ossibus quinque metacarpium constare: quod etiam Eudemus proposuerat ratus similem esse plantæ & metacarpij structuram, vtrumque ossibus quinque contextum esse, quod reprehendit Galenus libr. 3. de Vsu partium cap. 8. Mirorque nostros sagaces Anatomicos, Vesalium & Columbum in eundem errorem lapsos, primum os pollicis ad metacarpium referētes, quia, inquit Vesalius tota sua forma metacarpij ossibus respondet, & eadem articulationis specie committitur, teste Columbo. Addit Platerus palmam cum alijs constituere, nec phalangem digiti maioris vt in reliquis efformare. Ossa Metacarpij longitudine & crassitie sunt inæqualia, Galenus primum iadici digito præpositum longissimum & crassissimum esse prodidit, contrà Columbus tertium longissimum esse statuit, sed æqualia longitudine si commensurentur inuenies. Repre-

hendunt Vesalius & Columbus quod similem articulationis formam omnibus digitorum ossibus Galenus tribuat, quando scribit priorem semper phalangem in cavitatem subsequenter insinuari, cum tamen sit ginglymos non arthrodia. Sed hoc non ignorauit Galenus, nam libr. i. de Vsu partium, omnes digitorum articulos per mutuum ingressum fieri scripsit, quapropter existimarem hæc verba interpretanda esse de prima articulatione digitorum. At dices ossa metacarpij phalanges erunt, quidni? cum primum os pollicis quod modo metacarpio attributum modo separatum phalanx à Galeno dicatur. Vel referre poteris hæc verba (priori semper phalange in cavitatem sequentis subeunte) ad pollicem, de quo prius egerat, cuius prima phalanx cum secunda per arthrodiam iungitur, eademque phalanx carpo per ginglymum, idcirco ab alijs digitorum phalangibus differt, vt mox demonstrat.

DE OSSIBVS CVM OSSE sacro commissis.

CAPVT XIX.

Ossis lati apophysibus rectis ad eius latera sitis, ossa quædam duo coniuncta sunt, quibus totis nulum nomen inditum est. Nam par-

tes eorum superiores latæ, * ilium ^{ἰλίου}
 ossa vocantur: exteriores verò infe-
 rioresque * post ^{ἰσχίου} ἰσχίου, ischion ^{ἰσχίου}
 ossa. Quæ autem inde in anteriora
 protensæ partes tenues & perfora-
 tæ, atque inter se in extremo sym-
 physsi coniunctæ sunt, * pubis ossa. ^{ὑψι}
 Vtrique autem ischio cotyle est
 prægrandis, cum cruris capite, liga-
 mento validissimo copulata.

SYLVIVS.

A Pophyses has in lateribus ossis sa-
 cri sitas, sed imperfectas, appellat
 rectas, quod nec deorsum, ut quæ decima
 sunt superiores: nec sursum, ut quæ de-
 cima sunt inferiores, repunt. Hæ autem
 sunt duæ, frequenter tres transversæ,
 quas grandes patentésque exteriore in
 parte, glenoide cavitate excipere ossa
 ilium, prius dixit. Hæc ossa duo, ut omo-

Cap. 13

Plata ossibus actione & usu nonnihil re-
spondent, sic appellationum varietate,
quam in omoplata prius explicauimus,
nunc in his explicabimus. Ossis huius
(quod αἰώνιον recte Oribasius vocat)
partes hæ tres, certis limitibus sunt om-
nino circumscriptæ in ætate tenera, car-
tilagine enim copulantur omnia simul in
ipsa cotyle: tripertita primùm, deinde e-
tiam alibi extensa, & producta eadem
illa cartilagine, quæ tandem in os dege-
nerat, tuncque ægriùs secernuntur hæc
ossa tria, nisi putredo, coctio, vis, separet.
Tunc igitur crassa quadam Minerva,
secernuntur, quod exemplum hîc quoque
Galenus sequitur, & λαγόνιον ossa vo-
cat quæ sunt superna & ampla, & con-
tinent intus ventris imi partem pluri-
mam, tanguntque τῶς λαγόνιας seu ilia.
Os ischiij autem fuerit quantum ad co-
tylen undique pertinet. Os pubis partem
reliquam foramen ipsum ambientem,

continet. Tamen os totum sæpè os ilium
 vocamus, quod id inter cetera magnitu-
 dine *Et* crassitie præpolleat: ut scapu-
 lam totam vocamus omoplatam, quam-
 uis id nomen sit propriè partis in scapula
 latissima, ut priùs docuimus. Rufus quo-
 que id totū os ἰσχίον vocat, fortè à prin-
 cipe ischij actione. In ipso ilium osse an-
 teriore, apophysis est summa, Galeno *Et*
 Oribasio spina appellata, sub qua *Et* e-
 piphysis est alia breuior, *Et* præter has
 duæ ipsas coccygos Galenici apophyses
 transversas spectātes: in multis *Et* quin-
 ta, supra ossis ilium cum osse sacro com-
 missuram, apparet, in qua etiam epiphy-
 sis spectatur: uti *Et* sub magno illo fo-
 ramine inter os pubis *Et* ischion medio.
 In quo quidem ischio ampla est epiphy-
 sis, cotylen ipsam continens. Est etiam
 costa ossis ilium seu pars quædam emi-
 nentior *Et* curua, ubi id os est crassissi-
 mum, *μετὰ τὴν ἐπίβασιν*, id est, aduen-

tum, vel ingressum. Si cruris in cotylen
 ingressum significat, legendū erat, *κατὰ*
non μετὰ: quamquam *μετὰ* etiam legit
 Oribasius. Nam ischion non est post in-
 gressum cruris in cotylen, sed ad ipsum
 articulum. Ossa autem pubis nihil ha-
 bent eximium præter foramen illud am-
 plum, reuera etiam commune ossi ischij,
 & quod sibi mutuò sunt *συμφυόμενα*, id
 est, symphysi coniuncta, præcipuè in vi-
 ris. In mulieribus autem laxiùs cohæ-
 rent. Est tamen quando *συμφύω* iungo
 tantū significat, sine symphysi vera &
 unione, ut paulò post & antè alibi sæpè.
 De ligamento denique rotundo validis-
 simo à medi acotyle ischij & latere pro-
 pè toto, iam inde à foramine iam medium
 caput cruris in serto, & de alijs, dicemus
 libello nostro de ligamentis, & annotat.
 in libr. de *Vsu* part.

RIOLANVS.

Quidquid in hoc capite traditur, ab omnibus laudatur & recipitur; hoc solum miratur Fallopius, cur veteres huius ossis tres partes nominibus proprijs distinxerint. Gloriatum se primum hoc detexisse & significasse, quia in pueris tribus partibus constat. Id tamen tacite declaratur à Galeno, cum scribit os istud corporis latissimum non habere nomen proprium, quia non est vnum sed triplex, cuius pars latior intra ventrem recondita os ilium dicitur; pars inferior post ingressum femoris os ischium, pars anterior cui penis affixus est os pubis nominatur, paulò post grande illud acetabulum ischio tribuit, atque totum os ischium appellat. Ossi pubis grande foramen quod obturatores occludunt adscribit, & vnum alteri iunctum esse per symphysim notat, quæ non impedit ossium pubis disunctionem in partu, quam in multis mulieribus tam in enixu, quam post partum mortuis obseruari. Hæcque symphysis in viris atque mulieribus non est adeò stricta, atque voluit recentiores, vt dirimi nequeat, nisi vi adacto scalpello: nam qui commissuram exactè deprehendere potest, scalpello acutissimo cuius dorsum æquale sit aciei facillimè separabit, tam in viris quàm mulieribus, fundum cotyles exasperatum est & labrum cavitatis iuxta foramen Ouale ossis est abruptum, ac veluti intercisum, vt huic parti ligamentum robustissimum

mum adnasceretur. Nec per eam fissuram tendo-
musculi obturatoris cavitatē subit & ingreditur,
vt perperam opinatus est Carolus Stephanus.

DE CRVRE.

CAPVT XX.

Oscruis omnium animantis of-
fium est maximum. Id supra ischio,
infra tibiæ per diarthrosim articu-
latur. Superiore in parte epyphysin
habet capitis exacte rotundi, adna-
tam ceruici prælongæ ad interiora
inclinatæ: inferiore verò sensim la-
tescens, in duos condylos definit, a-
deò quidem magnos, vt capita pos-
sint appellari: quibus cum tibia an-
nectitur per ligamenta, non modò
membranosa, toti articulo circum-
data: sed alia quoque tria valida, &
rotunda, quorum vnum parti totius
articuli externæ, internæ alterum,
medio posticæ & internæ tertium
attēditur. Totius autem cruris for-

ma, parte antica & externa est gibba: postica externaque sima. Sub huius ceruice apophyses duæ sunt exiguæ (προχῆνιπας vocant) quarum externam eandemque longè maiorem, ὀλῶν, id est natem appellant.

SYLVIVS.

O Μῆρος, καὶ τὸ μῆρος cruris os secundū omnes simul dimensiones in quibus consistit magnitudo, est omnium hominis ossium maximum, hoc est, longissimum, latissimum, & simul crassissimum. Nam ossa cranij propè omnia, & omoplata, & os sacrum, & ilium, multò sunt latiora: mirum ni & os sacrum sit multis ossium cruris partibus crassius: longius verò in homine nullum est. Capita cruris tria, supernum unum, inferna duo, apophyses sunt, & ex toto epiphyses, uti & ambo trochanteres. Sed à

superni vertice ligamentum rotundum
 & robustum in cotyles basin, & latus
 internum firmiter inseritur. In scissuram
 verò inter capita inferna hiantem: anti-
 cam quidem molæ tuberculum, posticam
 verò ligamentum validissimum: vasa
 nervus, vena, arteria, cruris totius maxi-
 ma: medium denique ossis tibiæ cor non
 replet, sicque cruri tibiæ ginglymo com-
 mittitur. Priusquam autem os cruris in-
 fernum in capita hæc duo abeat, paula-
 tim latefcit & crassescit, ut basin ap-
 tam his capitibus præstare sufficiat. De
 ligamentis autem tribus horum capitum
 cum tibiæ, in libris de *Vsu partium*.
 Cruris ossis forma & brachij ossis ea-
 dem: antè enim & foris utrumque est
 gibbum: intus & post, cauum. Quæ ca-
 uitas utrobique est ad apprehensionem
 etiam cruri familiarem, ut equitantes,
 nautæ, funerepi, sutores, & alia plera-
 que ministeria comprobant. Gibbositæ-

³
 Hippocr.
 mei ἀγών.
 & lib. de
 ossib.

re autem cavitatem necessariò sequuta,
 ad dispathetian abusa est natura. Τρο-
 χαντήρες autem ἀπὸ τῆ τροχάζειν, quod
 est διατροχῆν, quòd cruris motus, & e-
 ius species cursus per musculos, his apo-
 physibus insertos perficitur. γλατὸν ve-
 rò, id est, natem, magnum trochantera,
 & externum etiam vocârunt, quòd ei
 nates ipsas musculi constituentes, preci-
 puè inserantur, ob amplam ipsius sedem,
 cavitatem & gibbo multum auctam.

RIOLANVS.

IN femoris historia diuersi Anatomici diuersa
 reprehendunt, quæ sigillatim annotabo, &
 expendam. Caput femotis est epiphysis, atque
 trochanteres sunt epiphyfes, & si dicantur apo-
 physes exiguæ, quod est verum in homine, quia
 simia maiores habet portione femoris. Eusta-
 chius hîc mendum subesse putat, & hunc locum
 restituit. Nam pro ἀποφύσεις δι' ἔχα δύο μικρὰς ὑποκάτω
 τῷ ἔσχητι, id est, apophyses habet duas paruas sub
 huius ceruice, legit, ἀποφύσεις δι' ἔχα δύο μικρὰν ὑποκάτω
 τῷ ἔσχητι, id est, apophyses habet duas parum in-
 fra huius ceruicem, quod verum est, & cùm ijs

quæ alibi ipse scribit consentit. Ingrassias quoque textum Galeni emendat cum agit de tertio ligamento, quod est in medio posterioris & inferioris regionis, legendum anterioris, & loco *vis* *100*, reponit *simplex*, idem Ingrassias contra Vesalium & Columbum assenerat articulationem femoris cum tibia non esse ginglymoidem, sed duplici articulatione dextrâ & sinistrâ per enarthrosim fieri: ideoque tibiam ad latera contorqueri posse immoto crure, quam actionem perficit Popliteus ex Galeno. Cavitas vero duobus condylis interiecta facta fuit, vtab ea ligamentum robustissimum enasceretur, quod tibie tuberculo alligatur, quinetiam cartilaginez duæ crassæ semilunares tibie cavitates implent & adæquant, itaut capita femoris per ginglymum articulari nequeant. Femoris figuram parte antica & externa gibbam esse scribit Galenus, posticâ internâque parte simam, quod non admittit Fallopius de internis externisque partibus, quoniam ante femur gibbum est retro simum, non autem externè gibbum internè simum, sed possum femora ostendere simili figura prædita & conformata, qualem descripsit Galenus.

DE TIBIA.

CAPVT XXI.

Tota femoris pars, quæ inter astragalum genûque posita est, eius-

dem etiam partis os grandius *κνήμη*,
 id est, tibia appellatur. Hæc interio-
 ri in parte sita est, eique soli crus ip-
 sum diarthrosi articulatur. Os au-
 tem exterius locatum *περόνη* nomi-
 natum, à tibia crassitudine multum
 superatur. Nec adeo protenditur
 ut genu ipsum contingat, tamen ti-
 biæ ipsi, utroque suo fine, per synar-
 throsim alligatur: in medio autem
 ambo à se inuicem penitus absce-
 dunt. Tibia vero qua sui parte cru-
 ri copulatur, magnam habet epi-
 physim, & in ea cauitates duas, capi-
 ta cruris recipientes. Inter quas e-
 minétia quædam *νευροχονδρώδης* pro-
 ducta, in medium cruris condylo-
 rum, tamquam in scissuram quan-
 dam profundam, inseritur. Quan-
 tum vero excarne & tenue in anti-
 ca est tibia, *ἀρτικνήμιον* appellatur.
 Fines autem tibiæ & peronæ infer-

2

3

Rufus in
onomastic.

ni, quia vtrunque rursus ex carnes
sunt ac gibbi, extra alia prominent
σφύρα, id est, malleoli vocantur.
Hos ipsos multi ἀστράλας nomi-
nant, errore magno. Sub his enim
ἀστράλας vtrunque comprehendi-
tur, & sic vnde quaque contegitur, vt
ne ipsum quidem tāgere possis. Ipsi
vero malleoli sunt tibiæ & peronæ
apophyseon fines: foris quidem (vti
pater) gibbi, intus autem caui.

S Y L V I V S.

TΟ σκέλος femur ipsum totum, crus
scilicet, tibiā ac pedem comple-
xum est. Eius pars media ossibus geminis,
musculis, nervis, venis, arterijs, cute com-
posita, κνήμη, id est, tibia nominatur. Cu-
ius os grandius tibia quoque dicitur: mi-
nus verò περόνη appellatur. Hæc propè
omnia cū Hippocrates lib. περὶ αἵματος,

tum Galenus suis in eum librum commē-
tarijs eadē habet. Perone additur suprā
multò minor, infra paulò tenuior quàm
tibia. Perone itē suprā breuior paulò, in-
frā longior multò quàm tibia. Ambo su-
prā & infrā epiphysim habent. Inferior
utraque malleolū facit, perones epiphy-
sis externū, tibia internum. Has epiphy-
ses quidā male vocârunt astragalos, cum
sub his sit astragalus, tactui & visui ob-
ligamenta & tendones non apparens.
Hæc ossa sursum & deorsum inuicem
colligantur, in medio latè dehiscunt,
membranoso tamen ligamento connexa,
uti in cubito & radio dictum est. Supe-
rior tibiæ epiphysis cauitate gemina, sed
supina, quam gemina cartilago inter-
natans auget, cruris condylos duos exci-
pit. Præterea apophysim ex medio sui, in
mediam inter condylos cruris scissuram,
cum ligamentis validis immitit: de qui-
bus & alijs tum huius partis, tum alia-

8

Lib. v. vsus
partium.

rum libro, de ligamentis abundè scribe-
mus. Tibiæ os, uti & perona, propemo-
dum ubique est triangulum, uti etiam
Rufus admonuit. Anticus autem tibiæ
angulus, multum quidem acutus, à qui-
busdam spina, ab alijs $\kappa\rho\epsilon\alpha$, sæpiùs $\alpha\rho\tau\iota\kappa\epsilon\iota\mu\epsilon\upsilon$
vocalur, quod pars ea sit contraria
parti tibiæ insigniori, quã $\epsilon\alpha\varsigma\ \rho\omicron\omicron\epsilon\mu\pi\lambda\alpha\varsigma$
Galenus appellat, nostri suram.

RIOLANVS.

Nihil controuersum occurrit in hoc capite,
sed diligenter expende articulationem fe-
moris cum tibiâ; quam puto Galenum rectè de-
scripsisse; nec esse ginglymoidem, ut censet
Vesalius, idem repetit libr. 3. de vsu partium cap.
15. Cognosces ex Galeno cur duobus ossibus
crassitie & longitudine inæqualibus Tibia con-
structa sit; Cur parte anteriore sit acuta, quæ a-
cuties $\alpha\delta\epsilon\upsilon\tau\alpha$ dicitur. At verò $\alpha\delta\epsilon\upsilon\tau\alpha$ significat
latus internum tibiæ ex carne, prudenter Gale-
nus veterum anatomicorum errorem detegit,
qui malleolos vocabant astragalos, foris gibbi
sunt, intus autem caui, vel potius plani. Conside-
rabis autem an eminentia $\nu\omicron\gamma\epsilon\alpha\delta\epsilon\upsilon\tau\alpha$ sit liga-
mentum, vel potius tuberculum quod ingreditur

cauitatem duobus condylis femoris interiectam.
Pars illa *διαφύου* dicitur ab Hippocrate & Galeno.

DE MOLA.

CAPVT XXII.

Quà crus tibiæ per diarthrosim committitur, os extrinsecus cartilaginofum, rotundúmque incubat. Id os tum partem subiectorum offium gibbá, & velut condylofam, aptis cauitatibus complectitur, tum mediam cruris & tibiæ capacitatem, breui quadam eminētia comprehendit. Idem os quidam *ἐπιγονάτιδα*, alij *μύλη* appellant.

SYLVIVS.

Μύλη seu mola ob figuræ similitudinem: latiuscula enim est ac rotunda, ob id quibusdam *ἔ* patella *ἔ* rotula quoque dicitur. Epigonatis autem à situ, quod *ἐπὶ τῷ γονατί*, hoc est genu toti superposita sit. Ipsa autem intus laevis, lu-

Galenus
 πρὸς ἀνθρώπου.

*brica cartilagine incrustata, utrimque
 quā cruris condylos excipit leniter ca-
 na, sed exterius magis, ut externum cru-
 ris condylum ampliorem excipiat: Et
 eadem mediam inter condylos cruris ca-
 uitatem, sua laui & media eminentia
 subit. Antica autem parte sua, Et late-
 ribus aspera est mola, ut tendonibus ti-
 biam extendentibus, & hanc cruri acti-
 biae alligantibus sit aptior, propter quos
 tendones etiam inibi cartilaginosa vide-
 ri cum Galeno possit, præcipuè in iunio-
 ribus. Grandioribus verò abrais cultel-
 lo aut coctione seiunctis tendonibus, fo-
 ris ossea est. Οὗτω verò ὑποκειμένη sci-
 licet cruris & tibiae ratio ex situ cuban-
 tis in spinam accipienda est. Recto enim
 corpore, ipsi mola subiacent os tibiae &
 peronae, nec tamen perpendiculo ipsa aut
 mola ossi cruris Et tibiae ὑποκείται seu
 preposita est. Eadē mola est passim forata
 ad nutritionē & tendonum insertionem.*

Hoc loco
 & lib. 3. v-
 sus partiū.

RIOLANVS.

IN hoc osse duo reprehendunt Anatomici Vesalius & Columbus, quod Galenus extrinsecus cartilaginofum esse dixerit, & figura rotundum. Id Galenus veterum Anatomicorum & potissimum Marini auctoritate fretus, atque oculata fide confirmatus affirmavit. Verum hæc dictio *extrinsecus* tribus modis intelligi potest, vel enim distinguere debet virgula à sequentibus verbis, ut referatur ad verbum *extrinsecus* vel extrinsecus mola cartilaginosa dicetur, ratione tendinum musculorum tibiæ quibus alligatur. Nam elixatione emoliti tendones cartilaginosi fiunt, vel patella seiuncta & seorsim considerata, dici potest extrinsecus cartilaginosa, intus ossea, vel erit extrinsecus cartilaginosa in pueris, qua ætate tota est cartilaginosa. Patellæ figura non est exactè rotunda, sed ad eam figuram propius accedit quam ad aliã; ut caput spheræ comparatur, nec tamen exactè sphericum est. Verisimile est Galenum voluisse molam nullis ligamentis contineri, quia nulla expressit & designavit; nec Vesalius hoc suum inuentum iactare debet, quod immeritò Columbus tepehendit. Sed iustius in Vesalium animaduertisset si vsum & necessitatem patellæ demonstrasset, quam instar sesamoidis ossis illic appositam fuisse putat, eaque detracta aut supetnè reuulla, progrediendi facultatem nequaquam imminui, Inepre Vesalius vsum patellæ sesamoideis comparat,

quía sesamoidea sunt ossibus inserta & inculcata;
 Patella genu opposita est, & extrinsecus incubat
 auctore Galeno, Fallopius existimat Patellam in-
 star ligamenti, genu id est anteriorem femoris &
 tibiæ partem continere, cum ea pars ligamenti
 destituatur.

DE PEDIS OSSIBVS.

CAPVT XXIII.

- ¹ Astragalus ab imistibiæ & pero-
² næ apophysibus paulo ante dictis,
 comprehenditur. Eius pars quam
τέτρωπον vocât sursum vergit. Ex reli-
 quis eius partibus posteriores læui-
 gatę omnes, modicęque orbiculatę
 sunt, & ad superiora potiùs spectât:
 anteriores rotundo quidem capite
 oblongæ ceruici adnato, cum eo os-
 se articulantur, quod à scaphæ for-
 ma, *σκαφοειδές* nuncupatur. Ab v-
 troque autem latere dextro scilicet
 ac sinistro, in duas eminentias su-
 perciliosas desinens, per has, cauita-

tibus sub tibia peronáque genitis, excipitur. Ipsius quoque pars interna læuorem quendam habet. Huic subest os pedis maximum, quod *ἡτέριον*, seu calcem vocant, idque ipsum, & rotundas astragali partes recipit, & eminentias quasdam geminas, in aptas eiusdem cauitates inserit. Pars verò calcis, qua ingredimur, leniter rotunda & latiuscula est: posterior quoque rotunda est, eaque tibiæ rectitudinem admodum excedit. Ex partibus calcis anteriorib⁹, quæ quidem è regione magni digiti sita est, astragali capiti subiacet, neque cum altero osse copulatur. At eius extremitas quæ minimo digito respondet, cum eo osse quod à cubiti forma *κυβοειδὲς* nuncupatur, per synarthrosim coniungitur. Cyboides autem, iuxta partem scaphoidis exteriorem posi-

tum est. Sed scaphoides quà cum astragalo articulatur, cauum est: cyboides verò gibbum. Tria deinceps ossa paruula, inferiori scaphoidis parti, per synarthrosim copulantur, cum quibus etiam exteriori in parte cyboides pariter porrigitur. Post quatuor hæc ossa, prima pars pedis, quam *πῑρρον* vocant, finitur.

SYLVIVS.

HÆc ossium pedis historia, si cum ipsis ossibus conferatur, graphicè descripta tibi videbitur, ut nostra oratione præterea nihil opus sit: nisi fortasse admodum breui, & declarante, apophyses has tibiæ & peronæ accipi, quæ malleolos constituunt & simul epiphyses sunt tibiæ & peronæ. Astragali partem superiorem etiam Oribasius *τέτρων* vocat, & Rufus: in quo tamen malè τέ-

τῶν legitur. Astragalus tamen propè
totus τέτραπος, seu quatrio dici potest, à
quatuor ipsius lateribus, dextro, sinistro,
antico, postico. Pars enim eius superior
in medio caua, utrimque superciliosa,
trochleæ sub similis rotundatur magis:
inferior autem inæqualis multum est: ter
namque gibbosa, bis cauata est. Vtraque
autem cartilagine incrustatur. Pars eius
posterior apophysin etiam longam calci
incumbentem sæpe exigit. Ea autem pars
tam est acclinis, ut superiora potius quàm
posteriora spectare videatur. Vt autem
eminentiæ superiores astragali parue
sunt & subrotundæ, sic & canitates in
osse tibiæ infimo, duæ sunt superficiariæ,
quarum externam perone parum adiu-
uat. Quæ ad os calcis pertinent, omnia
sunt manifesta. Os enim ipsum super-
stanti astragalo & cyboidi per gingly-
mon coniungitur. Quæ verò in sceletis
vacuitas apparet, inter calcem & astrag-

galum quàm scaphoidi & cyboidi propinquat, in viuis ligamenta habet horum ossium plurima & firmissima. Scaphoides autem cavitatem habet oblongam, scaphæ similem, qua simile caput astragali excipit. Sua autem parte opposita tres habet superficies, cubicas quibusdam dictas, planis proximas: sunt tamen nonnihil gibbæ, quibus trium tarsi ossium innominatorum facies, similiter læues, & minimum cauas excipit. Quorum medium reuera cubo, seu corpori cubico, & latera sex plana omnino equalia sortito est propius, quam quod *κρυσσοειδὲς* anatomici omnes vocârunt, calcem ultimum excipiens. Id enim lateribus omnibus est admodum inæqualibus, & ferè asperis, ut vix quicquam aliud quod latera sex habeat cum cubo communia, quorum etiam internum videtur geminum. Quia tamen id nomen veteribus placuisse video, mutandum non cen-

sui. Hac tarsi ossa & quæ mox dicuntur, intus caua ad apprehensionis & ambulationis firmitatem, foris gibba ad distatuean. Cùm in tarsum venas, artérias, nervos distribuit Galenus in administrationibus anatomicis, pedem totum superiorem accipere videtur. Astragalus infernè calci articulatur, antè scaphoidi : cuius parti oppositæ tria tarsi ossa coniuncta sunt, quartum calcaneo. Lib. 3. v. suæ partium.
 Hæc Galeni verba, & quæ paulo antè scripsit, planè ostendunt pedis totius ossa tantum esse viginti sex, astragalum, calcem, scaphoides, cyboides, & reliqua tria tarsi ossa innominata, & præter hæc pedij quinque, digitorū quatuordecim. Quod autem Galenus comment. 2. in lib. Hippocratis de fracturis, ea numerauerit viginti septem, & locis duobus inter tibiæ & pedion ossa octo statuerit: studio magis representandi in pede numeri ossium manus fecisse videtur, ut analo-

giam τῆς χεῖρος ὅλης πρὸς τὰ τῶ σκελῆς
 reciperet, dictam Hippocrati libro περὶ
 ἀγῶνῶν: (scilicet ut quomodo pars reliqua fe-
 moris totius partem reliquam manus to-
 tius ossium numero æquabat: sic pes ipse
 manum extremam quæ duo multis &
 minutis ossibus constant Hippocrati: un-
 de factum est, ut ossa tarsi quatuor sca-
 phoidi & cyboidi coniunxerit. Neque
 mēdam in numeris per litteras expressis
 causari possumus, cū ossa ὀκτώ inter
 tibiam & pedion uno loco statuat: &
 secundo post folio, præter scaphoides, &
 cyboides ossa tarsi τέτταρα scribat. hīc
 quoque Rufus in onomasijs partiu n ho-
 minis, tarsum inter tibiam & pedion
 partem vocat, & ossa οὐτὸ ὀτράκωδια
 tribuit, sed non nominat.

RIOLANVS.

IN hoc capite multa dubia occurrunt quæ fi-
 gillatim enucleanda sunt. Imprimis astraga-

lum scaphoidi dearticulati scripsit, cum tamen motus ille sit obscurus, & libr. 3. de vsu partium cap. 8. motum lateralem pedis ab ea articulatione fieri prodidit, quod si verum est, oportet eam articulationem esse diarthrosim, tam ratione structuræ quam ratione motus. Ingrassias motum lateralem ab omnibus ossibus tarsi edi & iuari putat; cum non parum ad eundem modum faciat articulus cum calce posteriori, similiterque alius quo scaphoides cum tribus tarsi ossibus, atque etiam alius quo calcaneum cum osse cyboide coarticulantur. Deinde astragali partem interiorē laevigatam esse tradit Galenus: contra Ingrassias docet totum os exterius magis quam interius laeve lubricumque, cartilagine incrustari, ac proinde legit *τελευταῖον λαγύρον*. Astragali partem superiorem *εὐρυπύρον* nominari notat, ob quatuor facies quadratas, quæ figura in capreolis & hœdis observatur, non autem in homine ut animaduertit Fallopius. Scribit Galenus cyboides os gibbum esse, inde Vesalius Galenum arguit quod crediderit calcem suscipere os cyboides, cum potius calx à cyboide suscipiatur: sed non ea fuit Galeni mens. Nam antea dixerat calcis extremitatem minimo digito respondentem osse cyboidi coarticulari, non dixit os cyboides calci coarticulari. Ossa tarsi & pedis dura & solida esse scripsit Galenus commentatio ad part. 8. libr. 2. de fracturis. Quinetiam libr. 3. de vsu partium cap. 8. calcis substantiam summè duram dicit: Reprehenditur à recentioribus anatomicis quod pedis ossa sint spō-

giola & medullosa, similémque substantiam calx fortita sit, cum & ligamenta & musculi ab eo osse enascantur, eique adhæreant. Ex vltimis capitis verbis tria ossa paruula inferiori scaphoidis parti per Synarthrosim copulantur, & post quatuor hæc ossa, prima pars pedis quam tarsum vocant finitur. Multi arbitrantur Galenum accepisse Tarsum pro quatuor illis postremis ossibus, & tria illa grandiora putà astragalum, calcem, scaphoides à tarso distinguere: quod fecit libr. 3. de vsu partium cap. 6. Sed Galenus hoc capite nihil simile designauit, aut expressit: forsà quod tria ossa maiora non sunt seriatim disposita triremum modo, quod tarsi nomen significat, idcirco à tarso separauit.

DE PEDIO.

CAPVT XXIIII.

Pedion inde inchoatur, ex quinque ossibus constructum. Postea deinceps pedis digiti sunt siti, ad eorum qui in manu sunt similitudinem, ternis phalangibus constituti omnes, excepto pollice. Solus enim hic inter ipsos ex duobus constat ossibus. Horum articulationes mē-

branofis, quæ verò in astragalo & calce habentur, validioribus ligamentis, quorum quædā *νευροχοιδρωδεα* sunt, constringuntur. Sed hæc opinor tyronibus, primâque de ossibus rudimenta addiscentibus sine fatis. Quorum utique contextus compactiôque *σκέλετος* dicitur. Si quod autem ossiculum alicubi, ut pote, in corde, in naso, in laringe, itemque in aliquo ex digitis (ut quæ sesamoidea vocantur) aliudque eius generis deprehenditur, non est necessarium hoc opere pertractare.

SYLVIVS.

Πέδιον, ut pes à pedo, id est, solo dictum, planities est terra, *Et* ab ea dicitur *peâis* pars hæc plana, plantæ pedis portionem bonam constituens, ossibus quinque, metacarpio respondentibus, constans. Sed in pedio quinque hæc sy-

Arist. cap. 13. lib. 4 de part. animal. lib. 3. usus partium.

narthrosi digitis quinque pedis articulantur: in metacarpio quatuor tantū digitis, quatuor similiter articulatur. Primum autem pollicis os, in manu cum carpo diarthrosi copulatur. Ex quinque pedis ossibus intimum & extimum apophysin illā intus, hanc foris præferunt, tendonibus excipiendis formatam, & pedi firmando: in quem usum pollicis prælocato pedis osse alia duæ ossis apophyses, aut verius ossicula duo (nam sæpe separabilia sunt, non semper connata) substernuntur. Omittit consultò quadam ossicula in sceletō non apparentia, vnum in corde, cui magnis animalibus, arteria magna, firmam debet originem: in hominibus verò tantum substantia quædam est paulò durior, & subcartilaginosa. Ossicula in naso ethmoidea inuicem sic connexa, ut vnum dextræ nari, alterum sinistræ proprium inesse videatur. Ossis hyoëdis particule & velut articuli sep-

tem, nouem, plures, pauciores, de quibus ante diximus. In pollicibus & primis digitorum articulis, & in simiarum poplite, sesamoideaplura, pauciora, extensionem immodicam & quæ luxationem minaretur, prohibentia.

RIOLANVS.

IN hoc capite nulla cōtrouersia notatur. Confitentur enim omnes pedum ex quinque ossibus exstructum esse, digitos pedum tribus ossibus constare, excepto magno digito qui duobus tantum ossibus conflatur. Cuncta digitorum ossa eodem modo vt in manu articulata sunt. Prima phalanx cum ossibus pedis per arthrodiam articulata est. Reliquæ duæ phalanges inter se per ginglymum iunguntur. Sed in numero ossium assignando Galenum erroris insimulat Vesalius, quod libr. 2. de fracturis part. 8. constituat 27. eodem libr. part. 16. bis cyboides enumeret; itaut Tarsum ex ossibus octo componat. Mentem Galeni non assequitur Vesalius, aut saltem dissimulat contradicendi studio. Nam priore loco demonstrat inter Anatomicos dubium & incertum esse numerum ossium pedis, vt liceat viginti sex aut viginti septem constituere, quippe si malleolos pro vniço osse numeres & adijcias, erunt vi-

ginti septem : sin auferas remanebunt viginti sex. Binos autem malleolos pro vnico osse vsurpatos fuisse ipse Galenus docuit commentatio ad part. 5. libr. 2. de fracturis. Quocirca cum alieno loco Galenus ossa pedis exponat numerum certum nō definit, quem alibi libro de ossibus, & lib. 3. de vsu partium assignauit, dum agit ex professo de ossibus pedis. Adde quod possis viginti septem ossa in pede inuenire, si patellam addideris. Insigne mendacium est, vel potius impostura, quod Galenus bis cyboides reperat. Nam cyboides non nominat, & verisimile est mendum subesse in textu, cum lectorem remittat ad lib. de ossibus, in quo post quatuor illa maiora ossa, nempe Astragalum, Calcaneum, Scaphoides, Cyboides, subiungit tria ossa innominata. Notat Galenus præter ista ossa iam enumerata, alia reperiri ossicula quæ sciens & volens prætermisit, quoniam ad sceletum parandum non sunt necessaria, nec cum alijs commodè aprari & connecti queunt: quod videtur innuere dum scribit, *quæ consummata fuere ossa sufficere Tyronibus, ex his omnibus sceletum extrui & compingi.* Si quod autem aliud ossiculum alibi, ut pote in corde, in vasa, in larynge, item in aliquo ex digitis, qualia sunt Sesamoidea, aliudque eius generis deprehenditur non est necessum hic perconsere. Quasi diceret præter ossa commemorata ex quibus sceletos constituitur, extare alia quæ foris non apparent, sed intra aliorum cauitates continentur, vel cum alijs neque per articulum, neque per synaphysum iunguntur. Inde manifestè pater

Galeno innotuisse os cordis, os ethmoides, os hyoides, Sclamoidea, & per aliud eius generis suspicari licet esse ossicula auris, quæ Galenum subolfecisse aut saltem leuiter adumbrasse liquet lib. 5. de decretis Hippocratis & Platonis. *Sed tu scis iam ubique & manifesta cornu specie quandam esse tunicanam, & acini specie alteram, quinetiam & crystallinum, & humorem vitreum & alias huiusmodi oculorum particulas, quemadmodum & auris ossa.* Quod spectat ad præcedentia ossicula, Galenus eos reprehendit, qui ineptè quærunť ossiculum cordis, & curiosè inuestigant si quæ sint in cerebro ossicula lib. 4. administ. Anatom. cap. 1. In corde hominis etiam grandæui, rarò vel nusquam ossiculum obseruatur quale depictum est à Galeno, lib. 6. de vsu partium cap. 19. sed in Elephanto vidit Galenus, vt ipsemet testatur lib. 7. administrat. Anatom. cap. 10. & alij Anatomici in bobus vetustate decrepitis inuenerunt, digiti auricularis longitudine ad radicem aortæ transversim collocatum: quinetiam equorum cordi inesse notauit Ingrassias. Certissimum est in ceruorum corde os reperiri, quod perhibetur cardiacum, & à Medicis Arabibus commendatur. Fieri tamen potest vt radix aortæ cartilaginosa in senibus tandem ossea fiat. Os nasi non aliud esse potest quam ethmoides, quod ossa nasi appellat lib. 9. de vsu partium cap. 3. cuius in ossibus capitis nullam fecit mentionem, forsan quia cæteris mollius & alterius habitus, quam reliqua capitis ossa: est enim totum foraminulentum,

squāmo sum, ac spongiosū. Vel quod non extaret in cranijs effossis. Primū enim carie consumitur, vel quia foris nō eminet, sed intra nares cōtineatur. Explicat autē Galenus eminentia & apparētia ossa, non recōdita. Propterea Galenus septem ossa craniij continentia constituit, quod imitatus est Syluius, quibus etiam addi potest paruum cristæ gallinacæ æmulum foramina ethmoidea complexum. Nemo dubitare debet quin os Ethmoides Galeno cognitum fuerit, vt patet ex lib. 8. de vsu partium cap. 7. & libr. 9. eiusdem operis cap. 3. quibus in locis id os non pro vnico habet, sed plurimum loco, quæ semper numero plurali nominat & describit. Atque rectius hæc ossa spongioidea cum Hippocrate vocari, quam Ethmoidea cum vulgo Anatomicorum; non propter foramina quæ sunt obliqua vt in spongia, sed potius ratione substantiæ quæ spongiosa est. Propterea Galenus os Ethmoides ab ossibus capitis exclusit, vt nasi ossibus attribueret: sed illas partes laterales laminæ specie tenues, quæ latus internum orbitæ iuxta magnum canthum efformant cognouit. Nam capite de maxilla superiore officulum situ secundum intra orbitam quod nervos in maxillam distribuendos traducit, in pueris vsque ad septennium est os separatum, quod postea ossi maxillari vnitum illi attribuitur: sed in pueris cum sit futura secretum, existimatum fuit à Galeno esse partem Ethmoidis, quamuis nomen non expresserit, Id colligo ex his verbis Galeni, cū scribit, *Ex tribus ossibus orbitæ interdum deletis sunt*

etis, unum os constari. At si ossiculum istud per quod nervi transmittuntur portio esset maxillaris, Galeni sententia falsa esset. Quod si veram ethmoidis portionem pro secundo osse accipere volueris, dic cum Galeno lib. 8. de usu partium cap. 9. secundum siue medium, æstimari non tantum situ, verum etiam natura. Laryngis ossiculum non est ipse larynx, sed os hyoïdes supra laryngem, situm & innixum, quod in sceletio alijs ossibus non adnectitur. Os istud Galeno notum fuisse fatebitur, qui legerit librum de dissectione musculorum cap. 13. & librum 7. de usu partium cap. 19. eleganter à Sylvio supra descriptum est post ossa maxillæ infernæ, ut ad caput reduceretur. Addo de osse cordis quod supra prætermisi, videlicet hoc anno 1614. in publica Anatome ducentis spectantibus observavi atque demonstravi in principio venæ arteriosæ ossiculum annulare, cui tres valvulæ Sigmoides affixæ erant. Platerus in suis observationibus pag. 597. narrat se in adolescentis corde per medium dissecto, os tribus articulis constans, cavumque, & arenosa quadam materia impletum invenisse. quidni ergo in cordis basi illud ossiculum à Galeno commemoratum generabitur? cum in ipsis pulmonibus, alijsque corporis partibus ossicula gigni & con crescere, simulque cordis septum cartilagosum, Columbus observaverit. Valuerda eruditè explicat quid per cordis ossiculum accipi debeat. In cordis medio, inquit ille, ad elatiorem interstitij duorum ipsius ventriculorum sedem, venæ arterialis & magnæ

arteriarum radices perinde inuicem conterminantur, ac si duo CC scapulis suis committerentur; ac simul ambo corpus ad cartilaginis duritiem proximè accedens constituunt, cuius figura litteram X. similitudine refert. Hæc radices, siue ossa cum Galeno appelles, seu cartilagine, ut reuera sunt parum interest, modo ex commemoratis radicibus consurgere, quæ temporis progressu indurescant, minimè ignores. De osse cerebri quæstionem mouit Vesalius cap. 6. lib. 1. suæ Anatomies. Sed impudenter imposuit Galeno, quod istud ossiculum canibus familiare, in cerebro humano constituerit, longè alia fuit mens Galeni, ut videre est cap. 1. lib. 4. administrat. anatom. *Ignari*, ait, *turpiter querunt num cartilagineum quidpiam prope cerebri glandem, vel osseum inhaereat*, quo in loco eludit expungitque istud ossiculum humano cerebro falso attributum. Narrat Bauhinus lib. de parr. simil. Iulium Placentinum in arterijs carotidibus ossiculum nactum fuisse, in illis, inquit, statim atque caluariam sunt ingressæ, paruum quoddam os oblongum pertusum semel inuenit, cui ex utraque parte valvulae tres, quales vena cava obtinuit erant adnatæ. Botallus quatuor ossicula in cadauere reperit inter utramque cerebri partem, dextram videlicet & sinistram rectà sub sagittali commissura posita, & sub torculari ipsi septo adfixa adnatæque, ut videre licet sub fin. lib. de catharro. Anno 1610. dum caput mulieris in usum Anatomicum dissecæ expurgarem, ossiculum specie seminis citrulli nactus sum, in cauitate ma-

gni illius foraminis exterioris, quod subit penetrarique carotis. Notauit Vesalius ossiculum nonnunquam inter os metacarpi & carpi octauum insertum, iuxta minimum digitum reperiri, atque ossream partem in senibus tyboïdi ossi pedis appositam esse, quæ interdum separata est, sæpius tamen ossi cubiformi agglutinata, quinetiam ossiculum ad pedij cum minimo digito articulationem sæpius occurrere, quæ quidem ossicula sunt extra censum & numerum sesamoiden, vt & illa duo ossicula quæ magnitudine ciceris in poplite aliquando deprehenduntur, iuxta femoris os exterius, capitibus musculorum pedis nempe gemellorum innata, quod est ibi particulare, & notandum contra naturam aliorum sesamoiden, quæ tendonibus assident vel substernuntur: Hæc inuenisse gloriatur Vesalius, cum tamen rarò in hominibus, nisi decrepitis reperiantur, in simijs, canibus & leporibus frequentius occurrunt. Eustachius notat adeò rarò inueniri, vt non modo sæpius alterum, nunc internum, nunc externum deficiat, verum etiam vt plurimùm vtrūque ipsorū desit. Miraculum enim existimabo, si duo simul occurrant, & non mediocri diligentie adscribam, si post multorum cadauerum sectionem, alterum illorum quis inueniat.

De Sesamoides ossiculis.

NEc Vesalius sibi tribuat & atroget Sesamoiden ossiculorum inuentionem, Galēnes


horum mentionem fecit hoc libro, & alibi lib. 1. de vsu partium cap. 12. vbi securitatis gratia tanquam auctuarium, digitorum articulationibus apposita fuisse scribit, & circumiecta cavitatibus ossium, tãquam epiphytes adiectas, illas adaugere. Sunt autem Sesamoidea parua ossicula digitorum internodijs circumiecta & interposita, Sesami figuram referentia, eo fine condita ibique collocata, vt articulorum vacuitatem impleant, flexionem & extensionem regant, ne laxè moueantur digiti, & ne in angulum nimis acutum flectantur, auctore Vesalio: Quem vsum reprehendit Syluius, quoniam interna Sesamoidea in articulis digitorum manus ita collocantur, vt digitos flectentibus musculis sursum in ligamentum recurrant, nec amplius sint articulo opposita, ne flexionem extremam impediant; cum necessaria est: hunc etiam vsum præstant, referente Plateno, vt in extensione digitorum intra spatium articuli inserta, tendinem retineant, quem hic liberum non strictum esse oportuit, ne ab articulo extruberante in motu decidat. Sesamoideon ossiculorum numerus apud Anatomicos incertus est, alij decem in manu totidem in pede constituunt, alij duodecim, alij sexdecim. Syluius in manu vt in pede nouemdecim admittit, eaque interna facit, externa sunt incerto numero, singula sub tendonibus latent ligamentis implexa. Sed imprimis notanda sunt duo Sesamoidea, quæ secundo magni digiti pedis internodio subiecta sunt, quorum alterum Magiz sectatores *Albadarem* vocant, &

illud esse tradunt, quod ciceris magnitudini respondens, nullique corruptioni obnoxium, instat seminis in extremo die iudicii corpus regenerabit. Hoc ossiculum idem est cum eo quod sub nomine Luz describit Cornelius Agrippa lib. de occulta Philosophia cap. 20. his verbis. *Est in humano corpore os quoddam minimum, quod Hebræi Luz vocant, magnitudine ciceris mundati, quod nulli corruptioni obnoxium, ne igne quidem vincitur, sed semper conseruatur illæsum, ex quo veluti planta ex semine, in resurrectione mortuorum nostrum corpus animale repullulabit.*

De numero ossium totius corporis.

NVmerus ossium apud Anatomicos incertus est, Fallopius in suo commentario duplicem numerum proponit, vnum maiorem, alterum minorem. Maior constat ossibus 255. Minor vero ossibus 230. vt legitur apud eundem auctorem ult. cap. commentarij in hunc librum. Vesalius in sua Anatome subductis & enumeratis omnibus ossibus 307. constituit, quem leges & examinabis. Galenus vacillat in assignando ossium totius corporis numero. Nam libello de formatione fœtus cap. 6. ossa ducenta & amplius admittit, lib. 5. de placitis c. 8. plura esse quam tercentum testatur. Sed istos numeros perfunctorie & alieno loco designauit. Siquidẽ hoc libro plura non inuenies humani sceleti ossa, quàm 230. & si addideris dentes 32 habebis totius corporis ossa 262 vt e

enumeratione singulorum ossium comprobatur. Sunt enim capitis 7. ossa maxillæ supernæ 14. maxillæ infernæ 2. spinæ vertebrata ossa 24. ossis sacri 3. coccigis 3. costæ 24. sterni 7. omoplatæ 2. clauiculæ 2. brachia 2. cubiti 4. manus 54. ischij 2. femotis 2. tibiæ 4. patellæ 2. pedis 52. adde si lubet dentes 31. prætermitto ossicula postremo capite commemorata & neglecta, cuiusmodi sunt os ethmoides; os hyoides, ossicula auris, ossiculum cordis, & ossicula Sesamoidea, quia ad scelerum parandum non sunt necessaria, neque cum alijs aptari queunt. Propterea perperam Ingrassias dumtaxat 242. ossa declarati à Galeno arbitratur, quibus adiungit omissa ossicula 11. hyodis, ossiculum cordis, nasi 3. manuum & pedum à Sesamoidea 48. quæ simul iuncta efficiunt 62. & adiuncta 242. ossibus, erunt totius corporis ossa 305.



ASSERTIONES

ET CONCLUSIONES
Osteologiæ humanæ, ex libro
Galenî de Ossibus depromptæ,
quæ suprà in Commentarijs Ioan-
nis Riolani demonstratę fuerunt.
Aduersus Vesalium, Columbum,
& Fallopium.

*OS SA sunt principium totius
Anatomes, & Medicinæ.
Rectè definiuntur partes a-
nimantis durissimæ & siccissimæ.*

*Atque prudenter trifariâ diuiduntur,
in Magna, & Parua, Solida & Caua,
Medullosa, & Medullæ expertia.*

*Ossium partes duę sunt, Epiphysis, &
Apophysis,*

*Epiphysis ut esset operculum canî &
medullosi ossis adiuncta fuit.*

Sceleti diuifio etiamfi difertè non fuerit expreffa, colligitur tamen ex capitum difpofitione, & doctrinae ferie: in Caput, Spinam, Thoracem, & Artus.

Omnium offium syntaxis fit per articulum, & Symphyfim.

Articulus eft naturalis offium syntaxis.

Cuius fpecies duæ funt Diarthrosis cū motu manifefto, & Synarthrosis cum motu obfcuro, vel nullo.

Diarthroses tres funt differentie, Enarthrosis, Arthrodia, & Ginglymos, qui duplex eft ratione ftructuræ, ex duobus, vel tribus offibus.

Synarthroses tres funt differentie, Sutura (quæ fimplex eft & unica) Harmonia, & Gomphofis, inter Articulum & Symphyfim ambigua.

Symphyfis eft naturalis unio, fit abfque medio interiecto & fublinente duorum offium extrema, vel cum medio triplici, nempe carne, ligamento, & carti-

lagine, unde tres differentia symphyseos exurgunt Syneurosis, Synchondrosis, & Syssarcosis.

Figura capitis est Naturalis, vel contranaturam.

Naturalis similis est sphaerae oblonga, lateraliter ad tempora compressa, duabus eminentijs siue proiecturis extumescenti.

Figura non naturalis quadruplex existit. Huius figurae tres differentiae dari possunt, quarta impossibilis est superstitie animali.

Fieri potest ut pro varietate capitis, numerus, & sedes suturarum immutentur; nec absurdum in rotundo capite remanere duas suturas in modum crucis decussatim intersectas.

Suturae sunt Propriae & Communes.

Propriae sunt Verae, & Mendosae.

Verae tres existunt, Coronalis, Sagittalis (quae postrema aboletur) & Lamb-

doides cum suis additamentis.

Mendosa duæ sunt, Temporales dictæ.

Communes duæ reperiuntur. Prima est Sphanoidea, quæ parte inferiore versus occiput quodammodo propria videtur. Altera frontalis.

Sutura autem omnes capitis non sunt semper serratiles, sed interdum harmoniam referunt.

Capitis ossa sunt Propria, & Communia.

Propria sex numerantur. Os Frontale, Ossa duo Bregmatis, unum Occipitis, & duo Temporalia.

Commune os unicum est Sphanoides, quod à media parte coronæ occipitis incipit, & iuxta dentes extremos emittit duas apophyses pterygoides.

Quod ad figuram ossium cranij spectat, Temporum ossa trilatera sunt.

Bregmatis ossa quadrilatera.

Os occipitis ratione suturæ Lamdoi-

dis triangularis, Trilaterum.

Os frontale est Circulare.

Os sphenoides πολύμορφον.

Substantia ossium cranij diuersa existit.

Bregmatis ossa sunt rarissima & infirmissima.

Occipitis os desissimum & infirmissimum.

Os frontis medium est inter hæc ipsa.

Temporū ossa quia multiformia, partim sunt dura & firma, partim infirma & debilia.

Ossis temporalis tres sunt partes, & quatuor Apophyses, Styloides, Mastoïdes, Zygomatica, & ea quæ meatum auditorium continet.

Zygoma ex duabus portionibus, altera ossis Temporalis, altera ossis maxilla constructum est, ac veluti coniugatum.

Maxilla superioris suturæ siue harmoniæ sunt quatuordecim, sex ex utroque latere, & duæ inconiugatæ.

*Coniugatarum prima est in circuitu ossis minoris canthi: Secunda, tertia & quarta intrà oculum versus maiorem canthum: Quinta à medio superciliorum descendit iuxta nasi ossa. Sexta est in imo palato. Inconiugatarum prima se-
cernit ossa nasi. Altera à nasi columna progrediens palatū æqualiter interfecat.*

Maxillæ ossa sunt Propria, & Communia.

Propria sunt quatuordecim, si sutura superciliorum excurrat vsque ad caninum dentem, alioquē duntaxat erunt duodecim.

Commune unicum est sphænoides. Hic numerus ossium maxillæ nouenario præferendus.

Dentes ossa sui generis sunt 32. interdum 36. ex multitudine molarium, In duos ordines distribuuntur ratione duplicis maxillæ superne & inferne, cui tenaciter & immobiliter impacti

per gomphosim adhærent.

In qualibet dentiũ serie triplex obseruatur discrimen ratione figura & vsus, quatuor enim sũt dẽtes acuti & incisores in media & anteriore parte maxillæ dispositi, quibus adiacet duo Canini, utrinque vnus: his succedunt utrinque quini Molares, qui pluribus radicibus donatur in maxilla superiore, quã in inferiore.

Ex omnibus ossibus soli dentes nervorum mollium sunt participes, ob id soli manifestè sentiunt.

Maxilla inferior duobus ossibus constat, in mento iunctis & unitis.

Caua est atque medullosa, etiamsi careat Epiphysi operculante.

Utrinque in duas Apophyses terminatur Coronam & Cervicem, siue condylosam extremitatem, quæ ad capitis os infra mammillarem processum articulatur.

Rachis tota naturaliter viginti quatuor

vertebris constat, si plures aut pauciores reperiantur, est contra naturam.

In quatuor partes distribuitur *Cervicem*, *Dorsum*, *Lumbos*, & *os Sacrum*, quod omnib⁹ vice fūdamēti subſternitur.

Vertebrae ſeptem tribuūtur *Cerviçi*, duodecim *Dorso*, quinque *Lumbis*.

Cervicis duæ primæ *vertebrae* per *diarthroſin* articulantur; diſſimili ab alijs articulatione, ut eſſent mobiles, inferiores quinque per *ginglymum* articulantur.

Motus autem *Capitis* duplex; *Rectus*, & *Obliquus*, ſuper duabus primis *vertebris* perficitur.

Rectum præſtat & ſuſtinet *dens Pyrenoides* cum prima *vertebra*.

Obliquum efficit primi *ſpondyli* cum *Occipitis coronis diarthroſis*.

Pyrenoides Apophyſis occipiti & primæ *Vertebrae* per duo *ligamenta* adnectitur & affirmatur.

Vertebrarum *cavitates* prout *ſpinalis*

medulla attenuatur, sensim angustiores fiunt.

Vertebrarum Cervicis transversa Apophyses perforatae sunt, septima saepius est imperforata.

Magnitudine sunt inaequales, sexta verò reliquis maior apparet.

Foramen emittendo nervo destinatum ab utraque vertebra conflatur.

Dorsi vertebrae communiter duodecim numerantur, sed abundant rarius quàm deficiunt, ita ut saepius undecim quàm tredecim reperiantur.

Interdum decima vertebra est appeniz, saepius tamen undecima.

Post decimam vertebrae subiectarum vertebrae Apophyses transversae, & spinae superne vergunt atque diriguntur.

Lumbarium quoque vertebrae apophyses tam transversae, quàm spinae superne spectant.

Prater septem Apophyses omnibus ver-

tebris communes, lumborum vertebrae duas habent.

Os sacrum quia spondylis alijs analogum, spinas habet alijs consimiles.

Apophyses etiam habet grandes & amplas.

Atque ex tribus ossibus coagmentatum est.

Quartum ossis sacri ossiculum Coccix appellatur, cui adnexa sunt alia duo ossicula, ita ut ex tribus compactus sit.

Ab illis tres nervorum coniugationes per posteriora prodeunt.

His ossibus est attexta & appensa cartilago, quae vulgo Coccix appellatur, contra veterem doctrinam.

Thoracem efformant Sternum, Costae, & ex Rachi dorsales spondyli.

Sterni ossa sunt septem, quibus totidem costae per diarthrosim obscuram articulantur.

Ipsa verò sterni ossa inter se coniunguntur

guntur per Synarthrosim, eiusque speciem quæ Harmonia dicitur.

Sterni figura gladium siue pugionem æmulatur, unde xyphoides à nonnullis sternum dictum fuit. Illius tamen extremitas inferior acuminata, ab alijs xyphoides appellatur, quod nomen hodie huic parti adscribitur.

Costæ ab utroque latere sunt duodecim, quot spondyli dorsi.

Diuiduntur in Veras & Spurias.

Verae sunt 7. quæ ad inferiora obliquata paulatim ad sternum remeant.

Reliquæ Nothæ appellantur in exquisitam cartilaginem terminatae, atque sibi inuicem & cum diaphragmate unitæ.

Postrema ab alijs in fine ipsarum sola secernitur, nec alijs coniuncta est.

Omnes autem costæ longitudine sunt inæquales, & quælibet duplici constat substantia ossea & cartilaginosa, quæ postrema ferme minimi digiti longitudi-

nē æquat, ad sternum vsque exporrecta.

Item omnes costæ per duplicem diarthrosim vertebris dorsi articulantur, excepta duodecima, quæ reuera notba est.

Omoplata, os est ab ipso thorace secretum, quod à nullo osse dependet, id est, per articulationem iunctum non est, sed per symphysim suspensum & adstrictum tenetur.

Pars huius ossis protuberans & exserta spina dicitur, cuius extremitas Acromion appellatur, os est distinctum, in pueris cartilaginosum, in adultis vsque ad vigesimum annum interdum separatum reperitur, potestque luxari.

Cum igitur Acromion solis hominibus concessum fuerit, ob id claues obtinuit, de quibus post Omoplatam agendum.

Non pertinent ad Thoracem, nec ad illius perfectionem conferunt.

Brachium os est unicum, & maximum, vel prædictorum ossium, vel a-

liorum excepto femore.

Parte inferiore desinit in duos Condyllos inaequales, quorum internus maior est externo.

Figura brachij foris leuiter gibba, intus paulum inflexa & incuruata est.

Cubitus duobus constat ossibus, Radio, & Cubito.

Cubitus parte superiore desinit in duas Apophyses acuminatas, quæ rectè & appositè dicuntur Coronæ.

Parte inferiore Styloidem Apophysin emittit, quæ motibus obliquis inservire potest.

Carpus octo conflatur ossibus, in duos ordines digestis; ineptiunt qui nonum addi putant à Galeno.

Primus ordo tria continet seriatim disposita, unum est extra seriem velut superadditum, quod est quartum, & ad hunc ordinem pertinet.

Cuncta Carpi ossa inter se per Synar-

throsim iuncta sunt, non per Symphysim connata.

Sunt autem omnia solida & medullę expertia.

Parum refert unde numerare incipias, siue à pollice, vel à minimo digito.

Os illud quod subiectum est minimo digito, leuiter excauatum est, ut Styloidem Apophysim excipiat.

Carpus à Cubito & Radio excipitur, atque secundum siue medium os primi ordinis Radio & Cubito interiectū est.

Metacarpium ex quatuor ossibus constructum est, nam ab eo seiungi debet os primum pollicis.

Prima phalanx semper in cauitatem subsequēntis inseritur.

Digitorum ossa quindecim erunt.

Magnum os innominatum tribus partibus constat osse ilium, osse pubis, & osse Ischij.

Ossa pubis inter se coniunguntur per

Symphysim, quæ laxatur in partu.

Femoris caput est Epiphysis, ut etiam Trochanteres duo.

Femoris figura antè & externè gibba est, retrò & internè sima.

Tibia duobus ossibus exstructa est, quorum grandius & internè locatum Tibia dicitur, os gracilius & externè situm Perone nominatur.

Tibiæ superna pars Epiphysis est, geminis cavitatibus sinuata, quæ Condylus femoris excipiunt.

Perone parte superiore non attingit femur, sed tibiæ per Synarthrosim adnectitur.

Extremitates infernæ tibiæ & Perones Malleoli dicuntur.

Mola est os rotundum, extrinsecus cartilaginosum, genu, id est, femoris & tibiæ commissuræ anteriori superiectum, nullis retinaculis firmatum, in quibusdā naturaliter fluitans, summè tamen

ad ambulationis firmitatem & securitatem necessarium.

Pedis ossa in tres classes dirimuntur, Tarsum, Metatarsum, & digitos.

Tarsi septem sunt ossa. Primum os est Astragalus supernè τετραῖπος, internè levis & cartilagine incrustatus, rotundo capite cum ceruice Scaphoidi articulatur, ad motum lateralem pedis edendum. Secundum os pedis, idque maximum Calx vocatur, superstanti astragalo subiectū, per suam Apophysin anticam cyboides os excipit. Reliqua tria ossa innominata Scaphoidis gibbæ parti seu dorso seriatim disposita coherent.

Omnia autem Tarsi ossa comparatione facta cum alijs maioribus ossibus artuum dura & solida dici possunt, quamuis pumicosa, quia non sunt medullosa.

Pedium ex quinque ossibus conflatum est.

Huic succedunt digiti omnes, tribus

phalangibus constituti, excepto magno digito, qui duobus duntaxat ossibus constat.

Ex omnibus iam expositis & enumeratis ossibus exstruitur & conflatur sceletos. Reliqua ossicula quæ in certis partibus reperiuntur putà in corde, naso, larynge, auribus, & in medijs articulationis digitorum intervallis, non est necessum adiungere, quoniam in fabricando sceleto alijs commodè aptari nequeunt, & rarò in cadaueribus aridis reperiuntur.

Itaque ad sceletum parandum requiruntur 230. ossa à Galeno hoc libro exposita, & sigillatim enumerata, quibus si addideris 32. dentes, erunt totius corporis 262. ossa.






SIMIÆ

OSTEOLOGIA

SIVE OSSIVM SIMIÆ,

& Hominis Comparatio.

CAPVT I.

 Væcumque de ossibus à
 Q Galeno prodita sunt, ex si-
 miarũ inspectione deprõ-
 pta fuisse plærique censent, ideoque
 librum quem enarrauimus, non de
 ossibus hominis, sed potius simiæ in-
 scribi debere. Sed quàm iniqui sunt
 rerum censes, vel potius calum-
 niatores, & quàm imperitè de rebus
 Anatomicis iudicent, cupio ab om-
 nibus resciri, & in acta referri; vt
 in hac ossium simiæ descriptione,

quã ex Galeno, Eustachio, Fallopio, & Volchero Coiter, meisque observationibus collegi, manifestè demonstrobo. Simiarum autem cum sint variæ species, eas eligere oportet quæ ad hominis figuram quàm proximè accedunt: Sunt enim quædam non caudatæ, quæ absolutè Simiæ dicuntur. Aliæ caudatæ Cercopitheci, aliæ canino capite Cynocephali, aliæ sunt Cepi, Aliæ Callytriches, aliæ Satyri, aliæ Lynces, quas omnes species describit & depingit Gesnerus in historia quadrupedum. Clusius in exoticis tres alias species picturâ differentes proponit, ex illis omnibus simias non caudatas ad vsum Anatomicum alijs præferes, quarum maxillæ nec oblongæ, nec dentes canini exerti, & quæ duobus cruribus incedere & currere possunt. Quæ verò Cynoce-

phalos imitantur, rostro longiore sunt, & dentes caninos prominentes habent, nec binis canibus insistant erectæ, tantum abest ut ambulare aut currere possint. Ceterum in simijs veteres Anatomen celebrasse certum est, ne diffitetur ipse Galenus libro de dissectione vuluæ, dum commendat Herophili sedulitatem & peritiam Anatomicam, qui non in brutis, ut pleriquæ solebant: sed in hominibus Anatomen exercebat. Et lib. 15. de usu partium fatetur plures Anatomicos simias sibi proposuisse, cum agerent de musculis femoris. Sed non inde sequitur Galenum simias tantum dissecuisse, earumque ossa descripsisse. Cum enim raro essent hominum sceleta, tyronibus consulit ossium figuras primùm in simijs inspicere, quò rudem Osteologiæ notitiam

sibi comparent, vt si quandò in humanum ſceletum inciderint, oſſium differentias conſeſtim agnoſcant. Porro cùm Galenus oſſa ſimix & hominis ſimilia dixit, non ſic intelligendum, vt nihil inter ſe diſcrepēt. Nam ipſe varijs in locis quid ſimile & diſſimile haberent oſſa ſimix & hominis diligenter expoſuit. Natura, inquit, cuiuſque animalis corpus pro ratione formæ varium condidit, propterea ſimia vt ridiculam animam habet, ſic ridiculū corpus obtinuit ab humano diuerſum, ac proinde oſſa corporis fundamenta quæ formam & figuram præbent, diſſimilia exiſtunt. Similcautem duobus modis dicitur apud Galenum. commentario ad part. 4. *officina*, primo quando vnum ab altero nulla conditione differt, vt Caſtor & Pollux : altero quando

maius & minus adest & obseruatur, id est, cùm quid magis aut minus ad aliud accedit, vt interpretatur comment. ad part. 8. lib. 2. de hum. Quare cùm ossa simiæ & hominis similia Galenus pronuntiauit, discrimen aliquod intercedere, haud dubiè intellexit, quo sensu ait Hippocrates libro de nat. hominis. Hæc inter se similia sunt, quorum neque colores similes videntibus apparent, neque ad manus tantum similitudo aliqua esse deprehenditur. Verè igitur scripsit Hippocrates libro 6. Epid. sect. 8. part. 35. similitudines præstantibus, etiam Medicis, errores & dubitationes parere, quas discernere prudentis & periti artificis est.

De Capitis ossibus & Sutura.

CAPVT II.

Simia caput rotundum est humano simile, Cynocephali verò caput oblongius. Vtriusque Sutura adeo sunt obscuræ, vt earum nullum appareat vestigium. Propterea potius harmoniæ dici merentur, quam Suturae, quia rerum confutarum figuram non æmulantur. Attamen Volcherus Coiter Surturas attribuit simijs, parùm ab humanis discrepantes. In Cercopitheco Squammiformes desiderantur. Frontis os in caluariæ basis sede ad coniunctionem ossis Sphenoidis transuersâ potius lineâ quàm Sutura distinguatur. ampla oblongaque scissura homines diuisum obtinent, in quam aliud os instar cribri per-

foratum conijcitur, arctissiméque constringitur. At simiæ os Frontale ea in parte omnino continuum existit, & qua nâsus principium sumit, non longè ab ea sede quæ frontem constituit, alto & rotundo foramine parumper à lateribus compresso, illo foramine quod neruum visorium emittit nonnihil ampliori, excauatum est. In eius humiliori profundiori que sede, quatuor aut quinque alia foramina recta & lata cernuntur. In simia caudata os ethmoides admodum profundè in nâres descendit, paulò infra eam regionem ex qua nâsus exoritur. Harmoniâ per medium diuiditur, & vtrinque ab osse frontis quod etiam profundè descendit effingi videtur. Superficies Sellæ sphenoidis ad nârium principium in osse frontis non est plana & æqualis vt in homine,

sed est eminentissima. In posteriori Sellæ eminentia glandulam excipiente, reperitur foramen exsculptum. In Sellæ huius substantia nulla latet cavitates ut in homine. Cavitates illæ quæ in apophysibus Pterigoideis exsculptæ sunt, maximæ & profundæ apparent. Ossa Bregmatis & Temporum nec intus nec foris, ullam demonstrant diuisionem, quasi ex vnico continuatōque osse constarent. In osse Temporum apophysis Mastoidis deest, Styloidis exigua est. Cavitates auris videtur vnica, orbiculatim in plures gyros striata, nec tria ossicula malleus incus & Stapes reperiuntur, quibus aliorum animantium aures instructæ sunt, si credimus Casserio; sed ego semper obseruavi.

De Zygomate.

CAPVT III.

OS Zygomata quâ parte ab osse Orbitario procedit crassum & robustum est, atque eius medium linea potius quam sutura distinguitur. In homine verò tenue existit & futurâ dirimitur.

De Maxilla superiore.

CAPVT IIII.

Simiæ facies rotunda est, Cynocephali oblonga & antrorsum protuberans. Ossa verò huius maxillæ respondent humanis. Suturae sunt harmonijs siue rimis similes. potissimum ea quæ medium palatum interfecat. Sed peculiaris sutura notatur, ab inferiore orbita incipiens,

piens, secundum longitudinem maxillæ ad caninum dentem cuiusque lateris prorepat, ipsumque palatum dirimit.

De Maxilla inferiore.

CAPVT V.

Maxilla inferior integra est, nullâ lineâ in mento dissecta, breuissima est corporis proportionem, ita ut ex omni animantium genere nullum breuiorem habeat, excepto homine. Extremitas quæ cavitati temporum articuletur est condylodis, ut in homine. Quare non est gynglimoideis hæc articulatio, ut scripsit Volcherus Coiter.

De Dentibus.

CAPVT VI.

Simia in Dentibus caninis & molaribus differt ab homine. Caninos quidem habet dentes humanis similes, in vnaquaque maxilla binos, qui vtrimque assident & accumbunt incisioribus. Singulas radices vt incisores habent, sed altius infixas robustioresque, minus etiam ex anteriore parte quam posteriore pressas & angustas. At Simia Cynocephalos dentes caninos longiores, prominentioresque quam vera simia obtinet. Molarium dentium numerus in homine incertus est, authore Galeno: sæpius enim in vtraque maxilla sunt sexdecim, interdum viginti, nonnumquam viginti quatuor. At simiæ semper cer-

tus ac definitus molarium numerus. Differunt quoque maxillares simiæ ab humanis, in figura externa, & radicum numero, quamvis enim priores duo molares simiæ ab humanis, aut nihil, aut certè parum discrepent, quia in simia primus inferior vnum tantum apicem obtinet, tamen in posteriorum dentium mensis, secundum longitudinem maxillarium profunda admodum linea exculpta est. Quam lineam altera etiam trāsuerſa quæ in quinto dente simiæ non caudatæ gemina est, intrinsecus & extrinsecus ad gingiuam vsque protractata intersectat. Quò fit vt singuli eiusmodi dentes eminentias vt plurimum quatuor in angulis, (nam quinto sex sunt) tres vero foueas in medio habentes, duarum ferrarum mutuo sibi occurrentium modo commit-

tantur: quod profecto accuratissimus author Galenus explicare minime prætermisisset, si molares simiarum descripsisset. Scire oportet maxillarium radices in homine non eadem perpetua forma fingi & distribui sicut in simia; in qua semper hoc modo se habent: quippe singuli molares maxillæ superioris tres radices emittunt, inferioris maxillæ molares duas, quinto excepto qui geminus est. In altera simia tribus etiam radiculis firmatus est, maximas omnium quartus obtinet, sicut etiam maximus ipse est, radices magisteretes & tenues, atque etiam acutiores in duobus sunt, qui post caninum statim collocantur. Omnes præterea magno intervallo disiunguntur, non quidem æquabili, sed quemadmodum in triangulo longiore in fine, quam in principio.

Adhærent autem in maxilla inferiore proprijs alveolis affixæ, secundum ipsius longitudinem. In superiore verò duæ ex ipsis ad partem exteriorem vergunt, una ad interiorem, è regione spatij quod medium est inter duas priores. In homine longe secus se res habet, ut fusè latèque explicat Eustachius libello de dentibus.

De Osse Hyoide.



CAPVT VII.

OS Hyoides humano fermè simillimū existit, præterquam quod medium ipsius ossiculum amplius est, quam in homine, & posteriore sede insigniorem ostendit cavitatem, gibbis ipsius laryngis partibus inuehitur, fitque propugnaculum cartilaginis Scutiformis. In

illa enim lata oblongaque apophysis, interiores partes ossis Hyoidis efformat, quæ deorsum adeo producit, ut instar clypei cartilagini xyphoidi obtendatur.

*De Vertebriſ Spinae, ac primum
de Cervice.*

CAPVT VIII.

Simiæ ceruix brevis est, ſeptem vertebriſ exſtructa, corpora vertebriſ anteriori parte non ſunt rotunda ut homini, ſed plana. Poſticæ apophyſes ſpinoſæ non ſunt longæ & biſidæ, ſed breues, ſimplices & acutæ. In prima vertebra, nullum ſpinæ veſtigium apparet, imo nulla ſentitur aſperitas; in anteriore parte corporis primæ vertebrae humanæ obtuſa quædam eminentia apparet, quæ in ſimia ma-

gis extuberat, & in mucronē produ-
citur. Quod si vertebrae & spinas bre-
ues habet simia, apophyse transversas
obtinuit longiores, atque ad ante-
riora magis quàm in homine. refle-
xas. Imprimis vero sexta colli verte-
bra, quæ hunc processum præ cæte-
ris insignem adepta est, eumque bi-
fidum, magisque recurvum & adun-
cum, quàm in alijs vertebrais. Hic au-
tem spondylus sextus maximus est,
propter illas transversas apophyses
grandiores, in simia caudata minor
est. Septimi spondyli transversæ a-
pophyses simplices & tenues, in cau-
data simia bifidæ & satis longæ exi-
stunt, quæ licet in homine simpli-
ces appareant, sexto tamen crassitie
non cedunt. Prima simiæ vertebra
ad finem processus transversus ascen-
dentis utrumque foramen habet,
ad nervum transmittendum, quo

humana caret vertebra. Septima colli vertebra in homine sæpius est perforata. Vnde euenit quod transuersi processus huius vertebræ non sunt similes apophysibus transuersis colli, sed potius thoracis apophysibus transuersis assimilantur.

De Vertebriis Dorsi.

CAPVT IX.

Vertebrarum dorsi corpora parum ab humanis differunt, neque apophyses multum dissimiles sunt, exceptis rectis, vltimarum duarum vertebrarum, quæ rectiores sunt in simijs, paulùm deorsum inclinant in hominibus. In postremis vertebriis dorsi reperiuntur quatuor infernæ apophyses articuli gratia constructæ. In humanis vertebriis duæ tantum notantur, quas

etiam in lumborum vertebris ob-
seruabis. In simia decima Dorſi ver-
tebra, infrà ſupràue ſuſcipitur, at in
homine eſt duodecimà.

De Lumborum Vertebris.

CAPVT X.

L Vmbi, inquit, Galenus, in ſi-
mijs ſunt longiores quam in
hominibus, ſi pro ratione reliqua-
rum partium hoc æſtimare velis,
nam in homine quinque vertebræ
lumbos efformant, in ſimijs non ſe-
cus quam in alijs quadrupedibus
ſex adſunt. Harum vertebrarum
proceſſus, ab humanis differunt. Si-
quidem tranſuerſi in homine tere-
tes ſunt & oblongi, nonnihil in ex-
teriora conuerſi, coſtularum vicem
gerentes. In ſimia ſunt ampli, intrò
ſpectantes, & inſtar ſquammæ re-

nues: figurâ caudam hirundinis referunt, aut cornu retortum, quod oblongo acutóque mucrone erigitur, ac sursum vergit. At tertia lumbi vertebra primò incipit transuersum consequi processum, qui brevis est. Reliqui subsequentes longiores existunt. Posteriores processus spinosi non sunt recti, sed supernè spectant, atque excipiuntur à supernis incumbentibus vertebriis, quæ hiatu siue scissurâ triangulari inter duos transuersales processus existente, dum in posteriora Simia spinam inflectit, eisdem transuersales excipiunt. Obseruandum venit in homine circa radices infernas transuersarum apophyseon lumbarium, atque etiam duarum infimarum thoracis, quædam tubercula, magnitudine figurâque mespilorum nucleos referencia sæpius repe-

riri, quæ cum in canibus & simijs non habeantur, suspicari posset aliquis vicem illarum quas paulò antè descripsi proceritatum in homine tenere.

De Osse Sacro.

CAPVT XI.

OS Sacrum spinæ fundamentum in homine, ex tribus vertebris conflatur: In simijs ex duabus tantum componitur, quibus illium ossa copulantur.

De Coccyge.

CAPVT XII.

Simiæ longior est Coccyx quàm homini, pluribus idèò constructus ossibus, quæ iuxta commissuram ossis sacri perforata sunt, me-

dullámque continent, atque nervos antrorsum & retrorsum emittunt, quæ omnia desunt in Coccyge hominis. Cur autem Simia vero Coccyge caruerit, rationem reddit Fallopius in observationibus Anatomicis.

De Costis.

CAPVT XIII.

HOmo, inquit Galenus, ex omnibus animalibus costas curvissimas habet, propterea latissimum pectus obtinuit. Simiæ latius cæteris pectus datum, sed humano angustius. Porrò simia, tam caudata quàm non caudata, costas viginti sex præ se fert; cùm in homine tantum viginti quatuor reperiantur. Harum utrimque sunt octo veræ costæ, in homine septem, quæ per

articulum sterno committuntur. Quinque vero nothæ costæ non desinunt in perfectam cartilaginem versus sternum inuicem constrictæ, vt in homine; sed ossæ magis quàm cartilaginossæ à se mutuo disiunguntur. Costæ in simia, tam caudata quam non caudata, spatijs vertebrarum intermedijs inseruntur. At in hominibus magis corporibus vertebrarum attexuntur.

De Sterno.

CAPVT XIII.

STernum octo constat ossibus rotundis, quorum primum aliquantisper prominet, supra cartilaginum duarum primarum coniunctionem, quæ duæ cartilagines videntur amplexari superiore parte primum os Sterni. Cartilagines co-

starum commissuris ossium sterni accrescunt, duæ ultimæ concurrunt simul in articulationem ultimi & penultimi ossis sterni. Ultimum os sterni xyphoidem cartilaginem referens, impensè longum est & teres.

De Clavicula.

CAPVT XV.

Simia quoad scapulas & claviculas homini maximè similis est, authore Galeno. Clavicula incipiēs à primo sterni osse ad medium costæ rectà procedit, indè ad acromion vsque multum curuata intumescit, huic articulationi interiectum est ossiculum, quod in homine ad decimum octauum annum & ultra appendix existit : at in simia nec istud ossiculum, nec illius vesti-

gium vllum apparet, imò pars illa robustissima est.

De Omoplate.

CAPVT XVI.

Simiæ & hominis Omoplatæ omnino similes sunt.

De Humero.

CAPVT XVII.

Humerus simi non admodum ab humano differt, in caudata dissimilis est iuxta inferius caput, quod cubito articulatur. Hac enim regione reflectitur ab exteriori parte introrsum, atque in illa flexura canaliculum acquirit ex poposito latere peruium.

De Cubito & Radio.

CAPVT XVIII.

CVbiti ossa duo in ytraque simia humanis respondent.

De Carpo.

CAPVT XIX.

Carpus simiæ non valdè differt ab humano, obtinuit tamen nonum os, de quo sic loquitur Eustachius, hoc ossiculum non in prima brachialis acie est locatum, sed tertio eiusdem aciei ossi incumbit, atque inter ea quæ indicem & medium digitum sustinent seipsum inserit: vocatur à Galeno *ἰνδικέ*; hoc osse videntur carere simiæ caudatæ, sed eius loco adipiscuntur os peculiare, quod carpi ossi cubito substra-

to annectitur, & satis longè protuberat. Deinde instar cornicis versus manus volam incuruatur, atque cum processu ossis Carpi Radio articulati, magnam cavitatem musculorum tendinibus efformat.

De Metacarpio, & Digitis.

CAPVT XX.

Metacarpij digitorumque ossa simiæ tam caudatæ quàm non caudatæ, parum admodum ab humanis ossibus discrepant. Simia quidem magnum manus digitum. Pollicem mutilum obtinet, & curtum & indici propinquum, non oppositum, instar alterius manus, vt in homine; Reliqui digiti multò sunt minores digitis pedum.

De Ossibus Ilium.

CAPVT XXI.

Ossa Ilij in vtraque Simia tam caudata quam non caudata, toto habitu & figura distant ab humanis, dehiscunt enim eo in loco vbi pubis ossa esse debebant, atque omnino priuantur osse pubis. Propterea ad velociter currendum ineptæ sunt. Ischij articulus planè dissimilis est ab illo hominis, vt notauit Galenus.

De Femore.

CAPVT XXII.

EA est femoris structura in simia, vt eam stare rectam non permittat, nec instar hominis corpus suum erigere, aut in-

cedere, ne quidem sedere, quia Femoris caput obliquius in articulo coxæ committitur. In homine Ceruix rotundi capitis Femoris oblonga est, & sensim oblique deorsum ducitur. In simia verò brevis, & propemodum transuersa visitur. Sub Femoris Ceruice apophyses duæ Trochantheres dictæ, in simia, similes sunt humanis; verum in illa, vt in caudata minores.

De Patella.

CAPVT XXIII.

Patella vtriusque simiæ manifestum discrimen ab humana demonstrat: est enim oblonga, non rotunda. Quamuis autem extrinsecus gibba sit, atque intus caua, nihilominus longè aliter se habet quam in homine. Nam secundum ipsius

longitudinem recuruatur excauatúrque, adeò vt nihil propemodum in medio emineat, curuo aduncóque eius sinu nauculam quandam elegantissimè referre videatur. In caudata simia patella videtur ex duobus ossibus sibi mutuo adunatis constructa.

De Tibia.

CAPVT XXIII.

Tibiæ vtrumque os in vtraque simia humanis ossibus simillimum est.

De Pede.

CAPVT XXV.

Simiae Pes ab humano maximè discrepat, est enim oblongus latúsque homini, angustus breuís-

que simiæ, pro ratione corporis. Pedisque digitus longiores sunt, sed Metatarsi ossa breuiora. Calcaneum verò angustius, & anteriori in parte qua cum osse cuboide committitur latius euadens, magisque inibi longum, quam retro, impedit ne simia diu erecta, & stare, & ambulare queat. Astragalus Galeno tenuis non efficitur, sed manens sublimis ossi Scaphoidi coniungitur, quod simiæ repugnat, cui astragalus humilem oblongam atque tenuem ceruicem habet. Planta in simia ex quatuor ossibus componitur. Pollex ex tribus, inquit Eustachius. Quamuis Volcherus in caudata simia nullam obseruarit differentiã, quã discreparent ab homine. Digitorum notissima est discrepantia in homine, vt notauit Galenus; omnes vna serie disponuntur, breuissimò-

que spatio discreti, multo minores sunt, quàm qui in manu habentur. Nam quantò Pes summa manu maior est, tantò illius digiti manus digitis sunt minores. Accedit quod pollex longitudine indici æqualis est, quem dupla crassitudine superat, talisque est quatuor digitorum commensuratio, ut ab indice ad minimum semper deficiat longitudo, & secundæ aciei ossa si indicem exceperis, breuiores sunt ijs quæ in tertia phalange reponuntur. Hæc omnia in utraque simia aliter se habent, omnes enim pedis digiti insigni spatio discreti sunt, multoque longiores quam in manu existunt: Pollex cæteris digitis breuior tenuiorque est, atque diuersam ab alijs positionem sortitur, dehiscit etiam ut pollex in manu valde ab indice. Digiti pedis simiæ, manus hu-

manæ digitorum seriem imitantur, est enim pollex in pede simiæ reliquis digitis breuior, inter alios quatuor digitos vt in manu, medius omnium longissimus.

De Sesamoideis.

CAPVT XXVI.

IN homine ossa Sesamoidea pauca sunt, magnáque ex parte cartilaginosa, & si ea quæ pollicis applicantur exceperis inconstanti sede firmata. In simia verò multa, atque magna occurrunt, & ossea perpetuò sunt. Cuique primo quatuor digitorum internodio, & secundo pollicis gemina ferè semper adnectuntur. Duo ossicula magnitudine ciceris, suprà vtrumque tuberculum femoris in origine gemellorum reperiuntur.

1870
The first of the year
has been a very dry one
and the crops are
much smaller than
usual.

7
The weather has been
very warm and the
crops are growing
very fast. The
wheat is now
ready for the
harvest. The
corn is also
growing well.
The cotton is
also doing
very well. The
sugar cane is
also growing
well. The
rice is also
growing well.
The
other crops
are also
growing well.
The
weather is
very warm
and the
crops are
growing
very fast.
The
wheat is
now
ready
for the
harvest.
The
corn is
also
growing
well.
The
cotton is
also
doing
very
well.
The
sugar
cane is
also
growing
well.
The
rice is
also
growing
well.
The
other
crops
are
also
growing
well.

The
weather is
very warm
and the
crops are
growing
very fast.
The
wheat is
now
ready
for the
harvest.
The
corn is
also
growing
well.
The
cotton is
also
doing
very
well.
The
sugar
cane is
also
growing
well.
The
rice is
also
growing
well.
The
other
crops
are
also
growing
well.

OSTEOLOGIA

CORPORIS HUMANI,
EX HIPPOCRATE EVTA,
collecta, & in ordinem digesta.

Per IOANNEM RIOLANVM
*Professorem Regium ,
Anatomicum.*



11-2-1825
The first of the
year 1825
The first of the
year 1825
The first of the
year 1825
The first of the
year 1825





P R Æ F A T I O

QVA DOCETVR HIPPOCRATEM peritum fuisse Anatomicum, & ab eo vniuersam Anatomem descriptam.

Citum est illud à Galeno sapientius inculcatum, Hippocratem omnium bonorum auctorem esse. Primus enim rudem & inculatam Medicinam certis præceptis instruxit, & in suas partes distinxit. Non erat ante illum cognita & explicata corporis humani structura. Neque de hac parte Medicinæ vlla veterum exstabant monumenta: ille diuino suo fretus ingenio, & sagaci diligentia, quæ ad Anatomicam artem spectabant perscrutatus est, inuenta litteris consignauit. Ga-

lenus testatur Hippocratem rudem illam
priscorū Anatomem tum obscuratam,
& in tenebris iacentem erexisse, instau-
rasse, & cū esset huic arti summè dedi-
tus, eandem plurimis inuentis auxisse &
locupletasse. Præterea quantum fuerit
Hippocratis studium accuratum, in hac
Medicinæ parte Galenus apertè docet,
libello quod optimus Medicus sit, Phi-
losophus, ubi non aliam pereuntis Me-
dicinæ causam adducit, quàm contem-
ptum & supinam inscitiam Anatomica
doctrinæ, quam Hippocrates Medicinæ
principium & fundamentum esse vo-
luit. Sed ut exstaret aliquod monumen-
tum suæ diligentiae, laborisque in hoc stu-
dio exantlati, res Anatomicas in folijs
descripsit, quæ manent immota locis, nec
turbata volant rapidis ludibria ventis,
ut carmina Cumanæ Sybillæ, sed à
viris doctis religiosè leguntur & obser-
uantur, librum de corporum resectione

condidit, quem iniuria temporis imperfectum habemus. Attamen varijs in libris omnes corporis partes, etiam usque ad minutissimas persequutus est, quæ huius libri iacturam quodamtenus sarcire possunt, commentarios de venis & arterijs publicavit, quos Galenus videre non potuit. Verum hoc aperte declarat Hippocrates industriam in arte Anatomica, quod Galenus de Anatomia secundum Hippocratis doctrinam quatuor libros composuerat, quorum deploramus iacturam. Porro in ossibus explicandis & cognoscendis Hippocratem plurimum insudasse & excelluisse, manifestè probant libri de fracturis & luxationibus ossium, arte mirabili elaborati, quos numquam edere, ne quidem imaginari potuisset, sine perfecta ossium cognitione. Adde sceletum æneum Apollini Delphico, ab ipso Hippocrate consecratum, in memoriam Osteologiæ à

se restituta; ille idē candidè profitetur se quacūque de ossibus exarauit, ex hominis ossium inspectione didicisse: Quamuis autē liber Hippocratis de ossium natura sit imperfectus, omnia confusè & sine ordine proponat: tamen ex illius libris integra, & omnibus numeris absoluta Osteologia erui & colligi potest, quod praesenti opere efficere tentavi. Varijs enim in locis dispersa de ossibus emblemata compēgi, & in hunc ordinem digessi. Itaque quod de methodo medendi, quæ apud Hippocratem confusè & inordinatè describitur, Galenus pronuntiauit, idem de Anatomia Hippocratis affirmare possum. Fieri nequit, vt libro vno benè omnia scribat Hippocrates, atque ordine doceat. Præcipuè cum ipse primus horum inuentionem sit molitus, qui tamen hæc ab Hippocrate, tū transuersè, tum inordinatè scripta didicerit, totāque suam

Vitam in eam quæ ex operibus docetur meditationem exercitationemque deuouerit, is lucem & ordinem doctrinæ adijcere poterit. *Vniuersæ Anatomies semina hinc & illinc sparsa apud Hippocratem reperiuntur, ex quibus simul collectis integrum Anatomiae corpus condere, & erigere licebit. Cum autem Anatomia sit duplex, authore Galeno, libro 2. administrat. Anatomic. cap. 2. Altera utilis, quæ ad usum Medicum est necessaria. Altera supra usum artis, quæ ornamenti & voluptatis plus adfert, quam utilitatis, superabundantem vocat Galenus, illam acuratè & eleganter Hippocrates descripsit. Quantum verò fuerit ille in scribendo religiosus & accuratus ex lib. 1. de articulis intelligitur, in quo nihil nisi quod obseruauerit se referre velle scribit: & ipse Galenus confirmat, commentario ad part. 3. lib. 1. de articulis.*

Quamobrem quo carmine suum praeceptorem Lucretius affatur, par est ab omnibus Hippocrates decantetur.

Tu pater es rerum inuentor, tu patria nobis


Suppeditas praecepta, tuis ex inclyte chartis,

Floriferis ut apes in saltibus omnia libant,

Omnia nos itidem depascimur aurea dicta;

Aurea perpetuâ semper dignissima vitâ.

OSTEOLOGIA



OSTEOLOGIA

CORPORIS HVMANI

EX HIPPOCRATE COLLECTA,

& in ordinem digesta.

¶ AD multiplicem ossium af-
 fectiōem, & articulorum
 luxationem, repositionem,
 & ossium cōtritorum resectionem,
 & perforationem, & compositionē,
 & detractionem, ac reliquam cura-
 tionem, maiore industria vtetur
 qui nouerit qualis est locus, & qua-
 le os quod luxatum est: epistola ad
 Thessalium filium.

Vbi non inerat glutinosi, verū pin-
 guis & frigidi, citius exusta sunt pro-
 pter pinguetudinē, atque hæc ossa
 durissima & rigidissima existūt. Vbi

verò pingue & glutinosum similia sunt, ossa fiunt antrofa: lib. de principijs.

Turbatis & confusis elementis, quidquid fuit ex terræ pinguedine & pingue, & paucissimum humidi habens, celerrimè exustum est, & facta sunt ossa. ibidem.

Quæ solida sunt natura in compactione ac sicco, & non consumuntur ab igne in alimentum, sed valida ac robusta fiunt & consistunt humore deficiente, hæc, Ossa, & Nerui nominantur. lib. 1. de diætâ.

Ossa indurantur à calore conglutinata. libro de natura pueri.

Postquam articulatus fuerit puer, speciebus membrorum ipsius augescentibus, tunc & ossa duriora fiunt, & cauantur; atque hæc à spiritu fiunt. Caua autem existentia trahunt ad se se à carnibus quod in

sanguine est pinguiſſimum, & progreſſu temporis ramificantur verſus extremitates oſſium. lib. de natura pueri.

Medulla alimentum oſſis, propterea callo glutinantur. ibidem.

Sola ſpinalis medulla membranas habet, quas alia medulla non habet. libro de principijs.

Oſſium alimentum eſt naturâ naſo bis quinque, maxillæ & clauiculæ & coſtis duplicia, cubito triplicia, tibiæ & brachio quadruplicia, femori quintuplicia, & ſi quod in his plus aut minus poteſt. lib. de alimento.

Oſſa ſtabilimen, formam & rectitudinem corpori exhibent. libr. de oſſium natur.

Apophyſis eſt totius oſſis pars productior. lib. de articulis.

Apophyſeos ſæpius mentionem facit hippocrates.

Sceleti sex sunt partes, Caput, Colum; Spina, (quæ thoracem comprehendit) Lumbi, Manus, & Pedes. lib. de ossium natura.

Imprimis nosse conuenit ossium commissuras, vt plurimum ex capite & acetabulo constare. At in quibusdam cauum acetabuli formam referre, & oblongum esse. In nonnullis verò sinus leuiter esse deprefos. lib. 4. de articulis.

Quæcumque ossa inter se committuntur articulos faciunt. lib. de locis in homine.

Totum id appellatur diarthrosis, vbi committuntur extrema ossium quæ in flexu & porrectione mouentur. lib. de articulis.

Differentiæ duæ sunt, Enarthrosis, & Gynglimos, qui duplex est ratione structuræ, in cubito, & vertebris. lib. de articulis.

Synarthrosis quæ non differt à Symphyfi, duas sub fe comprehendit differentias, Suturam siue Harmoniam, & Gomphosim.

Carnes corpori colligationem præbent.

Mucus omnibus ossibus à natura inest, & cum hic purus fuerit articuli sani sunt, & benè moueri possunt, vtpote lubrici. lib. de locis in homine.

Plurimum differt neruorum ligamentum, cùm in quibusdam remissum sit, in quibusdam intentum, nam humiditas hominibus fit ex articulis propter neruorum connexionem, si laxa fuerit, & intentiones faciliè ferat, multos enim videas qui adeo humidi sunt, vt quando velint, articuli ipsis citra dolorem excidant, & absque dolore restituantur. lib. i. de articulis.

Donec ossa fuerint solida facta, menstruarum purgationum circuitus est. lib. 6. epidem.

Acutum habentes caput, siquidem valida ceruice sunt, & alijs robusti sunt, & ossibus. lib. 6. epid.

Humana capita nulla inter se similia sunt, neque etiam certus futurarum numerus, sicut ne locus quidem; sed quicumque in fronte proiecituram habet. Proiecatura autem est quod rotundum ex caluariæ osse extra solidum eijcitur) ei futurarum facies est, qualis littera T deformari solet. Nam secus proiecituram, lineam, quæ breuior est, transversam habet: longior autem ab eodem vertice, per medium caput, prorsus ad ceruicem usque semper procedit. Contrà cui magis eminet postica capitis pars, ei aliter atque illi futuræ ha-

bent. Etenim breuior linea secus proiecituram transuersam sita est: longior vero, secundum capitis longitudinem per illius medium ad frontem omnino pertendit. At cui vtriusque ab antica & postica parte proiecituræ procidunt, huic itidem futuræ ad formam H litteræ procedunt. Cuius quidem litteræ longiores lineæ secus vtramque proiecituram transuersæ pertinent. Tertia autem breuior per caput medium prorsus excurrens sub vtramque longiorem lineam definit. Verum cui neque anterior, neque posterior pars procidit, huic futuræ ad litteram X deformatæ sunt. Sed ita tamen, ut altera transuersim ad duo tempora pertineat: altera vero prorsus per medium caput feratur. libro de vulneribus capitis.

Capita futuras habent, alia tres, a-

M m iiij

lia quatuor: quæ quatuor habent; vtrimque vna est iuxta aures. Tertia ab anteriore, quarta à posteriore capitis parte. At in eo capite quod tres obtinet, nulla futura in posteriore parte reperitur. lib. de ossium natura.

Caput tres suturas habet, inuenitur tamen & solidum absque futuris, & illud quidem humidum lib. de structura hominis.

Quò quis plures suturas habet, eò saniozem vitam. lib. de locis in homine.

Dehiscere quoque possunt suturæ capitis. lib. de officin. Medic.

Caluaria duplex vsque ad verticem à fronte est, eiusque densissimum durissimúmque os supernè est, & infernè iuxta menyngas, atque diploe siue discrimen valde fungosum, ac molle est, pumicis

modo crebriter cauum, estque totum istud caluariæ os, si internam externamque faciem modo excipias spongiosum totum, & inter ea caluariæ ossa venæ tenuiores cauiorésque discurrunt, sanguine plenæ. lib. de vulneribus capitis.

Capitis ossa vnà cum oculorum ossibus sunt octo. lib. de resectione.

Os frontis, ossa sincipitis, ossa temporum, os occipitis. lib. de vulneribus capitis.

Foramina aurium ad os durum & siccum lapidi simile pertingunt, iam verò ad ipsum os, est cavitas antrofa. Strepitus autem ad dura firmantur, os autem cauum resonat per durum. lib. de principijs.

Cerebrum in cavitatem nasi pertingit, atque hac parte non est ante ipsum os aliquod, sed cartilago mollis veluti spongiosa, neque ca-

ro, neque ossiculum. ibidem.

Vniuersi capitis tenuissimum infirmissimúmque os est, quod anteriorem ipsius partem constituit, ex reliquis ossibus id quod sub temporibus conditur infirmissimum est. lib. de vulneribus capitis.

Sed in toto osse capitis, maior in occipite, ac secundum aures duritia. ibidem.

In superiore maxilla plures sunt symphytes. In maxilla inferiore vna est symphysis ad mentum, quæ interdum diuellitur. lib. de articulis.

Maxilla superna quiescit, est enim capiti connexa, & non coarticulata, inferior vero maxilla mouetur coarticulata est, à superna maxilla & à capite. ibidem.

Os quod à superna maxilla prodit, cum eo osse subiugatum est quod sub aure annexum est, quod-

que caput infernæ maxillæ concludit ac dirimit, cum alteri caput inferius alterum sit superius, & extremæ inferioris maxillæ partes ita se habent, vt altera ob longitudinem non facilè accesionem admitat, altera verò ceruix est, & supra iugulum os excedit. lib. 1. de articulis.

Solæ ex ossibus maxillæ in seipsis venas habent, & ob id alimentum amplius in ipsas quam in alia ossa trahitur. lib. de principijs.

Quibus os à palato decidit, ijs medijs nasus subsidet, si verò os vnde dentes enascuntur, extremus nasus concidit. lib. 6. epidem.

Post ossa generantur dentes, ex hac causa ex ossibus capitis ac maxillarum incrementum fit glutinosum, & quod ex pingui inest à calido siccatur exurit, & fiunt dentes reliquis ossibus duriores, quia nihil

frigidi inest; & primi quidem dentes nascuntur à victu in vtero, & postquam natus fuerit puer, lactanti à lacte, vbi verò ij exciderint à cibis & potibus. Excidunt autem vbi ad annos primi alimenti peruenerint, quibusdam etiam prius, si à morboſo alimento nutriti fuerint. Plurimis vero cum septem annos impleuerint: qui vero postea enascuntur simul consenescunt, nisi præ morbo perforentur. Cæterum dentes ob id posterius alijs nascuntur in maxilla, quia venæ sunt, & huic osi soli inter omnia ossa ex inferno ventre alimentum præbent. Ossa vero tale augmentum dant, qualia existunt. In quarto septenario dentes enascuntur plerisque hominibus, duo qui sapientiæ dentes appellantur. lib. de principijs.

Dentes cum maxillaribus duo su-

pra triginta sunt. lib. de structura hominis.

Qui plures dentes habent, longioris sunt vitæ. lib. 6. de epidem.

Rachis est *ῥαχίς* recta & incurva in postetiolem & anteriorem partem inclinans, ab osse sacro usque ad lumbos est *κυφὴ*, inde ad septum transversum *ῥαχίς*, ab ea parte ad magnam vertebra[m] quæ est suprà summam humeri partem est *ῥαχίς*, ipsa cervicis commissura in partem interiorem repanda est, *ῥαχίς*. lib. 3. de articulis, & lib. de ossium natura.

Spina hominis vertebra[s] viginti quatuor habet. lib. de structura hominis.

Vertebra[s] alij plures, alij pauciores habent, qui pauciores habent his duodeviginti sunt, quorum aliæ sursum ad caput, aliæ deorsum ad se-

dem tendunt, lib. de locis in homine.

Vertebræ ab anteriore parte quâ ad ventrem spectant, inter se sunt æquales, alligantur autem inter se mucoso atque nervoso ligamento, quod à cartilagine orsum, vsque ad spinæ medullam progreditur. In posteriore parte vertebræ cardinis modo commissuras habent. Singulæ autem vertebræ, tam maiores quam minores, in exteriorem partem singulos processus exigunt: his vero processibus adiecta est cartilago, atque ab ea oritur germen ligamentorum, quæ nervis exterioribus germana sunt. Qua vero parte costæ non sunt, apophysis exortus obliquus brevis & latus ad singulas vertebrae nervo annexus est. lib. de ossium natura.

Processus secundæ vertebræ cervi;

cis dens appellatur. lib. 2. epidem.

Adiunctæ sunt costæ capitibus in
interiorem parté spectantibus ma-
gis quam in exteriorem, quæ sigil-
latim cum vnaquaque vertebra
committuntur, maximè autem fle-
xæ sunt hominis costæ, & eorum
modo quæ curua sunt. lib. 3. de ar-
ticulis.

Costæ sunt viginti quatuor. lib. de
structura hominis.

Pectus siue sternum cohærens ip-
sum sibi ipsi, discriminationes hæ-
bet obliquas, qua parte costæ an-
nexæ sunt, laxum autem est & carti-
lagineum. lib. de ossium natura.

Claiculæ sunt rotundæ in ante-
riore parte, motus breues habent
ad pectus, ad summum vero hume-
rum frequentiores. lib. de ossium
natura.

Claiculæ articulos habent, alios

in medio pectoris iuxta guttur, atque hîc coarticulatio est, alios vero ad humeros reclinatos ad scapulas. qui humeris semper adhærêt. lib. de locis in homine.

Iuguli exiguus est motus à parte ossis pectoris, ipsum enim os pectoris sibi continuatur & spinæ, sed & iugulum propè humeri articulum supernatat, cogitur autem moveri sæpissimè, eo quod cum summitate lati scapularum ossis iungatur. lib. de articulis.

* Summus humerus ex scapulis nascitur in plerisque dissimiliter. Scapula ad spinam cartilaginea est, reliqua parte laxa, inæqualem partem foras habet, cervicem vero & acetabulum habet cartilagineum, ex quo costæ motum non habent. lib. de ossium natura.

Scapulæ ad membra brachij siue
totius

totius manus coarticulantur, incumbentes in ipsum os quod in membro est, iuxta os appendices duæ prodeunt, altera intrinsecus, altera forinsecus, quæ ad scapulas ossi adnascentes, infra coarticulatæ sunt. libr. de locis in homine.

Quibus lati scapularum ossis summitas deducitur, extare videtur os quod recedit, est autem hæc, ligamentum iuguli cum lato scapularum osse, diuersa autem est hac parte natura hominis à cæteris animalibus. lib. 1. de articulis.

In lateribus scapulas alarum modo prominentes habere, malum. in epidem.

Brachij caput ex nervo & acetabulo dependet, cartilaginis laxæ rotundam appendicem habens, ipsum vero brachium incuruum foras & anteriore parte obliquum, non re-

ctum est ad acetabulum, pars vero ad cubiti gibbum lata & nodosa, & repagulo similis, & solida posteriore parte caua, in qua ceruix inest ex cubito cum manus extenta fuerit. lib. de ossium natura.

Brachium à natura ad externam partem incuruatum est, distorqueri solet si non bene curetur. lib. 2. de fracturis.

Si quis in brachio supernam humeri partem carnibus denudarit, aut qua parte musculus sursum tendit nudarit: item tendinem qui sub alis & iuxta clauiculam ad pectus est apparuerit, utique caput brachij in anteriorem partem vehementer eminet, etiam si non sit delapsum, à natura enim pronum est brachij caput in anteriorem partem, reliquum autem brachij os ad exteriorrem partem incuruum, conuersatur

autem brachium cum scapulæ cauitate obliquum, cum iuxta costas fuerit porrectum, cum vero ad anteriorem partem extensa fuerit tota manus, tunc brachij caput è directo est in scapulæ cauitate, & non amplius in anteriorem partem eminare conspicitur. lib. de articulis.

Brachij articulus & magnus est, & plures sinus habet. lib. 3. de fracturis.

Cardiniformis est brachij pars in cubiti sede, in hac figura innitens ossibus cubiti & brachij rectitudinem facit, veluti totum vnum esset, & refractio articuli facta est in hac figura. lib. 1. de fracturis.

Cubiti ossa inæqualia sunt, & quod breuius est multo crassius est, quod vero tenuius est, multum superat & excedit articulum, dependet tamen & hoc ex nervis iuxta communem ossium connexionem,

horum itaque articulorum & ossium flexuræ cubiti natura huiusmodi est. lib. 3. de fracturis.

Os circa iuncturam manus emicans, iuxta paruum digitum cubiti est, quod vero in flexuris est à quo vlnam homines metiuntur, id brachij caput est, ille vero idem os esse, & hoc illud putabat, itémque multi alij, est autem idem cum illo is qui cubiti gibbus vocatur, in quem innitimur. lib. de articulis.

Summa manus ex multis ac parvis ossibus composita, sicuti pes. lib. de fracturis.

Digiti ossa densa, & parua habent. lib. de natura pueri.

Manus articulos multos habent, quęcumque enim ossa inter se committuntur, omnia articulos faciunt, digiti articulos habent multos, vnusquisque tres, vnum ad vnguem,

in medio vnguis & nodosæ prominentiæ. Alterum in ipsa nodosa prominentia, quâ parte etiam digitos conſeclunt, tertium quâ parte digitus à manu exoritur. lib. de locis in homine.

Nomina digitorum Pollex, Index, Medius, Annularis, Auricularis. lib. de ſtructura hominis.

Optima digitorum ſtructura eſt, vt iſſis magnum ſpatium interieclum ſit, & e regione Pollex cum indice concurrat. Morbus quo & læduntur quibus à primo natali die, vel in educatione aſſuevit pollex ſub alijs contineri patet. lib. 1. officinæ Medici.

Coxa magno verticulo quod iuxta os ſacrum eſt, ex ligamento cartilagineo ac neruoſo adhæret. lib. de oſſium natura.

In coxendicibus articuli duo ſunt,

quæ acetabula appellantur, & femora in his inarticulata sunt. lib. de articulis.

Femur gibbosum est magis ad externam partem quam ad internam, & magis ad anteriorem quam posteriorem. lib. 3. de fracturis.

Ipsam femur & foras, & in anteriore parte incurvum est, caput eius appendix est rotunda, ex qua nervus qui in coxæ acetabulo est nascitur, subobliquus etiam hic annexus est, minus vero quam brachium. lib. de ossium natura.

Iuxta femora appendices duæ pro-
tenduntur, altera intus, altera foris,
& in articulum neutra procedit; ne-
que ab altera parte, sed ad os femur
inferuntur: femur itaque ubi super-
nè in acetabulum ingruit bifidum
est: huiuscemodi bicipitate, altera
bicipitatis pars exterior magis foras

prominet, & informis apparet ad nates, & coxendix appellatur. lib. de locis in homine

Femoris articulus pro magnitudine expeditior est quam brachij, & iustam naturam solum habet, eamque rectam. lib. 3. de fracturis.

Femoris & brachij ossa magna sunt, & multum medullæ habent. lib. 3. de fracturis.

Os femoris ad genu taliter biceps est, bicipitio huic os tibia appellata velut in cardine adaptatum est, supra vero adaptata mola incumbit, quæ humiditatem à carne in articulum expassum descendere prohibet: iuxta tibiam appendices duæ prodeunt, quæ infernè ad malleolos pedis finiunt, supernè ad genu, non autem perueniunt ad articulum. Ad pedem vero tibia iuxta malleolos articulum habet, & alium

infra malleolos. lib. de locis in homine.

Tibiæ ossa duo sunt, quæ supernè ac infernè cohærent, iuxta medium vero distant, iuxta paruum digitum paulo tenuius, plurimum autè hac parte distant, & minore momento iuxta genu, & tendo ex ipso enascitur qui circa poplitem foris est. Habent autem infernè communem appêdicem ad quem pes mouetur, aliam verò supernè habent appendicem, in qua femoris articulus mouetur, simpliciter & expeditè, in longitudinem specie nodosa pàtellam habens. lib. de ossium natur.

Tibiæ ossa longitudine inter se similia sunt, & externum os paululū, nec memorabili modo excedit, nullum magnum impedimentum adferēs, à quo externus tendo circa poplitem enascitur. lib. 3. de fract.

Tibiæ

Tibiæ duo ossa sunt quorum alterum altero hac parte multò tenuius est, illa verò parte nò multò tenuius. Cohærent autè inter se iuxta pedem, & appendicem communem habent, verum in rectitudine tibiæ non cohærent: iuxta femur cohærent & appendicem habent; & appèdix discriminationem. Longius verò paulò alterum est os; quod secundũ paruum digitum est; & talis quidem est natura ossium in tibia lib. 2. de fracturis.

Plurimum oneris internũ os tibiæ vehit, nam simul & vnà cum ipso crure & oneris secundũ cruris rectitudinem, maiorem laboris partem internum os sustinet, femoris verò caput supernum corporis partem sustinet. Hoc autem intrà crus est & non extrà, sed secundum tibiæ rectitudinem, & simul reliqua dimi-

dia corporis pars huic rectitudini magis appropinquat, & non externè, & simul est crassiùs internú quàm externum, quemadmodum etiã id quod in cubito est secundum parui digiti rectitudinem tenuiùs est, & longiùs in articulo tamen inferno non similis est ossis longioris constitutio, inæqualiter enim cubiti gibbus siue flexura, & poples flectuntur. lib. 2. de fracturis.

In pedibus articuli multi quemadmodum & in manibus sunt, quot enim ossa tot sunt articuli, & in digitis pedum eodem numero sunt, ac pari modo habent. lib. de locis in homine.

Quæverò cum tibiæ ossibus communionem habent maiora sunt alijs. sect. 2. de fracturis.

Calcaneum os paruum non est, & supereminet quidem sub tibiæ

rectitudine: Communionem verò habet cum venis ac nervis principalibus, tendo posterior huic ossi annectitur. lib. 2. de fracturis.

Ossa manus viginti septem sunt, pedis viginti quatuor, colli vsque ad magnum verticulum septem, lumbi quinque, spinæ viginti, capitis vna cum oculorum ossibus octo, in vniuersum nonaginta vnum, cum vnguibus verò centum ac vndecim. Cæterum vt nos ipsi ex hominis ossibus didiscimus, verticula supra clauiculam vnà cum magno septem sunt, iuxtà costas tot sunt quot costæ, duodecim videlicet, iuxtà laterum mollitudinem forinsecus vbi coxendices in lumbo quinque. lib. de ossium natura.

FINIS.

Ex Maria-
lilib. 1.

*Si quâ videbuntur chartis tibi, Lector, in istis,
Sive obscura nimis, siue latina parum.
Non meus est error, nocuit Librarius illis,
Dum properat libros annumerare tibi:
Quod si non illum sed me peccasse putabis:
Tunc ego te credam, cordis habere nihil,
Hac mala sunt, quæ si manifesta negamus,
Hac mala sunt, sed tu non meliora facis;*

Sic autem errores Typogra-
phicos emendabis.

P *Ex. 12. pr. separatim lege speciatim. p. 13. l. 6. reponere speciatim
p. 18. l. 13. pro leuitas lege launas. p. 10. l. 10. post. si adde ri-
naciter & immobiliter. Vbi cumque scheletum inuenies cum lite-
ra scriptam h, dele h. p. 28. l. 1. pro duplex lege quadruplex. p. 31.
l. 1. lege tres. p. 39. l. 15. pro interna lege inferna. p. 40. l. 8. pro deci-
mo lege undecimo. p. 42. l. ultima dele pro. p. 64. l. ultima pro pue-
ris lege pubis. p. 65. l. 13. lege inferna spina. p. 77. l. 13. pro laxata le-
ge luxata. p. 84. l. 4. lege opposita. l. 12. pro apophysis lege epiphysis
p. 49. l. 17. dele etiam. p. 105. l. 17. pro inter lege intra p. 136. l. 17.
pro fuit lege fuerit. p. 138. l. 21. pro Chirurgica lege Chirurgia. p.
142. l. 6. lege in Timæo. p. 149. l. 5. post materiam dele duas litteras
it. p. 152. l. 10. pro Libimali lege Laurentij. p. 173. l. 5. lege neque
docere. p. 209. l. 14. lege ostis duobus apposita, si simul. p. 233. l. 17.
lege inenarthrosi caninas est profunda, caput oblongum. in arthrodia
cavitas. Etc p. 243. l. 25. lege yluget. p. 273. l. 23. lege tempora-
le os, & squammosam p. 281. l. 6. lege ypaquendi. p. 285. l. 7. pro
fidina lege fodina p. 288. l. 2. pro cum lege cur p. 328. l. 18. lege mo-
lares supernos p. 329. l. 8. dele inferna. p. 360. l. 2. lege inferiorum.
lege pedibus l. 19. proportionem l. 22. lege pugnator. p. 506. l. 3. pro cani-
bus lege pedibus. l. 19. pro rarò lege rara p. 547. lege Thessalum.*